



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



HN 658C S


7
KC 17014 (3)











PUBLI
OVIDII
NASONIS
OPERUM
TOMUS III.

*In quo Faëtorum Lib. VI. Tristium V.
De Ponto IV. Diræ in Ibin, &c.*



AMSTELODAMI,
Typis Danielis Elzevirii,
Sumptibus Societatis.

1 6 6 4.

KC 17016(3)
~~Lo 10.109.5~~

Harvard College

Bowdoin College

Gift of

Mrs. E. D. Brantagee

Nov. 9, 1903

AMICELECTOR.

Kalendarium, quod vides, cum in vetustis membranis reperissem, quamvis mendosum fœdeque depravatum multis partibus, & ab homine hujus argumenti non satis perito confectum; quia tamen Fastis Nasonianis attextitur plerumque in codicibus antiquis, nos quoque illud in editione hac nostra nequaquam duximus omittendum, adornaturi & ipsi aliquando Fastos, qui Nasonianis accuratius respondeant. Vale.

KALENDARIIUM.

JANUARIUS.

A Kal. Januarii. Jani festum, Junonis, Jovis, & Æsculapii.

b iv. No.

c iiii. No. Cancer occidit cosmice.

d ii. No.

e Nonis. Lyra oritur.

f viii. Id.

g vii. Id.

A vi. Id. Festa Jani Agonalia. Delphinus oritur.

b v. Id. Mediætas hyemis.

c iv. Id.

d iii. Id. Festa Carmentis & Juturnæ.

e ii. Id.

f Idibus. Festum Jovis. Redditz sunt provinciæ populo Romano.

g xix. Kal. Febr. Cæsar Augustus vocatur.

A xviii. Kal. Sacrificium Carmentis. Festum.

sum Porrimæ & Postvertæ.

- b** xvii. Kal. Festum Concordiæ.
c xvi. Kal.
d xv. Kal. Sol in aquario.
e xiv. Kal.
f xiii. Kal.
g xii. Kal.
A xi. Kal.
b x. Kal.
c ix. Kal. Lyra occidit.
d viii. Kal. Pectus Leonis occultitur.
e vii.
f vi. Kal. (Festum Castoris & Pollucis.)
g v.
A iv. Kal.
b iii. Kal. Festum Pacis.
c ii. Kal.

F E B R U A R I U S.

- d** Kal. Febr. Templum factum est Carmentis.
 Celebratur Asylum.
e iv. Non. Lyra penitus occidit.
f iii. Non. Occidit Delphin.
g ii. Non.
A Nonis. Augustus dictus est pater patriæ.
 Aquarius vadit ad occasum.
b viii. Id.
c vii. Id. (Primus dies Feralium.)
d vi. Id.
e v. Id. Ver incipit.
f iv. Id. Initium Veris.
g iii. Id. Bootes oritur; & est festum Fauni.

- A** II. Id.
b Idibus. Festum Jovis & Fauni. Nefastus dies Fabiorum.
c XVI. Kal. Martii. Anguis, Corvus, Crater oriuntur.
d XV. Kal. Sol intrat in Pisces. Iterum Fauni.
e XIV. Kal.
f XIII. Kal. Festum Quirini. Festum stultorum & Fornacis.
g XII. Kal. Feralia.
A XI. Kal. Caristia virorum.
b X. Kal. Termini.
c IX. Kal.
d VIII. Kal. Fuga Tarquinii superbi Veris initium.
e VII. Kal.
f VI. Kal.
g V. Kal.
A IV. Kal.
b III. Kal. Equiria in campo Martio.
c II. Kal.

M A R T I U S.

- d** Martii. Festum Martis & Junonis. Ancilia feruntur. non est bonum nubere.
e VI. Non.
f V. Non. Alter piscium conditur. Oritur vindemitor.
g IV. Non. Bootes citius, vindemitor tardius occidunt cosmice.
A III. Non. Festum Vestæ. Cathedra Julii.
b II. Non. Festum Vejovis Pegasus oritur

- e Nonis.
 d viii. Id. Corona Ariadnes oritur.
 e vii. Id.
 f vi. Id.
 g v. Id.
 A iv. Id.
 b iii. Id.
 c ii. Id. Altera Equiria sunt juxta-
 Tyberim.
 d Idibus. Festum Annæ Perennæ. Julius
 Cæsar occisus in Capitolio.
 e xvii. Kal. Aprilis Scorpius oritur.
 f xvi. Kal. Milvius oritur. Festum Bacchi.
 Vilis anicula hederis coro-
 nata vendit populo libatum.
 Melle Libero patri sacrifi-
 camus. Libera toga datur.
 Milvus oritur chronice Fe-
 stum est Ledæorum qui fue-
 runt Argivi, vel Larium.
 g xv. Kal.
 A xiv. Kal. Quinquatria Palladis captæ.
 b xiii. Kal.
 c xii. Kal.
 d xi. Kal. Sol in Arietem.
 e x. Kal. Ultimus dies quinquatrum.
 f ix. Kal.
 g viii. Kal. Æquinoctium vernale.
 A vii. Kal.
 b vi. Kal.
 c v. Kal. Festum Jani, Concordiæ, Pa-
 cis, & Salutis.
 d iv. Kal.
 e iii. Kal.

7

K II. Kal. Festa Lunæ labentis. Templum
in Aventino monte.

A P R I L I S.

g Kal. Aprilis. Festum Veneris & Virilis
Fortunæ. Scorpis occidit.

A IV. No. Pleiades oriuntur.

b III. No. Meretrices lavantur sub myr-
to. Fors Fortuna Virilis
Scorpis occidit cosmice.

a II. No. Hebæ & Matri Deorum. Me-
galenses ludi fiunt.

d Nonis. Festum Publicæ Fortunæ.

e VIII. Id. Orion occidit chronice.

fi VII. Id. Festum Cerealium ludorum
Libra occidit cosmice. Juba
victus est à Jul. Cæsare.

g VI. Id.

A V. Id.

b IV. Id.

c III. Id.

d II. Id.

e Idibus. Festum Jovis victoris. Templum
..... Libertatis.

f XVIII. Kal. Maii. Dies grandinosa. Augu-
stus Cæsar vicit Mntinenses.

g XVII. Kal. Forda litatur Telluri.

A XVI. Kal. Triumphus Augusti. Hyades
occidunt heliace.

b XV. Kal. Sol in Taurum.

c XIV. Kal. Equiria. Combustio vulpium.

d XIII. Kal. Festa Palis. Roma condita.

e XII. Kal.

f XI. Kal. Festa Veneris Vinalia.

- g** x. Kal.
A ix. Kal.
b viii. Kal.
c vii. Kal.
d vi. Kal. Festum Rubiginis. Aries oritur heliace. * Prothius oritur cosmice, occidit heliace. Tempora Veris prima finita sunt.
e v. Kal.
f iv. Kal. Festum Floræ & Vestæ.
g iii. Kal.
A ii. Kal.

M A J U S.

- b** Kal. Maii. Amalthea. capra oritur cosmice. Ara Laribus posita.
c vi. No. Flat ventus Argestes. Hyades oriuntur cosmice. Finis Florarium.
d v. No. Panthera Chironis oritur chronice.
e iv. No.
f iii. No. Stellificatio Lyræ. Sagittarius oritur.
g ii. No. Scorpius apparet in parte media.
A Nonis.
b viii. Id. Lemuria celebrantur non est bonum nubere.
c vii. Id. Orion occidit chronice.
d vi. Id. Festum Martis Bisultoris.
e v. Id.
f iv. Id.

- g III. Id.
- A II. Id. Pleiades oriuntur heliace. æstas incipit.
- b Idibus. Ora Tauri oriuntur heliace. Scirpes simulacra mittuntur in Tiberim. Festum est Mercurii.
- c XVII. Kal. Junii.
- d XVI. Kal. Junii.
- e XV. Kal. Sol it in Geminos. Agonia Junii fiunt.
- f XIV. Kal. Canis Orionis exit.
- g XIII. Kal. Lustra Vulcani fiunt.
- A XII. Kal.
- b XI. Kal.
- c X. Kal. Mos sacrorum pro fuga Tarquinii faciundorum. non modo inest fuga Tarquinii. inest VIII Kal. Mart.
- d IX. Kal. Festum Publicæ Fortunæ.
- e VIII. Kal. Rostra aquilæ oritur chronice.
- f VII. Kal. Bootes occidit heliace.
- g VI. Kal. Hyas occidit heliace, oriens cœsmice.
- A V. Kal.
- b IV. Kal.
- c III. Kal.
- d II. Kal.

J U N I U S.

- e Junii. Festa Carnæ, Junonis Montis, Martis, & Tempestatis. Aquila oritur chronice.
- f IV. No. Hyades oriuntur heliace.

- g III. No. Bellonæ Festum.
- A II. No. Dedicatio templi Herculis.
- b Nonis. Festum Trinomii dei Fidei
Sancti Semipatris. malum
est nubere ante Idus.
- c VII. Idus.
- d VII. Id. Tergum ursæ occidit heliace,
& regis Lycaoni. Lycaonida
fiunt Iudi Tyberis.
- e VI. Id. Datur est templum Menti. Fe-
stum est Vestæ. Asinus co-
zonatur. ara Priapi. Priori
Palladium liberatur ab igni
Gallico. Mors Crassi &
suorum.
- f v. Id. Delphin oritur chronice.
- g IV. Id. Matralia fiunt. Rutilius & Di-
dius occiduntur. Templum
Fortunæ Servius; Concor-
diæ Livia dedicavit.
- A III. Id.
- b II. Id.
- c Idibus. Jovi inuito datum est tem-
plum. Minora quinquatria
Palladis fiunt.
- d XVII. Kal. Julii.
- e XVII. Kal. Dione orta est heliace in fron-
te Tauri.
- f XVI. Kal. Flat Zephyrus prosper navi-
gantibus.
- g xv. Kal. Sol in Cancrum. Pallas colitur
in Aventina arce.
- A XIV. Kal. Secundus ventus. Orion oritur
heliace.
- b XIII. Kal. Delphin oritur chronice. Sol
in.

in Cancrum. Volsci & ^{II}Æ-
qui vincuntur.

c xii. Kal. Templum datum est Sumano
Jovi.

d xi. Kal. Æsculapius, qui & dicitur O-
phiuchus & Serpentarius,
chronice oritur.

e x. Kal.

f ix. Kal. Victus est Flaminius.

g vii. Kal. Syphax vincitur. Hasdrubal oc-
ciditur. Festum Fortis For-
tunæ. Solstitium.

A vii. Kal. Festum Larium & Jovis Stato-
ris.

b vi. Kal. Orion apparet à Zona inferius.
Solstitium.


c v. Kal. Laurum.

d iv. Kal. Templum Quirino factum.

e iii. Kal.

f ii. Kal. Festum Pieridum.

FINIS.



P. OVIDII NASONIS

F A S T O R U M

L I B E R I.

Tempora cum caussis Latium digesta per an-
num,
Lapsaque sub terras, orta que signa, ca-
nam.

Exeipe pacato, Cæsar Germanice, vultu
Hoc opus: & timidæ dirige navis iter.
Officii que levem non averfatus honorem,
En tibi devoto munere, dexter ades.
Sacra recognoscas Annalibus eruta priscis;
Et quo sit merito quæque notata dies.
Invenies illic & festa domestica vobis.

Sæpe tibi Pater est, sæpe legendus Avus.
Quæque ferunt illi pictos signantia Fastos,
Tu quoque cum Druso præmia fratre feres.
Cæsar's arma canant alii: nos Cæsar's aras:
Et quoscunque sacris addidit ille dies.
Annue conanti per laudes ire tuorum:

Deque meo pavidos excute corde metus.
Da mihi te placidum; dederis in carmina vires.
Ingenium vultu statque caditque tuo.
Pagina iudicium docti subitura movetur
Principis, ut Clario missa legenda Deo.
Quæ sit enim culti facundia sensimus oris,
Civica pro trepidis cum tulit arma reis.
Scimus &, ad nostras cum se tulit impetus artes,
Ingenii currant flumina quanta tui.
Si licet, & fas est, vates rege vatis habenas:
Auspice te felix totus ut annus eat.

Tempora digereret cum conditor Urbis, in anno
Constituit menses quinque bis esse suo.
Scilicet arma magis, quam sidera, Romule, noras:
Caraque finitimos vincere major erat.
Est tamen & ratio, Cæsar, quæ moverit illum:
Erroremque suum quo tueatur habet.

A

Quod

Quod satis est, utero matris dum prodeat infans;

Hoc anno statuit temporis esse satis.

Per totidem menses à funere conjugis uxor

Sustinet in vidua tristitia signa domo.

Hoc igitur vidit trabeati cura Quirini,

Cum rudibus populis annua jura daret.

Martis erat primus mensis, Venerisque secundus.

Hæc generis princeps, ipsius ille pater.

Tertius à Senibus, Juvenum de nomine quartus:

Quæ sequitur, numero turba notata fuit.

At Numa nec Janum, nec avitas præterit umbras;

Mensibus antiquis apposuitque duos.

NE tamen ignores variorum jura dierum:

Non habet officii Lucifer omnis idem.

Ille Nefastus erit, per quem tria verba silentur:

Fastus erit, per quem lege licebit agi.

Neu toto perstare die sua jura putaris;

Qui jam Fastus erit, mane Nefastus erat.

Nam simul exta Deo data sunt, licet omnia fari;

Verbaque honoratus libera Prætor habet.

Est quoque, quo populum jus est includere septis:

Est quoque, qui nono semper ab orbe redit.

Vindicat Ausonias Junonis cura Kalendas:

Idibus alba Jovi grandior agna cadit.

Nonarum tutela Deo caret. omnibus istis

(Ne fallare cave) proximus Ater erit.

Omen ab eventu est: illis nam Roma diebus

Damna sub adverso tristitia Marte tulit.

Hæc mihi dicta semel, totis bærentia Fastis,

(Ne seriem rerum scindere cogar) erunt.

ECce tibi faustum, Germanice, nunciat ænium;

Inque meo primus carmine Janus adest.

Jane biceps, anni tacitè labentis origo.

Solus de Superis, qui tua terga vides;

Dexter ades Ducibus, quorum secunda labore

Otia terra ferax, otia pontus agit.

Dexter ades Patribusque tuis, Populoque Quirini:

Et resera nutu candida templa tuæ.

Prospera lux oritur: linguisque animæ favete.

Nunc dicenda bono sunt bona verba, me.

Lite vacent aures; insanaque protinus abint

Jurgia, differ opus, livida lingua, mæm.

Cernis, odoratis ut luceat ignibus æther;

Et

Et sonet accensis spica Ciliffa focis?
 Flamma nitore suo templorum verberat aurum,
 Et tremulum summa spargit in æde jubar.
 Vestibus intactis Tarpeias itur in arces:
 Et populus festo concolor ipse suo est.
 Jamque novi præeunt fasces; nova purpura fulget:
 Et nova conspicuum pondera sentit ebur.
 Colla rudes operum præbent ferienda juvenci,
 Quos aluit campis herba Falisca suis.
 Jupiter, arce sua totum cum spectet in orbem;
 Nil nisi Romanum, quod tueatur, habet.
 Salve, læta dies, meliorque revertere semper,
 A populo rerum digna potente coli.
 Quem tamen esse Deum te dicam, Jane bisformis?
 Nam tibi par nullum Græcia numen habet.
 Ede simul causam, cur de cælestibus unus,
 Sitque quod à tergo, sitque quod ante, vides.
 Hæc ego cum sumtis agitare mentem tabellis;
 Lucidior visa est, quam fuit ante, domus.
 Tum sacer ancipiti mirandus imagine Janus
 Bina repens oculis obtulit ora meis.
 Obstupui; sensique metu riguisse capillos:
 Et gelidum subito frigore pectus erat.
 Ille tenens dextra baculum, clavemque sinistra,
 Edidit hos nobis ore priore sonos:
 Disce metu posito, vates operose dierum,
 Quod petis; & voces percipe mente meas.
 Me Chaos antiqui (nam res sum prisca) vocabant.
 Adspice quam longi temporis acta canam.
 Lucidus hic aer, & quæ tria corpora restant,
 Ignis, aquæ, tellus, unus acervus erant.
 Ut semel hæc rerum secessit lite suarum,
 Inque novas abiit massa soluta domos;
 Flamma petit altum; propior locus æra cepit;
 Sederunt medio terra fretumque solo.
 Tunc ego, qui fueram globus, & sine imagine moles,
 In faciem redii dignaque membra Deo.
 Nunc quoque, confusæ quondam nota parva figuræ,
 Ante quod est in me, postque videtur idem.
 Accipe quæ sit quæ causa sit altera formæ:
 Hanc simul ut noris, officiumque meum.
 Quidquid ubique vides, cælum, mare, nubila, terras;
 Omnia sunt nostra clausa patentque manu.

Me penes est unum vasti custodia mundi:
 Et jus vertendi cardinis omne meum est.
 Cum libuit Pacem placidis emittere testis;
 Libera perpetuas ambulat illa vias.
 Sanguine letifero totus miscebitur orbis,
 Ni teneant rigida condita bella feræ.
 Præsideo foribus cæli cum mitibus Horis:
 It redit officio Jupiter ipse meo.
 Inde vocor Janus, cui cum Cereale sacerdos
 Imponit libum, mixtaque farra sali;
 Nomina ridebis, modo namque Patulcius idem,
 Et modo sacrifico Clusius ore vocor.
 Scilicet æterno voluit rudis illa vetustas
 Nomine diversas significare vias.
 Vis mea narrata est; causam nunc discite figuræ.
 Jam tamen hanc aliqua tu quoque parte vides.
 Omnis habet geminas hinc atque hinc janua frontes:
 E quibus hæc populum spectat; at illa Larem.
 Utque sedens vester primi prope limina testi
 Janitor egressus introitusque videt;
 Sic ego perspicio cælestis janitor aulae
 Eas partes, Hesperiasque simul.
 Ora vides Hecates in tres vergentia partes,
 Servet ut in ternas compita secta vias.
 Et mihi, ne flexu cervicis tempora perdam,
 Cernere non moto corpore bina licet,
 Dixerat: & vultu, si plura requirere vellem,
 Se mihi difficilem non fore, fassus erat.
 Sumi animum, gratesque Deo non territus egis
 Verbaque sum spectans pauca locutus humum.
 Dic, age, frigoribus quare novus incipit annus,
 Qui melius per ver incipiendus erat?
 Omnia tunc florent: tunc est nova temporis ætas;
 Et nova de gravido palmitè gemma tumet.
 Et modo formatis amicitur vitibus arbor;
 Prodit & in summum seminis herba solum.
 Et tepidum volucres concentibus aera mulcent;
 Ludit & in pratis, luxuriatque pecus.
 Tum blandi soles; ignotaque prodiit hirundo;
 Et luteum celsa sub trabe fingit opus.
 Tum patitur cultus ager, & renovatur aratro.
 Hæc anni novitas jure vocanda fuit.
 Quæseram multis; non multis ille moratus,

Contulit in versus sic sua verba duos.
 Bruma novi prima est, veterisq; novissima Solis;
 Principium capiunt Phœbus & annus idem.
 Postea mirabar, cur non sine litibus esset
 Prima dies. Causam percipe, Janus ait.
 Tempora commisi nascentia rebus agendis;
 Totus ab auspicio ne foret annus iners.
 Quisque suas artes ob idem delibat agendo:
 Nec plus quam solitum testificatur opus.
 Mox ego; Cur, quamvis aliorum numina placem,
 Jane, tibi primo thura, merumque fero?
 Ut per me possis aditum, qui limina servo.
 Ad quoscunque velim, prorsus, habere Deos.
 At cur læta tuis dicuntur verba Kalendis;
 Et damus alternas accipimusque preces?
 Tum Deus incumbens baculo, quem dextra gerebat;
 Omnia principiis, inquit, inesse solent.
 Ad primam vocem timidas advertitis aures:
 Et visam primum consalut augur avem.
 Tempora patent auresque Deum: nec lingua caducas
 Concipit ulla preces; dictaque pondus habent.
 Desierat paucis: nec longa silentia feci;
 Sed tetigi verbis ultima verba meis:
 Quid vult palma sibi, rugosaque carica, dixi,
 Et data sub niveo candida mella favo?
 Omen, ait, causa est, ut res sapor ille sequatur;
 Et peragat cœptum dulcis ut annus iter.
 Dulcia cur dentur video: stipis adijce causam,
 Pars mihi de festo ne labet ulla tuo.
 Bisit; &c, O quam te fallunt tua secula, dixit,
 Qui stipe mel sumptus dulcius esse putes!
 Vix ego Saturno quenquam regnante videbam;
 Cujus non animo dulcia lucra forent. [di.
 Tempore crevit amor, qui nunc est summus, habent.
 Vix ultra, quo jam progrediatur, habet.
 Pluris opes nunc sunt, quam prisca temporis annis;
 Dum populus pauper, dum nova Roma fuit:
 Dum casa Martigenam capiebat parva Quirinum,
 Et dabat exiguum fluminis ulva torum.
 Jupiter angusta vix totus stabat in æde;
 Inque Jovis dextra fictile fulmen erat.
 Frondibus ornabant, quæ nunc Capitolia gemmis:
 Pascebat quæ suas ipse Senator oves.

Nec pudor, in stipula placidam cepisse quietem,
 Et fœnum capiti supposuisse, fuit.
 Jura dabat populis posito modo Consul aratro;
 Et levis argenti lamina crimen erat.
 At postquam fortuna loci caput extulit hujus;
 Et tetigit summos vertice Roma Deos;
 Creverunt & opes, & opum furiosa cupido:
 Et, cum possideant plurima, plura volunt.
 Quærere ut absument, absumenta requirere certant;
 Atque ipsæ vitiis sunt alimenta vices.
 Sic, quibus intumuit suffusa venter ab unda,
 Quo plus sunt potæ, plus sitiuntur aquæ.
 In pretio pretium nunc est. dat census honores;
 Census amicitias: pauper ubique jacet.
 Tu tamen auspiciū si sit stipis utile quæris,
 Curque juvent nostras æra vetusta manus.
 Æra dabant olim; melius nunc omen in auro est:
 Victa que concedit prisca moneta novæ. (musæ)
 Nos quoque templa juvant, quamvis antiqua probe-
 Aurea. majestas convenit ista Deo.
 Laudamus veteres, sed nostris utimur annis.
 Mos tamen est æquè dignus uterque coli.
 Finierat monitus. placidis ita rursus, ut ante,
 Clavigerum verbis alloquor ipse Deum:
 Multa quidem didici. sed cur navalis in ære
 Altera signata est, altera forma biceps?
 Noscere me duplici posses in imagine, dixit;
 Ni vetus ipse dies extenuaret opus.
 Causa ratis superest: Thuscum rate venit in amnem
 Ante pererrato falcifer orbe Deus.
 Hac ego Saturnum memini tellure receptum.
 Cælitibus regnis ab Jove pulsus erat.
 Inde diu genti mansit Saturnia nomen:
 Dicta quoque est Latium terra, latente Deo.
 At bona posteritas puppim servavit in ære;
 Hospitis adventum testificata Dei.
 Ipse solum colui, cujus placidissima lævum
 Radit arenosi Tibridis unda latus.
 Hic, ubi nunc Roma est, incædua silva virebat,
 Tantaque res, paucis pascua bubus erat.
 Arx mea collis erat, quem cultrix nomine nostro
 Nuncupat hæc ætas, Janiculumque vocat.
 Tunc ego regnabam, patiens cum terra Deorum
 Es.

Effet, & humanis numina mixta locis.
Nondum Justitiam facinus mortale fugarat.
Ultima de superis illa reliquit humum.
Proque metu populum sine vi pudor ipse regebat.
Nullus erat, justis reddere jura, labor:
Nil mihi cum bello: pacem postesque tuebar:
Et clavem ostendens, Hæc, ait, arma gero.
Prefferat ora Deus. tunc sic nostra ora resolvo,
Voce mea voces eliciente Deo.
Cum tot sint Jani; cur stas sacratus in uno,
Hic, ubi juncta foris templa duobus habes?
Ille manu mulcens propexam ad pectora barbam,
Protinus Oebalii rettulit arma Titi.
Utque levis custos armillis capta Sabinis
Ad summæ Tatium duxerit arcis iter.
Inde, velut nunc est, per quem descenditis, inquit,
Arduus in valles & Fora clivus erat.
Et jam contigerat portam: Saturnia cujus
Dempserat appositas insidiosa seras.
Cum tanto veritus committere numine pugnam,
Ipse meæ movi callidus artis opus.
Oraque, qua pollens ope sum, fontana reclusi;
Sumque repentinas ejaculatus aquas.
Ante tamen gelidis subieci sulphura venis;
Clauderet ut Tatio fervidus humor iter.
Cujus ut utilitas pulsus percepta Sabinis;
Quæque fuit, tuto reddita forma loco est,
Ara mihi posita est parvo conjuncta sacello;
Hæc adolet flammis cum strue farra suis.
At cur pace lates, motisque recluderis armis?
Nec mora; quæsi reddita caussa mihi.
Ut populo reditus pateant ad bella profecto,
Tota patet dempta janua nostra sera.
Pace fores obdo: ne qua discedere possit:
Cæsareoque diu nomine clausus ero.
Dixit; &, attollens oculos diversa tuentes,
Adspexit toto quidquid in orbe fuit.
Pax erat; & vestri, Germanice, causa triumphæ
Tradiderat famulas, jam tibi Rhenus aquas.
Jane, face æternos, Pacem, Pacisque ministros:
Neve suum, præsta, deferat auctor opus.
Quod tamen ex ipsis licuit mihi discere Fastis;
Sacravere Patres hac duo templa die.

Accēpit Phœbo Nymphæque Coronide natum

Insula, dividua quam premit amnis aqua.

Jupiter in parte est. cepit locus unus utrumque

Junctæque sunt magna templa nepotis avo.

Quid verat & stellas, ut quæq; oriturq; caditque

Dicere? promissi pars sit & ista mei.

Felices animos, quibus hæc cognoscere primis,

Inque domos superas scandere cura fuit?

Credibile est illos pariter vitiisque locisque

Altius humanis exseruisse caput.

Non Venus, & vinum sublimia pectora fregit;

Officiumve fori, militæve labor.

Nec levis ambitio, perfusæque gloria furo;

Magnarumve fames sollicitavit opum.

Admovere oculis distantia sidera nostris;

Ætheræque ingenio supposuere suo.

Sic petitur cælum: non ut ferat Ossan Olympus;

Summaque Peliacus sidera tangat apex.

Nos quoque sub ducibus cælum metabimur illis

Ponemusque suos ad statâ signa dies.

Ergo ubi nox aderit venturis tertia Nonis.

Sparsæque cælesti rore madebit humus;

Occipedis frustra quærentur brachia Cancri;

Præceps occiduas ille subivit aquas.

Institierint Nonæ: missa tibi nubibus atria

Signa dabunt imbres, exoriente Lyra.

Quattuor adde dies ductis ex ordine Nonis;

Janus Agonali luce piandus erit.

Nominis esse potes succinctus causa minister,

Hostia cælitibus quo feriente cadit.

Qui calido strictos tincturus sanguine cultros,

Semper (Agone? rogas, nec nisi jussus agis,

Pars, quia non veniant pecudes, sed agantur, ab actu

Nomen Agonalem credit habere diem.

Pars putat hoc festum priscis Agnalia dictum;

Una sit ut proprio littera dempta loco.

An, quia prævisos in aqua timet hostia cultros,

A pecoris lux est ista notata metu?

Pars etiam, fieri solitis ætate priorum

Nomina de ludis Graja tulisse diem.

Et pecus antiquus dicebat Agonia sermo:

Veræque judicio est ultima causa meo.

Utque ea nunc certa est; ita Rex placare sacrorum

Nu-

Numina lanigeræ conjuge debet ovls.
Victima, quæ dextra cecidit viſtrice, vocatur.
Hoſtibus amotis hoſtia nomen habet.
Ante, Deos homini quod conciliare valeret,
Far erat, & puri lucida mica ſalis.
Nondum pertulerat lachrymatas cortice myrrhas.
Acta per æquoreas hoſpita navis aquas.
Thura nec Euphrates, nec miſerat India coſtum,
Nec fuerant rubri cognita fila croci.
Ara dabat ſumos herbis contenta Sabinis,
Et non exiguo laurus aduſta ſono.
Si quis erat, ſacris prati de flore coronis,
Qui poſſet violas addere; dives erat.
Hic, qui nunc aperit percuſſi viſcera tauri,
In ſacris nullum culter habebat opus.
Prima Ceres avidæ gaviſa eſt ſanguine porcæ,
Ultra ſuas merita cæde nocentis opes.
Nam ſata vere novo teneris lætentia ſulcis.
Eruta ſetigeræ comperit ore ſuis.
Sus dederat pœnas exemplo territus hujus.
Palmitibus debueras abſtinuiſſe caper,
Quem ſpectans aliquis dentes in vite prementem,
Talia non tacito dicta dolore dedit:
Rode, caper, vitem; tamen huic, cum ſtabis ad aram,
In tua quod ſpargi cornua poſſit, erit.
Verba fides ſequitur: noxæ tibi deditus hoſtis
Spargitur aſuſo cornua, Bacche, mero.
Culpa ſui nocuit: nocuit quoque culpa capellæ.
Quid bos, quid placide commeruiſtis oves?
Flebat Ariſtus, quod apes cum ſtirpe necatas
Viderat inceptos deſtitiuiſſe favos.
Cæcula quem genitrix ægre ſolata dolentem,
Addidit hæc dictis ultima verba ſuis:
Siſte, puer, lacrymas. Proteus tua damna levabit:
Quoque modo repares, quæ periire, dabit.
Decipiat ne te verſis tamen ille figuris:
Impediant geminas vincula firmæ manus.
Pervenit ad vatem juvenis: reſolutaque ſomno
Alligat æquorei brachia capta ſenis.
Ille ſua faciem transformis adulterat arte:
Mox domitus vinclis in ſua membra redit.
Oraque cærulea tollens rorantia barba;
Quæ, dimit, repares arte requiris apes?

Obrue mactati corpus tellure juvenci;
Quod petis à nobis, obrutus ille dabit.
Jussa facit pastor. fervent examina putri
De bove; mille animas una necata dedit.
Poscit ovem fatum. verbenas improba carpsit;
Quas pia Dis ruris ferre solebat anus.
Quid tuti superest; animam cum ponat in aris
Lanigerumque pecus, ruricolæque boves?
Placat equo Persis radiis Hyperionæ cinctum,
Ne detur celeri victima tarda Deo.
Quod semel est triplici pro virgine cæsa Dianæ,
Nunc quoque pro nulla virgine cerva cadit.
Extæ canum vidi Triviæ libare Sappos:
Et quicumque tuas accolitur, Hæme, nives.
Cæditur & rigido custodi ruris asellus.
Causa pudenda quidem est, huic tamen apta Deo.
Festa corymbiferi celebrabas Græcia Bacchi,
Tertia quæ solito tempore bruma refert.
Di quoque cultores gelidi venerunt Lycæi,
Et quicumque jocis non alienus erat:
Panem, & in Venerem Satyrorum prona juvenus;
Quæque colunt amnes, solaque rura Deæ.
Venerat & senior pando Silenus asello,
Quique rubro pavidas inguine terret aves.
Dulcia quid dignum nemus in convivia nacti
Gramine vestitis accubuerunt toris.
Vina dabat Liber: tulerat sibi quisque coronam.
Miscendas parce rivus agebat aquas.
Najades effusis alix sine pectinis usu,
Pars aderant positæ arte manuque comis.
Illa super furas tunicam collecta ministrat:
Altera diffuto pectus aperta sinu.
Exserit hæc humerum: vestem trahit illa per herbas,
Impediunt teneros vincula nulla pedes.
Hinc alix Satyris incendia mitia præbent:
Pars tibi, qui pinu tempora nexa geris.
Te quoque, inextinctæ Silene libidinis urunt,
Nequitia est, quæ te non finit esse senem.
At ruber hortorum decus & tutela Priapus
Omnibus ex illis Lotide captus erat.
Hanc cupit, hanc optat: sola suspirat in illa:
Signaque dat nutu; sollicitatque notis.
Vastus inest pulchris, sequiturque superbia formam.

Irrisum vultu despicit illa suo.
Nox erat : & , vino somnum faciente , jacebant
Corpora diversis victa sopore locis.
Lotis in herbosa sub acernis ultima ramis ,
Sicut erat lusu fessa , quievit humo .
Surgit amans : animamque tenens , vestigia furtim
Suspendo digitis fert taciturna gradu .
Ut tetigit niveæ secreta cubilia Nymphæ ;
Ipsa sui flatus ne sonet aura , cavet .
Et jam finitima corpus librabat in herba :
Illa tamen multi plena soporis erat .
Gaudet : & , à pedibus tracto velamine , vota
Ad sua felici cœperat ire via .
Ecce rudens rauco Sileni vector asellus
Intempestivos edidit ore sonos .
Territa consurgens Nymphæ manibusque Priapum
Rejicit , & fugiens concitat omne nemus .
At Deus , obscœna nimium quoque parte paratus ,
Omnibus ad lunæ Lumina risus erat .
Morte dedit pœnas auctor clamoris : & hinc est
Hellepontiaco victima grata Deo .
Intactæ fueratis aves solatia ruris ;
Assuetum silvis , innocuumque gentis ;
Quæ facitis nidos , quæ plumis ova fovetis ,
Et facili dulces editis ore modos .
Sed nihil ista juvant : quia linguæ crimen habetis ,
Dique putant mentes vos aperire suas .
Nec tamen id falsum . nam , Dis ut proxima quæque ,
Nunc penna veras , nunc datis ore notas .
Tuta diu volucrum proles , tum denique cæsa est :
Juveruntque Deos indicis exta sui .
Ergo sæpe suo conjux abducta marito
Uritur ignitis alba columba focis .
Nec defensa juvant Capitolia , quo minus anser
Det jecur in lances , Inachi lauta , tuas .
Nocte deæ Nocti cristatus ceditur ales ,
Quod tepidum vigili provocat ore diem .
Interea Delphin clarum super æquora sidus
Tollitur ; & patriis exserit ora vadis .
Postera lux hiemem medio discrimine signat :
Æquaque præteritæ , quæ superabit , erit .
Proxima prospiciet Tithono nupta relicto
Arcadiæ sacrum pontificale Deæ .

Te quoque lex eadem, Turni soror, ædorecepit :
 Hic ubi Virginea Campus obitur aqua.
 Unde petam causas horum, moremque sacrorum ?
 Dirigat in medio quis mea vela freto ?
 Ipsa mone, quæ nomen habes à carmine ductum,
 Propositoque fave, ne tuus erret honos.
 Orta prior Luna [de se si creditur ipsi]
 A magno, tellus Arcade nomen habet.
 Hic fuit Evander : qui, quanquam æclarus utroque,
 Nobilior sacræ sanguine matris erat.
 Quæ, simul æthereos animo conceperat ignes ;
 Ore dabat vero carmina plena Dei.
 Dixerat hæc nato motus instare sibi que,
 Multam præterito tempore nacta fidem.
 Nam juvenis, vera nimium cum matre, fugatus
 Deserit Arcadium, Parrhasiumque larem.
 Cui genitrix flenti, Fortuna viriliter, inquit,
 [Siste, puer, lachrymas], ista ferenda tibi est.
 Sic erat in fatis : nec te tua culpa fugavit ;
 Sed Deus, in fensu pulsus es urbe Deo.
 Non meriti pœnam pateris, sed Numinis iram.
 Est aliquid magnis, ci. men abesse malis.
 Conscia mens, ut cuique suæ est, ita concipit intra
 Pectora pro, facto, spemque, metumque, suo.
 Nec tamen, ut primus mœre mala, talia passus :
 Obruit ingentes, ista procella viros.
 Passus idem, Tyriis qui quondam pulsus ab oris,
 Cadmus, in Aonia, constitit exul humo.
 Passus idem Tydeus, & idem Pagæus, Jason :
 Et quos, præterea longa referre mora est.
 Omne solum forti patria est, ut piscibus æquora
 Ut volueri, vacuo, quidquid in orbe patet :
 Nec fera tempestas, toto tamen horret in anno :
 Et tibi (crede mihi), tempora veris erunt.
 Vocibus Evander firmata mente parentis.
 Nave secat fluctus, Hesperiamque tenet.
 Jamque satem doctæ monitu Carmentis in amnem,
 Egerat, & Thuscis obviis ibat aquis.
 Fluminis illa latus, cui sunt vada juncta Terenti,
 Adspicit, & sparsas, per loca sola, casas.
 Utque erat, immixtis puppim stetit ante capillis,
 Continuitque manum torva regentis iter.
 Et procul in dextram tendens sua brachia ripam,
Pinea

Pineæ non sano ter pede texta ferit.
 Neve daret saltum properans insistere terræ,
 Vix est Evandri vixque retenta manu.
 Dique petitorum, dixit, salvet locorum;
 Tuque novos cælo terra datura Deos:
 Fluminaque, & Fontes, quibus utitur hospita tellus,
 Et nemorum Divæ, Najadumque chori;
 Este bonis avibus visi natoque mihi que
 Ripaque felici tacta sit ista pede.
 Fallor? an hi fient ingentia mœnia colles?
 Juraque ab hac terra cætera terra petet?
 Montibus his olim totus promittitur orbis.
 Quis tantum fati credat habere locum?
 Et jam Dardaniz tangent hæc litora pinus.
 Hic quoque caussa novi foemina Martis erit.
 Chære nepos, Palla, funesta quid induis arma?
 Indue, non humili vindice cæsus eris.
 Victa tamen vinctes, eversaque Troja resurges.
 Obruet hostiles ista ruina domos.
 Urite victrices Neptunia Pergama flammæ:
 Num minus hic toto est altior orbe cinis?
 Jam pius Æneas sacra, & sacra altera patrem,
 Afferet. Iliacos excipe, Vesta, Deos.
 Tempus erit, cum vos, orbemque tuebitur idem,
 Et fient ipso sacra colente Deo.
 Et penes Augustos patriz tutela manebit.
 Hanc fas imperii frena tenere domum.
 Inde nepos, natusque Dei [licet ipse recuset]
 Pondera cælesti mente paterna feret.
 Utque ego perpetuis olim sacrabor in aris;
 Sic Augusta novum Julia numen erit.
 Talibus auspiciis nostros descendit ad agros;
 Substitit in medios præscia lingua sonos.
 Puppibus egressus Latia fletit exsul in herba.
 Felix, exsiliū cui locus ille fuit?
 Nec mora longa fuit, stabant nova testæ: nec alter
 Montibus Ausoniis Arcade major erat.
 Ecce boves, illuc Erithæidas applicat heros.
 Emensus longi claviger orbis iter.
 Dumq; huic hospitium domus est Tegea; vagantur
 Incustoditæ læta per arva boves.
 Mane erat: excussus somno Tirynthius hospes.
 De numero tauros sentit abesse duos.

Nulla

Nulla videt taciti quærens vestigia furti:
 Traxerat aversos Cacus in antra feros;
 Cacus Aventinæ timor atque infamia silvæ,
 Non leve finitimis hospitibusque malum.
 Dira viro facies; vires pro corpore; corpus
 Grande: pater monstri Mulciber hujus erat.
 Proque domo longis spelunca recessibus ingens
 Abdita, vix ipsis invenienda feris.
 Ora super postes adfixaque brachia pendent,
 Squallidaque humanis ossibus albet humus.
 Servata male parte boum Jove natus abibas:
 Mugitum rauco furta dedere sono.
 Accipio revocamen, ait; vocemque secutus
 Impia per silvas ultor ad antra venit.
 Ille aditum fracti præstruxerat objice montis:
 Vix juga movissent quinque bis illud onus.
 Nititur hic humeris, (cælum quoque federat illis)
 Et vastum motu collabefactat onus. (sum;
 Quod simul evulsum est, fragor æthera terruit ip-
 Ictaque subsedit pondere mollis humus.
 Prima movet Cacus collata prælia dextra;
 Remque ferox saxis stipitibusque gerit.
 Quis ubi nil agitur; patrias male fortis ad artes
 Confugit, & flammæ ore sonante vomit.
 Quas quoties proflat, spirare Typhoea credas,
 Et rapidum Ætneo fulgur ab igne jaci.
 Occupat Alcides: adductaque clava trinodis
 Ter quater adversi sedit in ore viri.
 Ille cadit, mixtosque vomit cum sanguine fumos;
 Et lato moriens pectore plangit humum.
 Immolat ex illis taurum tibi Juppiter unum
 Victor, & Evandrum ruricolæque vocat.
 Constituitque sibi, quæ maxima dicitur, aram,
 Hic ubi pars Urbis de bove nomen habet.
 Nec tacet Evandri mater, prope tempus adesse,
 Hercule quo tellus sit satis usa suo:
 At felix vates, ut Dis gratissima vixit,
 Possidet hunc Jani sic Dea mense diem.
I Dibus in magni castus Jovis æde sacerdos
 Semimaræ flammis viscera libat ovis:
 Redditaque est omnis populo provincia nostro;
 Et tuus Augusto nomine dictus avus.
 Perlege dispositas generosa per atria ceras;
 Con-

Contigerunt nulli nomina tanta viro.
 Africa victorem de se vocat : alter Isauras ,
 Aut Cretum domitas testificatur opes.
 Hunc Numidæ faciunt , illum Messina superbum :
 Ille Numantina traxit ab urbe notam.
 Et mortem & nomen Druso Germania fecit.
 Me miserum , virtus quam brevis illa fuit !
 Si petat à victis , tot sumat nomina Cæsar ,
 Quot numero gentes maximus orbis habet.
 Ex uno quidam celebres aut torquis ademptæ ,
 Aut corvi titulos auxiliariis habent.
 Magne , tuum nomen rerum mensura tuarum est :
 Sed qui te vicit , nomine major erat.
 Nec gradus est ultra Fabios cognominis ullus.
 Illa domus meritis Maxima dicta suis.
 Sed tamen humanis celebrantur honoribus omnes.
 Hic focium summo cum Jove nomen habet.
 Sancta vocant augusta patres , augusta vocantur
 Tempia , sacerdotum rite dicata manu.
 Hujus & augurium dependet origine verbi ,
 Et quodcumque sua Juppiter auget ope.
 Augeat imperium nostri Ducis , augeat annos :
 Protegat & vestras querna corona fores.
 Auspiciisque Deis tanti cognominis hæres
 Omne suspiciat , quo pater , orbis onus.
Respiciet Titan actas ubi tertius Idus ;
 Fient Parrhasiæ sacra relata Deæ.
 Nam prius Ausonias matres carpenta vehebant :
 Hæc quoque ab Evandri dicta parente reor.
 Mox honor eripitur , matronaque destinat omnis
 Ingratos nulla prole novare viros.
 Neve daret partus ; ictu temeraria cæco
 Visceribus crescens excutiebat onus.
 Corripuisse Patres ausas immitia nuptas ;
 Jus tamen exemptum restituisse , ferunt.
 Binaque nunc pariter Tegeæ sacra parenti
 Pro pueris fieri , virginibusque jubent.
 Scortea non illi fas est inferre facello ,
 Ne violent pueros exanimata focos.
 Si quis amas ritus veteres , assiste precanti :
 Nomina percipies non tibi nota prius.
 Porrima placantur , Postvertaque , sive sorores ,
 Sive fugæ comites , Mænali Nympha , tux.
 Ale-

Altera, quod porro fuerat, cecinisse putatur:

Altera versurum postmodo quidquid erat.

Candida, te niveo posuit lux proxima templo,

Qua fert sublimes alta Moneta gradus:

Nunc bene prospicies Latiam, Concordia, turbamur

Nunc te sacratæ restituere manus.

Furius, (antiquum) populi superator, Hetrusci

Voverat, & voti solverat ante fidem.

Causa, quod à patribus sumptis secesserat armis

Vulgus; & ipsa suas Roma timebat opes.

Causa recens meliora passos Germania crines

Porrigit auspiciis, Dux venerande tuis.

Inde triumphatæ libasti munera gentis;

Templaque fecisti, quam colis ipse, Dea.

Hæc tua constituit genetrix & rebus, & ara,

Sola toro magni digna reperta Jovis.

Hæc ubi transierint; Capricorno, Phœbe, relicto,

Per juvenis cures signa gerentis aquam.

Septimus hinc Oriens cum se demiserit undis;

Fulgebit toto jam Lyra nulla polo.

Sidere ab hoc, ignis venienti nocte Leonis.

S Qui micat in medio pectore, mersus erit.

Ter quater evolvi signantes tempora Fastos;

Nec Sementiva est ulla reperta dies:

Cum mihi, sensit enim, lux hæc indicitur, inquit,

Musa, quid à Fastis non stata sacra petis?

Utque dies incerta sacro, sic tempore certa;

Seminibus jactis est ubi sætus ager.

State coronati plenum ad præsepe juvenci:

Cum tepido vestrum vere redibit opus.

Rusticus emeritum palo suspendat aratrum:

Omne reformidat frigida vulnus humus.

Villice, da requiem terræ semente peracta:

Da requiem, terram, qui cohere, viris.

Pagus agat festum, pagum lustrate, coloni;

Et date paganis annua liba focis.

Placentur matres frugum Tellusque Ceresque

Farre suo, gravidæ visceribusque suis.

Officium commune Ceres & terra tuentur.

Hæc præbet causam frugibus, illa locum.

Consortes operum, per quas correctæ vetustas,

Quænaque glans victa est utiliore cibo;

Frugibus immensa avidos sariate colonos,

Ut

Ut capiant cultus præmia digna fui.
 Vos date perpetuos teneris sementibus auctus :
 Nec nova per gelidas herba sit uita nives.
 Cum serimus ; cælum ventis aperite serenis ;
 Cum latet ; ætherea spargite semen aqua.
 Neve graves cultis Cerealia dona cavete
 Agmine læsuro depopulentur aves.
 Vos quoque subjectis , formicæ , parcite granis :
 Post messem prædæ copia major erit .
 Interea crescat scabræ Robiginis expers
 Nec vitio cæli palleat ægra seges-
 Et neque deficiat macie , neque pinguior æquo
 Divitiis pereat luxuriosa suis .
 Et careant loliis oculos vitiantibus agri ;
 Nec sterilis culta surgat avena solo .
 Triticeos fœtus , passuraque farra bis ignem ,
 Hordeaque ingenti fœnore reddat ager .
 Hoc ego pro vobis , hoc vos optate coloni :
 Efficiantque ratas utraque Diva preces .
 Bella diu tenere viros . erat aptior ensis
 Vomere : cedebat taurus arator equo .
 Sarcula cessabant : versique in pila ligones ,
 Factaque de rastro pondere cassis erat .
 Gratia Dis , domuique tuæ : religata catenis
 Jam pridem nostro sub pede bella jacent .
 Sub iuga bos veniat : sub terras semen aratas .
 Pax Cererem nutrit : pacis alumna Ceres .
AT quæ venturas præcedet sexta Kalendas
 Hac sunt Lædæis templa dicata Deis .
 Fratribus illa Deis , fratres de gente Deorum
 Circa Juturnæ composuere lacus .
Ipsam nos carmen deducit Pacis ad aram .
 Hæc erit à mensis fine secunda dies .
 Frondibus Aëtiacis comptos redimita capillos ,
 Pax ades ; & toto mitis in orbe mane .
 Dum desunt hostes , desit quoque causa triumphæ
 Tu Ducibus bello gloria major eris .
 Sola gerat miles , quibus arma coerceat , arma :
 Canteturque fera , nil nisi pompa , tuba .
 Horreat Æneadas & primus & ultimus orbis :
 Si qua parum Romam terra timebit , amet .
 Thura , sacerdotes , pacalibus addite flammis ;
 Albaque percussa victima fronte cadat .

Uta

Utque domus, quæ præstat eam, cum pace perennet,
 Ad pia propensos vota rogate Deos.
 Sed jam prima mei pars est exacta laboris;
 Cumque suo finem mense libellus habet.

F A S T O R U M

L I B E R I I.

Janus habet finem, cum carmine crescit & annus.

Alter ut hinc mensis; sic liber alter eat.
 Nunc primum velis, Elegi, majoribus itis:
 Exiguum (memini) nuper eratis opus.
 Certe ego vos habui faciles in amore ministros;
 Cum lusit numeris prima juvenia suis.
 Idem sacra cano, signataque tempora Fastis.
 Ecquis ad hæc illinc crederet esse viam?
 Hæc mea militia est. ferimus, quæ possumus, arma;
 Dextraque non omni munere nostra vacat.
 Si mihi non valido torquentur pila lacerto;
 Nec bellatoris terga premuntur equi;
 Nec galea tegimur, nec acuto cingimur ense;
 (His habilis telis quilibet esse potest)
 At tua prosequimur studioso pectore, Cæsar,
 Nomina: per titulos ingredimurque tuos.
 Ergo ades, & placido paulum mea munera vultu
 Respice; pacando si quid ab hoste vacas.

Februa Romani dixere piamina patres:
 Nunc quoque dant verbo plurima signa fidem.
 Pontifices ab Rege petunt & Flamine lanas,
 Quis veteri lingua Februa nomen erat.
 Quæque capit lictor domibus purgamina certis,
 Torrida cum mica farra, vocantur idem.
 Nomen idem ramo; qui cæsus ab arbore pura,
 Casta sacerdotum tempora fronde tegit.
 Ipse ego Flaminicam poscentem februa vidi;
 Februa poscenti pinea virga data est.
 Denique quodcumque est, quo pectora nostra piamur,
 Hoc apud intonsos nomen habebat avos.
 Mensis ab his dictus: secta quia pelle Luperci
 Omne solum lustrant; idque piamen habent.
 Aut quia placatis sunt tempora pura sepulchris,
 Tunc

Tunc cum ferales præteriere dies.
 Omne nefas omnemque mali purgamina caussam
 Credebant nostri tollere posse senes.
 Græcia principium moris fuit: illa nocentes
 Impia lustratos ponere facta putat.
 Astoriden Peleus, ipsum quoque Pelea Phoci
 Cæde per Hæmonias solvit Acastus aquas.
 Vestam frenatis per inane draconibus Ægeus
 Credulus immerita Phasida fovit ope.
 Amphiaraiides Naupacton Acheloo,
 Solve nefas, dixit: solvit & ille nefas.
 Ah nimium faciles, qui tristia crimina cædis
 Fluminea tolli posse putetis aqua!
 Sed tamen (antiqui ne nescius ordinis erres)
 Primus, ut est, Jani mensis & ante fuit.
 Qui sequitur Janum, veteris fuit ultimus anni.
 Tu quoque sacrorum, Termine, finis eras.
 Primus enim Jani mensis, quia janua prima est.
 Qui facer est imis manibus: imus erat.
 Postmodo creduntur spatio distantia longo
 Tempora bis quini continuasse Viri.

PRincipio mensis Phrygiæ contermina Matri
 Sospita delubris dicitur aucta novis.
 Nunc ubi sint, illis, quæris, sacrata kalendis,
 Tempora Dez? longo procubuerunt die.
 Cetera ne simili caderent labefacta ruina
 Cavit sacrati provida cura Ducis:
 Sub quo delubris sentitur nulla senectus.
 Nec satis est homines, obligat ille Deos.
 Templorum positor, templorum sancte repostor.
 Sit superis, opto, mutua cura tui.
 Dent tibi cælestes, quot tu cælestibus, annos:
 Proque tua maneat in statione domo.
 Tum quoque vicini lucus celebratur Apyli;
 Qua petit æquoreas advena Tiberis aquas.
 Ad penetrabile Numæ, Capitulinumque Tonantem,
 Inque Jovis summa cæditur arce bidens.
 Sæpe graves pluvias adopertus nubibus Auster
 Concitat, aut posita sub nive terra latet.
Proximus Hesperias Titan abiturus in undas,
 Gemmea purpureis cum juga demit equis;
 Illa nocte aliquis, tollens ad sidera vultum,
 Dicet, ubi est hodie, quæ Lyra fuisse heri.

Dum-

Dumque Lyram quæret; medii quoque terga Leonis

In liquidas subito mersa notabit aquas.

Quem modo cælatum stellis Delphina videbas,
Is fugiet visus nocte sequente tuos.

Seu fuit occultis felix in amoribus index:

Lesbida cum domino seu tulit ille lyram.

Quod mare non novit, quæ nescit Ariona tellus?

Carmine currentes ille tenebat aquas.

Sæpe, sequens agnam, lupus est hac voce retentus:

Sæpe avidum fugiens restitit agna lupum:

Sæpe canes leporesque umbra cubuere sub una;

Et stetit infestæ proxima cerva lex.

Et sine lite loquax cum Palladis alite cornix

Sedit; & accipitri juncta columba fuit.

Cynthia sæpe tuis fertur, vocalis Arion,

Tanquam fraternis obstupuisse modis.

Nomen Arionium Siculas, impleverat urbes;

Captaque erat lyricis Ausonis ora sonis.

Inde domum repetens puppim conscendit Arion;

Atque ita quæsitæ arte ferebat opes.

Forſitan, infelix, ventos undamque timebas.

At tibi nave tua tutius æquor erat.

Namque gubernator districto constitit ense,

Cæteraque armata conscia turba manu.

Quid tibi cum gladio? dubiam rege, navita, pinum.

Non sunt hæc digitis arma tenenda tuis.

Ille metu vacuus, Mortem non deprecor, inquit;

Sed liceat sumpta pauca referre lyra.

Dant veniam, ridensque moram, capit ille coronam;

Quæ possit crines, Phœbe, decere tuos.

Induerat Tyrio bis tinctam murice pallam;

Reddidit ista suos pollice chorda sonos.

Flebilibus veluti numeris canentia dura

Trajectus penna tempora cantat olor.

Protinus in medias ornatus desilit undas.

Spargitur impulsæ cærule puppis aqua.

Inde (fide majus) tergo Delphina recurvo

Se memorant, oneri supposuisse novo.

Ille sedens, citharamque tenet, pretiumque vehendi

Cantat, & æquoreas carmine mulcet aquas.

Di pia facta vident: astris Delphina recepit

Juppiter: & stellas jussit habere novem.

Nunc

Nunc mihi mille sonos, quoque est memoratus
Achilles,

Vellem, Mazonide, pectus inesse tuum.
Dum canimus sacras alterno pectine Nonas;

Maximus hinc Fastis accumulatur honos.
Deficit ingenium, majoraque viribus urgent.

Hæc mihi præcipuo est ore canenda dies.
Quid volui demens, Elegis imponere tantum

Ponderis? heroi res erat ista pedis.
Sancte Pater Patræ, tibi Plebs, tibi Curia nomen

Hoc dedit; hoc dedimus nos tibi nomen Eques.
Res tamen ante dedit. sero quoque vera tulisti

Nomina. jam pridem tu pater orbis eras.
Hoc tu per terras, quod in æthere Juppiter alto,

Nomen habes, hominum tu Pater, ille Deum.
Romule, concedas facit hic tua magna tuendo

Mœnia: tu dederas transilienda Remo.
Te Tatius, parvique Cures, Cæcinaque sensit;

Hoc Duce Romanum est Solis utrumque latus.
Tu breve nescio quid victæ telluris habebas:

Quodcumque est alto sub Jove, Cæsar habet.
Tu rapis, hic castas Duce se jubet esse maritas.

Tu recipis luco, submovet ille nefas.
Vis tibi grata fuit: florent sub Cæsare læges.

Tu Domini nomen, Principis ille tenet.
Te Remus incusat; veniam dedit hostibus ille.

Cœlestem fecit te Pater; ille Patrem.
Jam puer Idæus media tenus eminet alvo:

Et liquidas misto nectare fundit aquas.
En etiam, si quis Borean horrere solebat,

Gaudeat. à Zephyris mollior aura venit.
Quintus ab æquoreis nitidū jubar extulit undis

Lucifer, & primi tempora veris eunt.
Ne fallare tamen; restant tibi frigora, restant;

Magnaue discedens signa relinquit hiems.
Tertia nox veniat: Custodem protinus Urse

Adspiciēs geminos exeruisse pedes.
Inter Hamadryadas jaculatricemque Dianam

Callisto sacri pars fuit una chori.
Illa Dez tangens arcus, Quos tangimus, arcus,

Estis meæ testes virginitatis, ait.
Cynthia laudavit, Promissaque fœdera serva,

Et comitem princeps tu mihi, dixit, eris.

Fœdera

Eandera servasset, si non formosa fuisset.

Cavit mortales: de Jove crimen habet.

Mille feras Phœbe silvis venata redibat;

Aut plus, aut medium sole tenente diem.

Ut tetigit lucum (densa niger ilice lucus;

In medio gelidæ fons erat altus aquæ)

Hæc, ait, in silva, virgo Tegeæ, lavemur.

Erubuit falso virginis illa sono.

Dixerat & Nymphis: Nymphæ velamina ponunt.

Hanc pudet, & tardæ dat mala signa moræ.

Exuerat tunicas: uteri manifesta tumore

Proditur indicio ponderis ipsa sui.

Cui Dea, Virgineos, perjura Lycaoni, coetus

Desere, nec castas pollue, dixit, aquas.

Luna novum decies implebat cornibus orbem;

Quæ fuerat virgo credita, mater erat.

Læsa furit Juno, formam mutatque puellæ.

Quid facis? invito pectore passa Jovem est.

Utque feræ vidit turpes in pellice vultus;

Hujus in amplexus Juppiter, inquit, eat.

Ursa per incultos errabat squallida montes,

Quæ fuerat summo nuper amanda Jovi.

Jam tria lustra puer furto conceptus agebat;

Cum mater nato est obvia facta suo.

Illa quidem, tanquam cognosceret, adstitit amens,

Et gemit: gemitus verba parentis erant.

Hanc puer ignarus jaculo fixisset acuto;

Ni foret in superas raptus uterque domos.

Signa propinqua micant, prior est, quàm dicimus Ar-

Arctophylax formam terga sequentis habet. [Æton]

Sævit adhuc, canamque rogat Saturnia, Tethyn,

Mænliam tactis ne lavet Arcton aquis.

In dibus agrestis tumant altaria Fauni,

Hic, ubi discretas insula rumpit aquas,

Hæc fuit illa dies, in qua Vejantibus arvis.

Ter centum Fabii, ter cecidere duo.

Una domus vires & onus suscepit Urbis:

Sumunt gentiles arma professa manus.

Egreditur castris miles generosus ab isdem;

E quis dux fieri quilibet aptus erat.

Carmentis portæ dextro via proxima Jano est.

Ire per hanc noli, quisquis es; omen habet.

Ulla fama refert Fabios, exisse trecentos.

Porta

Porta vacat culpa, sed tamen omen habet.)
Ut celeri passu Cremeram tetigere rapacem;
(Turbidus hybernis ille fluebat aquis)
Castra loco ponunt: destrixis ensibus ipsi
Tyrrhenum valido Marte per agmen eunt.
Non aliter, quam cum Libyca de rupe leones
Invadunt sparfos lata per arva greges.
Diffugiunt hostes, inhonestaque vulnera tergo
Accipiunt: Thusco sanguine terra rubet.
Sic iterum, sic sæpe cadunt. ubi vincere aperte
Non datur, insidias armaque cæca parant.
Campus erat: campi claudebant ultima colles,
Sylvaque montanas oculere apta feras.
In medio paucos, armentaue rara relinquunt:
Cætera virgultis abdita turba latet.
Ecce, velut torrens undis pluviabilibus auctus,
Aut nive, quæ Zephyro victa tepente fluit,
Per sata, perque vias fertur: nec, ut ante solebat,
Riparum clausas margine finit aquas:
Sic Fabii latis vallem discursibus implent;
Quosque vident spernunt. nec metus alter inest.
Quo ruitis, generosa domus? male creditur hosti.
Simplex nobilitas, perfida tela cave.
Fraude perit virtus. in apertos undique campos
Prosiiliunt hostes, & latus omne tenent.
Quid faciant pauci contra tot millia fortes?
Quidve, quod in misero tempore restet, habent?
Sicut aper silvis longelaurentibus actus
Fulmineo celeres dissipat ore canes,
Mox tamen ipse perit: sic non moriuntur inulti;
Vulneraque alterna dantque, feruntque manu.
Una dies Fabios ad bellum miserat omnes:
Ad bellum missos perdidit una dies.
Ut tamen Herculeæ superessent semina gentis,
Credibile est ipsos consuluisse Deos.
Nam puer impubes, & adhuc non utilis armis,
Unus de Fabia gente relictus erat.
Scilicet ut posses olim tu, Maxime, nasci;
Cui res cunctando restituenda foret.
Continuata loco tria sidera, Corvus & Anguis,
Et medius Crater inter utrumque jacet.
Idibus illa latent; oriuntur nocte sequenti:
Quæ sibi cur tria sint consociata canam.
Forte

Forte Jovi festum Phœbus solenne parabat :
 Non faciet longas fabula nostra moras .
 I mea, dixit, avis, ne quid pia sacra moretur :
 Et tenuem vivis fontibus affer aquam .
 Corvus inauratum pedibus cratera recurvis
 Tollit, & aerium pervolat altus iter .
 Stabat adhuc duris ficus densissima pomis .
 Tentat eam rostro : non erat apta legi .
 Immemor imperii sedisse sub arbore fertur ,
 Dum fierent tarda dulcia poma mora .
 Jamque satur nigris longum rapit unguibus hydram ;
 Ad dominumque redit ; sistaque verba refert :
 Hic mihi causa moræ vivarum obsessor aquarum :
 Hic tenuit fontes, officiumque meum .
 Addis, ait, culpæ mendacia, Phœbus ? & audes
 Fatidicum verbis fallere velle Deum ?
 At tibi, dum læstens hærebit in arbore ficus,
 De nullo gelidæ fonte bibantur aquæ .
 Dixit : & antiqui monumenta perennia facti
 Anguis, Avis, Crater, sydera juncta micant .
Tertia post Idus nudos Aurora Luperco
 Adspicit : & Fauni sacra bicornis eunt .
 Dicite, Pierides, factorum quæ sit origo :
 Attigerint Latias unde petita domos .
 Pana Deum pecoris veteres coluisse feruntur
 Arcades . Arcadiis plurimus ille jugis .
 Testis erit Pholoe, testes Stympthalides undæ ;
 Quique citis Ladon in mare currit aquis ;
 Cinctaque pinetis nemoris juga Nonacrini ;
 Altaque Cyllene, Parrhasiæque nives .
 Pan erat armenti custos, Pan numen equarum ;
 Munus ob incolumes ille ferebat oves .
 Transulit Evander silvestria numina secum .
 Hic, ubi nunc Urbs est, tum locus Urbis erat .
 Inde Deum colimus, devestaque sacra Pelasgis .
 Flamen ad hæc prisco more Dialis erat .
 Cur igitur currunt ; & cur (sic currere mos est)
 Nuda ferant posita corpora veste, rogas ?
 Ipse Deus velox discurrere gaudet in altis
 Montibus ; & subitas concitat ille feras .
 Ipse Deus nudus nudos jubet ire ministros :
 Nec satis ad cursum commoda vestis erat .
 Ante Jovem genitum terras habuisse feruntur

Arca-

Arcades : & Luna gens prior illa fuit.
Vita feræ similis , nullos agitata per usus :
Artis adhuc experts , & rude vulgus erant.
Pro domibus frondes norant , pro frugibus herbas :
Nectar erat palmis hausta duabus aqua.
Nullus anhelabat subadunco vomere taurus :
Nulla sub imperio terra colentis erat :
Nullus adhuc erat usus equi. se quisque ferebat.
Ibat ovis lana corpus amicta sua.
Sub Jove durabant , & corpora nuda gerebant,
Docta graves imbres & tolerare Notos.
Nunc quoque detecti referunt monumenta vetusti
Moris , & antiquas testificantur opes.
Sed , cur præcipuè fugiat velamina Faunus ,
Traditur antiqui fabula plena joci.
Forte comes dominæ juvenis Tirynthius ibat :
Vidit ab excelso Faunus utrumque iugo.
Vidit , & incaluit , Montanaque numina , dixit ,
Nil mihi vobiscum est : hæc meus ardorerit.
Ibat odoratis humeros perfusa capillis
Mæonis , aurato conspicienda sinu.
Aurea pellebant rapidos umbracula soles ;
Quæ tamen Herculeæ sustinere manus.
Jam Bacchea nemus , & Tmoli vineta tenebat :
Hesperus & fusco roscidus ibat equo.
Antra subit , tophis laqueataque punice vivo.
Garrulus in primo limine rivus erat.
Dumque parant epulas , potandaque vina ministri,
Cultibus Alcidem instruit illa suis.
Dat tennes tunicas Getulo murice tinctas :
Dat teretem zonam , qua modo cincta fuit.
Ventre minor zona est : tunicarum vincla relaxat,
Ut possit vastas exsequisse manus.
Fregerat armillas non illa ad brachia factas :
Stringebant magnos vincula parva pedes.
Ipsa capit clavamque gravem , spoliūque leonis ,
Conditaque in pharetra tela minora sua.
Sic epulis functi , sic dant sua corpora somno ;
Et positis juxta secubuerunt toris .
Causa ; repertori vitis pia sacra parabant ,
Quæ facerent pure , cum foret orta dies.
Noctis erat medium : quid non amor improbus
audet ?

Roscida per tenebras Faunus ad antra venit.
Utque videt somno comites vinoque solutos ;
Spem capit in dominis esse soporis idem.
Intrat ; & huc illuc temerarius errat adulter :
Et præfert cautas subsequiturque manus.
Venerat ad strati captata cubilia lecti ;
Et prima felix sorte futurus erat.
Ut tetigit fulvi setis hirsuta leonis
Vellera , pertimuit , sustinuitque manum ;
Attonitusque metu rediit : ut sæpe viator
Turbatum viso rettulit angue pedem.
Inde tori , qui junctus erat , velamina tangit
Mollia , mendaci decipiturque nota.
Ascendit ; spondaque sibi propiore recumbit :
Et rigido cornu durius inguen erat.
Interea tunicas ora subducit ab ima :
Horrebant densis aspera crura pilis.
Cætera tentantem cubito Tirynthius heros
Reppulit . è summo decedit ille toro.
Fit sonus : inclamat comites , & lumina poscit
Mænonis . illatis ignibus æsta patent.
Ille gemit lecto graviter dejectus ab alto :
Membraque de dura vix sua tollit humo.
Ridet & Alcides , & qui videre jacentem :
Ridet amatorem Lyda puella suum.
Veste Deus lusus fallentes lumina vestes
Non amat ; & nudos ad sua sacra vocat.
Adde peregrinz causas , mea Musa , Latinas ;
Inque suo noster pulvere currat equus.
Cornipedi Fauno cæsa de more capella
Venit ad exiguas turba vocata dapes.
Dumque sacerdotes verubus transfusa salignis
Extâ parant , medias Sole tenente vias ;
Romulus , & frater , pastoralisque juvenus ,
Solibus , & campo corpora nuda dabant :
(Cæstibus , & jaculis , & missi pondere saxi
Brachia per lusus experienda dabant.)
Pastor ab excelso , Per devia rura juvencos ,
Romule , prædones , eripe , dixit , agunt.
Longum erat armari . diversis exit uterque
Partibus . accursu præda recepta Remi.
Ut rediit , verubus stridentia detrahit exta :
Atque ait , hæc certe non nisi victor edet .
Dista

Dicta facit, Fabiique simul venit irritus in huc
 Romulus, & mensas ossaque nuda vider.
 Risit; & indoluit Fabios potuisse Remumque
 Vincere: Quinctilios non potuisse suos.
 Fama manet facti, posito velamine currunt:
 Et memorem famam, quod bene cessit, habet.
 Forsitan & quæras, cur sit locus ille Lupereal:
 Quæve diem tali nomine causa notet.
 Ilia Vestalis cælestia semina partu
 Ediderat, patruo regna tenente suo.
 Is jubet auferri parvos, & in amne necari.
 Quid facis? ex istis Romulus alter erit.
 Jussa recusantes peragunt lacrymosa ministri.
 Flent tamen, & geminos in loca jussa ferunt.
 Albula, quem Tyberin mersus Tyberinus in unda
 Reddidit; hibernis forte tumebat aquis.
 Hic, ubi nunc Fora sunt, lintres errare videres;
 Quaque jacent valles, Maxime Circe, tuz.
 Huc ubi venerunt, nec jam procedere possunt
 Longius; ex illis unus, an alter, ait:
 At quam sunt similes! at quam formosus uterque!
 Plus tamen ex illis iste vigoris habet.
 Si genus arguitur vultu; (ni fallit imago)
 Nescio quem vobis suspicor esse Deum.
 At si quis vestræ Deus esset originis auctor;
 In tam præcipiti tempore ferret opem.
 Ferret opem certe, si non ope mater egeret:
 Quæ facta est uno mater & orba die.
 Nata simul, peritura simul, simul ite sub undas
 Corpora. desierat; deposuitque sinu.
 Vagierunt clamore pari: sentire putares.
 Hi redeunt udis in sua testa genis.
 Sustinet impositos summa cavus alveus unda.
 Heu quantum fati parva tabella vehit!
 Alveus in limo silvis appulsus opacis,
 Paulatim fluvio deficiente, sedet.
 Arbor erat. remanent vestigia: quæque vocatur
 Rumina nunc ficus, Romula ficus erat.
 Venit ad expositos (mirum) lupa fœta gemellos.
 Quis credat pueris non nocuisse feram?
 Non nocuisse parum est: prodest quoque. quos lupa
 nutrit,
 Prodere cognatæ sustinere manus.

Constitit, & cauda teneris blanditur alumnis;
Et fingit lingua corpora bina sua.

Marte satos scires; timor absuit. ubera ducunt;
Et sibi permixti lactis aluntur ope.

Illa loco nomen fecit; locus ipse Lupercis.

Magna dati nutrix præmia lactis habet.

Quid vetat Arcadio dictos à monte Lupercos?

Faunus in Arcadia templa Lycus habet.

Nupta, quid expectas? non tu pollentibus herbis

Nec prece, nec magico carmine mater eris.

Excipe fecundæ patienter verbera dextræ:

Jam focer optati nomen habebit avi.

Nam fuit illa dies, dura cum sorte maritæ

Reddebant uteri pignora rara sui.

Quid mihi, clamabat, prodest rapuisse Sabinas

Romulus: [hoc illo sceptrum tenente fuit]

Si mea non vires, sed bellum injuria fecit;

Utilius fuerat non habuisse nurus.

Monte sub Esquilio multis incædus annis

Junonis magnæ nomine lucus erat.

Huc ubi venerunt; pariter nuptæque virique

Suppliciter posito procubuerunt genu.

Cum subito motæ tremuere cacumina silvæ,

Et Dea per lucos mira locuta suos.

Italidas matres, inquit, caper hirtus inito.

Obstupuit dubio territa turba sono.

Augur erat: nomen longis intercidit annis.

Nuper ab Etrusca venerat exsul humo.

Ille caprum mactat. jussæ sua terga maritæ

Pellibus exsectis percutienda dabant.

Luna resmebat decimo nova cornua motu:

Virque pater subito, nuptaque mater erat.

Gratia Lucinæ. dedit hæc tibi nomina lucus;

Aut quia principium tu, Dea, lucis habes.

Pæce, præcor, gravidis, facilis Lucina, puellis;

Maturumque utero molliter aufer ovis.

O Rta dies fuerit; tu desine credere ventis.

Perdedit illius temporis aura fidem.

Flamina non constant; & sex, reserata diebus

Carceris Æolii janua laxa patet.

J Am levis obliqua subsidit Aquarius urna.

Proximus ætherios excipe, Piscis, equos.

Te memorant fratremque tuum (nam juncta micatis

Signa]

Signa) duos tergo sustinuisse Deos.
 Terribilem quondam fugiens Typhona Dione ,
 Tunc cum pro czlo Juppiter arma tulit.
 Venit ad Euphraten comitata Cupidine parvo ;
 Inque Palzstinz margine sedit aquz .
 Populus , & canaz riparum summa tenebant :
 Spemque dabant saltes , hos quoque possetegi.
 Dum latet , insonuit vento nemus. illa timore
 Pallet ; & Hostiles credit adesse manus .
 Utque sinu natum tenuit , succurrite Nymphaz ;
 Et Dis auxilium ferre duobus , ait.
 Nec mora ; prosiluit. pifces subiere gemelli.
 Pro quo nunc dignum sidera munus habent.
 Inde nefas duonnt genus hoc imponere mensis ,
 Nec violant timidi piscibus ora Syri .
Proxima lux vacua erat tertis dicta Quirino.
 Qui tenet hoc nomen , Romulus ante fuit.
 Sive quod hasta cutis prisca est dicta Sabinis :
 (Bellius à telo venit in astra Deus)
 Sive suum Regi nomen posuere Quirites :
 Sæ quia Romanis junxerat ille Cures.
 Nam pater armipotens , postquam nova moenia vi-
 Multaque Romulea bella peracta manu , (dit,
 Juppiter , inquit , habet Romana potentia vires ;
 Sanguinis officio non eget illa mei .
 Redde patri natum : quamvis intercudit alter ,
 Pro se , proque Remo , qui mihi restat , erit .
 Unus erit , quem tu tolles in czula cœli ;
 Tu mihi dixisti : sint rata dicta Jovis .
 Jupiter annuerat. nutu tremefactus uterque
 Est polus ; & cœli pondera sensit Atlas .
 Est locus : antiqui Capream dixerè paludem .
 Forte tuis illic , Romule , jura dabas .
 Sol fugit ; & removent subeuntia nubila cœlum :
 Et gravis effusus decidit imber aquis .
 Hinc tonat , hinc missis abruptitur ignibus æther .
 Vit fuga : Rex patriis astra petebat equis .
 Luctus erat , falsæque Patres in crimine czdis .
 Hæssissetque animis forsitan illa fides .
 Sed Proculus Longa veniebat Julius Alba :
 Lunaque fulgebat ; nec facis usus erat .
 Cum subito motu nubes crepuere sinistra .
 Rettulit ille gradus : horrueruntque comæ . . .

Pulcher, & humano major, trabeaque decorus
 & Romulus in media visus adesse via:
 Et dixisse simul, Prohibe lugere Quirites:
 Nec violent lachrymis numina nostra suis.
 Thura ferant, placentq; novum pia turba Quirinum,
 Et patrias artes militiamque colant.
 Jussit: & in tenues oculis evanuit auras.
 Convocat hic Patres: iussaue verba refert.
 Templa Deo fiunt. collis quoque dictus ab illo:
 Et referunt certi sacra paterna dies.
 Lux quoque cur eadem Stultorum festa vocetur,
 Accipe: parva quidem causa, sed apta subest.
 Non habuit tellus doctos antiqua colonos:
 Lassabant agiles aspera bella viros.
 Plus erat in gladio quam curvo laudis aratro:
 Neglectus domino pauca ferebat ager.
 Farra tamen veteres jaciebant, farra metebant
 Primitias Cereri farra refesta dabant.
 Usibus admoniti flammis torrenda dedere;
 Multaque peccato damna tulere suo.
 Nam modo verrebant nigras pro farre favillas:
 Nunc ipsas igni corripuere casas.
 Facta Dea est Fornax: lati Fornace coloni
 Orant, ut fruges temperet illa suas.
 Curio legitimis nunc Fornacalia verbis
 Maximus indicit; nec statuta sacra facit.
 Inque Foro, multa circum pendente tabella,
 Signatur certa Curia quæque nota.
 Stultaque pars populi, quæ sit sua Cûria, nescit:
 Sed facit extrema sacra relictâ die.
Est honor & tumulis. animas placate paternas;
 Parvaeque in extinctas munera ferte pyras.
 Parva petunt manes, pietas pro divite grata est
 Munere. non avidos Styx habet ima Deos.
 Tegula projectis satis est velata coronis;
 Et sparsæ fruges, parcaeque mica salis:
 Inque mero mollita Ceres, violæque solutæ.
 Hæc habeat media testa relicta via.
 Nec majora veto: sed & his placabilis umbra est.
 Adde preces positis & sua verba focus,
 Hunc morem Æneas pietatis idoneus auctor
 Attulit in terras, jussu Latine, tuas.
 Ille patris Genio solemnia dona ferebat,

Hinc

Hinc populi ritus edidicere pios.
At quondam, dum longagerunt pugnacibus armis
Bella, Parentales deferuere dies.
Non impune fuit. nam dicitur omine ab isto,
Roma suburbanis incaluisse rogis.
Vix equidem credo: bustis exisse feruntur,
Et tacitæ questi tempore noctis avi.
Perque vias Urbis, Latiosque ululasse per agros
Deformes animas vulgus inane, ferunt.
Post ea præteriti tumultis redduntur honores;
Prodigiisque venit, funeribusque modus.
Dum tamen hæc fiunt, viduæ cessate puellæ:
Exspectet puros pinea tæda dies.
Nec tibi, quæ cupidæ matura videbere matri,
Comat virgineas hasta recurva comas.
Conde tuas, Hymenæe, faces; & ab ignibus atris
Aufer. habent alias mœsta sepulcra faces.
Di quoque templorum foribus celentur opertis:
Thure vacent aræ: stentque sine igne foci.
Nunc animæ tenues, & corporauncta sepulcris
Errant: nunc posito pascitur umbra cibo.
Nec tamen hæc ultra, quam tot de mense supersint
Luciferi, quot habent carmina nostra pedes.
Hanc quia iusta ferunt, dixere Feralia lucem.
Ultima placandis manibus illa dies.
Ecce anus in mediis residens annosa puellis,
Sacra facit Tacitæ: vix tamen ipsa tacet.
Et digitis tria thura tribus sub limine ponit,
Qua brevis occultum mus sibi fecit iter,
Tum cantata ligat cum fusco licia rhombo;
Et septem nigras versat in ore fabas.
Quodque pice adstrinxit, quod acu trajecit ahena,
Obsutum mænz torret in igne caput:
Vina quoque instillat. vini quodcunque relictum est,
Aut ipsa, aut comites, plus tamen ipsa, bibit.
Hostiles linguas, inimicaque vinximus ora,
Dicit discedens; ebriaque exit anus.
Forstân à nobis, quæ sit Dea Muta, requiras.
Disce, per antiquos quæ mihi nota senes.
Jupiter indomito Juturnæ captus amore
Multa tulit, tanto non patienda Deo.
Illa modo in silvis inter coryleta latebat:
Nunc in cognatas desiliebat aquas.

Convocat hic Nymphas, Latium, quocunque tene-

Et jecit in medio talia verba choro : {basa

Invidet ipsa sibi, vitatque, quod expedit illi,

Vestra soror summo jungere membra Deo.

Consultite ambobus : nam quæ mea magna voluptas,

Utilitas vestræ magna sororis erit.

Vos illi in prima fugienti obstitite ripa,

Ne sua fluminea corpora mergat aqua.

Dixerat : annuerunt omnes Tiberinides udæ,

Quæque colunt thalamos, Ilia diva, tuos.

Forte fuit Nais, Lara nomine : prima sed illi

Dicta bis antiquum syllaba nomen erat,

Ex vitio positum. sæpe illi dixerat Almo,

Nata, tene linguam, nec tamen illa tener.

Quæ, simul ac tetigit Juturnæ stagna sororis,

Effuge, ait, ripas : dicta refertque Jovis.

Illæ etiam Junonem adiit : miserataque nuptam,

Naida Juturnam vir tuus, inquit, amat.

Juppiter intumuit : quæque est non usa modestæ,

Eripuit linguam : Mercuriumque monet ;

Duchanc ad manes : locus ille silentibus aptus.

Nympha, sed infernæ Nympha paludis, esit.

Iussa Jovis fiunt. accepit lucus euntes.

Dicitur illa duci tum placuisse Deo.

Vim parat hic : vultu pro verbis illa precatur ;

Et frustra muto nititur ore loqui.

Fitque gravis, geminosq; parit, qui compita servant,

Et vigilant nostra semper in urbe, Lares.

Proxima cognati dixere Caristia cari,

Et venit ad socias turba propinqua dapes.

Scilicet à tumulis, & qui periere, propinquis,

Protinus ad vivos ora referre juvat :

Postque tot amissos, quidquid de sanguine restat,

Adspicere : & generis dinumerare gradus.

Innocui veniant : procul hinc procul impius esto

Frater, & in partus mater acerba suos :

Cui pater est vivax, qui matris digerit annos,

Quæ premit invisam socrus iniqua nurum.

Tantalide fratres abŭnt, & Jasonis uxor,

Et quæ ruricolis semina tosta dedit :

Et soror, & Progne, Tereusque duabus iniquus :

Et quicunque suas per scelus auget opes.

Dis generis date thura boni. Concordia fertur

Illo præcipue mitis adesse die.

Et libate dapes : ut grati pignus honoris

Nutriet incinctos missa patella Lares.

Jamque ubi suadebit placidos nox ultima somnos,

Parca precaturæ sumite vina manus.

Et, Bene nos, Patriæ, bene te, Pater, optime Cæsar,

Dicite suffuso, sint rata verba, mero.

NOx ubi transierit, solito celebretur honore

Separat indicio qui Deus arva suo.

Termine, sive laps, sive es desolatus in agro,

Stipes, ab antiquis sic quoque non habes.

Te dum diversa domini pro parte corant;

Binaque secta tibi, binaque liba ferunt.

Ara sit : huc ignem custo fert rustica tellus

Sumptum de tepidis ipsa colona focis.

Ligna senex minuit : concisaque construit axe,

Et solida ramos figere pugnat humo.

Dum sicco primas istitat cortice flammæ;

Stat puer, & manibus lata castrata tenet.

Inde, ubi ter fruges medios immisit in ignes,

Porrigit incisos filia parva favos.

Vina tenent alii : libantur singula flammis.

Spectant, & linguis candida turba favent.

Spargitur & cæso communis Terminus agno :

Nec queritur, lactens cum sibi porca datur.

Conveniunt, celebrantque dapes vicinia simplex;

Et cantant laudes, Termine sancte, tuas.

Tu populos, urbesque, & regna ingentia finis :

Omnis erit sine te litigiosus ager.

Nulla tibi ambitio est : nullo corrumpere auro.

Legitima servas credita rura fide.

Si tu signasses olim Thyreatida terram;

Corpora non leto missa trecenta forent :

Nec foret Othryades congestis testus in armis.

O quantum patriæ sanguinis ille dedit !

Quid, nova cum fierent Capitola, nempe Deorum

Cuncta Jovi cessat turba locumque dedit.

Terminus (veteres memorant) conventus in æde

Resistit : & magno cum Jove templum tenet.

Nunc quoque, se supra ne quid nisi sidera cernat,

Exiguam templi tecti foramen habent.

Termine, post illud levitas tibi libera non est.

Qua positus fueris in statione, mane.

B § Nec

Nec tu vicino quicquam concede roganti ;
 Ne videre hominem pręposuisse Jovi.
 Et seu vomeribus, seu tu pulsabere rastris ;
 Clamato , Meus est hio ager, ille tuus.
 Est via, quę populum Laurentes ducit in agros,
 Quondam Dardanio regna petita duci.
 Illac lanigeri pecoris tibi, Termine ; sibiris
 Sacra videt fieri sextus ab Urbe lapis.
 Gentibus est aliis tellus data limine certo ;
 Romanę spatium est Urbis & orbis idem.
Nunc dicenda mihi Regis fuga. traxit ab illa
 Sextus ab extremo nomina mense dies.
 Ultima Tarquinius Romanę gentis habebat
 Regna : vir injustus, fortis ad arma tamen.
 Ceperat hic alias, alias everterat urbes ;
 Et Gabios turpi fecerat arte suos.
 Namque trium minimus, proles manifesta Superbi,
 In medios hostes nocte silente venit.
 Nudarant gladios ; Occidite, dixit, inermem.
 Hoc cupiant fratres, Tarquiniusque pater,
 Qui mea crudeli laceravit verbere terga,
 Dicere ut hoc posset, verbera passus erat.
 Luna fuit. spectant juvenem, gladiosque recondunt.
 Tergaque deducta veste notata vident.
 Flent quoque, & , ut secum tueatur bella, precantur.
 Callidus ignatis annuit ille viris.
 Jamque potens, misso genitorem appellat amico,
 Prodendi Gabios quod sibi monstret iter.
 Hortus odoratis suberat cultissimus herbis,
 Sestus humum rivo lene sonantis aquę.
 Illic Tarquinius mandata latentia nati
 Accipit, & virga lilia summa metit.
 Nuncius ut rediit, decussaque lilia dixit ;
 Filius, Agnosco jussa parentis, ait.
 Nec mora. Principibus cæsis ex urbe Gabina,
 Tradantur ducibus mœnia nuda suis.
 Ecce (nefas visu) mediis altaribus anguis
 Exit, & extinctis ignibus exta capit.
 Consultitur Phœbus. fors est ita reddita : Matri
 Qui dederit princeps oscula, victor erit.
 Oscula quisque suę matri properata tulerunt,
 Non intellecto credula turba Deo.
 Brutus erat stulti sapiens imitator, ut esset
 Tutus.

Tutus ab insidiis, dire Superbe, tuis.
Ille jacens pronus matri dedit oscula, Terræ,
Creditus offenso procubuisse pede.
Cingitur interea Romanis Ardea signis,
Et patitur lentas obsidione moras.
Dum vacat, & metuunt hostes committere pugnam;
Luditur in castris: otia miles agit.
Tarquinius juvenes socios dapibusque meroque
Accipit. ex illis Rege creatus ait:
Dum nos difficilis pigro tenet Ardea bello,
Nec finit ad patrios arma referre Deos;
Ecquid in officio torus est socialis? & ecquid
Conjugibus nostris mutua cura sumus?
Quisque suam laudant. studiis certamina crescunt;
Et fervent multo linguaque corque mero.
Surgit cui clarum dederat Collatia nomen;
Non opus est verbis, credite rebus, ait.
Nox superest: tollamur equis, Urbemque petamus.
Dicta placent: frænis impediuntur equi.
Pertulerant dominos. regalia protinus illi
Tecta petunt: custos in fore nullus erat.
Ecce nurum Regis fuis per colla coronis
Inveniunt posito pervigilare mero.
Inde cito passu petitur Lucretia. nebat.
Ante torum calathi, lanaque mollis, erant.
Lumen ad exiguum famulæ data pensa trahebant:
Inter quas tenui sic ait ipsa sono:
Mittenda est domino [nunc, nunc properate, puellæ]
Quamprimum nostra facta lacerna manu.
Quid tamen audistis? nam plura audire soletis.
Quantum de bello dicitur esse super?
Postmodo victa cades: melioribus, Ardea, restas,
Improba; quæ nostros cogis abesse Viros.
Sint tantum reduces. sed enim temerarius ille
Est meus; & stricto qualibet ense ruit.
Mens abit, & morior, quoties pugnantis imago
Me subit: & gelidum pectora frigus habet.
Desinit in lacrymas: intentaque fîla remittit;
In gremio vultum deposuitque suum.
Hoc ipsum decuit: lacrymæ cecidere pudicæ,
Et facies animo dignaque parque fuit.
Pone metum, venio, conjux ait illa revixit;
Deque viri collo dulces peperdit onus:

Interea juvenis furiatos regius ignes
 Concipit, & cæca raptus amore ruit.
 Forma placet, niveusque color, flavique capilli;
 Quique aderat nulla factus ab arte decor.
 Verba placent, & vox; & quod corrumpere non est:
 Quoque minor spes est, hoc magis ille cupita.
 Jam dederat cantum lucis prænuncius ales;
 Cum referunt juvenes in sua castra pedem.
 Carpitur attonitos absentis imagine sensus.
 Ille: recordanti plura magisque placent.
 Sic sedit: sic culta fuit: sic flamina nevit:
 Neglectæ collo sic jacuere comæ:
 Hos habuit vultus: hæc illi verba fuere:
 Hic decor, hæc facies, hic color oris erat.
 Ut solet à magno fluctus languescere flatu;
 Sed tamen à vento, qui fuit ante, tumet:
 Sic, quamvis aberat placitæ præsentia formæ,
 Quem dederat præsens forma, manebat amor.
 Ardet, & injusti stimulis agitur amoris:
 Comparat indigno vimque dolumque toro.
 Exitus, in dubio, est: audebimus ultima dixit.
 Viderit, audentes. Forsne Deusne juveta.
 Cepimus audendo Gabios, quoque talia fatus,
 Ense latus cingit; tergaque preffit equi.
 Accipit ærata juvenem Collatia porta:
 Condere jam vultus. Sole parante suos.
 Hostis, ut hospes, init penetralia Collatina:
 Comiter excipitur: sanguine junctus erat.
 Quantum animis erroris inest: parat inscia rerum.
 Infelix epulas hostibus illa suis.
 Junctus erat dapibus: poscunt sua tempora somnia.
 Nox erat; & tota lumina nulla domo.
 Surgit, & auratum vagina deripit enses;
 Et venit in thalamos, nupta pudica, tuos.
 Utque torum preffit, Ferrum, Lucretia, mecum est,
 Natus, ait, Regis, Tarquiniusque vocor.
 Illa nihil: neque enim vocem viresque loquendi,
 Aut aliquid toto pectore mentis, habet.
 Sed tremit, ut quondam stabulis depresso relictis,
 Parva sub infesto cum jacet agna lupo.
 Quid faciat: pugnet: vincetur semina pugna.
 Clamet: at in dextra, qui necet, ens adest.
 Illa giat: posita urgetur pectora palmis;

Nunc

Nunc primum externa pectora tacta manu.
Instat amans hostis precibus, pretioque, minisque:
Nec prece, nec pretio, nec movet ille minis.
Nil agis; eripiam, dixit, per crimina vitam:
Falsus, adulterii testis adulter ero.
Interimam famulum; cum quo deprensa fereris,
Succubuit famæ victa puella metu.
Quid, victor, gaudes hæc te victoria perdet.
Heu quanto regnis nox stetit una tuis?
Jamque erat orta dies: passis sedet illa capillis;
Ut solet ad nati mater itura rogam.
Grandævumque patrem fido cum conjuge castris
Evocat: & posita venit uterque mora.
Utque vident habitum; quæ luctus causa requirunt,
Cui paret exsequias, quove sit ista malo.
Illa diu reticet, pudibundaque celat amictu.
Ora fluunt lacrymæ more perennis aquæ.
Hinc pater, hinc conjux lacrymas solantur, & orant.
Indicet: & cæco stentque paventque metu.
Ter conata loqui, ter desistit: ausaque quarto,
Non oculos adeo sustulit illa suos.
Hoc quoque Tarquinio debemus eloquar, inquit,
Eloquar infelix dedecus ipsa meum.
Quæque potest narrare restabant ultima; flevit:
Et matronales erubere genæ.
Dant veniam facto genitor conjuxque coacto.
Quam, dixit, veniam vos datis, ipsa nego.
Nec mora; celato, figit sua pectora ferro:
Et cadit in patrios sanguinolenta pedes.
Tunc quoque, jam moriens, ne non procumbat hunc.
Respicit hæc etiam cura cadentis erat. (ste,
Ecce super corpus communia damna gementes:
Obliiti decoris virque, paterque jacent.
Hætos adest, tandemque animo sua nomina fallit,
Fixaque semanimi corpore tela rapit.
Stillantemque tenens generoso sanguine cultum,
Edidit impavidos ore minante sonos:
Per tibi ego hunc juro sortem, castumque cruorem,
Perque tuos Manes, qui mihi numen erant:
Tarquinium poenas profuga cum stirpe daturum.
Jam satis est virtus dissimulata diu.
Illa jacens ad verba oculos sine lumine movit;
Visaque concussa dicta probare coma.

Fertur in exsequias animi matrona viriſſis :
 Et ſecum lacrymas , invidiamque trahit .
 Vulnus inane patet . Brutus clamore Quirites
 Concitat , & Regis facta nefanda refert .
 Tarquinius cum prole fugit . capit annua Conſul
 Jura . dies regnis illa ſuprema fuit .
Fallimur ? an veris prænuncia venit hirundo ;
 Et metuit , ne qua verſa recurraſſet hiems ?
 Sæpe tamen , Progne , nimium properaſſe quereris ;
 Virque tuo Tereus frigore lætus erit .
Jamque duæ reſtant noctes de menſe ſecundo ,
 Maſque citos junctis curribus urget equos :
 Ex vero poſitum permanſit Equiria nomen ;
 Quæ Deus in Campo proſpicit ipſe ſuo .
 Jure venis , Gradiſſe ; locum tua tempora poſcunt :
 Signatusque tuo nomine menſis adest .
 Venimus in portum , libro cum menſe peracto ,
 Naviget hinc alia jam mihi linter aqua .

F A S T O R U M

L I B E R I I I .

Bellice , depoſitis clypeo pauliſper & haſta ,
 Mars , ades ; & nitidas caſſide ſolve comas .
 Forſitan ipſe roges , quid ſit cū Marte Poetæ :
 A te , qui canitur , nomina menſis habet .
 Ipſe vides manibus peragi fera bella Minervæ .
 Num minus ingenuis artibus illa vacat ?
 Palladis exemplo ponendæ tempora ſume
 Cuſpidis . invenies & quod inermis agas .
 Tum quoque inermis eras , cum te Romana ſacerdos
 Cepit ; ut huic Urbi ſemina digna dares .
 Ilia Veſtalis [quid enim vetat inde moveri ?]
 Sacra lavaturas mane petebat aquas .
 Ventum erat ad molli declivem tramite ripam ;
 Ponitur è ſumma fiſtilis urna coma .
 Feſſa reſedit humi , ventosque accepit aperto
 Pectore ; turbatas reſtituitque comas .
 Dum ſedet ; umbroſæ Calices , volucresque canoræ
 Fecerunt ſomnos , & leve murmur aquarum
 Blanda quies victor furtim taſcepit ocellis :
 Et cadit à mento languida facta manus .

Mars

Mars videt hanc, visamque cupit, potiturque cupi-

Et sua divina furta fefellit ope. [tam:

Somnus abit: jacet illa gravis. jam scilicet intra

Viscera, Romanæ conditor Urbis, eras.

Languida confurgit; nec scit cur languida surgat:

Et peragit tales arbore nixa sonos:

Utile sit faustumque, precor, quod imagine somni

Vidimus. an somno clarius illud erat?

Ignibus Iliacis aderam: cum lapsa capillis

Decidit ante sacros lanea vitta focos.

Inde duæ pariter (visu mirabile) palmas

Surgunt. ex illis altera major erat:

Et gravibus ramis totum protexerat orbem;

Contigeratque nova sidera summa coma.

Ecce meus ferrum patruus molitur in illas.

Terreor admonitu; corque timore micat.

Martia Picus avis gemino pro stipite pugnant,

Et Lupa. tuta per hos utraque palma fuit.

Dixerat: & plenam non firmis viribus urnam

Sustulit. implebat, dum sua visa refert.

Interea crescente Remo, crescente Quirino,

Cælesti tumidus pondere venter erat.

Quo minus emeritis exiret curâbus annus,

Restabant nitido jam duo signa Deo.

Sylvia sit mater: Vestæ simulacra feruntur

Virgineas oculis opposuisse manus.

Ara Deæ certe tremuit pariente ministra;

Et subiit cineres territa flamma suos.

Hæc ubi cognovit contemtor Amulius æqui:

(Nam raptas fratri victor habebat opes)

Anne jubet mergi geminos. scelus unda refugit

In sicca pueri destituuntur humo.

Lacte quis infantes nescit crevisse ferino,

Et picum expositis sæpe tulisse cibos?

Non ego te, tantæ nutrix Larentia gentis,

Nec taceam vestras, Faustule pauper, opes.

Vester honos veniet, cum Larentalia dicam:

Acceptus Geniis illa December habet.

Martia ter senos proles adoleverat annos;

Et suberat flavæ jam nova barba comæ,

Omnibus agricolis armentorumque magistris

Iliadæ fratres jura petita dabant.

Sæpe domum veniunt prædonum sanguine læti,

Et

Et redigunt actos in sua rura boves.
 Ut genus audierunt; animos pater agnitus auget.
 Et pudet in paucis nomen habere casis:
 Romuleoque cadit trajectus Amulius ense:
 Regnaque longævo restituntur avo.
 Mœnia conduntur: quæ, quamvis parva fuerunt,
 Non tamen expedit transiisse Remo.
 Jam, modo quæ fuerant silvæ, pecorumque recessus,
 Urbs erat. æternæ cum pater Urbis ait:
 Arbiter armorum, de cuius sanguine natus
 Credor; & ut credar pignora certa dabo:
 A te principium Romano ducimus anno:
 Primus de patrio nomine mensis eat.
 Vox rata sit; patrioque vocat de nomine menssem.
 Dicitur hæc pietas grata fuisse Deo.
 Et tamen ante omnes Martem coluere priores.
 Hoc dederat studiis bellica turba suis.
 Pallada Cecropidæ, Minosia Creta Dianam,
 Vulcanum tellus Hypsipylæ colit:
 Junonem Sparte, Pelopeiadesque Mycenæ:
 Pinigerum Fauni Mænalis ora caput.
 Mars Latio venerandus erat; quia præsidet armis.
 Arma feræ genti remque decusque dabant.
 Quod si fortè vacas, peregrinos inspicere Fastos,
 Mensis in his etiam nomine Martis erit.
 Tertius Albanis, quintus fuit ille Faliscis:
 Sextus apud populos, Hernica terra, tuos.
 Inter Aricinos, Albanaque tempora constant.
 Factaque Telegoni mœnia celsa manu.
 Quintum Laurentes, bis quintum Æquiculus asper,
 A tribus hunc primum turba Curenسيس habet.
 Et tibi cum proavis, miles Peligne, Sabinis
 Convenit: hic genti quartus utrique Deus.
 Romulus hos omnes ut vinceret ordine saltem,
 Sanguinis auctori tempora prima dedit.
 Nec totidem veteres, quot nunc, habuere Kalendas.
 Ille minor geminis mensibus annus erat.
 Nondum tradideras victas victoribus artes,
 Græcia, facundum sed male forte genus.
 Qui bene pugnarat, Romanam noverat artem:
 Mittere qui poterat pila, disertus erat.
 Quis tunc aut Hyadas, aut Pliadas Atlanteas
 Senserat, aut geminos esse sub axe polos?
Esse

Esse duas Arctos; quarum Cynosura petatur
Sidoniis; Helicen Graja carina notet?
Signaque quæ longo frater percenscat anno,
Ire per hæc uno mense sororis equos?
Libera currebant, & inobservata per annum
Sydera: constabat sed tamen esse Deos.
Non illi cælo labentia signa movebant;
Sed sua: quæ magnum perdere crimen erat.
Illaque de scæno. sed erat reverentia scæno,
Quantam nunc Aquilas cernis habere tuas.
Pertica suspensos portabat longa maniplos:
Unde manipularis nomina miles habet.
Ergo animi indociles, & adhuc ratione carentes,
Mensibus egerant lustra minora decem.
Annus erat; decimum cum Luna repleverat orbem.
~~Hic nostris magno tunc in honore fuit.~~
Seu quia tot digiti, per quos numerare solemus:
Seu quia bis quino scæmina mense parit.
Sed quod adusque decem numero crescente veniturs
Principium spatii sumitur inde novis.
Inde partes centum denos secrevit in orbes
Romulus: Hastatos instituitque decem.
Et totidem Princeps totidem Pilius habebat
Corpora: legitimo quique merebat equo.
Quin etiam partes totidem Titienibus idem,
Quosque vocant Ramnes, Luceribusque dedit.
Assuetos igitur numeros servavit in anno.
Hoc lugeat spatium scæmina mœsta virum.
Non dubites, primæ fuerint quin ante Kalendæ
Martis; ad hæc animum signa referre potes.
Laurea Flaminibus, quæ toto perstitit anno,
Tollitur: & frondes sunt in honore novæ.
Janua nunc Regis posita viret arbore Phœbi:
Ante tuas sit idem, Curia prisca, fores.
Vesta quoque ut folio niteat velata recenti,
Cedit ab Iliacis laurea cana focis.
Adde, quod arcana fieri novus ignis in æde
Dicitur; & vires flamma resecta capit.
Nec mihi parva fides, annos hinc iste priores;
Anna quod hoc cœpta est mense Perenna coli.
Hinc etiam veteres initi memorantur honores
Ad spatium belli, perfide Pœne, tui.
Denique quintus ab hoc fuerat Quintilis: & inde
Inci-

Incipit, à numero nomina quisquis habet.
Primus oliviferis Romam deductus ab arvis
Pompilius menses sensit abesse duos.
Sive hoc à Samio doctus, qui posse renasci
Nos putat; Egeria sive monente sua.
Sed tamen errabant etiamnum tempora; donec
Cæsaris in multis hæc quoque cura fuit.
Non hæc ille Deus tantæque propaginis auctor
Credidit officiis esse minora suis:
Promissumque sibi voluit prænoscere cælum:
Nec Deus ignotas hospes inire domos.
Ille moras Solis, quibus in sua signa rediret,
Traditur exactis disposuisse notis.
Is decies senos tercentum & quinque diebus
Junxit, & è pleno tempora quarta die.
Hic anni modus est, in lustrum accedere debet,
Quæ consumatur partibus, una dies.
SI licet occultos monitus audire Deorum
Vatibus; ut certe fama licere putat;
Cum sis officiis, Gradive, virilibus aptus;
Dic mihi, matronæ cur tua festa colant.
Sic ego; sic posita dixit mihi cuspide Mavors;
Sed tamen in dextra missilis hasta fuit:
Nunc primum studiis pacis, Deus utilis armis,
Advocor: & gressus in nova castra fero.
Nec piget incepti: juvat hac quoque parte morari.
Hoc solam ne se posse Minerva putet.
Disce, Latinorum vates operose dierum,
Quod petis: & memori pectore dicta nota.
Parva fuit, si prima velis elementa referre,
Roma: sed in parva spes tamen hujus erat.
Mœnia jam stabant populis angusta futuris:
Credita sed turbæ tunc nimis ampla suæ.
Quæ fuerit nostri si quæris regia nati;
Adspice de canna straminibusque domum.
In stipula placidi carpebat munera somni:
Et tamen ex illo venit in astra toro.
Jamque loco majus Romanus nomen habebat;
Nec conjux illi, nec socer ullus erat.
Spernebant generos inopes vicinia dives:
Et male credebar sanguinis auctor ego.
In stabulis habitasse, boves pavisse, nocebat;
Jugeraque inculti pauca tenere soli.

Cum

Cum pare quæque suo coeunt volucresque feræque:
Atque aliquam, de qua procreet, anguis habet.
Extremis dantur connubia gentibus: at, quæ
Romano vellet nubere, nulla fuit.
Indolui; patriamque desit tibi, Romule, mentem.
Tolle preces, dixi: quod petis, arma dabunt;
Festa para Conso: Consus tibi cætera dicet;
Ipso festa die dum sua sacra canes.
Intinuere Cures, & quos dolor attigit idem.
Tum primum generis intulit arma socer.
Jamque fere raptæ matrum quoque nomen habebant;
Tractaque erant longa bella propinqua mora.
Conveniunt nuptæ dictam Junonis in ædem:
Quas inter mea sic est nurus orsa loqui:
O pariter raptæ, [quoniam hoc commune tenemus]
Non ultra lente possumus esse pæ.
Stant acies: sed utra Di sint pro parte rogandi,
Eligite. hinc conjux, hinc pater arma tenentæ
Quærendum, viduæ fieri malimus an orbu.
Consilium vobis forte piumque dabo.
Consilium dederat, parent, crinemque resolvant;
Mœstaque funerea corpora veste tegunt.
Jam stabant acies ferro mortique paratæ:
Jam lituus pugnae signa daturus erat:
Cum raptæ veniunt inter patresque virosque;
Inque sinu natos pignora cara ferunt.
Ut medium campî passim tetigere capillis;
In terram posito procubuerunt genu.
Et, quasi sentirent, blando clamore nepotes
Tendebant ad avos brachia parva suos.
Qui poterat, clamabat avum tum denique visum;
Et qui vix poterat, posse coactus erat.
Tela viris animusque cadunt: gladiisque remotis
Dant soceri generis accipiuntque manus.
Laudatasque tenent natas; scutoque nepotem
Fert avus: hic scutis dulcior usus erat.
Inde diem, quæ prima, meas celebrare Kalendas
Oebalides matres non leve munus habent.
An, quia committi strictis mucronibus ausæ
Finierant lacrymis Martia bella suis?
Vel quod erat de me feliciter Ilia mater;
Rite colunt matres sacra, diemque meum.
Quid quod hiems adoperta gelu nunc denique cedit
Et

Et portunt victæ Sole tepente nives.
 Arboribus redeunt detonsæ frigore frondes ;
 Vividaque è tenero palmitegethma tumet.
 Quæque diu lævit, nunc, se qua tollat in auras,
 Fertillis occultas invenit herba vias.
 Nunc foecundus ager ; pectoris nunc hora creandi :
 Nunc avis in ramis testa laremque parat.
 Tempora jure colunt Latæ foecunda parentes ;
 Quaram militiam votaue partus habet.
 Adde, quod excubias Regi Romanus agebat ;
 Quæ nunc Esquillas nomina collis habet.
 Illæ è nurbibus Junoni templa Latinis
 Hæc sunt, si memini, publica facta die.
 Quid moror, & variis onero tuæ pectora causis ?
 Eminet ante oculos, quod petis, ecce tuos.
 Mater amat nuptas : matris me turba frequentant.
 Hæc nos præcipue tam pia causa decet.
 Feste Deæ flores : gaudet florentibus herbis.
 Hæc Dea : de tenero cingite flore caput.
 Dicite, Tu lucem nobis, Lucina, dedisti.
 Dicite, Tu voto parturientis ades.
 Si qua tamen gravida est, resoluta crine præcetur,
 Ut solvat partus mollior illa suos.
Quis mihi nunc dicat, quare caelestis Maris
 Arma ferant Salii, Mamuriumque canant ?
 Nympha, mone, nemori stagnoque operata Dianæ.
 Nympha, Numæ conjux, ad tua festa veni.
 Vallis Aricinæ silva præcinctus opaca
 Est lacus, antiqua religione sacer.
 Hic latet Hippolytus furiis direptus equorum :
 Unde nemus nullis illud inicitur equis.
 Licia dependent longas velantia sepes,
 Et posita est meritæ multa tabella Deæ.
 Sæpe potens voti frontem redimita coronis
 Fœmina lucentes portat ab Urbe faces.
 Regna tenent fortesque manu pedibusque fugaces,
 Et perit exemplo postmodo quisque suo.
 Desluit incerto lapidosus murmuris rivus :
 Sæpe, sed exiguis haustibus, inde bibes.
 Egeria est, quæ præbet aquas, Dea grata Camœnis.
 Illa Numæ conjux consiliumque fuit.
 Principio nimium promptos ad bella Quirites
 Molliri placuit jure, Deumque metu.

Inde

Inde datz leges; ne firmior omnia posset:

Ceptaque sunt pure tradita sacra coli.

Exiit feritas, armisque potentius æquum est:

Et cum cive pudet conseruisse manus.

Atque aliquis modo trux visa jam vertitur ara;

Vinaque dat tepidis, salsaque farra focis.

Ecce Deum genitor rutilas per nabilia flammæ.

Spargit, & effusis æthera siccant aquis.

Non alias missi ceciderunt frequentius ignes.

Rex pavet; & vulgi pectora terror habet.

Cui Dea, Ne nimium terrere; piabile fulmen

Est, ait; & sævi flectitur ira Jovis.

Sed poterunt ritum Pieus Faunusque piandi

Prodere, Romani numen uterque soli.

Nec sine vi tradenti adhibeto vincula captis.

Atque ita, qua possint, erudit, arte capi.

Lucus Aventino suberat niger ilicis umbra,

Quo posses viso dicere, Numen inest.

In medio gramen, muscoque adoperta virenti

Manabat saxo vena perennis aquæ.

Inde fere soli Faunus Picusque bibebant.

Huc venit, & Fonti rex Numa mactat ovem.

Plenaque odorati Dis ponit pocula Bacchi;

Cumque suis antro conditus ipse latet.

Ad solitos veniant silvestria numina fontes:

Et relevant multo pectora sicca mero.

Vina quies sequitur. gelido Numa prodiit ab antro,

Vinclaque sopitas addit in arcta manus.

Somnus ut abscessit; tentando vincula pugnant

Rumpere: pugnantem fortius illa tenent.

Tunc Numa, Di nemorum, factis ignoscite nostris,

Si scelus ingenio scitis abesse meo.

Quoque modo possit fulmen monstrare piari.

Sic Numa: sic quatiens cornua Faunus ait:

Magna petis; nec quæ monitu tibi discere nostro

Fas sit. habent fines numina nostra suos.

Di sumus agrestes, & qui dominemur in altis

Montibus. arbitrium est in sua tela Jovi.

Hunc tu non poteris per te deducere exlo:

At poteris nostra forsitan usus ope.

Dixerat hæc Faunus: par est sententia Pici.

Deme tamen nobis vincula, Picus ait.

Jupiter huc veniet valida deductus ab arte.

Nu.

Nubila promissi Styx mihi testis erit :
 Emissi quid agant laqueis , quæ carmina dicant ;
 Quaque trahant superis sedibus arte Jovem ;
 Scire nefas homini. nobis concessa carentur ,
 Quæque pio dici vatis ab ore licet .
 Eliciant cœlo te' , Jupiter. unde minores
 Nunc quoque te celebrant , Eliciumque vocant :
 Constat Aventinæ tremuisse cacumina silve :
 Terraque subsedit pondere pressa Jovis .
 Corda micant Regis : totoque è pectore sanguis
 Fugit ; & hirsutæ diriguere comæ .
 Ut rediit animus , Da certa piamina , dixit ,
 Fulminis , altorum Rexque Paterque Deum .
 Si tua contigimus manibus donaria puris :
 Hoc quoque , quod petitur , si pia lingua rogat .
 Annuit oranti ; sed verum ambage remota
 Abdidit , & dubio terruit ore virum .
 Cæde caput , dixit. cui Rex , Parebimus , inquit :
 Cædenda est hortis eruta cepa meis .
 Addidit hic , Hominis summos , ait ille , capillos ,
 Postulat hic animam ; cui Numa , Piscis , ait .
 Risit : & , His , inquit , facito mea tela procures ,
 O vir colloquio non abigende meo .
 Sed tibi , protulerit cum totum crastinus orbem
 Cyathius , imperii pignora certa dabo .
 Dixit , & ingenti tonitru super æthera motum
 Fertur , adorantem destituitque Numam .
 Ille redit lætus , memoratque Quiritibus acta .
 Tarda venit dictis difficillisque fides .
 At certe credemur , ait , si verba sequatur
 Exitus. en , audi crastina , quisquis ades .
 Protulerit terris cum totum Cynthius orbem ,
 Jupiter imperii pignora certa dabit .
 Discedunt dubii ; promissaque tarda videntur ;
 Dependetque fides à veniente die .
 Mollis erat tellus rorata mane pruina ;
 Ante sui populus limina Regis adest .
 Prodit , & in folio medius consedit acerno .
 Innumeri circa stantque silentque viri .
 Ortus erat summo tantummodo margine Phœbus ;
 Sollicitæ mentes speque metuque pavent .
 Constitit , atque caput niveo velatus amictu
 Jam bene Dis notas sustulit ille manus .

At-

Atque ita, tempus adest promissi muneris, inquit.
 Pollicitam dictis, Jupiter, adde fidem.
 Dum loquitur, totum jam Sol emerferat orbem:
 Et gravis æthereo venit ab axe fragor,
 Ter tonuit sine nube Deus, tria fulgura misit.
 Credite dicenti: mira, sed acta, loquor.
 A media cælum regione dehiscere cœpit:
 Submisere oculos cum Duce turba suos.
 Ecce levi scutum versatum leniter aura
 Decidit. à populo clamor ad astra venit.
 Tollit humo munus cæsa prius ille juvenca,
 Quæ dederat nulli colla premenda jugo.
 Idque ancile vocat; quod ab omni parte recisum est:
 Quaque notes oculis, angulus omnis abest.
 Tum, memor imperii sortem consistere in illo,
 Consilium multæ calliditatis inquit.
 Plura jubet fieri simili cælata figura;
 Error ut ante oculos insidiantis eat.
 Mamurius morum fabræne exactior artis,
 Difficile est, illud, dicere, clausit opus.
 Cui Numa munificus, Facti pete præmia, dixit:
 Si mea nota fides; irrita nulla petes.
 Jam dederat Saliis [à saltu nomina ducunt]
 Armaque, & ad certos verba canenda modos.
 Tum sic Mamurius, Merces mihi gloria detur,
 Nominaque extremo carmine nostra sonent.
 Inde sacerdotes operi promissa vetusto
 Præmia persolvunt, Mamuriumque vocant.
 Nubere si qua voles, quamvis properabitis ambo,
 Differ: habent parvæ commoda magna moræ.
 Arma movent pugnam, pugna est aliena maritis.
 Condita cum fuerint, aptius omen erit.
 His etiam conjux apicati cincta Dialis
 Lucibus impexas debet habere comas.

Tertia nox emersa suos ubi moverit ignes;
 Conditus è geminis Piscibus alter erit.
 Nam duo sunt: Austris hic est, Aquilonibus ille
 Proximus. à vento nomen uterque tenet.

Cum croceis rorare genis Tithonia conjux
 Cœperit, & quintæ tempora lucis aget:
 Sive est Arctophylax, sive est piger ille Bootes;
 Mergetur, visus effugietque tuos.
 At non effugiet Viandemitor. hoc quoque causam
 Unde

Unde trahat sidus parva referre mora est.
 Ampelon intonsum Satyro Nymphaque creatum
 Fertur in Ismariis Bacchus amasse jugis.
 (Tradidit huic vitem pendentem frondibusulmi;
 Quæ nunc de pueri nomine nomen habet.)
 Dum legit in ramo pietas temerarius uvas,
 Decidit: amissum Liber in astra vehit.

Sextus ubi Oceano clivofum scandit Olympum
 Phœbus, & alatis æthera carpit equis;
 Quisquis ades, cænzque colis penetralia Vestæ;
 Cratera Iliacis thuraque pone focis.

Cæsaris innumeris, quem maluit ille mereri,
 Accessit. titulis Pontificalis honos.

Ignibus æternis æterni numina præsent

Cæsaris. imperii pignora juncta vides.

De veteris Trojæ dignissima præda favilla,

Qua gravis Æneas tutus ab hoste fuit;

Ortus ab Ænea tangit cognata sacerdos

Numina; cognatum, Vesta, tuere caput.

Quos sancta fovet ille manu, bene vivitis ignes.

Vivite inextincti flammaque Duxque precor.

UNa nota est Marti: Nonis sacrata quod illis

Templa putant lucos Vejovis ante duos.

Romulus ut saxo lucum circumdedit alto;

Cuilibet, Huc, inquit, confuge; tutus eris,

Q quam de tenui Romanus origine crevit!

Turba vetus quam non invidiosa fuit!

Ne tamen ignaro novitas tibi nominis obftet;

Disce quis iste Deus, curve vocetur ita.

Jupiter est juvenis: juveniles adspice vultus.

Adspice deinde manum: fulmina nulla tenet.

Fulmina, post ausos cælum affectare Gigantas,

Sumpta Jovi: primo tempore inermis erat.

Ignibus Ossa novis, & Pelion altius Ossa

Arsit, & in solida fixus Olympus humo.

Stat quoque capra simul: Nymphæ pavisse feruntur

Cretides. infantis lætædedit illa Jovi.

Nunc vocor ad nomen: vegrandia farra colonæ,

Quæ male creverunt, vescaque parva vocant.

Vis ea si verbi est; cur non ego Vejovis ædem,

Ædem non magni suspicer esse Jovis?

Jamque, ubi caruleum vallabunt sidera cælum,

Suspice: Gorgonæ colla videbis equi.

Cre-

Creditur hic cæse grvida cervice Medusæ
Sanguine respensis prosiluisse júbis.
Huic supra nubes, & subter sidera lapsæ
Cælum pro terra, pro pede penna fuit.
Jamque indignanti nova frena receperat ore,
Cum levis Aonias ungula fodit aquas.
Nunc fruitur cælo, quod pennis ante petebat:
Et nitidus stellis quinque decemque micat.

Protinus adspicies venienti nocte Coronam
Gnosida. Theseo crimine facta Dea est.
Jam bene perjuro mutarat conjuge Bacchum,
Quæ dedit ingrato sibi legenda viro.
Sorte tori gaudens, Quid flebam rustica, dixit?
Utiliter nobis perfidus ille fuit.

Interea Liber depexos crinibus Indos
Vincit, & Eo dives ab orbe venit.
Inter captivas facie præstante puellas
Grata nimis Baccho filia Regis erat.
Flebat amans conjux, spatiatæque littore curvæ
Edidit incultis talia verba comis:
En iterum similes, fluctus, audite querelas-
En iterum lacrymas accipe, arena, meas.
Dicebam, memini, perjure & perfide Theseu.
Ille abiit: eadem crimina Bacchus habet.
Nunc quoque nulla viro, clamabo, femina credat.
Nomine mutato causæ relata mea est.
O. utinam mea fors, qua primum coeperat, isset?
Jamque ego præsentis tempore nulla forem?
Quid me desertis perituram, Liber, arenis
Servabas? potui dedoluisse semel.
Bacche levis, leviorque tuis, quæ tempora cingunt,
Frondeb; in lacrimas, cognite Bacche, meas;
Ausus es ante oculos adducta pellice nostros
Tam bene compositum sollicitare torum?
Heu ubi pacta fides! ubi quæ jurare solebas?
Me miseram, quoties hæc ego verba loquor!
Thesea culpabas, fallacemque ipse vocabas:
Judicio peccas turpius ipse tuo.
Ne sciat hoc quisquam, tacitisque doloribus urari
Ne toties falli digna fuisse puter.
Præcipue cupiam celari Thesea; ne te
Consortem culpæ gaudeat esse suæ.
At, puto, præposita est fuscæ mihi candida pellex.

Eveniat nostris hostibus ille color.
 Quid tamen hoc refert, vitio si gratior ipso est,
 Quid facis? amplexus inquinat illa tuos.
 Bacche, fidem præsta; nec præfer amoribus ullam
 Conjugis assuetz semper amare virum.
 Ceperunt matrem formosi cornua tauri;
 Me tua: at hic laudi, est ille pudendus amor.
 Ne noceat quod amo: neq; enim tibi Bacche nocebat,
 Quod flammæ nobis fastus es ipse tuas.
 Nec, quod nos uris, mirum facis. ortus in igne
 Diceris, & patria raptus ab igne manu.
 Illa ego sum, cui tu solitus promittere cælum.
 Hei mihi, pro cælo qualia dona fero!
 Dixerat: audibat jamdudum verba querentis
 Liber, ut à tergo forte secutus erat.
 Occupat amplexu, lacrymasque per oscula siccant:
 Et, Pariter cæli summa petamus, ait.
 Tu mihi juncta toro, mihi juncta vocabula sume.
 Jam tibi mutatz Libera nomen erit.
 Sintque tuz tecum faciam monumenta coronæ;
 Vulcanus Veneri quam dedit, illa tibi.
 Dicta facit: gemmasque novem transformat in ignes.
 Aurea per stellas nunc micat illa novem.
S Exubi sustulerit, totidem demerserit orbes,
 Purpureum rapido qui vehit axe diem;
 Altera gramineo spectabis Equiria campo.
 Quem Tyberis curvis in latus urget aquis.
 Qui tamen ejecta si fortè tenebitur unda:
 Cælius accipiat pulverulentus equos.
I Dibus est Annæ festum geniale Perennæ,
 Haud procul à ripis, advena Tybri, tuis.
 Plebs venit, ac virides passim disjecta per herbas
 Potat, & accumbit cum pare quisque sua.
 Sub Jove pars durat: pauci tentoria ponunt:
 Sunt, quibus è ramo frondea facta casa est:
 Pars ibi pro rigidis calamos statuere columnis:
 Desuper extentas imposuere togas.
 Sole tamen, vinoque calent: annosque precantur,
 Quot sumant cyathos: ad numerumque bibunt.
 Invenies illic, qui Nestoris ebibat annos:
 Quæ sit per calices facta Sibylla suos.
 Illic & cantant, quidquid didicere theatris;
 Et jactant faciles ad sua verba manus:

Et ducunt posito duras cratera choreas ,
 Cultaque diffusis saltat amica comis.
Cum redeunt , titubant ; & sunt spectacula vulgo :
 Et fortunatos obvia turba vocant .
Occurri nuper . visa est mihi digna relatu
 Pompa : senem potum pota trahebat anus .
Quæ tamen hæc Dea sit , (quoniam rumoribus errant)
 Fabula proposito nulla tacenda meo .
Arserat Æneæ Dido miserabilis igne :
 Arserat exstructis in sua fata rogis .
 Compositusque cinis , tumuliq ; in marmore carmen
 Hoc breve , quod moriens ipsa reliquit , erat :
 Præbuit Æneas & causam mortis , & ensen :
 Ipsa sua Dido concidit usa manu .
Protinus invadunt Numidæ sine vindice regnum ;
 Et potitur capta Maurus Iarba domo .
 Seq ; memor spretum , thalamis tamen , inquit , Elisæ ;
 En ego , quem toties reppulit illa , fruor .
Diffugiunt Tyrii , quo quemque agit error , ut olim
 Amisso dubiæ rege vagantur apes .
Tertia nudandas acceperat area messes ;
 Inque cavos ierant tertia musta lacus ;
Pellitur Anna domo : lacrymansque sororia linquit
 Mœnia . germanæ iusta dat ante suæ .
Mista hibunt molles lacrymis unguenta favillæ ;
 Vertice libatas accipiuntque comas .
Terque , Vale , dixit : cineres ter ad ora relatos
 Pressit . & est illis visa subesse soror .
Nacta ratem , comitemque fugæ , pede labitur æquo ,
 Mœnia respiciens dulce sororis opus .
Fertilis est Melite sterili vicina Cosyræ
 Insula , quam Libyci verberat unda freti .
Hanc petit hospitio Regis confusa vetusto .
 Hospes opum dives Rex ibi Battus erat .
Qui postquam didicit casus utriusque sororis ;
 Hæc , inquit , tellus quantulacunque tua est .
Et tamen hospitii servasset ad ultima munus ,
 Sed timuit magnas Pygmalionis opes .
Signa recensuerat bis Sol sua : tertius ibat
 Annus ; & exsilibus terra petenda nova est :
 Frater adest , belloque petit . Rex arma perosus ,
 Nos sumus imbelles , tu fuge sospes , ait .
Iussa fugit ; ventoque ratem committit & undis .

Asperior quovis æquore frater erat.
 Est prope piscosos lapidosi Crathidis amnes
 Purus ager : Cameren incola turba vocant.
 Illuc cursus erat. nec longius absuit inde,
 Quam quantum novies mittere funda potest.
 Vela cadunt primo, & dubia librantur ab aura.
 Findite remigio, navita dixit, aquas.
 Dumque parant torto subducere carbasa lino,
 Percutitur rapido puppis adunca Noto :
 Inque patens æquor frustra pugnante magistro
 Fertur : & ex oculis visa refugit humus.
 Affiliunt fluctus, imoque à gurgite pontus
 Vertitur, & canas alveus haurit aquas.
 Vincitur ars vento : nec jam moderator habenis
 Utitur; at votis : hic quoque poscit opem.
 Jactatur tumidas exsul Phœnissa per undas;
 Humidaque apposita lumina veste tegit.
 Tunc primum Dido felix est dicta sorori,
 Et quæcunque aliquam corpore pressit humum.
 Figitur ad Laurens ingenti flamine littus
 Puppis : &, expositis omnibus, hausta perit.
 Jam pius Æneas regno nataque Latini
 Auctus erat; populos miscueratque duos.
 Littore dotati, solo comitatus Achate,
 Secretum nudo dum pede carpit iter;
 Adspicit errantem, nec credere sustinet Annam
 Esse. quid in Latios illa veniret agros?
 Dum secum Æneas : Anna est, exclamat Achates.
 Ad nomen vultus sustulit illa suos.
 Quo fugiat? quid agat? quos terræ quærat hiatus?
 Ante oculos miseræ fata sororis erant.
 Sensit, & alloquitur trepidam Cytherejus heros:
 Flet tamen admonitu mortis, Elisa, tuæ.
 Anna, per hanc juro, quam quondam audire solebas
 Tellurem fato prosperiore dari;
 Perque Deos comites, hac nuper sede locatos;
 Sæpe meas illos increpuisse moras.
 Nec timui de morte tamen : metus absuit iste.
 Hei mihi ! credibili fortior illa fuit.
 Ne refer. adspexi non illo pectore digna
 Vulnere, Tartareas ausus adire domos.
 At tu, seu ratio te nostris appulit oris,
 Sive Deus; regni commoda carpe mei.

Multa

Multa tibi memores, nil non debemus Elissæ.

Nomine grata tuo, grata sororis, eris.

Talia dicenti (neque enim spes altera restat)

Credidit; errores exposuitque suos.

Utque domum intravit Tyrios induta paratus;

Incipit Æneas, (cætera turba silet.)

Hanc tibi curtardam, pia, causa, Lavinia conjux,

Est mihi: consumsi naufragus hujus opes.

Orta Tyro, regnum Libyca possedit in ora:

Quam precor ut caræ more sororis ames.

Omnia promittit, falsumque Lavinia vulnus

Mente premit tacita, dissimulatque fremens.

Donaque cum videat præter sua lumina ferri

Multa palam; mitti clam quoque multa putat.

Non tamen exactum, quid agat. furialiter odit;

Et parat insidias, & cupit ulta mori.

Nox erat: ante torum visa est adflare sororis,

Squallenti Dido sanguinolenta coma.

Et fuge, ne dubita, mœstum, fuge, dicere, tectum.

Sub verbum querulas impulit aura fores.

Exsilit, & velox humili super arva fenestra

Se jacit. audacem fecerat ipse timor.

Quaque metu rapitur, tunica velata recincta;

Gurrit, ut auditis territa dama lupis.

Corniger hanc cupidis rapuisse Numicius undis

Creditur, & stagnis occuluisse suis.

Sidonis interea magno clamore per agros

Quæritur. apparent signa notæque pedum.

Ventum erat ad ripas, inerant vestigia ripis.

Sustinuit tacitas conscius amnis aquas.

Ipsa loqui visa est, Placidi sum Nympha Numici;

Amne perenne latens Anna Perenna vocor.

Protinus erratis læti vescuntur in agris:

Et celebrant largo seque diemque mero.

Sunt quibus hæc Luna est, quia mensibus impleat
annum:

Pars Themis, Inachiam pars putat esse bovem.

Invenies, qui te Nymphen Atlantida dicant,

Teque Jovi primos, Anna, dedisse cibos.

Hæc quoque, quam referam, nostras pervenit ad au-

Fama: nec à vera diffidet illa fide. (res

Plebs vetus, & nullis etiamnum tuta Tribunis,

Fugit; & in sacri vertice montis abit.

Jam quoque, quem secum tulerant, defecerat illos
 Visus, & humanis usibus apta Ceres.
 Orta suburbanis quædam fuit Anna Bovilis
 Pauper, sed mundæ sedulitatis, anus.
 Illa, levi mitra canos redimita capillos,
 Fingebat tremula rustica liba manu.
 Atque ita per populum fumantia mane solebat
 Dividere, hæc populo copia grata fuit.
 Pace domi facta signum posuere Perennæ,
 Quod sibi defectis illa tulisset opem.
 Nunc mihi, cur cantent, superest, obscæna puellæ,
 Dicere: nam coeunt, certaque probra canunt.
 Nuper erat Dea facta; venit Gradivus ad Annam;
 Et cum seducta talia verba facit.
 Mense meo coleris: junxi mea tempora tecum &
 Pendet ab officio spes mihi magna tuo.
 Armifer Armiferæ correptus amore Minervæ
 Uror: & hoc longo tempore vulnus alo.
 Effice, Di studio similes coeamus in unum.
 Conveniunt partes hæc tibi, comis anus.
 Dixerat illa Deum promisso ludit inani;
 Et stultam dubia spem trahit usque mora.
 Sæpius instanti, Mandata peregrinus, inquit.
 Eviçtas precibus vix dedit illa manus.
 Gaudet amans, thalamosque parat. deducitur illos
 Anna tegens vultus, ut nova nupta suos.
 Oscula sumpturus subito Mars adspicit Annam;
 Nunc pudor elusum, nunc subit ira, Deum.
 Ridet amatorem caræ nova Diva Minervæ:
 Nec res hæc Veneri gratior ulla fuit.
 Inde joci veteres obscænaque dicta canuntur:
 Et juvath anc magno verba dedisse Deo
 Præteriturus oram gladios in præncipe fixos,
 Cum hæc a cæcis Vestal oculta focis:
 Ne dubita meminisse: meus fuit ille Sacerdos.
 Sacrilegæ elis me petiere manus.
 Ipsa virum rapui, simulacraque nuda reliqui.
 Quæ cecidit erro, Cæsaris umbra fuit.
 Ille quidem cælo positus Jovis atria servat;
 Et tenet in magno templa dicata foro.
 At quicunque nefas ausi prohibente Deorum
 Numine, polluerant Pontificale caput.
 Morte jacent merita, testes esto Philippi:

Et quorum sparsis ossibus albet humus.
 Hoc opus, hæc pietas, hæc prima elementa fuerunt
 Cæsaris; ulcisci iusta per arma patrem.

Postera cum teneras Aurora refecerit herbas;
 Scorpions à prima parte videndus erit.

Tertia post Idus lux est celeberrima Baccho.
 Bacche, fave vari; dum tua festa cano.
 Nec referam Semelen; ad quam nisi fulmina secum
 Juppiter adferret; parvus inermis eras:
 Nec puer ut posses maturo tempore nasci,
 Expletum patrio corpore matris onus.

Sithonas & Scythicos longum enumerare triumphos,
 Et domitas gentes, thurifer Inde, tuas.

Tu quoque Thebanæ male præda tacebere matris:
 Inque tuum furiis, ac te Lycurge, genu.

Ecce libet subitos pisces, Tyrrhenaque monstra
 Dicere. sed non est carminis hujus opus.

Carminis hujus opus, causas expromere; quare
 Vilis anus populos ad sua liba vocet.

Ante tuos ortus aræ sine honore fuerunt,
 Liber, & in gelidis herba reperta focis.

Te memorant Gange, totoque Oriente subacto,
 Primicias magno seposuisse Jovi.

Cinnama tu primus captivæ thura dedisti,
 Deque triumphato viscera tosta bove.

Nomine ab auctoris ducunt Libamina nomen,
 Libaque: quod sacris pars datur inde focis.

Liba Deo fiunt: succis quia dulcibus ille
 Gaudet, & à Baccho mella reperta ferunt.

Ibat arenoso Satyris comitatus ab Hebro:
 [Non habet ingratos fabula nostra jocos]

Jamque erat ad Rhodopen, Pangæaque florida
 ventum:

Æriferæ comitum concrepuere manus.

Ecce novæ coeunt volucres tinnitibus ætæ:

Quaque movent sonitus æra, sequuntur apes.
 Colligit errantes, & in arbore claudit inani

Liber: & inventi præmia mellis habet.

Ut Satyri, lævisque senex tetigere saporem;

Quærebant flavos per nemus omne favos.

Audit in exesa stridorem examinis ulmo:

Adspicit, & ceras, dissimulatque senex.

Utque piger pandi tergo residebat aselli;

Applicat hunc ulmo corticibusque cavis.
Constitit ipse super ramoso stipite nixus:
Atque avidè trunco condita mella petit.
Millia crabronum coeunt; & vertice nudo
Spicula defigunt, oraque summa notant.
Ille cadit præceps, & calce feritur aselli:
Inclamatque suos, auxiliumque rogat.
Concurrunt Satyri, turgentiaque ora parentis
Rident, percusso claudicat ille genu.
Ridet & ipse Deus: limumque inducere monstrat.
Hic paret monitis, & linit ora luto.
Melle pater fruitur: liboque infusa calenti
Jure repertori candida mella damus.
Fœmina cur presset, non est rationis opæta.
Fœmineos thyrsos concitat ille choreos.
Cur anus hoc faciat, quæris? vinosior ætas
Hæc est, & gravidæ munera vitis amans.
Cur hederæ cincta est? hederæ est gratissima Bacchus.
Hoc quoque cur ita sit, dicere nulla mora est.
Nysiades Nymphæ, puerum quærente noverca,
Hanc frondem cunis apposuisse novis.
Restat, ut inveniam, quare toga libera detur
Lucifero pueris, candide Bacche, tuo.
Sive, quod ipse puer semper, juvenisque videris;
Et media est ætas inter utrumque tibi:
Seu quia tu pater es, patres sua pignora natos
Commendant curæ numinibusque tuis.
Sive, quod es Liber, vestis quoque libera per te
Sumitur, & vitæ liberioris iter.
An quia, cum priscei colerent studiosius agros,
Et patrio faceret rure Senator opus,
Et caperet fasces à curvo consul aratro,
Nec crimen duras esset habere manus;
Rusticus ad ludos populus veniebat in Urbem:
Sed Dis, non studiis ille dabatur honos.
Luce sua ludos uvæ commentor habebat:
Quos cum tardifera nunc habet ipse Dea.
Ergo, ut tyronem celebrare frequentia possit,
Visa dies dandæ non aliena togæ.
Mito, Pater, caput huc placataque cornua vertas;
Et des ingenio vela secunda meo.
Itur ad Argeos, (qui sint, sua pagina dicet)
Hæc, si commemini, præteritaque die.

Stella

Stella Lycaoniam vergit proclinis ad Arcton

Milvus. hæc illa nocte videnda venit.

Quid dederit volucris, si vis cognoscere, cælum;

Saturnus regnis ab Jove pulsus erat.

Concitat iratus validos Titanas in arma,

Quæque fuit fatis debita, poscit opem.

Matre satus Terra monstrum mirabile taurus

Parte sui serpens posteriore fuit.

Hunc triplici muro lucis incluserat atris

Parcarum monitu Styx violenta trium.

Viscera qui tauri flammis adolenda dedisset,

Sors erat, æternos vincere posse Deos.

Immolat hunc Briareus facta ex adamante securi;

Et jam jam flammis exta daturus erat.

Jupiter alitibus rapere imperat. attulit illi

Milvus: & meritis venit in astra suis.

UNa dies media est; & fiunt sacra Minervæ;

Nominaque à junctis quinque diebus habent.

Sanguine prima vacat: nec fas concurrere ferro.

Causa, quod est illa nata Minerva die.

Altera, tresque super strata celebrantur arena.

Ensis exsertis bellica læta Dea est.

Pallada nunc pueri, teneræque ornate puellæ.

Qui benè placarit Pallada, doctus erit.

Pallade placata, lanam mollire, puellæ;

Discant jam plenas exonerare colos.

Illa etiam stantes radio percurrere telas

Erudit; & rarum pectine denset opus.

Hanc cole, qui maculas læsis de vestibus auferis;

Hanc cole, velleribus quisquis ahena paras.

Nec quisquam invita faciat bene vincula plantæ

Pallade; sit Tychio doctior ille licet.

Et licet antiquo manibus collatus Epeo

Sit prior; irata Pallade mancus erit.

Vos quoque, Phœbea morbos qui pellitis arte,

Munera de vestris pauca referte Deæ.

Nec vos turba feri censu fraudata magistri

Spernite. discipulos attrahit illa novos.

Quique moves cælum, tabulamque coloribus uris;

Quique facis docta mollia saxa manu.

Mille Dea est operum: certe Dea carminis illa est.

Si mereor, studiis adsit amica meis.

Cælius ex alto qua mons descendit in æquum;

Hic ubi non plana est, sed prope plana via est;
 Parva licet videas Capitz delubra Minervæ,
 Quæ Dea natali cœpit habere suo.
 Nominis in dubio caussa est. capitale vocamus.
 Ingenium sollers: ingeniosa Dea est.
 An, quia de capitis fertur sine matre paterni
 Vertice cum clypeo profuuisse suo?
 An, quia perdomitis ad nos captiva Faliscis
 Venit: & hoc ipsum litera prisca docet?
 An, quod habet legem, capitis quæ pendere potnas.
 Ex illo jubeat furta reperta loco?
 A quacunque trahis ratione vocabula, Pallas;
 Pro Ducibus nostris ægida semper habe.
 Summa dies è quinque tubas lustrare canoras.
 Admonet, & forti sacrificare Deæ.
 Nunc potes ad Solem sublato dicere vultu;
 Hic heræ Phryxæ vellera pressit ovis.
 Seminibus tostis sceleratæ fraude novercæ
 Sustulerat nullas, ut solet, herba comas.
 Mittitur ad tripodas, certa qui sorte reportet,
 Quam sterili terræ Delphicus edat opem.
 Hic quoque corruptus cum semine nunciat Helles.
 Et juvenis Phryxi funera forte peti.
 Utque recusantem cives, & tempus, & Ino
 Compulerunt regem iussa nefanda pati;
 Et soror, & Phryxus velati tempora ramis
 Stant simul ante aras: junctæque fata gemunt.
 Adspicit hos, ut forte, pependerat æthere, mater;
 Et ferit attonita pectora nuda manu:
 Inque draconigenam nimbis comitantibus urbem
 Desilit: & natos eripit inde suos.
 Utque fugam capiant, aries nitidissimus auro.
 Traditur, ille vehit per freta longa duos.
 Dicitur infirma cornu tenuisse sinistra
 Fœmina; cum de se nomina fecit aquæ.
 Ræne simul periit, dum vult succurrere lapsæ,
 Frater; & extensas porrigit usque manus.
 Plebat, ut amissa gemini consorte pericli,
 Cæruleo junctam nescius esse Deo.
 Littoribus tactis aries sit sidus: at hujus
 Pervenit in Colchas aurea lana domos.
T Res ubi Luciferos veniens præmiserit Eos;
 Tempora nocturnis æqua diurna feres.

INde quater pastor saturos ubi clauferit hœdos,
 Canuerint herbæ rore recente quater;
 Janus adorandus, cumque hoc Concordia mitis,
 Et Romana Salus, araque Pacis erit.
L Una regit menses, hujus quoque tempora mensis
 Finit Aventino Luna colenda iugo.

F A S T O R U M

L I B E R I V .

A Lma, fave vati, geminorum mater Amorum.
 Ad vatem vultus rettulit illa suos.
 Quid tibi, ait, mecum? certe majora canebas.
 Num vetus in molli pectore vulnus habes?
 Scis Dea, respondi, de vulnere. risit: & æther
 Protinus ex illa parte serenus erat.
 Saucius, an sanus, nunquid tua signa reliqui?
 Tu mihi propositum, tu mihi semper opus.
 Quæ decuit, primis sine crimine lusimus annis;
 Nunc teritur nostris area major equis.
 Tempora cum caussis Annalibus eruta priscis,
 Lapsæque sub terras, ortaue signa cano.
 Venimus ad quartum, quo tu celeberrima menssem.
 Et vatem, & menssem scis, Venus, esse tuos.
 Mota Cytheriaca leviter mea tempora myrto
 Contigit: & , Coeptum perface, dixit, opus.
 Sensimus; & subito causæ patuere dierum.
 Dum licet, & spirant flamina; navis eat.
 Si qua tamen pars te de Fastis tangere debet,
 Cæsar, in Aprili, quo tenearis, habes.
 Hic ad te magna descendit imagine mensis:
 Et sit adoptiva nobilitate tuus.
 Hoc pater Iliades, cum longam scriberet annum,
 Vidit; & auctores rettulit ipse suos.
 Utque fero Marti primam dedit ordine sortem,
 Quod sibi nascendi proxima causa fuit;
 Sic Venerem gradibus multis in gente repertam
 Alterius voluit mensis habere locum.
 Principiumque sui generis, revolutaque quærens
 Sæcula, cognatos venit adusque Deos.
 Dardanon Electra nesciret Atlantide cretum
 Scilicet; Electra concubuisse Jovi?

Huius Erichthonius : Tros est generatus ab illo :
 Assaracon creat hic: Assaracusque Capyn.
 Proximus Anchisen : cum quo commune parenti
 Non dedignata est nomen habere Venus.
 Hinc satus Æneas , pietas spectata per ignes ,
 Sacra , patremque humeris altera sacra , tulit.
 Venimus ad felix aliquando nomen Juli :
 Unde domus Teucros Julia tangit avos.
 Posthumus huic : qui , quod silvis fuit ortus in altis,
 Sylvius in Latia gente vocatus erat .
 Isque , Latine , tibi pater est : subit Alba Latinum :
 Proximus est titulis Epitos , Alba , tuis .
 Ille dedit Capii recidiva vocabula Trojæ ;
 Et tuus est idem , Calpete , factus avus .
 Cumq; patris regnum post hunc Tyberinus haberet ;
 Dicitur in Thuscæ gurgite mersus aquæ .
 Jam tamen Agrippan genitum , Remulumque nepotæ
 Viderat : in Remulum fulmina missa ferunt .
 Venit Aventinus post hos : locus unde vocatus ;
 Mons quoque . post illum tradita regna Procræ .
 Quem sequitur diri Numitor germanus Amulæ .
 Ilia cum Lauso de Numitore satiæ
 Ense cadit patruo Lausus : placet Ilia Marti ;
 Teque parit , gemino junctæ Quirine Remo .
 Ille suos semper Venerem Martemque parentes
 Dixit : & emeruit vocis habere fidem .
 Neve secuturi possent nescire nepotes ;
 Tempora Dis generis continuata dedit .
 Sed Veneris mensẽ Grajo fermone notatum
 Auguror : à spumis est Dea dicta maris .
 Nec tibi sit mirum Grajo rem nomine dici :
 Itala , nam tellus Græcia major erat .
 Venerat Evander plena cum classe suorum :
 Venerat Alcides , Grajus uterque genus .
 Hospes Aventinis armentum pavit in herbis
 Claviger : & tanto est Albula pota Deo .
 Dux quoque Neritius . testes Egestrygones exstant :
 Et quod adhuc Circes nomina littus habet .
 Et jam Telegoni , jam mœnia Tiburis udi
 Stabant : Argolicæ quod posuere manus .
 Venerat Atrides satis agitatus Halesus ;
 A quo se dictam terra Falisca putat .
 Adjice Trojanæ spasmorem Antenora pacis ,

Et generum Oeniden, Appule Daune, tuum,
Serus ab Iliacis, & post Antenora, flammis
Attulit Æneas in loca nostra Deos.

Hujus erat Solymus Phrygia comes exul ab Ida:
A quo Sulmonis mœnia nomen habent.

Sulmonis gelidi patriz, Germanice, nostræ.

Memiserum, Scythico quam procul illa solo est;

Ergo ego tam longas sed supprime, Musa, querelas:

Non tibi sunt mœsta sacra canenda lyra.

Quo non livor abit? sunt qui tibi mensis honorem

Eripuisse velint, invidiantque, Venus.

Nam, quia Ver aperit tunc omnia, densaque cedit

Erigoris asperitas, foetaque terra parit;

Aprilem memorant ab aperto tempore dictum:

Quem Venus iniecta vendicat alma manu.

Illam quidem totum dignissima temperat orbem:

Illam tenet nullo regna minora Deo:

Juraque dat cœlo, terræ, natalibus undis;

Perque suos initus continet omne genus.

Illam Deos omnes (longum enumerare) creavit:

Illam satis causas arboribusque dedit:

Illam rudes animos hominum contraxit in unum;

Et docuit jungi cum pare quemque sua.

Quid genus omne creat volucrum, nisi blanda
voluptas?

Nec coeant pecudes, si levis absit amor.

Cum mare trux aries cornu decertat: at idem

Frontem dilectæ lædere parit ovis.

Deposita taurus sequitur feritate juvencam,

Quem toti saltus, quem nemus omne, tremunt.

Vis eadem, lato quodcunque sub æquore vivit,

Servat: & innumeris piscibus implet aquas.

Prima feros habitus homini detraxit: ab illa

Venerunt cultus mundaque cura sui.

Primus amans carmen vigilatum nocte negata

Dicitur ad clausas concinuisse fores.

Eloquiumque fuit duram exorare puellam:

Proque sua causa quisque disertus erat.

Mille per hanc artes moræ; studioque placendi,

Quæ latuere prius, multa reperta ferunt.

Hanc quisquam titulo mensis spoliare secundi

Audeat? à nobis sit procul iste furor. (aucta

Quid, quod ubique potens, templisque frequentibus

Urbe

Urbe tamen nostra jus Dea majus habet.
Pro Troja, Romane, tua Venus arma ferebat;
Cum genuit teneram cuspide læsa manum,
Cælestesque duas Trojano iudice wicit.
Ah nolim victas hoc meminisse, Deas!
Assaracique nurus dicta est: ut scilicet olim
Magnus Juleos Cæsar haberet avos.
Nec Veneri tempus, quàm ver, erat aptius ullum.
Vere nitent terræ: vere remissus ager.
Nunc herbæ rupta tellure cacumina tollant;
Nunc tumido gemmas cortice palmes agit.
Et formosa Venus formoso tempore digna est:
Utque solet, Marti continuata suo
Vere monet curvas materna per æquora puppes.
Ire: nec hybernas jam timuisse minas.
Rite Deam Latæ colitis matresque nurusque;
Et vos, quis vittæ longaque vestis abest.
Aurea marmoreo redimicula solvite collo:
Demite divitias: tota lavanda Dea est.
Aurea siccato redimicula reddite collo:
Nunc alii flores, nunc nova danda rosa est.
Vos quoque sub viridi myrto jubet illa lavari:
Causæque cur jubeat (discite) certa subest.
Littore siccabat rorantes nuda capillos.
Viderunt Satyri turba poterva Deam.
Sensit, & apposita texit sua corpora myrto.
Tuta fuit facta: vosque referre jubet.
Discite nunc, quære Fortunæ thura Virili
Detis eo, calida qui locus humet aqua.
Accipit ille locus posito velamine cunctas;
Et vitium nudi corporis omne videt.
Ut tegat hoc, celetque viros, Fortuna Virilis
Præstat: & hoc parvo thure rogata facit.
Nec pigeat niveo tritum cum lacte papaver
Sumere, & expressis mella liquata favis.
Cum primum eupido Venus est deducta marito;
Hoc bibit. ex illo tempore nupta fuit.
Supplicibus verbis illam placate: sub illa
Et forma, & mores, & bona fama manent.
Roma pudicitia proavorum tempore lapsa est:
Cumzæm, veteres, consuluistis anum.
Templa jubet Veneri fieri: quibus ordine factis,
Inde Venus verso nomina corda tenet.

Semper ad Æneadas placido, pulcerrima, vultu
 Respice: totque tuas, Diva, tuere nurus.
 Dum loquor, elata metuendus acumine caudæ
 Scorprios in virides præcipitatur aquas.

NOx ubi transierit, cælumque rubescere primo
 Cæperit, & tactæ rore querentur aves;
 Semustamque facem vigilata nocte viator

Ponet, & ad solitum rusticus ibit opus;
 Elejades incipient humeros relevare paternos:
 Quæ septem dici, sex tamen esse solent.

Seu quod in amplexum sex hinc venere Deorum:
 Nam Steropen Marti concubuisse ferunt:

Neptuno Halcyonen, & te, formosa Gelænos:

Majan, & Eletran, Taygetemque Jovi:

Septima mortali Merope tibi, Sisyphæ, nupsit:

Pœnitet: & facti sola pudore latet.

Sive quod Electra Trojæ spectare ruinas

Non tulit: ante oculos opposuitque manum.

TEr sine perpetuo cælum versetur in axe:

Ter jungat Titan, terque resolvat equos;

Protinus inflexo Bercynthia tibia cornu.

Flabit: & Idææ festa Parentis erunt.

Hunt semimares, & inania tympana tudent;

Æraque tinnitus ære repulsa dabunt.

Ipsa sedens molli comitum cervice feretur

Urbis per medias exululata vias

Scena sonat, Ludique vocant, spectate Quirites;

Et Fora Marte suo litigiosa vacent.

Quærere multa libet: sed me sonus æris acuti.

Terret, & horrendo lotos adunca sono.

Da Dea, quas sciter, doctas Cybeleia, neptes.

Audit; & has curæ jussit adesse meæ.

Randite mandati memores, Heliconis alumnæ,

Gaudeat assiduo cur Dea Magna sono.

Sic ego; sic Erato (mensis Cythereius illi

Cessit; quod teneri nomen Amoris habet:)

Reddita Saturno sors hæc erat; optime regum,

A nato sceptris excutiere tuis.

Ille suam metuens, ut quæque erat edita, proles

Devorat; immerfam visceribusque tenet.

Sæpe Rhea quæsta est toties forcupunda, nec unquam

Mater; & indoluit fertilitate sua.

Juppiter ortus erat, pro magna teste vetustas

Græ

Creditur. acceptam parce movere fidem.
 Veste latens saxum cœlesti viscere sedit.
 Sic genitor satis decipiendus erat.
 Ardua jam dudum resonat tinnitibus Ide;
 Tutus ut infanti vagiat ore puer.
 Pars clypeos sudibus, geleas pars tundit inanes;
 Hoc Curetes habent, hoc Corybantes opus.
 Res latuit patrem: priscique imitamina facti
 Æra Deæ comites raucaque terga movent.
 Cymbala pro galeis, pro scutis tympana pulsant;
 Tibia dat Phrygios, ut dedit ante, modos.
 Desierat, capî; Cur huic genus acre leones
 Præbeat insolitas ad juga curva jubar?
 Desieram, cœpit: Feritas mollita per illam
 Creditur. id curru testificata suo est.
 At cur turrita caput est onerata corona?
 An Phrygiis turres urbibus illa dedit?
 Annuit. Unde venit, dixi, sua membra secandæ
 Impetus? ut tacui, Pieris orsa loqui;
 Phryx puer in silvis facie spectabilis altis
 Turrigeram casto vinxit amore Deam.
 Hunc sibi servari voluit, sua templa tueri:
 Et dixit, Semper fac puer esse velis.
 Ille fidem jussis dedit, &, Si mentiar, inquit,
 Ultima, qua fallam, sit Venus illa mihi.
 Fallit: & in Nympha-Sagaritide desinit esse,
 Quod fuit. hinc pœnas exigit ira Deæ.
 Naida vulneribus succidit in arbore factis.
 Illa perit. fatum Naidos arbor erat.
 Hic furit: &, credens thalami procumbere tectum,
 Effugit, & cursu Dindyma summa petit.
 Et modo, Tolle faces: removemodo, verbera, clamato
 Sæpe Palæstinas jurat adesse Deas.
 Ille etiam saxo corpus laniavit acuto;
 Longaque in immundo pulvere tracta coma est.
 Voxque fuit, Merui: meritas dem sanguine pœnas.
 Ah pereant partes, quæ nocuere mihi!
 Ah pereant! dicebat adhuc. onus inguinis aufert;
 Nullaque sunt subito signa relicta viri.
 Venit in exemplum furor hinc, mollesque ministri
 Cædunt jactatis vilia membra comis.
 Talibus Aoniæ facunda voce Camœnæ
 Reddita quæsitæ causa furoris erat.

Hoc

Hoc quoq; , dux operis , moneas precor ; unde petita
 Venerit . an nostra semper in Urbe fuit ?
 Dindymon , & Cybelen , & amœnam fontibus Iden
 Semper , & Iliacas Mater amavit opes .
 Cum Trojam Æneas Italos portaret in agros ;
 Est Dea sacriferas pœne secuta rates .
 Sed nondum fatis Latio sua numina posci
 Senserat ; assuetis subfiteratque locis .
 Post , ut Roma potens opibus jam sæcula quinque
 Vidit , & edomito sustulit orbe caput ;
 Carminis Euboici fatalia verba sacerdos
 Inspicit . inspectum tale fuisse ferunt :
 Mater abest ; Matrem jubeo , Romane , requiras .
 Cum veniet , casta est accipienda manu .
 Obscuræ fortis Patres ambagibus errant :
 Quæve parens absit , quove petenda loco .
 Consultitur Pœan : Divumque arcessite Matrem ,
 Inquit : in Idæo est invenienda iugo .
 Mittuntur proceres . Phrygiæ tum sceptrâ tenebat
 Attalus : Ausoniis rem negat ille viris .
 Mira canam . longo tremuit cum murmure tellus :
 Et sic ex adytis Diva locuta suis :
 Ipsa peti volui . ne sit mora : mitte volentem .
 Dignus Roma locus , quo Deus omnis eat .
 Ille soni terrore pavens , Proficiscere , dixit ;
 Nostra eris . in Phrygios Roma refertur avos .
 Protinus innumera cadunt pineta secures
 Illa , quibus fugiens Phryx pius usus erat .
 Mille manus coeunt : & picta coloribus uestis
 Cœlestum Matrem concava puppis habet .
 Illa sui per aquas fertur tutissima nati ;
 Longaque Phryxæ stagna sororis adit :
 Rhœteumque rapax , Sigeaque littora transit ;
 Et Tenedon veteres Eetionis opes .
 Cyclades excipiunt , Lesbø post terga relicta ;
 Quaque Caristeis frangitur unda vadis .
 Transit & Icarium , lapsas ubi perdidit alas
 Icarus , & vastæ nomina fecit aquæ .
 Tum læva Creten , dextra Pelopeidas undas
 Deserit , & Veneri sacra Cythera petit .
 Hinc mare Trinacrium , candens ubi tingere ferrum
 Brontes , & Steropes , Acmonidesque solent ;
 Æquoraque Afra legit , Sardoque regna sinistris
 Re-

Prospicit à remis, Ausoniamque tenet.
 Ostia contigerat, qua se Tyberinus in altum
 Dividit, & campo liberiore natat.
 Omnis Eques, mistaque gravis cum Plebe Senatus,
 Obvius ad Thusci fluminis ora venit.
 Procedunt pariter matres, natæque, nurusque;
 Quæque colunt sanctos virginitate focos.
 Sedula fune viri contento brachia lassant.
 Vix subit adversas hospita navis aquas.
 Sicca diù tellus fuerat, sitis ufferat herbas,
 Sedit limoso pressa carina vado,
 Quisquis adest operi, plus quam pro parte laborat;
 Adjuvat & fortes voce sonante manus.
 Illa velut medio stabilis sedet insula ponto,
 Attoniti monstro stantque, paventque viri.
 Claudia Quinta genus Clauso referebat ab alto,
 Nec facies impar nobilitate fuit.
 Casta quidem; sed non & credita. rumor iniquus
 Læserat, & falsi criminis acta rea est.
 Cultus, & ornatis variè prodisse capillis,
 Obsuit, ad rigidos promptaque lingua senes.
 Conscia mens recti famæ mendacia risit,
 Sed nos in vitium credula turba fumus.
 Hæc ubi castarum processit ab agmine matrum,
 Et manibus puram fluminis hausit aquam;
 Ter caput irrorat, ter tollit in æthera palmas.
 Quicumque adspiciunt, mente carere putant.
 Submissoque genu, vultus in imagine Divæ
 Figit, & hos edit crine jacente sonos:
 Supplicis, alma, tuz, genetrix fœcunda Deorum,
 Accipe sub certa conditione preces.
 Casta negor. si tu damnas; meruisse fatebor.
 Morte luam pœnas iudice victa Dea.
 Sed, si crimen abest, tu nostræ pignora vitæ
 Re dabis: & castas casta sequere manus.
 Dixit, & exiguo funem conamine traxit.
 Mira, sed & scena testificata loquar.
 Mota Dea est; sequiturque ducem, laudatq; sequen-
 Index lætitiæ fertur in astra sonus. (do.
 Fluminis ad flexum veniunt: Tiberina priores
 Ostia dixerunt, unde sinister abit.
 Nox aderat: querno religant à stipite funem;
 Dantque levi somno corpora functa cibo.

Lux

Lux aderat: querno solvant à stipite funem:
 Ante tamen posito thura dedere foco.
 Ante coronata puppi sine labe juvencam
 Maestrarunt operum conjugiique rudem.
 Est locus, in Tiberim qua lubricus infuit Almo,
 Et nomen magno perdit ab amne minor.
 Illic purpurea canus cum veste sacerdos
 Almonis Dominam sacraque lavit aquis.
 Exululant comites, furiosaque tibia flatur;
 Et feriunt molles taurea terga manus.
 Claudia præcedit læto celeberrima vultu;
 Credita vix tandem teste pudica Dea.
 Ipsa sedens plauastro porta est investa Capena;
 Sparguntur junctæ flore recente boves.
 Nafica accepit: templi tunc extitit auctor.
 Augustus nunc est: ante Metellus erat:
 Substitit hic Erato. mora sit, si cætera quæram.
 Dic, inquam, parva cur stipe quærat opes?
 Contulit æs populus, de quo delubra Metellus
 Fecit, ait. dandæ mos stipis inde manet.
 Cur vicibus factis ineant convivia, quæro,
 Tum magis, indictas concelebrentque dapes.
 Quod bene mutarit sedem Berecynthia, dixit;
 Captant mutatis sedibus omen idem.
 Institeram, quare primi Megalesia ludi
 Urbe forent nostra: cum Dea (sensit enim):
 Illa Deos, inquit, peperit, cessere parenti,
 Principiumque dati Mater honoris habet,
 Cur igitur Gallos, qui se excidere, vocamus?
 Cum tanto Phrygia Gallica distet humus?
 Inter, ait, viridem Cybelen altasque Celenas,
 Amnis it insana, nomine Gallus, aqua.
 Qui bibit inde, furit. procul hinc discedite, quis est
 Cura bonæ mentis. qui bibit inde, furit.
 Non pudet herbosum, dixi, posuisse moretum
 In Domina mensis? an sua causa subest?
 Lacte mero veteres usi memorantur, & herbis;
 Sponte sua si quas terra ferebat, ait.
 Candidus elixæ miscetur caseus herbæ;
 Cognoscat priscos ut Dea prisca cibos.
Postera cum cœlo motis Pallantias astris
 Fulserit; & niveos Luna levarit equos;
 Qui dicet, Quondam sacrata est colle Quirini
 Hac

Hac Fortuna die Publica; verus erit.

Tertia lux (memini) Ludis erat. at mihi quidam
Spectanti senior, contiguusque loco,
Hæc, ait, illa dies, Libycis qua Cæsar in oris
Perfida magnanimi contudit arma Jubæ.

Dux mihi Cæsar erat, sub quo meruisse Tribunus
Glorior. officio præfuit ille meo.

Hanc ego militia sedem, tu pace parasti,

Inter bis quinos usus honore Viros.

Plura locuturi subito seducimur imbre.

Pendula cælestes Libra movebat aquas.

Ante tamen, quam summa dies spectacula sistat,

Ensiser Orion æquore merfus erit.

Proxima victricem cum Romam inspexerit Eos,

Et dederit Phœbo stella fugata locum;

Circus erit pompa celebr numeroque Deorum;

Primaque ventosis palma petetur equis.

Hi Cereris Ludi, non est opus indice caussæ.

Sponte Deæ munus promeritumque patent.

Messis erant primis virides mortalibus herbæ;

Quas tellus nullo sollicitante dabat.

Et modo carpebant vivaci cespite gramen;

Nunc epulæ tenera fronde cacumen erant.

Postmodo glans nata est. bene erat jam glande reper-

Duraque magnificas quercus habebat opea. (tae

Prima Ceres homini ad meliora alimenta vocato

Mutavit glandes utiliore cibo.

Illa iugo tauros collum præbere coegit;

Tum primum soles eruta vidit humus.

Æs erat in pretio: chalybeia massa latebat.

Heu quàm perpetuo debuit illa tegi!

Pace Ceres læta est. at vos optate, coloni,

Perpetuam Pacem, perpetuumque Ducem.

Farra Deæ, micæque licet salientis honorem

Detis, & in veteres thurea grana focos.

Et, si thura aberunt, unctas accendite tedas:

Parva bonæ Cereri, sint modo casta, placent.

A bove succincti cultros removete ministri.

Bos aret: ignavam sacrificate suem.

Apta iugo cervix non est ferienda securi.

Vivat, & in dura sæpe laboret humo.

Exigit ipse locus, raptus ut virginis edam.

Plura recognosces: pauca docendus eris.

Ter-

Terra tribus scopulis vastum procurrit in æquot
 Trinacris, à positu nomen adepta loci.
 Grata domus Cereri. multas ibi possidet urbes;
 In quibus est culto fertilis Henna solo.
 Frigida cælestum matres Arethusa vocarat.
 Venerat ad sacras & Dea flava dapes.
 Filia, consuetis ut erat comitata puellis,
 Errabat nudo per sua prata pede.
 Valle sub umbrosa locus est, adspergine multa
 Uvidus ex alto defilientis aquæ.
 Tot fuerant illic, quot habet natura, colores:
 Pistaque dissimili flore nitebat humus.
 Quam simul adspexit; Comites accedite, dixit;
 Et mecum vestros flore replete sinus.
 Præda puellares animos prolestat inanis;
 Et non sentitur sedulitate labor.
 Hæc implet lentò calathos è vimine textos:
 Hæc gremium, laxos degravat illa sinus.
 Illa legit calthas: huic sunt violaria curæ:
 Illa papavereas subsecat ungue comas.
 Has, Hyacinthe, tenes; illas, Amarante, moræ
 Pars thyma, pars casiam, pars meliloton amat.
 Plurima lecta rosa est, & sunt sine nomine flores.
 Ipsa crocos tenues, liliaque alba legit.
 Carpendi studio paulatim longius itur;
 Et dominam casu nulla secuta comes.
 Hanc videt, & visam patruus velociter aufert;
 Regnaque cæruleis in sua portat equis.
 Illa quidem clamabat, Io, carissima mater,
 Auferor. ipsa suos abscideratque sinus.
 Panditur interea Diti via: jamque diurnum
 Lumen inassueti vix patiuntur equi.
 At chorus æqualis cumulatis flore canistris,
 Persephone, clamant, ad tua dona veni.
 Ut clamata silet, montes ululatibus implent;
 Et feriunt mœstæ pectora nuda manus.
 Attonita est plangore Ceres; modo venerat Hénam:
 Nec mora, Me miseram, filia, dixit, ubi es?
 Mentis inops rapitur. quales audire solemus
 Threicias passis Mænadas ire comis.
 Ut vitulo mugit sua mater ab ubere rapto,
 Et quærit foetus per nemus omne suos:
 Sic Dea, nec retinet gemitus, & concita cursu
—Fex.

Fertur, & è campis incipit, Henna, tuis.
 Inde puellaris nacta est vestigia plantæ,
 Et pressam noto pondere vidit humum.
 Forsitan illa dies errori summa fuisset,
 Si non turbassent signa reperta sues.
 Jamque Leontinos Amenanaque flumina cursa
 Præterit, & ripas, herbifer Aci, tuas:
 Præterit & Cyanen, & fontem lenis Anapi,
 Et te, vorticibus non adeunde Gela.
 Liquerat Ortygien, Megareaque, Pantagienque;
 Quaque Simetheas accipit æquor aquas,
 Antraque Cyclopum positis exusta caminis,
 Quique locus curvæ nomina falcis habet:
 Himeraque, & Didymen, Acragantaque Taurome-
 Sacrorumque Melan pascua læta boum. (nonq;
 Hinc Camerinan adit, Thapsong; & Heloria tempe,
 Quaque patet Zephyro semper apertus Eryx.
 Jamque Peloriaden, Lilybeaque, jamque Pachynion
 Lustrarat, terræ cornua prima suæ.
 Quacunque ingreditur, miseris loca cuncta querelis
 Implet. ut amissum cum gemit ales Ilyn.
 Perque vices modo, Persephone, modo, Filia, clamat.
 Clamat, & alternis nomen utrumque ciet.
 Sed neque Persephone Cererem, neque filia matrem
 Audit: & alternis nomen utrumque perit.
 Unaque, pastorem vidisset an arva colentem,
 Vox erat, Hac gressus ecqua puella tulit?
 Jam color unus, inest rebus, tenebrisque teguntur
 Omnia; jam vigilæ conticuere canes.
 Alta jacet vasti super ora Typhoeos Ætne,
 Cujus anhelatis ignibus ardet humus.
 Illic accendit geminas pro lampade pinus:
 Hinc Cereris sacris nunc quoque tæda datur.
 Est specus exesi structura pumicis asper;
 Non homini regio, non adeunda feræ:
 Quo simul ac venit, frénatos curribus angues
 Jungit, & æquoreas sicca pererrat aquas.
 Effugit & Syrtes, & te, Zancleæ Charybdi;
 Et vos, Nisæi naufraga monstra canes;
 Hadriacumque patens late, bimaremque Corinthon.
 Sic venit ad portus, Attica terra, tuos.
 Hic primum sedit gelido mœstissima saxo.
 Illud Cecropidæ nunc quoque triste vocant.

Sub

Sub Jove duravit multis immota diebus,
Et Lunæ patiens, & pluvialis aquæ.
Fors sua cuique loco est. quo nunc Cerealis Eleusin,
Dicitur hoc Celei rura fuisse senis.
Ille domum glandes excussa que mora rubetis
Portat, & arsuris arida ligna focis.
Filia parva duas redigebat rupe capellas;
Et tener in cunis filius æger erat.
Mater, ait virgo, (mota est Dea nomine matris)
Quid facis in solis incommitata jugis?
Restitit & senior, quamvis onus urget; & orat
Testa suæ subeat quantulacunque casæ.
Illa negat: simularat anum, mitraque capillos
Presserat. instanti talia dicta refert:
Sospeseas, semperque parens: mihi filia rapta est.
Heu melior quantò fors tua sorte mea!
Dixit: & , ut lacrymæ (neque enim lacrymare Deo-
rum est)
Decidit in tepidos lucida gutta sinus.
Flent pariter, molles animi virgoque senexque.
E quibus hæc iusti verba fuere senis:
Sic tibi, quam raptam quereris, sit filia sospes;
Surge: nec exiguæ despice testa casæ.
Cui Dea, Duc, inquit: scisti, qua cogere posses.
Seque levat saxo, subsequiturque senem.
Dux comiti narrat, quàm sit sibi filius æger;
Nec capiat somnos, invigiletque malis.
Illa soporiferum, parvos initura penates,
Colligit agresti lene papaver humo.
Dum legit; oblito fertur gustasse palato,
Longamque imprudens exsoluisse famem.
Quæ quia principio posuit jejunia noctis:
Tempus habent Mystæ sidera visa cibi.
Limen ut intravit, luctus videt omnia plena.
Jam spes in puero nulla salutis erat.
Matre salutata, (mater Metanira vocatur)
Tangere dignata est os puerile suo.
Pallor abit, subitasque vident in corpore vires.
Tantus cælesti venit ab ore vigor.
Totâ domus læta est. hoc est, materque paterque
Nataque: tres illi tota fuere domus.
Mox epulas ponunt, liquefacta coagula lacte,
Pomaque, & in teneris aurea mella favis.

Abstinet alma Ceres, somnique papavera caustas
 Dat tibi cum tepido lacte bibenda, puer.
 Noctis erat medium, placidique silentia somni,
 Triptoleum gremio sustulit illa suo:
 Terque manu permulset eum, tria carmina dixit:
 Carmina mortali non referenda sono.
 Inque foco pueri corpus vivente favilla
 Obruit, humanum purget ut ignis onus.
 Excutitur somno stultè pia mater, & amens,
 Quid facis? exclamat, membraque ab igne rapit.
 Cui Dea, Dum non es, dixit, scelerata fuisti,
 Irrita materno sunt mea dona metu.
 Iste quidem mortalis erit, sed primus arabit,
 Et seret, & culta præmia tollet humo.
 Dixit, & egrediens nubem trahit, inque dracones
 Transiit, & aligero tollitur axe Ceres.
 Junion expositum, Pyrræaque tuta recessu
 Linqvit, & in dextrum quæ jacet ora latus.
 Hinc init Ægeum; quo Cycladas adspicit omnes;
 Joniumque rapax, Icariumque legit.
 Perque urbes Asiæ longum petit Hellepontum:
 Diversumque locis alta pererrat iter.
 Nam modo thurilegos Arabas, modo despicit Indos:
 Hinc Libys, hinc Meroe, siccaque terra subest.
 Nunc adit Hesperios Rhenum Rhodanumque Pa-
 dumque,
 Teque future parens, Tybri, potentis aquæ.
 Quo feror? immensum est erratas dicere terras:
 Præteritus Cerei nullus in orbe locus.
 Errat & in cælo: liquidique immunia ponti
 Alloquitur gelido proxima signa polo.
 Parrhasides stellæ (namque omnia nosse potestis,
 Æquoreas nunquam cum subeatis aquas,)
 Persephonem natam miseræ monstrate parenti.
 Dixerat. huic Helice talia verba refert:
 Crimine nox vacua est. Solem de virgine raptæ
 Consule; qui latè facta diurna videt.
 Sol aditus, Quam quæris, ait, ne vana labores,
 Nupta Jovis fratri tertia regna tenet.
 Quæstæ diu secum sic est affata Tonantem:
 [Maximaque in vultu signa dolentis erant]
 Si memor es, de quo mihi sit Proserpina nata;
 Dimidium curæ debet habere tuæ,

Orbe pererrato, sola est injuria facti

Cognita: commissi præmia raptor habet.

At neque Persephone digna est prædona marito,

Nec gener hoc nobis more parandus orat.

Quid gravius victore Gyge captiva tulissem;

Quam nunc te cæli sceptrum tenente tuli?

Verum impune forat: nos hæc patiamur inultæ

Reddat, & emendet facta priora novis.

Jupiter hanc lenit, factumque excusat amore;

Nec gener est nobis ille pudendus, ait.

Non ego nobilior. posita est mihi regia cælo.

Possidet alter aquas: alter inane Chaos.

Sed si forte tibi non est mutabile pectus;

Statque semel juncti rumpere vincula tori;

Hoc quoque tentemus, siquidem jejuna remansit:

Sin minus; inferni conjugis uxor erit.

Tartara jussus adit sumtis Caducifer alis:

Speque redit citius, visaque certa refert.

Rapta tribus, dixit, solvit jejunia granis,

Punica quæ lento cortice poma tegunt.

Haud secus indoluit, quam si modo rapta fuisset,

Mæsta parens; longa vixque resecta mora est.

Atque ita, Nec nobis cælum est habitabile, dixit

Tænaria recipi me quoque valle jube.

Et factura fuit: pactus nisi Jupiter esset,

Bis tribus ut cælo mensibus illa foret.

Tum demum vultusque Ceres animumque recepit;

Imposuitque suæ spicea festa comæ.

Largaque provenit cessatis messis in arvis;

Et vix congestas area cepit opes.

Alba decent Cererem: vestes Cerealibus albas

Sumite. nunc pulsi velleris usus abest.

Ocupat Apriles Idus cognomine Victor

Jupiter, hac illi sunt data templa die.

Hac quoque, ni fallor, populo dignissima nostro

Atria Libertas cœpit habere sua.

Luce secutura tutos pete, navita, portus:

Ventus ab occasu grandine mistus erit.

Scilicet ut fuerit; tamen hac Mutinensia Cæsar

Grandine militia contudit arma sua.

Tertia post Veneris cum lux surrexerit Idus;

Pontifices forda sacra litate bove.

Forda ferens bos est fecundaque, dicta ferendor

D

Hinc

Hinc etiam fortus nomen habere putant.
 Nunc gravidum pecus est: gravidæ nunc semine ter-
 Telluri plenæ victimæ plena datur. [rq.
 Pars cadit arce Jovis: ter denas Curia vaccas
 Accipit; & largo sparsa cruore madet.
 Ast ubi visceribus vitulos rapuere ministri,
 Sectaque fumosis exta dedere focis;
 Igne cremat vitulos, quæ natu maxima virgo;
 Luce Palis populos purget ut ille cinis.
 Rege Numa, fructu non respondente labori,
 Irrita decepti vota colentis erant.
 Nam modo siccus erat gelidis Aquilonibus annus;
 Nunc ager assidua luxuriabat aqua.
 Sæpe Ceres primis dominum fallebat in herbis;
 Et levis obseffo stabat avena solo:
 Et pecus ante diem partus edebat acerbos;
 Agnaque nascendo sæpe necabat ovem.
 Silva vetus nullaque diu violata securi
 Stabat, Mænalio sacra relicta Deo.
 Ille dabat tacitis animo responsa quieto
 Noctibus. hic geminas rex Numa mactat oves.
 Prima cadit Fauno; leni cadit altera Somno.
 Sternitur in duro vellus utrumque solo.
 Bis caput intonsum fontana spargitur unda;
 Bis sua faginea tempora fronde premit.
 Usus abest Veneris: nec fas animalia mensis
 Ponere: nec digitis anulus ullus inest.
 Veste rudi tectum supra nova vellera corpus
 Poni, adorato per sua verba Deo.
 Interea placidam redimita papavere frontem
 Nox venit, & secum somnia nigra trahit.
 Faunus adest; oviumque premens pede vellera duro,
 Edidit à dextro talia dicta toro:
 Morte boum tibi, Rex, Tellus placanda duarum:
 Det sacris animas una necata duas.
 Excutitur terrore quies; Numa visa revolvit;
 Et secum ambages cæcæque iussa refert.
 Expedit errantem memori gratissima conjux;
 Et dixit, Gravidæ posceris exta bovis.
 Extæ bovis dantur gravidæ: feliciox annus
 Provenit, & fructum terra pecusque ferunt.
 Hanc quondam Cytherea diem properantius ire
 Jussit, & æthereos præcipitavis equos;

Ut

Ut titulum imperii quam primum luce sequenti
Augusto juveni prospera bella darent.

Sed jam præteritas quartus tibi Lucifer Idus
Respiciat hac Hyades Dorida nocte petunt.

Tertia post Hyadas cum lux erit orta remotas;
Carcere partitos Circus habebit equos.

Cur igitur missæ vinctis ardentia tædis

Terga ferant vulpes, caussa docenda mihi.

Frigida Carseoli nec olivis apta ferendis

Terra, sed ad segetes ingeniosus ager.

Hac ego Pelignos natalia rura petebam;

Parva, sed assiduis uvida semper aquis.

Hospitis antiqui solitas intravimus ædes.

Demserat emeritis jam juga Phœbus equis.

Is mihi multa quidem, sed & hæc, narrare solebat;

Unde meum præsens instrueretur opus:

Hoc, ait, in campo (campumque ostendit) habebat

Rus breve cum duro parca colona viro.

Ille suam peragebat humum: sive usus aratri,

Sive cavæ falcis, sive bidentis erat.

Hæc modo verrebat stantem tibicine villam:

Nunc matris plumis ova fovenda dabat.

Aut virides malvas, aut fungos colligit albos:

Aut humilem grato calfacit igne focum.

Et tamen assiduis exercet brachia telis;

Adversumque minas frigoris arma parat.

Filius hujus erat primo lascivus in ævo;

Addideratque annos ad duo lustra duos.

Is capit extremi vulpem sub valle salicti:

Abstulerat multas illa cohortis aves.

Captivam stipula fœnoque involvit, & ignes

Admovet. urentes effugit illa manus.

Qua fugit, incendit vestitos messibus agros:

Damnosis vires ignibus aura dabat.

Factum abiit; monumenta manent. nam vivere
captam

Nunc quoque lex vulpem Carseolana vetat.

Utque luat pœnas gens hæc, Cerealibus ardet:

Quoque modo segetes perdidit, ipsa perit.

Postera cum veniet terras visura patentes

Memnonis in roseis lutea mater equis;

Et duce lanigeri pecoris, qui prodidit Hellen,

Sol abit: egresso victima major adest.

Vacca sit an taurus, non est cognoscere promptum:
 Pars prior apparet: posteriora latent.
 Seu tamen est taurus, sive est hoc scæmina signum;
 Junone invita munus amoris habet.
NOx abiit, oriturque Aurora. Palilia poscor.
 Non poscor frustra; si favet alma Pales.
 Alma Pales, faveas pastoria sacra canenti;
 Prosequor officio si tua festa pio.
 Certè ego de vitulo cinerem stipulasque fabales
 Sæpe tuli plena februa casta manu.
 Certè ego transilui postas ter in ordine flammæ;
 Virgaque roratas laurea misit aquas.
 Mota Dea est; operique favet. navalibus exi,
 Puppis: habent ventos jam tua vela suos.
 I, pete virginea, populus, suffimen ab ara,
 Vesta dabit. Vestis munere purus eris.
 Sanguis equi suffimen erit, vitulique favilla.
 Tertia res, duræ culmen inane fabæ.
 Pastor, oves saturas ad prima crepuscula lustra.
 Uda prius spargat, virgaque verrat humum.
 Frondibus, & fixis decorentur ovilia ramis;
 Et tegat ornatas longa corona fores.
 Cœrulei fiant vivo de sulfure fumi;
 Tactaque fumanti sulfure balet ovis.
 Ure mares oleas, tædamque, herbasque Sabinas;
 Et erepet in mediis laurus adusta focis.
 Libaque de milio milii fiscella sequatur:
 Rustica præcipuè quo Dea læta cibo est.
 Adde dapes mulctramque suas: dapibusque resectis
 Silvicolam tepido lacte precare Palen.
 Consule, dic, pecori pariter, pecorisque magistris:
 Effugiat stabulis noxa repulsa meis.
 Sive sacro pavi, sedive sub arbore sacra;
 Pabulaque è bustis insoia carpsit ovis:
 Seu nemus intravi vetitum, nostrisve fugatæ
 Sunt oculis Nymphæ, semicaperve Deus:
 Seu mea falx ramo lucum spoliavit opaco,
 Unde data est xgre fiscina frondis ovi:
 Da veniam culpæ, nec, dum degrandinat, obsit
 Agresti fano supposuisse pecus.
 Nec noceat turbasse lacus: ignoscite, Nymphæ;
 Lota quod obscuras ungula fecit aquas.
 Tu, Dea, pro nobis Fontes fontanaque placa
 Nu-

Nomina; tu sparfos per nemus omne Deos.
 Nec Dryadas, nec nos videamus labra Dianæ;
 Nec faunum, medio cum premit arva die.
 Pelle procul morbos. valeant hominesq; gregesque;
 Et valeant vigiles provida turba canes.
 Neve minus multos redigam, quam mane fuerunt;
 Neve gemam referens vellera rapta lupo.
 Absit iniqua fames. herbæ frondesque supersint:
 Quæque lavent artus, quæque bibantur, aquæ.
 Ubera plena premam. referat mihi caseus æra:
 Dentque viam liquido vimina rara sero.
 Sitque salax aries; conceptaque semina conjux
 Reddat; & in stabulo multa sit agna meo.
 Lanaque proveniat nullas læsura puellas,
 Mollis, & ad teneras quamlibet apta manus.
 Quæ precor, eveniant; & nos faciamus ad annum
 Pastorum dominæ grandia liba Pali.
 His Dea placanda est: hæc tu conversus ad ortus
 Dic ter, & in vivo prolue rore manus.
 Tum licet, apposita veluti cratere camella,
 Lac niveum potes, purpureamque saram.
 Moxque per ardentes stipulæ crepitantis acervos
 Trajicias celeri strenua membra pede.
 Expositus mos est. moris mihi restat origo.
 Turba facit dubium; cœptaque nostra tenet.
 Omnia purgat edax ignis, vitiumque metallis
 Excoquit. idcirco cum duce purgat oves,
 An, quia cunctarum contraria semina rerum
 Sunt duo, discordes ignis & unda Dei;
 Junxerunt elementa patres: aptumque putarunt
 Ignibus & sparsa tangere corpus aqua?
 An, quod in his vitæ causa est; hæc perdidit exul?
 His nova sit conjux: hæc duo magna putant?
 Vix equidem credo; sunt qui Phaethonta referri
 Credant, & nimias Deucalionis aquas.
 Pars quoque, cum saxi pastores saxa terebant,
 Scintillam subito profiluisse ferunt.
 Prima quidem periit; stipulis excepta secunda est.
 Hoc argumenti flamma Palilis habet.
 An magis hunc morem pietas Æneia fecit,
 Innocuum victo cui dedit ignis iter?
 Num tamen est vero propius, cum condita Roma est,
 Transferri iustos in nova testæ Lares?

Mutantēque domum tectis agrestibus ignē ,
Et cessaturę supposuisse casę ?
Per flammās salvisse pecus , salvisse colonos ?
Quod sit natali nunc quoque , Roma , tuo.
Ipse locus causas vati facit. Urbis origo
Venit. ades festis , magne Quirine , tuis.
Jam luerat pœnas frater Numitoris , & omne
Pastorum gemino sub duce vulgus erat.
Contrahere agrestes , & mœnia ponere utrique
Convenit. ambitur mœnia ponat uter.
Nil opus est , dixit , certamine . Romulus , ullo.
Magna fides avium est : experiamur aves.
Res placet. alter init nemorosi saxa Palati ;
Alter Aventinum mane cacumen adit.
Sex Remus , hic volucres bis sex videt ordine pacto
Statur : & arbitrium Romulus urbis habet.
Apta dies legitur , qua mœnia signet aratro.
Sacra Palis suberant : inde movetur opus.
Fossa sit ad solitum : fruges jaciuntur in ima ,
Et de vicino terra petita solo .
Fossa repletur humo , plenzque imponitur ara ;
Et novus accenso finditur igne focus.
Inde premens stivam designat mœnia sulco ,
Alba jugum niveo cum bove vacca tulit.
Vox fuit hæc Regis ; Condenti , Jupiter , urbem ,
Et genitor Mavors , Vestaque mater ades ;
Quosque pium est adhibere Deos , advertite cuncti :
Auspicibus vobis hoc mihi surgat opus .
Longa sit huic ætas , dominęque potentia terrę :
Sitque sub hac oriens occiduusque dies .
Ille precabatur. tonitru dedit omina lævo
Jupiter : & lævo fulmina missa polo .
Augurio læti jaciunt fundamina cives ;
Et novus exiguo tempore murus erat.
Hoc Celer urget opus , quem Romulus ipse vocat at ;
Sintque , Celer , curę , dixerat , ista tuz .
Neve quis aut muros , aut versam vomere terram
Transseat , audentem talia dede neci .
Quod Remus ignorans , humiles contemnere muros
Cœpit : & , His populus , dicere , tutus erit ?
Nec mora , transiit. rutro Celer occupat ausum .
Ille premit duram sanguinolentus humum .
Hæc ubi Rex didicit ; lacrymas introrsus obortas
De-

Devorat, & clausum pectore vulnus habet.
 Flere palam non vult, exemplaue fortia servat:
 Sicque meos muros transeat hostis, ait.
 Dat tamen exsequias: nec jam suspendere fletum
 Sustinet; & pietas dissimulata patet.
 Osculaque applicuit posito suprema feretro:
 Atque ait; Invito frater adempte, vale.
 Arsurosque artus unxit: fecere, quod ille,
 Faustus, & mœstas Acca soluta comas.
 Tum juvenem nondum facti flere Quirites.
 Ultima plorato subdita flamma rogo.
 Urbs oritur [quis tunc hoc ulli credere posset?]
 Victorem terris impositura pedem.
 Cuncta regas: & sis magno sub Cæsare semper:
 Sæpe etiam plures nominis hujus habe.
 Et quoties steteris domito sublimis in orbe;
 Omnia sint humeris inferiora tuis.

Dicta Pales nobis. idem Vinalia dicam.
 Una tamen media est inter utramque dies.
 Numina vulgares Veneris celebrate puellæ.
 Multa professorum quæstibus apta Venus.
 Poseite thure dato formam, populique favorem:
 Poscite blanditias, dignaque verba joco.
 Cumque sua dominæ date grata sisymbria myrto,
 Textaque composita juncea vincla rosa.
 Templâ frequentari Collinæ proxima portæ
 Nunc decet: à Siculo nomina colle tenent.
 Utque Syracusas Arethusidas abstulit armis
 Claudius, & bello te quoque cepit, Eryx;
 Carmine vivacis Venus est translata Sibyllæ;
 Inque suæ stirpis maluit urbe coli.
 Cur igitur Veneris festum Vinalia dicant,
 Quæritis; & quare sit Jovis ista dies?
 Turnus, an Æneas Latine gener esset Amator,
 Bellum erat. Hetruscas Iurnus adoptat opes.
 Clarus erat, sumtisque ferox Mezentius armis:
 Et vel equo magnus, vel pede major erat.
 Quem Rutuli Turnusque suis adsciscere tentant
 Partibus. hæc contra dux ita Tuscus ait:
 Stat mihi non parvo virtus mea. vulnera testes;
 Armaque, quæ sparsi sanguine sæpe meo.
 Qui petis auxilium, non grandia divide mecum
 Præmia, de lacubus proxima musta tuis.

Nulla mora est operæ vestrum dare, vincere nostrum
 Quam velit Æneas ista negata mihi!
 Annuerant Rutuli. Mezentius induit arma:
 Induit Æneas; alloquiturque Jovem.
 Hostica Tyrrheno vota est vindemia Regi,
 Jupiter: è Latio palmite musta feras.
 Vota valent meliora: cadit Mezentius ingens,
 Atque indignanti pectore plangit humum.
 Venerat Autumnus calcatis sordidus uvis:
 Redduntur merito debita vina Jovi.
 Dicta dies hinc est Vinalia. Jupiter illam
 Vindicat, & festis gaudet inesse suis.
Sex ubi, quæ restant, lucis Aprilis habebit;
 In medio cursu tempora veris erunt.
 Et frustra pecudem quæres Athamantidos Helles:
 Signaque dant imbres: exoriturque Canis.
 Hac mihi Nomento Romam cum luce redirem,
 Obstitit in media candida pompa via.
 Flamen in antiquæ lucum Robiginis ibat,
 Extæ canis flammis, extæ daturus ovis.
 Protinus accessi; ritus ne nescius essem.
 Edidit hæc Flamen verba, Quirine, tuus:
 Aspera Robigo, parcas Cerealibus herbis:
 Et tremat in summa læve cacumen humo.
 Tu sata syderibus cœli nutrita secundis
 Crescere, dum fiant falcibus apta, sinas.
 Vis tua non levis est. quæ tu frumenta notasti;
 Mœstus in amissis illa colonus habet.
 Nec venti tantum Cereri nocuere, nec imbres;
 Nec sic marmoreo pallet adusta gelu:
 Quantum, si culmos Titan incalfacit udos.
 Tum locus est iræ, Diva timenda: tuæ.
 Parce, precor, scabrasque manus à messibus aufer;
 Neve noce cultis; posse nocere sat est.
 Nec teneras segetes, sed durum amplectere ferrum:
 Quodque potest alios perdere, perde prior.
 Utilius gladios & tela nocentia carpes.
 Nil opus est illis: otia mundus agit.
 Sarcula nunc, durusque bidens, & vomer aduncus,
 Ruris opes niteant: inquinet arma situs.
 Conatusque aliquis vagina ducere ferrum;
 Adstrictum longa sentiat esse mora.
 At tu ne viola Cererem: semperque colonus

L I B E R IV.

Absenti possit solvere vota tibi.
 Dixerat. à dextra villis mantele solutis
 Camque meri patera thuris acerra fuit.
 Thura focis vinumque dedit, fibrasque bidentis,
 Turpiaque obscenæ (vidimus) exta canis.
 Tum mihi, Cur detur sacris nova victima, quæris?
 [Quæsieram] causam percipe, Flamen ait:
 Est Canis [Icarium dicunt] quo fidere moto
 Tosta fuit tellus, præcipiturque seges.
 Pro cane fidereo canis hic imponitur aræ:
 Et, quare pereat, nil nisi nomen habet.
Cum Phrygis Assaraci Tithonia fratre relicto
 Sustulit immenso, ter jubar orbe suum;
 Mille venit variis florum Dea nexa coronis;
 Scena joci morem liberioris habet.
 Exit & in Majas sacrum Florale Kalendas.
 Tunc repetam: nunc me grandius urget opus.
 Aufert, Vesta, diem: cognato, Vesta, recepta est
 Limine sic iussi constituere patres.
 Phœbus habet partem; Vestæ pars altera cessit
 Quod superest illis, tertius ipse tenet.
 State Palatinæ laurus, prætextaque quercu
 Stet domus. æternos tres habet una Deos.

F A S T O R U M

L I B E R V.

Quæritis, unde putè Majo data nomina mensi?
 Non satis est liquido cognita causa mihi.
 Ut stat, & incertus qua sit sibi nescit eun-
 dum.

Cum videt ex omni parte viator iter:
 Sic, quia posse datur diversas reddere causas,
 Qua ferar ignoro: copique ipsa nocet.
 Dicite, quæ fontes Aganippidos Hippocrenes
 Grata Medusæ signa tenetis equi.
 Dissensere Deæ, quarum Polyhymnia cœpit
 Prima silentiæ; dictaque mente notant. [do]
 Post chaos, ut primum data sunt tria corpora mun-
 Inque novas species omne recessit opus;
 Pondere terra suo subsedit, & æquora traxit:
 At æclum levitas in loca summa tulit.

Sol quoque cum stellis nulla gravitate retentus,
Et vos Lunares exsiluistis equi.
Sed neque terra diu cœlo, nec cœtera Phœbo
Sidera cedebant: par erat omnis honos.
Sæpè aliquis folio, quod tu, Saturne, tenebas,
Ausus de media plebe sedere Deus.
Et latus Oceano quisquam Deus advena junxit:
Tethys & extremo sæpe recepta loco est.
Donec Honor, placidoque decens Reverentia vultu
Corpora legitimis imposuere toris.
Hinc sata Majestas; hos est Dea censa parentes:
Quaque die partu est edita, magna fuit.
Nec mora: confedit medio sublimis Olympo,
Aurea, purpureo conspicienda sinu.
Confedere simul Pudor & Metus. omne videres
Numen ad hanc cultus composuisse suos.
Protinus intravit mentes suspectus honorum.
Fit pretium dignis; nec sibi quisque placet.
Hic status in cœlo multos permansit in annos:
Dum senior fatis excidit arce Deus.
Terra feros partus immania monstra Gigantas
Edidit, ausuros in Jovis ire domum.
Mille manus illis dedit, & pro cruribus angues:
Atque ait, in magnos arma movete Deos.
Exstruere hi montes ad sidera summa parabant,
Et magnum bello sollicitare Jovem.
Fulmina de cœli jaculatus Jupiter arce
Vertit in auctores pondera vasta suos.
His bene Majestas armis defensa Deorum
Restat: & ex illo tempore firma manet.
Assidet illa Jovi: Jovis est fidissima custos:
Et præstat sine vi sceptrum tremenda Jovi.
Venit & in terras: coluerunt Romulus illam
Et Numa: mox alii, tempore quisque suo.
Illa patres in honore pio matresque tuetur:
Illa comes pueris virginibusque venit.
Illa datos fasces commendat, eburque curule:
Illa coronatis alta triumphat equis.
Finierat voces Polyhymnia. dicta probarunt
Clioque, & curvæ scita Thalia lyra.
Excipit Uranie: fecere silentia cunctæ;
Et vox audiri nulla, nisi illa, potest.
Magna fuit quondam capitis reverentia cani,
Inque

Inque suo pretio ruga senilis erat.
Martis opus juvenes animosaque bella gerebant:
Et pro Dis aderant in statione suis.
Viribus illa minor, nec habendis utilis armis,
Consilio patriæ sæpe ferebat opem.
Nec nisi post annos patuit tunc Curia seros:
Nomen & ætatis mite Senatus erat.
Jura dabat populo senior; finitaque certis
Legibus est ætas, unde petatur honos.
Et medius juvenum, non indignantibus ipsis,
Ibat, & interior si comes unus erat.
Verba quis auderet coram sene digna rubore
Dicere? censuram longa senectæ dabat.
Romulus hoc vidit: selectaque pectora Patres
Dixit. ad hos Urbis summa relata novæ.
Hinc sua majores posuisse vocabula Majo
Tangor, & ætati consuluisse suæ.
Et Numitor dixisse potest, Da, Romule, mensem
Hunc senibus; nec avum sustinuisse nepos.
Nec leve præpositi pignus successor honoris
Junius à juvenum nomine dictus habet.
Tum sic, neglectos hedera redimita capillos,
Prima sui cœpit Calliopea chori:
Duxerat Oceanus quondam Titanida Tethyn,
Qui terram liquidis, qua patet, ambit aquis;
Hinc sata Plejone cum cœlifero Atlante
Jungitur, ut fama est; Plejadaeque parit.
Quarum Maja suas forma superasse sorores
Traditur, & summo concubuisse Jovi.
Hæc enixa jugo cupressiferæ Cyllenes
Ætherium volucris qui pede carpit iter.
Arcades hunc, Ladonque rapax, & Mænalos ingens
Rite colunt, Luna credita terra prior.
Exul ab Arcadiis Latios Evander in agros
Venerat, impositos attuleratque Deos.
Hic, ubi nunc Roma est orbis caput, arbor, & herbæ,
Et paucæ pecudes, & casa rara fuit.
Quo postquam ventum; Consistite, præscia mater,
Nam locus imperii rus erit istud, ait.
Et matri & vati paret Nonacrius heros;
Inque peregrina constitit hospes humo.
Saeva quæ multa quidem, sed Fauni prima bicornis
Hæc docuit geatæ, alipatisque Dei.

Semicaper, coleris cinctutis, Faune, Lupercis;
Cum lustrant celebres vallera secta vias.

At tu materno donasti nomine mensem,
Inventor curvæ, furibus apte, fidis.

Nec pietas hæc prima tua est: septena putaris:
Plejadum numerum fila dedisse lyræ.

Hæc quoque desierat; laudataque voce sororum est.
Quid, faciam? turbæ pars habet omnis idem.

Gratia Pieridum, nobis æqualiter adsit;
Nullaque laudetur, plusve minusve mihi.

A B Jove surgat opus. prima mihi, nocte videnda
Stella est in cunas officiosa Jovis.

Nascitur Oleniz, signum pluviale Capellæ:
Illa, dati cælum præmia lactis habet.

Nais Amalthea, Cretæa nobilis Ida.
Dicitur in silvis, occuluisse Jovem.

Huic fuit hædorum mater formosa duorum
Inter Dictæos conspicienda greges;

Cornibus aeris, atque in sua terga recurvis:
Ubere, quod nutrix posset habere Jovis.

Itac dabat illa Deo: sed fregit in arbore cornu:
Truncaque dimidia parte decoris erat.

Sustulit hoc Nymphæ; cinctumque recentibus herbis,
Et plenum pomis ad Jovis ora tulit.

Ille, ubi res, cæli tenuit, solioque paterno
Sedit, & invicto nil Jove majus erat,

Sidera nutricem, nutricis fertile cornu
Fecit; quod dominæ nunc quoque nomen habet;

Æstivibus Majæ Laribus videre Kalendæ
Aram constitui, signaque parva Deum.

Voverat illa quidem Curius, sed multa vetustas
Destruit, & saxo longa senecta nocet.

Causa tamen positi fuerat, cognominis illis,
Quod præstant oculis omnia tuta suis.

Stant quoque pro nobis, & præsent mensibus Urbis;
Et sunt præsent, auxiliumque ferunt.

At canis ante pedes saxo fabricatus eodem
Stabat: quæ standi cum Lare causa fuit?

Servat uterque domum domino quoque fidus uterq;
Compita grata Deo: compita, grata cani.

Æxagitant & Lar, & turba Diania fures;
Pervigilantque Lares; pervigilantque canes.

Dina gemellorum quærebam signa Deorum

Viribus annosæ facta caduca moræ:
 Mille Lates, Geniumque Ducis, qui tradidit illos,
 Urbs habet; & vici numina trina colunt.
 Quo feror? Augustus mensis mihi carminis hujus.
 Jus dabit. interea Diva: canenda Bona est.
 Est moles nativa: loco res nomina fecit.
 Appellant saxum: pars bona montis ea est.
 Huic Remus insisterat frustra, quo tempore fratrem
 Prima Palatinæ signa dedistis aves.
 Tempa Patres illic oculos exosa viriles
 Beniter acclivi constituere iugo.
 Dedicat hæc veteris Clausorum nominis hæres
 Virgineo nullum corpore passa virum.
 Livia restituit; ne non imitata maritum
 Effet, & ex omni parte secuta virum.
Postera cum rosea pulsas Hyperionis aëtris
 In matutinis lampada tollet equis;
 Trigidus Argestes summas mulcebit aristas,
 Candidaque à Calabris vela dabuntur aquis.
 At simul inducunt obscura crepuscula noctem;
 Pars Hyadum toto de grege nulla later.
 Ora micant Tauri septem radiantia flammis,
 Navita quas Hyadas Grajus ab imbre vocat.
 Pars Bacchum nutritæ putant: pars credidit esse
 Tethyos has neptes, Oceanique senis.
 Nondum stabat Atlas humeros oneratus Olympo;
 Cum satus est forma conspiciendus Hyas.
 Hunc stirps Oceani maturis nisibus Æthra
 Edidit, & Nymphas: sed prior ortus Hyas.
 Dum nova lanugo; pavidos formidine cervos:
 Terret: & est illi præda benigna lepus.
 At postquam virtus annis adolevit; in apros:
 Audet, & hirsutas cominus ire leas.
 Dumque petit latebras: forte catulosque leonæ;
 Ipse fuit Libycæ præda cruenta feræ.
 Mater Hyan, & Hyan monstræ flevæ sorores,
 Cervicemque polo suppositurus Atlas.
 Victus uterque parens tamen est pietate sororum.
 Illa dedit cælum: nomina fecit Hyas.
 Mater, ades; florum, ludis celebranda jocosis;
 Distuleram partes mense priore tuas.
 Incipis Aprili: trans in tempora Maii.
 Alter te fugiens, cum venit alter, habet.

Cum

Cum tua sint, cedantque tibi confinia mensum;
Convenit in laudes ille vel iste tuas.
Circus in hunc exit, clamataque palma Theatris:
Hoc quoque cum Circi munere carmen eat.
Ipsa doce quæ sis. hominum sententia fallax.
Optima tu proprii nominis auctor eris.
Sic ego, sic nostris respondit Diva rogatis,
Dum loquitur, vernas efflat ab ore rosas.
Chloris eram, quæ Floravocor. corrupta Latino
Nominis est nostri littera Græca sono.
Chloris eram Nymphæ campi felicitis, ubi audis
Rem fortunatis ante fuisse viris.
Quæ fuerit mihi forma, grave est narrare modestæ:
Sed generum matri repperit illa Deum.
Vererat; errabam. Zephyrus conspexit; abibam.
Insequitur; fugio. fortior ille fuit.
Et dederat fratri Boreas jus omne rapinæ,
Ausus Erechthea præmia ferre domo.
Vim tamen emendat dando mihi nomina nuptæ:
Inque meo non est ulla querela toro.
Vere fruor semper: veri nitidissimus annus.
Arbor habet frondes, pabula semper humus.
Est mihi fecundus dotalibus hortus in agris.
Aura fovet; liquidæ fonte rigatur aquæ.
Hunc meus implevit generoso flore maritus:
Atque ait, Arbitrium tu, Dea, floris habe.
Sæpe ego digestos volui numerare colores;
Nec potui. numero copia major erat.
Roscida cum primum foliis excussa pruina est,
Et variz radiis intepuere comæ;
Conveniunt pictis incinctæ vestibibus Horæ,
Inque leves calathos munera nostra legunt.
Protinus arripiunt Charites; nesciuntque coronas,
Sertaque cœlestes implicitura comas.
Prima per immensas sparsi nova semina gentes.
Unius tellus ante coloris erat.
Prima Therapneo feci de sanguine florem:
Et manet in folio scripta querela suo.
Tu quoque nomen habes cultos, narcisse, per hortos:
Infelix, quod non alter, & alter eras! (tum)
Quid Crocon, aut Attyn referam, Cinyraque crea-
De quorum per me vulnere surgit honor?
Mais quoque, si nescis, per nostras editus artes.
Jupi-

Jupiter hoc ut adhuc nesciat, usque precor.
Sancta Jovem Juno, nata sine matre Minerva,
Officio doluit non eguisse suo.

Ibat, ut Oceano quereretur furta mariti:

Restitit ad nostras fessa labore fores.

Quam simul adspexi; Quid te Saturnia, dixi,

Attulit? exponit, quem petat, illa locum.

Addidit & causam. verbis solabar amicis.

Non, inquit, verbis cura levanda mea est.

Si pater est factus neglecto conjugis usu

Jupiter, & solus nomen utrumque tenet;

Cur ego desperem fieri sine conjuge mater:

Et parere intacto, dummodo casta, viro?

Omnia tentabo laeis medicamina terris;

Et freta, Tartareos excutiamque sinus.

Vox erat in cursu: vultum dubitantis habebam.

Nescio quid, Nymphæ, posse videris, ait.

Torvolum promittere opem, ter lingua retenta est:

Ira Jovis magni causa timoris erat.

Fer, precor, auxilium, dixit; celabitur auctor:

Et Stygiæ numen testificatur aquæ.

Quod petis, Oleniis, inquam, mihi missus ab arvis

Flos dabit. est hortis unicus ille meis. (cam;

Qui dabat, Hoc, dixit, sterilem quoque tange juven-

Mater erit. tetigi. nec mora; mater erat.

Protinus hærentem decerpsi pollice florem.

Tangitur; & tacto concipit illa sinu.

Jamq; gravis Thracen, & læva Propontidos intrat:

Fitque potens voti; Marsque creatus erat.

Qui memor accepti per me natalis, Habeto

Tu quoque Romulea, dixit, in Urbe locum

Forsthan in teneris tantum mea regna coronis

Esse putes. tangunt numen & arva meum.

Si bene floruerint segetes; erit area dives.

Si bene floruerit vinea; Bacchus erit.

Si bene floruerint oleæ; nitidissimus annus.

Pomaque proventum temporis hujus habent.

Flore semel læso pereunt vicæque fabæque:

Et pereunt lentes, advena Nile, tuz.

Vina quoque in magnis operose condita cellis

Florent, & nebulæ dolia summa tegunt.

Mella meum munus. volucres ego mella daturas

Ad violam, & cyrtos, & thyma cana voco.

Noi

Nos quoque idem facimus: tunc cum juvenilibus
annis.

Luxuriant animi, corporaque ipsa vigent.
Taliam dicentem tacitus mirabar. at illa,

Jus tibi discendi, siqua requiris, ait.

Dic, Dea, ludorum, respondi, quæ sit origo.

Vix bene desieram; rettulit illa mihi.

Cætera luxurizæ nondum instrumenta vigeant:

Aut pecus, aut latam dives habebat humum.

Hinc etiam locuples, hinc ipsa pecunia dicta est.

Sed jam de vetito quisque parabat opes.

Venerat in morem populi depascere saltus:

Idque diu licuit, pœnaque nulla fuit.

Vindice servabant nullo sua publica vulgus:

Jamque in privato pascere inertis erat.

Plebis ad Ædilos delata licentia talis.

Publicios: animus defuit ante viris.

Rem populus recipit, multam subiere nocentes.

Vindicibus laudi publica cura fuit.

Multa data est ex parte mihi: magnoque favore

Victores Ludos instituere novos.

Parte locant clivum, qui tunc erat ardua rupes.

Utile nunc iter est; Publiciumque vocant.

Annua credideram spectacula facta; negavit:

Addidit & dictis altera verba suis.

Nos quoque tangit honos. festis gaudemus, & aris:

Turbaque cœlestes ambitiosa sumus.

Sæpè Deos aliquis peccando fecit iniquos:

Et pro delictis hostia blanda fuit.

Sæpe Jovem vidi, cum jam sua mittere vellet

Pulmina, thure dato sustinuisse manum.

At si negligimur, magnis injuria pœnis

Solvitur: & justum præterit ira modum.

Respice Thestiaden: flammis absentibus arsit.

Causa est: quod Phœbes ara sine igne fuit.

Respice Tantaliden: eadem Dea vela tenebat.

Virgo est: & spretos bis tamen ultra focos.

Hippolyte infelix, velles coluisse Dionem,

Cum consternatis diripereris equis.

Longa referre mora est collata oblivia damnis.

Me quoque Romani præteriere Patres.

Quid facerem? per quod fierem manifesta doloris?

Exigerem nostræ qualia damna notæ?

Excidit officium tristi mihi. nulla tuebar
 Rura : nec in pretio fertilis hortus erat.
 Lilia deciderant : violas arere videres ,
 Filaque punicei languida facta croci.
 Sæpe mihi Zephyrus , Dotes corrumpere noli
 Ipsa tuas, dixit : dos mihi vilis erat.
 Florebant oleæ : venti nocuere protervi.
 Florebant segetes ; grandine læsa Ceres.
 In spe vitis erat : cœlum nigrescit ab Austris ,
 Et subita frondes decutiuntur aqua .
 Nec volui fieri , nec sum crudelis in ira :
 Cura repellendi sed mihi nulla fuit.
 Convenere Patres : & , si bene floreat annus ,
 Numinibus nostris annua festa vovent.
 Annuimus voto. Consul cum Consule ludos
 Postumio Lænas persolvere mihi.
 Quærere conabar, quare lascivia major
 His foret in Ludis , liberiorque iocus :
 Sed mihi succurrit, numen non esse severum ;
 Aptaque deliciis munera ferre Deam.
 Tempora sutilibus cinguntur tota coronis ;
 Et latet injecta splendida mensa rosa.
 Ebrius incinctis philyra conviva capillis.
 Saltat , & imprudens utitur arte meri.
 Ebrius ad durum formosæ limen amicæ
 Cantat. habent unctæ mollia ferta comæ.
 Nulla coronata peraguntur seria fronte ;
 Nec liquidæ vinctis flore bibuntur aquæ :
 Donec eras mistus nullis , Acheloe , racemis :
 Gratia sumendæ non erat ulla rosæ.
 Bacchus amat flores : Baccho placuisse coronam
 Ex Ariadnæo sidere nosse potes.
 Scena levis decet hanc : non est , mihi credite , non est
 Illa costurnatas inter habenda Deas.
 Turba quidem cur hos celebrent meretricia ludos ,
 Non ex difficili caussa petenda subest.
 Non est de tetricis , non est de magna professus :
 Vult sua plebejo sacra patere choro.
 Et monet ætatis specie , dum floreat , uti :
 Contemni spinam , cum cecidere rosæ.
 Cur tamen , ut dantur vestes. Cerealibus albat ,
 Sic hæc est cultu versicolore decens ?
 An quia maturis albescit messis aristis :

Et color & species floribus omnis inest ?
 Annuit ; & motis flores cecidere capillis ,
 Accidere in mensas ut rosa missa solet .
 Lumina restabant ; quorum me causa latebat ,
 Cum sic eriores abstulit illa meos .
 Vel quia purpureis collucent floribus agri ;
 Lumina sunt nostros visa decere dies :
 Vel quia nec flos est hebeti , nec flamma , colore ;
 Atque oculos in se splendor uterque trahit ;
 Vel quia deliciis nocturna licentia nostris
 Convenit . à vero tertia causa venit .
 Est breve præterea , de quo mihi querere restat ,
 Si liceat , dixi . (dixit & illa , Licet)
 Cur tibi pro Libycis claudantur rete leznis
 Imbelles caprea , sollicitusque lepus .
 Non sibi , respondit , silvas cecidisse ; sed hortos ,
 Arvaeque pugnaci non adeunda feræ .
 Omnia finierat : tenues secessit in auras .
 Mansit odor . posses scire fuisse Deam .
 Floreat ut toto carmen Nasonis in ævo ;
 Sparge , precor , donis pectora nostratuis .
NOcte minus quarta promet sua sidera Chiron
 Semivir , & flavi corpore mistus equi .
 Pelion Hæmonia mons est obversus in Austros :
 Summa virent pinu , cætera quercus habet .
 Phillyrides tenuit . saxo stant antra vetusto ,
 Quæ justum memorant incoluisse senem .
 Ille manus olim missuras Hæcтора letho
 Creditur in lyricis detinuisse modis .
 Venerat Alcides exacta parte laborum ;
 Iussaque restabant ultima pene viro .
 Stare simul casu Trojæ duo fata videres :
 Hinc puer Æacides , hinc Jove natus erat .
 Excipit hospitio juvenem Philyrejus heros :
 Et causam adventus hic rogat , ille docet .
 Perspicit interea clavam spoliūque leonis :
 Virque , ait , his armis , armaque digna viro .
 Nec se , quin horrens auderent tangere setis
 Vellus , Achilleæ continuere manus .
 Dumque senex tractat squalentia tela venenis ;
 Excidit , & lævo fixa sagitta pede est .
 Ingemuit Chiron , traxitque è corpore ferrum ;
 Adgemit Alcides , Hæmoniusque puer .

Ipse

Ipse tamen lectas Pagasæis collibus herbas
 Temperat, & varia vulnera muket ope.
 Virus edax superabat opem: penitusque recepta
 Offibus, & toto corpore pestis erat.
 Sanguine Centauri Lernææ sanguis Echidnæ
 Mistus ad auxilium tempora nulla dabant.
 Stabat, ut antepatrem, lachrymis perfusus Achilles:
 Sic flendus Peleus, si moreretur, erat.
 Sæpe manus ægras manibus fingeat amicis:
 (Morum, quos fecit, præmia doctor habet.)
 Oscula sæpe dedit. dixit quoque sæpe jacenti;
 Vive, precor; nec me, care, relinque, pater.
 Nona dies aderat; cum tu, justissime Chiron,
 Bis septem stellis corpora cinctus eras.
Hunc lyra curva sequi cuperet; sed idonea nondum
 Est via. nox aptum tertia tempus erit.
Scorpius in cælo, cum cras lucefcere Nonas
 Dicimus, à media parte notandus erit.
HIncubi protulerit formosa ter Hesperus ora,
 Ter dederint Phœbo sidera vista locum;
 Ritus erit veteris nocturna Lemuria sacri:
 Inferias tacitis Manibus illa dabant.
 Annus erat brevior; nec adhuc pia februa norant;
 Nec tu dux mensum, Jane biformis, eras.
 Jam tamen extincto cineri sua dona ferebant;
 Compositique nepos busta piabat avi.
 Mensis erat Majus majorum nomine dictus,
 Qui partem prisca nunc quoque moris habet:
 Nox ubi jam media est, somnoque silentia præbat;
 Et canis, & variz conticuisse aves;
 Ille memor veteris ritus, timidusque Deorum,
 Surgit, habent gemini vincula nulla pedes.
 Signaque dat digitis medio cum pollice junctis;
 Occurrat tacito ne levis umbra sibi.
 Terque manus puras fontana proluit unda;
 Vertitur, & nigras accipit ore fabas.
 Aversusque jacit: sed dum jacit, Hæc ego mitto;
 His, inquit, redimo meque meosque fabis.
 Hæc novies dicit, nec respicit. umbra putatur
 Colligere, & nullo terga vidente sequi.
 Rursus aqua tangit, Temesæque concrepat æra:
 Et rogat ut tectis exeat umbra suis.
 Cum dixit novies, Manes exite paterni,

Re-

Respicit, & pure sacra peracta putat.
 Dicta sit unde dies, quæ nominis exstet origo,
 Me fugit. ex aliquo est invenienda Deo.
 Pleiade nate, mone, virga venerande potenti:
 Sæpe tibi Stygii regia visa Jovis.
 Venit adoratus Caducifer. accipe causam
 Nemini, ex ipso cognita causa Deo est.
 Romulus ut tumultu fraternas condidit umbras,
 Et male veloci iusta soluta Remo;
 Faustulus infelix & passis Acca capillis
 Spargebant lacrymis ossa perusta suis.
 Inde domum redeunt sub prima crepuscula mœssi;
 Utque erat, in duro procubuerunt toro.
 Umbra cruenta Remi visa est assistere lecto.
 Atque hæc exiguo murmure verba loqui:
 En ego dimidium vestri parsque altera voti.
 Cernite si quis qualis; qui modo qualis eram?
 Qui modo si volucres habuissem regna jubentes;
 In populo potui maximus esse meo:
 Nunc elapsa rogi flammis, & inanis imago.
 Hæc est ex illo forma relicta Remo.
 Heu! ubi Mars pater est? si vos modo vera locuti;
 Uberaque expositis ille ferina dedit.
 Quem lupa servavit, manus hunc temeraria civis
 Perdidit. ò quanto mitior illa fuit!
 Sæpe Celer, crudelem animam per vulnera reddas;
 Utque ego, sub terras sanguinolentus eas.
 Noluit hoc frater. pietas æqualis in illo est.
 Quod potuit, lacrymas in mea fata dedit.
 Hunc vos per lacrymas, per vestra alimenta rogate,
 Ut celebrem festo signet honore diem.
 Mandantem amplecti cupiunt, & brachia tendunt.
 Lubrica prensantes effugit umbra manus.
 Ut secum fugiens somnos abduxit imago;
 Ad regem voces fratris uterque ferunt.
 Romulus obsequitur, lucemque Remuria dixit
 Illam, qua positus iusta feruntur avis.
 Aspera mutata est in lenem tempore longo
 Littera, quæ toto nomine prima fuit.
 Mox etiam Lemures animas dixerunt silentium.
 Is verbi sensus, vis ea vocis erat.
 Fana tamen veteres illis clausere diebus;
 Ut nunc ferali tempore opera videas.

Nec

Nec viduar tædis eadem , nec virginis apta
 Tempora. quæ nup̄sit , non diuturna fuit.
 Hæc quoque de causa (si te proverbia tangunt)
 Mense malas Majo nubere vulgus ait.
 Sed tamen hæc tria sunt sub eodem tempore festa
 Inter se nullo continuata die.
 Quorum si mediis Boeoton Oriona quæres ;
 Falsus eris. signi causa canenda mihi.
 Jupiter , & lato qui regnat in æquore frater ,
 Carpebant socias , Mercuriusque , vias.
 Tempus erat, quo versa jugo referuntur aratra ;
 Et prouum saturæ lac bibit agnus ovis.
 Forte senex Hyrieus angustî cultor agelli
 Hos videt , exiguum stabat ut ante casam.
 Atque ita , Longa via est, nec tempora longa super-
 Dixit ; & hospitibus janua nostra patet. (sunt ,
 Addidit & vultum verbis ; iterumque rogavit.
 Parent promissis ; dissimulantque Deos.
 Testa senis subeunt nigro deformia fumo :
 Ignis in hesterno stipite parvus erat.
 Ipse genu posito flammæ exsuscitat aura ,
 Et promit quassas , comminuitque faces.
 Stant calices. minor inde fabas, olus alter habebant ;
 Et fumant testu pressus uterque suo.
 Dumque mora est, tremula dat vina rubentia dextra,
 Accipit æquoreus pocula prima Deus.
 Quæ simul exhaustit ; Da nunc bibat ordine, dixit,
 Jupiter. audito palluit ille Ioue.
 Ut rediit animus ; cultorem pauperis agri
 Immolat , & magno torret in igne bovem.
 Quæque puer quondam primis diffuderat annis ,
 Prodit fumoso condita vina cado.
 Nec mora : flumineam lino celantibus ulvam,
 Sic quoque non altis , discubueret toris.
 Nunc dape, nunc posito mensæ nituere Lyxo,
 Terra rubens crater , pocula fagus erant.
 Verba fuere Jovis ; Si quid fert impetus, opta :
 Omne feres. placidi verba fuere senis :
 Cara fuit conjux primæ mihi cura juventæ
 Cognita. nunc ubi sit quæritis ? urna tegit.
 Huic ego juratus , vobis in verba vocatis ,
 Conjugio dixi sola frui meo.
 Et dixi , & seruo , sed enim diversa voluntas
Est

Est mihi : nec conjux & pater esse volo.
Annuerant omnes : omnes ad terga juvenci
Constiterant. pudor est ulteriora loqui.
Tunc superinjecta texere madentia terra.
Jamque decem menses ; & puer ortus erat.
Hunc Hyricus, quia sic genitus, vocat Uriona.
Perdedit antiquum littera prima sonum.
Creverat immensum: comitem sibi Delia sumfit.
Ille Dez custos, ille satelles erat.
Verba movent iras non circumspecta Deorum.
Quam nequeam, dixit, vincere, nulla fera est.
Scorpion immisit Tellus. fuit impetus illi
Curva gemelliparæ spicula ferre Dez.
Obstitit Orion. Latona nitentibus astris
Addidit : & Meriti præmia, dixit, habe.
Sed quid & Orion, & cætera sidera mundo
Cedere festinant, noxque coarctat iter ?
Quid solito citius liquido jubar æquore tollit
Candida Lucifero præveniente dies ?
Fallor? an arma sonant? non fallimur: arma sonabant.
Mars venit ; & veniens bellica signa dedit.
Ultor ad ipse suos cœlo descendit honores,
Templaque in Augusto conspicienda Foro.
Et Deus est ingens, & opus. debebat in Urbe
Non aliter nati Mars habitare sui.
Digna Giganteis hæc sunt delubra tropæis :
Hinc fera Gradivum bella movere decet ;
Seu quis ab Eoo nos impius orbe laceffet ;
Seu quis ab Occiduo Sole domandus erit.
Prospicit armipotens operis fastigia summi,
Et probat invictos summa tenere Deos.
Prospicit in foribus diversæ tela figuræ,
Armaque terrarum milite victa suo.
Hinc videt Æneæu oneratum pondere sacro ;
Et tot Juleæ nobilitatis avos.
Hinc videt Iliaden humeris ducis arma ferentem,
Claraque dispositis æta subesse viris.
Spectat & Augusto prætextum nomine templum,
Et visum læsto Cæsare majus opus.
Voverat hoc juvenis tunc cum pia sustulit arma.
A tantis Princeps incipiendus erat.
Ille manus tendens, hinc stanti milite iusto,
Hinc conjuratis, talia dicta dedit :

Si mihi bellandi pater est, Vestæque sacerdos
Auctor; & ulcisci numen utrumque pareo:
Mars, ades; & satia scelerato sanguine ferrum;
Stetque favor causa pro meliore tuus.
Templa feres, & me victore vocaberis Ultor.
Voverat; & fuso lætus ab hoste redit.
Nec satis est meruisse semel cognomina Marti:
Persequitur Partha signa retenta manu.
Gens fuit & campis, & equis, & tuta sagittis;
Et circumfusus invia fluminibus.
Addiderant animos Crassorum funera genti;
Cum periit miles, signaque, duxque simul.
Signa decus belli Parthus Romana tenebat;
Romanæque aquilæ signifer hostis erat.
Isque pudor mansisset adhuc, nisi fortibus armis
Cæsaris Ausoniz protegerentur opes.
Ille notas veteres, & longi dedecus ævi
Sustulit. agnorum signa recepta suos.
Quid tibi nunc solitæ mitti post terga sagittæ;
Quid loca, quid rapidi profuit usus equi?
Parthe, refers aquilas: victos quoque porrigis arcus.
Pignora jam nostri nulla pudoris habes.
Rite Deo templumque datum nomenque bis ultor
Et meritis voti debita solvit honos.
Solemni Ludos Circo celebrate, Quirites:
Non visa est fortem scena decere Deum.
PLiadas adspicies omnes, totumque sororum
Agmen; ubi ante Idus nox erit una super.
Tunc mihi non dubiis auctoribus incipit ætas;
Et tepidi finem tempora veris habent.
IDibus ora prior stellantia tollere Taurum
Indicat; huic signo fabula nota subest.
Præbuit ut taurus Tyriæ sua terga puellæ
Jupiter, & falsa cornua fronte tulit;
Illa jubam dextra, læva retinebat amictus;
Et timor ipse novi causa decoris erat.
Aura sinus implet: flavos movet aura capillos.
Sidoni, sic fueras accipienda Jovi.
Sæpe puellares subduxit ab equore plantas;
Et, metuit tactus assilientis aquæ:
Sæpe Deus prudens tergum demittit in undas;
Hæreat ut collo fortius illa suo.
Littonibus tactis stabat sine cornibus ullis.

Jupiter : inque Deum de bove versus erat.
 Taurus init cœlum. te, Sidoni, Jupiter implet :
 Parsque tuum terrę tertia nomen habet.
 Hoc alii signum Phariam dixere juvencam ;
 Quę bos ex homine est, ex bove facta Dea.
 Tum quoque priscorum virgo simulacra viroꝝum
 Mittere roboreo scirpea ponte solet.
 Corpora post decies senos qui credidit annos
 Missa neci ; sceleris crimine damnat avos.
 Fama vetus : tum cum Saturnia terra vocata est,
 Talia fatidici dicta fuere Dei :
 Falcifero libata seni duo corpora, gentes,
 Mittite ; quę Tuscis excipiantur aquis.
 Donec in hæc venit Tirynthius arva, quotannis
 Tristia Leucadio sacra peracta modo.
 Illum stramineos in aquam misisse Quirites.
 Herculis exemplo corpora falsa jaci.
 Pars putat ut ferrent juvenes suffragia soli,
 Pontibus infirmos præcipitasse senes.
 Tybri, doce verum : tua ripa vetustior Urbe.
 Principium ritus tu bene nosse potes.
 Tybris arundiferum medio caput extulit alveo ;
 Raucaque dimovit talibus ora sonis :
 Hęc loca desertas vidi sine mœnibus herbas :
 Pascebat sparsos utraque ripa boves.
 Et quem nunc gentes Tyberin noruntque timent-
 que,
 Tunc etiam pecori despiciendus eram.
 Arcadis Evandri nomen tibi sæpe refertur ;
 Ille meas remis advena torfit aquas.
 Venit & Alcides turba comitatus Achiva.
 Albula, si memini, tunc mihi nomen erat.
 Excipit hospitio juvenem Pallantius heros :
 Et tandem Cæco debita pœna venit.
 Victor abit, secumque boves Erytheida prædam
 Abstrahit. at comites longius ire negant.
 Magnaque pars horum desertis venerat Argis :
 Montibus his ponunt spemque Laremque suum.
 Sæpe tamen patriæ dulci tanguntur amore :
 Atque aliquis morietur hoc breve mandat opus.
 Mittite me Tyber : Tyberinis vinctus ut undis
 Litus ad Inachium pulvis inanis eam.
 Displicet hæredi mandati cura sepulchri :

Mor-

Mortuus Ausonia conditur hospes humo.
 Scirpea pro domino Tyberi jactatur imago ,
 Ut repetat Grajas per freta longa domos .
 Hastenus: ut vivo subiit rorantia faxo
 Antra , leves cursum sustinuitis aquæ .

CLare nepos Atlantis , ades : quem montibus olim
 Edidit Arcadiis Pleiasuna Jovi
 Pacis & armorum Superis imisque Deorum
 Arbiter , alato qui pede carpis iter :
 Læte lyra pulsu , nitida quoque læte palæstra ;
 Quo didicit culte lingua favente loqui.
 Templâ tibi posuere Patres spectantia Circum
 Idibus. ex illo est hæc tibi festa dies.
 Te , quicumque suas profitetur vendere mœces ,
 Thure dato , tribuas ut sibi lucra , rogat.
 Est aqua Mercurii portæ vicina Capenæ :
 Si juvat expertis credere ; numen habet.
 Huc venit incinctus tunica mercator ; & urna
 Purus suffita , quam ferat , haurit aquam.
 Uda sit hinc laurus : lauro sparguntur ab uda
 Omnia , quæ dominos sunt habitura novos .
 Spargit & ipse suos lauro rorante capillos :
 Et peragit solita fallere voce preces.

Ablue præteriti perjuria temporis , inquit.
 Ablue præterita perfida verba die.
 Sive ego te feci testem , falsove citavi
 Non audituri numina magna Jovis ;
 Sive Deum prudens alium Divamve fefelli ;
 Abstulerint celeres improba dicta Noti .
 Et pateant veniente die perjuria nobis :
 Nec curent Superi , si qua locutus ero.
 Da modo lucra mihi , da facto gaudia lucro :
 Et face ut emtori verba dedisse juvet.
 Talia Mercurius poscentem ridet ab alto ;
 Se memor Ortygias surripuisse boves.

AT mihi pande , precor , tanto meliora petenti ,
 In Geminos ex quo tempore Phœbuseat.
 Cum totidem de mense dies superesse videbis ;
 Quot sunt Herculei facta laboris , ait.
 Dic , ego respondi , causam mihi sideris hujus.
 Causam facundo prodidit ore Deus.
 Abstulerant raptas Phœben Phœbesque sororem
 Tyndaridæ fratres , hic eques , ille pugil.

E Bella

Bella parant, repetuntque suas & frater, & Idas
 Leucippo fieri pactus uterque gener.
 His amor, ut repetant, illis, ut reddere nolint,
 Suadet, & ex caussa pugnat uterque pari.
 Effugere Oebalidæ cursu potuere sequentes:
 Sed visum celeri vincere turpe fuga.
 Liber ab arboribus locus est, apta area pugnae
 Constiterant illic: nomen Aphidna loco.
 Pectora trajectus Lynceo Castor ab ense
 Non expectato vulnere preffit humum.
 Ultor adest Pollux; & Lyncea perforat hasta,
 Qua cervix humeros continuata premit.
 Ibat in hunc Idas, vixque est Jovis igne repulsus:
 Tela tamen dextræ fulmine rapta negant.
 Jamque tibi, Pollux, cælum sublime patebat;
 Cum, Mea, dixisti, percipe verba pater.
 Quod mihi das uni, cælum partire duobus:
 Dimidium toto munere majus erit.
 Dixit, & alterna fratrem statione redemit:
 Utile sollicitæ sidus uterque rati.
 Ad Janum redeat, qui quærit Agonia quid sint,
 Quæ tamen in Fastis hoc quoque tempus habent.
 Nocte sequente diem canis Erigoneius exit.
 Est alio signi reddita caussa loco.

Proxima Vulcani lux es; Tubilustria dicunt.
 Lustrantur puræ, quas facit ille, tubæ. His
Quattuor inde notis locus est; quibus ordine le-
 Vel mos sacrorum; vel Fuga Regis inest.
Nec te prætereo, populi Fortuna potentis
 Publica, cui templum luce sequente datum.
 Hanc ubi dives aquis acceperit Amphitrite;
 Grata Jovi fulvæ rostra videbis avis.
Auferat ex oculis veniens Aurora Booten;
 Continuaque die, sidus Hyantis erit.

F A S T O R U M

L I B E R VI.

Hic quoque mensis habet dubias in nomine caus-
 sas:
 Quæ placeant, positis omnibus, ipse le-
 ges,

**Sacra canam; sed erunt qui me finxisse loquantur;
Nullaque mortali numina visa putent.
Est Deus in nobis: agitante calescimus illo.
Impetus hic sacrae semina mentis habet.
Pars mihi praecipue vultus vidisse Deorum:
Vel quia sum vates; vel quia sacra cano.
Est nemus arboribus densum, secretus ab omni
Vocis locus, si non obstreperetur aquis.
Hic ego quaerebam coepta quae mensis origo
Esset, & in cura nominis hujus eram.
Ecce Deas vidi: non quas praceptor arandi
Viderat, Aescraeus cum sequeretur oves
Nec quis Priamides in aquosae vallibus Ida
Contulit, ex illis sed tamen una fuit.
Ex illis fuit una, sui germana mariti.
Haec erat, agnovi, quae stat in arce Jovis.
Horrueram, tacitoque animum pallore fatebar.
Cum Dea, quos fecit, sustulit ipsa metus;
Namque, ait, O vates Romani conditor anni,
Ausu per exiguos magna referre modos;
Jus tibi fecisti numen caeleste videndi,
Cum placuit numeris condere festa tuis.
Ne tamen ignores, vulgique errore traharis;
Junius à nostro nomine nomen habet.
Est aliquid nupsisse Jovi, Jovis esse sororem.
Fratre magis, dubito, glorier, anne viro.
Si genus adspicitur, Saturnum prima parentem
Feci. Saturni fors ego prima fui.
A patre dicta meo quondam Saturnia Roma est;
Haec illi à caelo proxima terra fuit.
Si torus in pretio est; dicor matrona Tonantis;
Junctaeque Tarpeio sunt mea templa Jovi.
An potuit Majo pellex dare nomina mensi?
Hic honor in nobis invidiosus erit?
Cur igitur Regina vocor, Princepsque Dearum?
Aurea cur dextrae sceptrum dedere meae?
An faciant menssem lucas, Lucinaque ab illis
Dicar; & à nullo nomina mense traham?
Tum me poenitet posuisse fideliter iras
In genus Electrae, Dardaniamque domum.
Causa duplex irae, rapti Ganymede dolebam:
Forma quoque Idæo iudice victa mea est.
Reverteat, quod non siveo Carthaginis arces**

Cum mea sint illo currus & arma loco.
 Pœniteat Sparten, Argosque, measque Mycenæ,
 Et veterem Latio supposuisse Samon.
 Adde senem Tatium, Junonicolasque Faliscos;
 Quos ego Romanis succubuisse tuli.
 Sed neque pœniteat: nec gens mihi carior ulla est.
 Hic colar, hic teneam cum Jove templa meo.
 Ipse mihi Mavors, Commendo mœnia, dixit,
 Hęc tibi: tu pollens Urbe nepotis eris.
 Dicta fides sequitur. centum celebramur in aris:
 Nec levior quovis est mihi mensis honor. [rem
 Nec tamen hunc nobis tantummodo præstat hono-
 Roma: suburbani dant mihi munus idem.
 Inspice, quos habeat nemoralis Aricia Pastos,
 Et populus Laurens, Lanuviumque meum:
 Est illic mensis Junonius. inspicere Tibar,
 Et Prænestinæ mœnia sacra Dez:
 Junonale leges tempus. nec Romulus illas
 Condidit: at nostri Roma nepotis erat.
 Finierat Juno. respeximus. Herculis uxor
 Stabat; & in vultu signa dolentis erant.
 Non ego, si toto mater me cedere cœlo
 Jufferit, invita matre morabor, ait.
 Nunc quoque non luctor de nomine temporis hujus.
 Blandior; & partes pœne rogantis ago.
 Remque mei juris malim tenuisse precando;
 Et faveas causæ forsitan ipse meæ.
 Aurea possedit socio Capitolia templo
 Mater, & ut debet, cum Jove summa tehet.
 At decus omne mihi contingit origine mensis.
 Unicus est, de quo sollicitamur, honor.
 Quid grave, si titulum mensis, Romane, dedistis
 Herculis uxori, posteritasque memor?
 Hęc quoque terra aliquid debet mihi nomine magni
 Conjugis. huc captas appulit ille boves.
 Hic male defensus flammis & dote paterna
 Cacus Aventinam sanguine tinxit humum.
 Ad propiora vocor. populum digessit ab annis
 Romulus, in partes distribuitque duas.
 Hęc dare consilium, pugnare paratior illa est;
 Hęc ætas bellum suadet, at illa gerit.
 Sic statuit, mensesque nota secrevit eadem.
 Junius est juvenum; qui fuit ante, senum.

Dixit

Dixit : & in litem studio certaminis issent ;
Atque ira pietas dissimulata foret.
Venit Apollinea longas Concordia lauro
Nexa comas , placidi numen opusque Ducis.
Hæc ubi narravit Tatium , fortemque Quirinum ,
Binaque cum populis regna coisse suis ;
Et Lare communi soceros generosque receptos ;
His nomen junctis Junius , inquit , habet.
Dicta triplex caussa est. at vos ignoscite , Divæ :
Res est arbitrio non dirimenda meo.
Ite pares à me. perierunt iudice formæ
Pergama : plus lædunt , quam juvat una , duæ.
Prima dies tibi, Carna, datur. Dea cardinis hæc est.
Numine clausa aperit , claudit aperta suo.
Unde datas habeat vires , obscurior ævo
Fama : sed è nostro carmine certus eris.
Adjacet antiqui Tyberino lucus Helerni :
Pontifices illuc nunc quoque sacra ferunt.
Inde sata est Nymphæ (Grænen dixere priores)
Nequiequam multis sæpe petita procis.
Rura sequi , jaculisque feras agitare solebat ;
Nodosasque cava tendere valle plagas.
Non habuit pharetram : Phœbi tamen esse sororem
Credebant nec erat, Phœbe, pudenda tibi.
Huic aliquis juvenum dixisset amantia verba ;
Reddebat tales protinus illa sonos :
Hæc loca lucis habent nimis , & cum luce pudoris
Si secreta magis ducis in antra , sequor.
Credulus antra subit. frutices hæc nactus resistit:
Et later , & nullo est invenienda modo.
Viderat hanc Janus ; visæque cupidine captus
Ad duram verbis mollibus usus erat.
Nymphæ jubet queri de more remotius antrum:
Utque comes sequitur , destituitque ducem.
Stulta , videt Janus quæ post sua terga gerantur
Nil agis en : latebras respicit ille tuas.
Nil agis en : dixi nam te sub ræpe latentem
Occupat amplexu ; speque potitus ait :
Jus pro concubitu nostro tibi cardinis esto.
Hoc pretium posita virginittatis habe.
Sic fatus , spinam , qua tristes pellere posset
A foribus noxas (hæc erat alba) dedit.
Sunt avidæ volucres ; non quæ Phineja mensis

Guttura fraudabant; sed genus inde trahunt.
 Grande caput: stantes oculi: rostra apta rapina:
 Canices pennis, unguibus hamus inest.
 Nocte volant, puerosque petunt nutricis egentes;
 Et vitiant cunis corpora rapta suis.
 Carpere dicuntur lactentia viscera rostris;
 Et plenum poto sanguine guttur habent.
 Est illis Strigibus nomen, sed nominis hujus
 Causa, quod horrenda stridere nocte solent.
 Sive igitur nascentur aves, seu carmine sunt;
 Næminque in volucres Marsa figurat annus;
 In thalamos venire Proce. Proca natus in illis.
 Præda recens avium quinque diebus erat.
 Pectoraque exforbent avidis infantia linguis.
 At puer infelix vagit, opemque petit.
 Territa voce sui nutrix accurrit alumni;
 Et rigido sectas invenit ungue genas.
 Quid faceret? color oris erat, qui frondibus olim
 Esse solet seris, quas nova læsit hyems.
 Pervenit ad Granen, & rem docet. illa, Timorem
 Pone; tuus sospes, dixit, alumnus erit.
 Venerat ad cunas: flebant materque paterque.
 Sistite vos lacrymas, ipsa medebor, ait.
 Protinus arbutea postes ter in ordine tangit
 Fronde: ter arbutea limina fronde notat.
 Spargit aquis aditus, sed quæ medicamen habebant?
 Extaque de porca cruda bimestre tenet.
 Atque ita, Noctis aves, extris puerilibus, inquit,
 Pareite: pro parvo victima parva cadit.
 Cor pro corde, precor, pro fibris sumite fibras.
 Hanc animam vobis pro meliore damus.
 Sic ubi libavit, profecta sub æthere ponit:
 Quique sacris adsunt, respicere illa vetat.
 Virgaque Janalis de spina sumitur alba:
 Qua lumen thalamis parva fenestra dabat.
 Post illud nec aves cunas violasse feruntur;
 Et rediit puero, qui fuit ante, color.
 Pingua cur illis gustentur larda Kalendis,
 Mistaque cum calido sit faba farre, rogas?
 Prisca Dea est; aliturque cibus, quibus ante solebat;
 Nec petit adscitas luxuriosa dapes.
 Piscis adhuc illi populo sine fraude natabat:
 Ostreaque in conchis tuta fuere suis.

Nec

Nec Latium norat, quam præbet Ionia dives,
Nec quæ Pygmæo sanguine gaudet, avens.
Et præter pennas nihil in pavone placebat
Nec tellus captas miserat ante feras.

Sus erat in pretio: cæsa sue festa colebant,
Terra fabas tantum, duraque farra dabat.
Quæ duo mista simul sextis quicumque Kalendis
Ederit; huic lædi viscera posse negant.
Arce quoque in summa Junoni templa Moneta.
Ex voto memorant facta, Camille, tuo.
Ante domus Manli fuerant; qui Gallica quondam
A Capitolino reppulit arma Jove.

Quam bene [Di magni] pugna cecidisset in illa
Defensor solis, Jupiter alte, tui!
Vixit, ut occideret damnatus criminis regni.
Hunc illi titulum longa senectæ dabat.
Lux eadem Marti festa est; quem prospicit extra
Appositum Testæ porta Capena viz.
Te quoque, Tempesta, meritam delubra fatemur;
Cum pæne est Corsis obruta classis aquis,
Hæc hominum monumenta patent. si quæritis
astra;

Tunc oritur magni præpes adunca Jovis.
Postera lux Hyadas Taurinæ cornua frontis
Evocat: & multa terra madescit aqua.
Mænubi bis fuerit, Phœbusq; iteraverit ortus;
Factaque erit posito rore bis uda seges;
Hac sacrata die Tusco Bellona duello
Dicitur, & Latio prospera semper adest.
Appius est auctor: Pyrrho qui pace negata
Multum animo vidit; lumine captus erat.
Prospicit à templo summum brevis area Circum.
Est ibi non parvæ parva columna notæ.
Hinc solet hasta manu, belli prænuncia, mitti;
In regem & gentes cum placet arma capi.

Altera pars Circi custode sub Hercule tuta est,
Quod Deus Euboico carmine munus habet.
Muneris est tempus, qui Nonas Lucifer ante est.
Si titulos quæris: Sylla probavit opus.

Quærebam Nonas Sancio Fidione referrem,
An tibi, Semo pater: cum mihi Saneus ait:
Cumcunque ex illis dederis; ego munus habebō.
Nomina trina foro: sic voluere Cures.

Hunc igitur veteres donarunt æde Sabini :

Inque Quirinali constituere iugo .

Est mihi (sitque, precor, nostris diuturnior annis)

Filia : qua felix sospite semper ero .

Hanc ego cum vellem genero dare ; tempora tædis

Ap̃ta requirebam , quæque cavenda forent .

Tum mihi post sacras monstratur Junius Idus

Utilis & nuptis , utilis esse viris .

Primaque pars hujus thalamis aliena reperta est .

Nam mihi sic conjux sancta Dialis ait :

Donec ab Iliaca placidus purgamina Vesta

Detulerit flavis in mare Tybris aquis ;

Non mihi dentosa crinem depectere buxo ,

Non ungues ferro subsecuisse licet :

Non tetigisse virum ; quamvis Jovis ille sacerdos ,

Quamvis perpetua sit mihi lege datus .

Tu quoque ne propera : melius tua filia nubit ,

Igneæ cum pura Vesta nitebit humo .

Tertia post Nonas remove Lycaona Phœbe

Fertur , & à tergo non habet Ur̃sa metum .

Tunc ego me memini Ludos in gramine Campi

Adspicere : & didici , lubrice Tybri , tuos .

Festa dies illis , qui lina madentia ducunt ,

Quique tegunt parvis æra recurva cibus .

Mens quoque num̃s habet . Mēti delubra videmus

Vota metu belli , perfide Pœne , tui .

Pœne , rellaras , & letho Consulis omnes

Attoniti Mauras pertimere manus .

Spem metus expulerat ; cum Menti vota Senatus

Suscipit , & melior protinus illa venit .

Aspicit instantes mediis sex lucibus Idus

Illæ dies , quæ sunt vota soluta Dez .

Vesta , fave tibi nunc operata resolvimus oras

Ad tua si nobis sacra venire licet .

In prece totus eram . cœlestia numina sensi ,

Lætaque purpurea luce refulsit humus .

Non equidem vidi (valeant mendacia vatum)

Te , Dea ; nec fueras adspicienda viro .

Sed quæ nescieram , quorumque errore tenebar ,

Cognita sunt nullo præcipiente mihi .

Dena quater memorant habuisse Palilia Romam ,

Cum flammæ custos æde recepta sua est .

Regis , opus placidi , quo non metuentius ullum

Nu.

Numinis ingenium terra Sabina tulit.
Quæ nunc ære vides, stipula tunc testa videres:
Et paries lento vimine textus erat.
Hic locus exiguus, qui sustinet atria Vestæ,
Tunc erat intonsi regia magna Numæ.
Forma tamen templi, quæ nunc manet, ante fuisse
Dicitur: & formæ causâ probanda subest.
Vestâ eadem est, quæ Terra: subest vigil ignis utriq;
Significant sedem terra focusque suam.
Terra pilæ similis nullo fulcimine nixa
Aere subjecto tam grave pendet onus.
Ipsa volubilitas libratum sustinet orbem:
Quique premat partes, angulus omnis abest.
Cumque sit in media rerum regione locata,
Et tangat nullum plusve minusve latus,
Ni convexa foret, parti vicinior esset:
Nec medium terram mundus haberet onus.
Arte Syracosia suspensus in aere clauso
Stat globus, immensi parva figura poli.
Et quantum à summis, tantum secessit ab imis
Terra: quod ut fiat, forma rotunda facit.
Par facies templi: nullus procurrit in illo
Angulus: à pluvio vindicat imbre tholus.
Cur sit virgineis, quæris, Dea culta ministris?
Inveniam causas hac quoque parte suas.
Ex Ope Junonem memorant Cereremque creatas
Semine Saturni: tertia Vesta fuit.
Utraque nupserunt; ambæ peperisse feruntur:
De tribus impatiens restitit una viri.
Quid mirum, virgo si virgine læta ministra
Admittit castas in sua sacra manus?
Nec tu aliud Vestam, quam vivam intellige flammam.
Nataque de flamma corpora nulla vides.
Iure igitur virgo est, quæ semina nulla remittit,
Nec capit: & comites virginittatis habet.
Esse diu stultus Vestæ simulæra putavi:
Mox didici curvo nulla subesse tholo.
Ignis inextinctus templo celatur in illo.
Effigiem nullam Vesta nec ignis habent.
Stat vi terra sua: vi stando Vesta vocatur.
Causaque par Graji nominis esse potest.
At focus à flammis, & quod fovet omnia dictus:
Qui tamen in primis ædibus ante fuit.

Hinc quoque vestibulum dici reor: inde precando
 Adfamur Vestam, Quæ loca prima tenes.
 Ante focos olim longis confidete scamnis
 Mos erat; & mensa credere adesse Deos.
 Nunc quoque, cum sunt antiquæ sacra Vacunæ,
 Ante Vacunales stantque sedentque focos.
 Venit in hos annos aliquid de more vetustq;
 Fert missos Vestæ pura patella cibos.
 Ecce, coronatis panis dependet asellis;
 Et velant scabras florida ferta molas.
 Sola prius furnis torrebant farra coloni;
 Et Fornacali sunt sua sacra Deæ.
 Suppositum cineri panem focus ipse parabat;
 Strataque erat tepido tegula quassa solo.
 Inde focum servat pistor, dominamque focorum,
 Et quæ pumiceas versat asella molas.
 Præteream, referamne tuum, rubicunde Priapo,
 Dedecus? est multi fabula plena joci.
 Turtigera frontem Cybele redimita corona
 Convocat æternos ad sua festa Deos.
 Convocat & Satyros, & rustica numina Nymphas.
 Silenus, quamvis nemo vocarat, adest.
 Nec licet, & longum est epulas narrare Deorum;
 In multo nox est pervigilata mero.
 Hi temere errabant in opacæ vallibus Idæ:
 Pars jacet, & molli gramine membra levata.
 Hi ludunt, hos somnus habet; pars brachia nectit,
 Et viridem celeri ter pede pulsat humum.
 Vesta jacet, placidamque capit secunda quietem,
 Sicut erat positum celsipite fulta caput.
 At ruber hortorum custos Nymphasque Deasque,
 Captat; & errantes fertque refertque pedes.
 Adspicit & Vestam, dubium, Nymphamne putarit,
 An scierit Vestam: scisse sed ipse negat.
 Spem capit obscenam, furtimque accedere tentat;
 Et fert suspensos corde micante gradus.
 Forte senex, quo vectus erat, Silenus asellum.
 Liquerat ad ripas lene sonantis aquæ.
 Ibat ut inciperet longi Deus Helleponti;
 Intempestivo cum rudis ille sono.
 Territa voce gravi surgit Dea, convolat omnis.
 Turba, per infestas effugit ille manus.
 (Lampscacos hoc animal solita est mactare Priapo:
 Agia

Apta asini flammis indicis exta damus.)
 Quem tu, Diva memor, de panem onilibus ornas.
 Cessat opus : vacuæ conticuere molæ,
 Nomine, quam pretio celebratior, arce Tonantis,
 Dicam Pistoris quid velit ara Jovis,
 Cincta premebantur trucibus Capitolia Gallis :
 Fecerat obsidio jam diuturna famem.
 Jupiter ad solium Superis regale vocatis,
 Incipe, ait Marti. protinus ille refert :
 Scilicet ignotum est, quæ sit fortuna meorum,
 Et dolor hic animi voce querentis eget ?
 Si tamen, ut referam breviter mala juncta pudori,
 Exigis : Alpino Roma sub hoste jacet.
 Hæc est, cui fuerat promissa potentia rerum,
 Jupiter ? hanc terris impositurus eras ?
 Jamque suburbanos, Hetruscaque contudit arma,
 Spes erat in cussu. nunc Lare pulsa suo est.
 Vidimus ornatos ærata per atria picta
 Vestæ triumphales occubuisse senes.
 Vidimus Iliacæ transferri pignora Vestæ
 Sede. putant aliquos scilicet esse Deos ?
 At si respicerent, qua vos habitatis in arce,
 Totque domos vestras obsidione premi ;
 Nil opis in cura scirent superesse Deorum,
 Et data sollicita thura perire manu.
 Atque utinam pugna pateat locus ! arma capeffant ;
 Et, si non poterunt exsuperare, cadant.
 Nunc inopes victus ignavaque fata timentes
 Monte suo clausos barbara turba premit.
 Tum Venus, & lituo pulcher trabeaque Quirinus,
 Vestaque pro Latio multa locuta suo.
 Publica, respondit, cura est pro mœnibus istis,
 Jupiter : & pœnas Gallia victa dabit.
 Tu modo, quæ desunt fruges, superesse putentur,
 Effice : nec sedes desere, Vestæ, tuas.
 Quodcumq; est Cereris solide, cava machina frangat;
 Mollitamque manu duret in igne focus.
 Jusserat : & fratris virgo Saturnia jussis
 Annuit ; & medix tempora noctis erant.
 Jam ducibus somnum dederat labor. increpat illos
 Jupiter : & sacro, quid velit, ore docet :
 Surgite, & in medios de summis arcibus hostes
 Mittite, quam minime tradere vultis, open-

Somnus abit, quæruntque novis ambagibus acti,
Tradere quam nolint, & jubeantur, opema.
Ecce, Ceres visa est, jaciunt Cerealia dona.
Jacta super galeas, scutaque longa sonant.
Posse fame vinci spes excidit, hoste repulso,
Candida Pistori ponitur ara Jovi.
Forte revertebar festis Vestalibus illac,
Qua Nova Romano nunc Via juncta Foro est.
Huc pede matronam vidi descendere nudo:
Obstupui, tacitus sustinuique gradum.
Sensit anus vicina loci: jussumque sedere.
Alloquitur, quatiens voce tremente caput.
Hoc, ubi nunc fora sunt, udæ tenuere paludes.
Amne redundatis fossa madebat aquis.
Curtius ille lacus, siccus qui sustinet aras,
Nunc solida est tellus, sed lacus ante fuit.
Qua Velabra solent in Circum ducere pompas;
Nil præter, salices cassaque canna fuit.
Sæpe suburbanas rediens conviva per undas,
Cantat, & ad nautas ebria verba jactat.
Nondum conveniens diversis iste figuris,
Nomen ab averso ceperat amne Deus.
Hic quoque lucus erat juncis, & atundine densus,
Et pede velato non adeunda palus.
Stagna recesserunt, & aquas sua ripa coercent:
Siccaque nunc tellus: mos tamen inde manet.
Reddiderat causam. Valeas, anus optima, dixi:
Quod superest xvi, molle sit omne, tui.
Cætera jam pridem didici puerilibus annis;
Non tamen idcirco prætereunda mihi.
Mœnia Dardanides nuper nova fecerat. Ilus:
Ilus adhuc Asia dives habebat opes.
Creditur armiferæ signum cœlestæ Minervæ.
Urbis in Iliacæ desiluisse juga.
Cura videre fuit: vidi templumque locumque.
Hoc superest illi: Pallada Roma tenet.
Consultitur Smintheus: luctoque obscurus opaco,
Hos non mentito reddidit ore sonos:
Ætheream servate Deam; servabitis Urbem:
Imperium secum transferet illa loci.
Servat, & inclusam summa tenet Ilus in arce:
Curaque ad hæredem Laomedonta venit.
Sub Priamo servata parum, sic ipsa volebat,

Ex quo iudicio forma revicta suo est.
 Seu genus Adraſti, ſeu furtis aptus Ulyſſes,
 Seu pius Æneas, eripuiſſe datur.
 (Auctor in incerto. res eſt Romana: tuetur
 Veſta, quod aſſiduo lumine cuncta videt.)
 Heu quantum timuere Patres, quo tempore Veſta
 Arſit, & eſt aditis obruta pæne ſuis!
 Flagrabant ſancti ſcleratis ignibus ignes:
 Miſtaque erat flammæ flamma profana piz.
 Attonitz flebant demiſſo crine miniſtræ:
 Abſtulerat vires corporis ipſe timor.
 Provolat in medium, & magna, Succurrite, voca.
 Non eſt auxilium flere, Metellus ait.
 Pignora virgineis fatalia tollite palmis:
 Non ea ſunt voto, ſed rapienda manu.
 Me miſerum? dubitatis? ait. dubitare videbat.
 Et pavidas poſito procubuiſſe genu.
 Haurit aquas: tollensque manus, Ignoscite, dixit.
 Sacra: vir intrabo. non adeunda viro.
 Si ſcelus eſt; in me commiſſi pœna redundet.
 Sit capitis damno Roma ſoluta mei.
 Dixit, & irrupit: factum. Dea rapta: probavit;
 Pontificisque ſui munere tuta fuit.
 Nunc benè lucetis ſacræ ſub Cæſare flammæ:
 Ignis in Iliacis nunc erit, eſtque, focis.
 Nullaque dicetur vittas temeraſſe ſacerdos.
 Hoc Duce; nec viva defodietur humo.
 Sic inceſta perit: quia quam violavit, in illam.
 Conditur: & Tellus. Veſtaque numen idem eſt.
 Tum ſibi Callaico. Brutus. cognomen in hoſte.
 Fecit, & Hiſpanam ſanguine tinxit humum.
 Scilicet interdum miſcentur triſtia lætis;
 Ne populum toto, pectore feſta juvent.
 Cræſſus ad Euphraten. Aquilas, natumq; ſuoſque.
 Perdidit: & leto eſt ultimus ipſe datus.
 Parthe, quid exultas? dixit Dea. ſigna remittes:
 Qui que necem Cræſſi vindicet, ultor erit.
AT ſimul auritis violæ demuntur aſellis,
 Et Cereris. fruges aſpera, ſaxa terunt;
 Navita puppe ſedens, Delphina. videbimus, inquit;
 Humida. cum pulſo. nox erit orta die.
JAm, Phryx, à nupta quereris, Tithone, relinquit;
 Et vigil Eois Lucifer. exit aquis.

Ite, bonæ matres[vestrum Matralia festum,]

Flavaque Thebanæ reddite liba Dex:

Pontibus & magno juncta est celeberrima Circo

Area, quæ posito de bove nomen habet.

Hæc ibi luce ferunt Matutzæ sacra parenti

Sceptraferas Servi templa dedisse manus.

Quæ Dea sit: quare famulas à limine templi

Arceat (arcet enim) libaque tosta petat;

Bacche, racemiferos hedera redimite capillos,

Si domus illa tua est) dirige navis iter.

Arserat obsequio Semelæ Jovis. accipit Ino

Te, puer, & summa sedula nutrit ope.

Intumuit Juno, rapta quod pellice natum

Educet. at sanguis ille sororis erat.

Hinc agitur furis Athamas & imagine falsa:

Tuque cadis patria, parve Learchæ, manu.

Mœlla Learchæ mater tumulaverat umbras;

Et dederat miseris omnia iusta rogis.

Hæc quoque, funestos ut erat laniata capillos,

Prosilat, & cunis te, Melicerta, rapit.

Est spatio contracta brevi, freta bina repellit,

Unaque pulsatur terra duabus aquis.

Huc venit insans natum complexa lacertis;

Et secum è celso mittit in alta iugo.

Excipit illæsos Pânopæ, centumque sorores;

Et placido lapsu per sua regna ferunt.

Nondum Leucothæe, nondum puer ille Palæmon

Vorticibus densi Tybridis ora tenet.

Lucus erat: dubium Semelæ, Stimulæne vocetur;

Mænadas Ausonias incoluisse ferunt.

Quærit ab his Ino, quæ gens foret; Arcadas esse

Audit; & Evandrum sceptrâ tenere loci,

Disſimulata Deam Latias Saturnia Bacchas

Instimulat fictis insidiosa sonis:

O nimium faciles! ô toto pectore captæ,

Non venit hæc nostris hospes amica choris.

Fraude petit; sacrique parat cognoscere ritum.

Quo possit pœnas pendere, pignus habet.

Vix bene desierat; complent ululâtibz auras

Thyades effusis per sua colla comis:

Injiciuntque manus, puerumque revellere pugnant.

Quos ignorat adhuc, invocât illa Deos;

Dique, visique loci, miseræ succurrite matri.

Gla-

Clamor Aventini saxa propinqua ferit.
Appulerat ripæ vaccas Oetæus Iberas
Audit; & ad vocem concitus urget iter.
Herculis adventu, quæ vim modo ferre parabant,
Turpia formineæ terga dedere fugæ.
Quid petis hinc (cognorat enim) matertera Bacchi?
An numen quod me, te quoque vexat, ait?
Illa docet partim; partim præsentia nati
Continet, & furiis in scelus ipse pudet.
Bumor, ut est velox, agitatæ pervolat alis:
Estque frequens, Ino, nomen in ore tuum.
Hospita Carmentis fidos intrasse penates
Diceris, & longam deposuisse famem.
Liba sua properata manu Tegeæa sacerdos
Traditur in subito costâ dedisse foco.
Nunc quoque liba juvant festis Matralibus Illam.
Rustica sedulitas gratior arte fuit.
Nunc, ait, & vates venientia fata resigna,
Quæ licet: hospitæ hoc precor adde meis.
Parva mora est: cælum vates ac numina sumit;
Fitque sui toto pectore plena Dei.
Vix illam subitò posses cognoscere; tanto
Sanctior, & tanto, quam modo, major erit.
Læta canam: gaude defunctæ laboribus Ino,
Dixit, & huic populo dextera semper ades.
Numen eris pelagi: natum quoque pontus habebit,
In vestris aliud sumite nomen aquis.
Leucothæe Graiis, Matuta vocabere nostris,
In portus nato jus erit omne tuo.
Quem nos Fortunum, sua lingua Palæmona dicet.
Ite, precor, nostris, æquus uterque locis.
Annuerant promissa fides: posuere labores.
Nomina mutarunt: hic Deus, illa dea est.
Cur vetet ancillas accedere, queritis? odit.
Principiumque odii, si sinat ipsa, canam.
Una ministrarum solita est, Cadmei, tuarum.
Sæpe sub amplexus conjugis ire tui.
Improbis hanc Athamas furtim dilexit: ab illa
Comperit agricolis semina tosta dari.
Ipsa quidem fecisse negat, sed fama recepit.
Hoc est cur odio sit tibi serva manus.
Non tamen hanc pro stirpe sua pia mater adoret:
Ipsa parum felix visa fuisse parens.

Alte

Alterius prolem melius mandabitis illi.

Utilior Baccho quàm fuit ipsa suis.

Hanc tibi, Quo properas, memorant dixisse, Rutili

Luce mea Marso Consul ab hoste cades.

Exitus accessit verbis : flumenque Telonum

Purpureo mistis sanguine fluxit aquis.

Proximus annus erat: Pallantide cæsus eadem

Didjus hostiles ingeminavit opes.

Lux eadem, Fortuna, tua est, auctorque, locusque.

Sed superinjectis quis latet æde togis?

Servius est : hoc constat enim ; sed caussa latendi

Discrepat ; & dubium me quoque mentis habet.

Dum Dea furtivos timide profitetur amores ;

Cœlestemque homini concubuisse pudet ;

{ Arsit enim magno correpta cupidine Regis,

Cæcæque in hoc uno non fuit illa viro)

Nocte domum parva solita est intrare fenestra

Unde Fenestellæ nomina porta tenet.

Nunc pudet, & vultus velamine celat amatos:

Oraque sunt multa regia tecta toga.

An magis est verum, post Tulli funera plebem

Confusam placidi morte fuisse ducis?

Nec modus ullus erat : crescebat imagine luctus ;

Donec eam positis occuluere togis.

Tertia caussa mihi spatium majore canenda est ;

Nos tamen adductos intus agemus equos.

Tullia, conjugio sceleris mercede peracto,

His solita est dictis exstimulare virum :

Quid juvat esse pares, te nostræ cæde sororis,

Meque tui fratris, si pia vita placet?

Vivere debuerant & vir meus & tua conjux,

Si nullum ausuri majus eramus opus.

Et caput & regnum facio dotale parentis.

Si vir es, i, dictas exige dotis opes.

Regia res scelus est. Socero cape regna necato :

Et nostras patrio sanguine tinge manus.

Talibus instinctus solio privatus in alto

Sederat. attonitum vulgus ad arma ruit.

Hinc cruor, hinc cædes : infirmaque vincitur ætas.

Sceptra gener socero rapta Superbus habet.

Ipse sub Esquiliis, ubi erat sua regia, cæsus.

Concidit in dura sanguinolentus humo.

Nilia carpento patrios initura penates,

Ibat

Ibat per medias alta feroxque vias.
Corpus ut adspexit, lacrymis auriga profusis
Restitit. hunc tali corripit illa sono:
Vadis? an exspectas pretium pietatis amarum?
Duc, inquam, invitas ipsa per ora rotas.
Certa fides facti: dictus Sceleratus ab illa
Vicus, & æterna res ea pressa nota.
Post tamen hoc causa est templum monumenta pa-
rentis

Tangere: mira quidem, sed tamen acta loquar.
Signum erat in solio residens sub imagine Tulli:
Dicitur hoc oculis opposuisse manum.
Et vox audita est, Vultus abscondite nostros,
Ne natæ videant ora nefanda meæ.
Veste data tegitur: vetat hanc Fortuna moveri:
Et sic è templo est ipsa locuta suo:
Ore revelato qua primum luce patebit.
Servius, hæc positi prima pudoris erit.
Parcite, matronæ, vetitas attingere vestes:
Sollemni satis est voce movere preces:
Sitque caput semper Romano tectus amictu,
Qui Rex in nostra septimus Urbe fuit.
Arserat hoc templum: signo tamen ille pepercit
Ignis: opem nato Mulciber ipse tulit.
Namque pater Tulli Vulcanus, Ocrella mater
Præsignis facie Corniculana fuit.
Hanc secum Tanaquil, sacris de more paratis,
Jussit in ornatum fundere vina focum.
Hic inter cineres obscæni forma virilis
Aut fuit, aut visa est; sed fuit illa magis.
Jussa foco captiva fovet, conceptus ab illa
Servius à cælo semina gentis habet.
Signa dedit genitor, tum cum caput igne corusco
Contigit, inque coma flammeus arsit apex.
Te quoque magnifica, Concordia, dedicat æde
Livia, quam caro præstitit illa viro.
Disce tamen, veniens ætas, ubi Livia nunc est
Porticus, immensa tecta fuisse domus.
Urbis opus domus una fuit: spatiumque tenebat,
Quo brevius muris oppida multa tenent.
Hæc æquata solo est, nullo sub crimine regni,
Sed quia luxuria visa nocere sua.
Sustinuit tantas operum subvertere moles

Tot-

Totque suas hæres perdere Cæsar opes.
 Sic agitur censura, & sic exempla parantur;
 Cum vindex, alios quod monet, ipse facit.
 Nulla nota est veniente die, quam ducere possis.
 Idibus invicto sunt data templa Jovi.
 Et jam Quinquatrus jubeor narrare minorem
 Nunc ades ô cœptis, flava Minerva, meis.
 Cur vagus incedit tota tibicen in Urbe?
 Quid sibi personæ, quid stola longa, volunt?
 Sic ego: sic posita Tritonia cuspidè dixit.
 Pace velim doctæ verba referre Dez.
 Temporibus veterum tibicinis usus avorum
 Magnus, & in magno semper honore fuit.
 Cantabat sanis, cantabat tibia ludis:
 Cantabat mœstis tibia funeribus.
 Dulcis erat mercede labor: tempusque secutum,
 Quod subito Grajæ frangeret artis opus.
 Adde quod Edilis, pompam qui funeris irent,
 Artifices solos jussierat esse decem.
 Exsilio mutant Urbem, Tiburque recedant:
 Exsiliū quodam tempore Tibur erat:
 Quæritur in scena cava tibia; quæritur aris:
 Ducit supremos nenia nulla choros
 Servierat quidam quantolibet ordine dignus
 Tibure: sed longo tempore liber erat.
 Rure dapes parat ille suo; turbamque canoram
 Convocat, ad festas convenit illa dapes.
 Nox erat; & vinis oculique, animique natabant:
 Cùm præcomposito nuncius ore venit.
 Atque ita, Quid cessas convivia solvere? dixit:
 Auctor vindictæ jam venit, ecce, tuæ.
 Nec mora; convivæ valido titubantia vino
 Membra movent: dubii stantque, labantque pedes.
 At dominus, Discedite, ait, plaustrisque morantes
 Sustulit, in plaustrò sirpea lata fuit.
 Alliciunt somnos tempus motusque merumque;
 Potaque se Tibur turba redire putat.
 Jamque per Exquilias Romanam intraverat urbem;
 Et mane in medio plaustra fuere Foro
 Plautius, ut possent specie numeroque Sanatum
 Fallere, personis imperat ora tegi.
 Admiseratque alios: &, ut hunc tibicina cæcum
 Augeat, in longis vestibis ire jubet,
 Sic

Sic reduces bene posse tegi : ne fortè notentur
Contra collegæ iussa redisse sui.

Res placuit : cultuque novo libet Idibus uti ;
Et canere ad veteres verba jocosa modos.

Hæc ubi perdocuit , Superest mihi discere , dixi ,
Cur sit Quinquatrus illa vocata dies.

Martius , inquit , agit tali mea nomine festa :
Estque sub inventis hæc quoque turba meis.

Prima terebrato per rara foramina buxo ,
Ut daret effeci tibia longa sonos.

Vox placuit : liquidis faciem referentibus undis.
Vidi , virgineas intumuisse genas.

Ars mihi non tanti est , valeas , mea tibia , dixi .
Excipit abiectam cespite ripa suo .

Inventam Satyrus primum miratur : at usum
Nescit , & inflatam sentit habere sonum .

Et modo dimittit digitis , modo concipit auras &
Jamque inter Nymphas arte superbus erat .

Provocat & Phœbum . Phœbo superante pependit :
Cæsa recesserunt à cute membra sua .

Sum tamen inventrix auctorque ego carminis hujus .
Hoc est cur nostros ars colat ista dies .

Tertia lux veniet , qua tu Dodoni Thyene ,
Stabis Agenorei fronte videnda bovis .

Hæc est illa dies , qua tu purgamina Vestæ ,
Tybri , per Hetruscas in mare mittis aquas .

Si qua fides ventis ; Zephyro date carbasia , nautæ :
Cras veniet vestris ille secundus aquis .

At pater Heliadum , radiosubi tinxerit undis .
Et cinget geminos stella serena polos ;

Tollet humo validos proles Hyriea lacertos :
Continua Delphin nocte videndus erit .

Scilicet hic olim Volscos , Æquosque fugatos
Viderat in campis , Algida terra , tuis .

Unde suburbano clarus Tuberte , triumpho ,
Vestus es in niveis , Postume , victor equis .

Jam sex , & totidem luces de mense supersunt :
Huic unum numero tu tamen adde diem .

Sol abit à Geminis , & Cancrì signa rubescant ;
Cœpit Avenioina Pallas in arce coli .

Jam tua , Laomedon , oritur nurus : orta que noctem
Pellit , & à pratis uda pruina fugit .

Reddita , quisquis is est Summano templa feruntur .
Tum

Tum, cum Romanis, Pyrrhe, timendus eras.

HAnc quoq; cum patris Galatea receperit undis,
Plenaque securæ terra quietis erit;
Surgit humo juvenis telis afflatus avitis;
Et gemino nexas porrigit angue manus.

Notus amor Phædræ, nota est injuria Thesei:
Devovit natum credulus ille suum.

(Non impune pius juvenis Trœzena petebat.
Dividit obstantes pectore taurus aquas.)

Solliciti terrentur equi; frustra que retenti
Per scopulos dominum duraque saxa trahunt.
Exciderat curru, lorisque morantibus artus

Hippolytus lacero corpore raptus erat:
Reddideratque animam, multum indignante Diana.

Nulla, Coronides, causa doloris, ait.
Namque pio juveni vitam sine vulnere reddam;
Et cedent arti tristitia fata meæ.

Gramina continuo loculis depromit eburnis:
Profuerant Glauci manibus illa prius:

[Tunc, cum observatas augur descendit in herbas;
Ufus & auxilio est anguis ab angue dato.]

Pectora ter tetigit, ter verba salubria dixit:
Depositum terra sustulit ille caput.

Lucus eum, nemorisque tui, Dictynna, recessus
Celat: Aricino Virbius ille lacu.

At Pluto Clotho que dolent, hæc fila teneri,
Hic fieri regni jura minora sui.

Jupiter exemplum veritus direxit in illum
Fulmina, qui nimis moverat artis opem.
Phœbe, querebaris. Deus est. placare parenti.
Propter te, fieri quod vetat, ipse facit.

Non ego te, quamvis properabis vincere, Cæsar,
Si vetet auspiciū, signa movere velim.
Sint tibi Flaminius, Thrasymenaque litora testes;
Per volucres æquos multa monere Deos.

Tempora si veteris quæris temeraria damni;
Quartus ab extremo mense bis ille dies.

Postera lux melior superat Masinissa Syphacem;
Et cecidit telis Hasdrubal ipso suis.

Tempora labuntur, tacitisque senescimus annis;
Et fugiunt fræno non remorante dies.

Quam cito venerunt Fortunæ Fortis honores!
Post septem lucas Junius actus erit.

Ite,

Ite , Deam læti Fortem celebrate , Quirites :
In Tiberis ripa munera Regis habet.
Pars pede , pars etiam celeri decurrite cymba.
Nec pudeat potos inde redire domum.
Ferte coronatæ juvenum convivia lintres ;
Multaque per medias vina bibantur aquas.
Plebs colit hanc : quia , qui posuit , de plebe fuisse
Fertur , & ex humili sceptrâ tulisse loco.
Convenit & servis : serva quia Tullius ortus
Constituit dubiæ templa propinqua Deæ.
ECce suburbana rediens male sobrius æde
Ad stellas aliquis talia verba jacit.
Zona latet tua nunc , & cras fortasse latebit :
Dehinc erit , Orion , adspicienda mihi.
At si non esset potus ; dixisset eadem
Venturum tempus solstitiale die.
Lucifero subeunte Lares delubra tulerunt ,
Hicubi sit docta multa corona manu.
Tempus idem Stator ædis habet , quam Romulus olim
Ante Palatini condidit ora jugi.
Tot restant de mense dies , quot nomina Parcís ,
Cum data sunt trabes templa , Quirine , tuæ.
Tempus Juleis cras est natale Kalendis :
Pierides , cœptis addite summa meis.
Dicite Pierides , quis vos adjunxerit isti ,
Cui dedit invitas victa noverca manus.
Sic ego : sic Clio , Clari monumenta Philippi
Adspicis : unde trahit Marcia casta genus.
Marcia sacrificio deductum nomen ab Anco ;
In qua par facies nobilitate sua.
Par animo quoque forma suo respondet in illa :
Et genus , & facies , ingeniumque simul.
Nec quod laudamus formam , tam turpe putaris.
Laudamus magnas hac quoque parte Deas.
Nupta fuit quondam matertera Cæsaris illi.
O decus , ò facta fœmina digna domo !
Sic cecinit Clio : doctæ assensere sorores.
Annuit Alcides , increpuitque lyram.

F I N I S.

P. OVI.

481
P. OVIDII NASONIS
T R I S T I U M
L I B E R L.
E L E G I A L.

PArve, (necinvideo) sine me, Liber, ibis in
Urbem :

(Hermihi!) quo domino non licet ire tuo.

Vade, sed incultus; qualem decet exsulis esse.

Infelix, habitum temporis hujus habe.

Nec te purpureo velent vaccinia fices :

Non est conveniens luctibus Ille color.

Nec titulus minio, nec cedro charta notetur :

Candida nec nigra cornu fronte geras :

Felices ornent hæc instrumenta libellos.

Fortunæ memorem te decet esse meæ.

Nec fragili geminæ poliantur pumice frontes :

Hæc ut possis ut videre comis.

Necve liturarum pudeat, qui viderit illas,

De lacrymis factas sentiet esse meis.

Vade, Liber, verbisque meis loca grata saluta.

Contingam certe, quo licet illa pede.

Si quis, ut in populo nostri non immemor illie,

Si quis, qui, quid agam, fortè requirat, erit;

Vivere me dices: salvum tamen esse negabis.

Id quoque, quod vivam, munus habere Dei.

Atque ita te cautus, querenti plura legendum,

Ne, quæ non opus est, fortè loquere dabis.

Protinus admonitus repetet mea crimina lector :

Et peragar populi publicus ore reus.

Ne cave defendas, quamvis mordebere distas.

Causa patrocini non bona pejor erit.

Invenies aliquem, qui me suspiret ademptum;

Carmina nec siccis perlegat ista genis :

Et tacitus secum, nequis malus audiat, optet,

Sit mea levito Cæsare pœna minor.

Nos quoque, quisquis erit, ne sit morier ille, precamur,

Placatos misero qui volet esse Deos.

Quæque volet, rata sint; ablataque Principis ira

Sedibus in patriis det mihi posse mori.

Ut perages mandata, Liber, culpabere forsan;
 Ingeniique minor laude ferere mei.
 Judicis officium est, ut res, ita tempora rerum
 Quærere. quærito tempore tutus eris.
 Carmina proveniunt animo deducta sereno;
 Nubila sunt subitis tempora nostra malis.
 Carmina secessum scribentis & otia quærunt;
 Me mare, me venti, me fera jactat hyema.
 Carminibus metus omnis abest: ego perditus ensem
 Hæsurum jugulo jam puto jamque meo.
 Hæc quoque, quod facio, judex mirabitur æquus;
 Scriptaque cum venia qualiacunque leget.
 Da mihi Mæoniden, & tot circumspice casus;
 Ingenium tantis excidet omne malis.
 Denique securus sumæ, Liber, ire memento;
 Neq̃ tibi sit lecto displicuisse pudor.
 Non ita se nobis præbet Fortuna secundam,
 Ut tibi sit ratio laudis habenda tux.
 Donec eram sospes, tituli tangebar amore;
 Quærendique mihi nominis ardor erat.
 Carmina nunc si non studiumque, quod obfuit, odi,
 Sit satis. ingenio sic fuga pars meo.
 I tamen, i, pro me tu, cui licet, adspice Romam.
 Di facerent, possem nunc meus esse liber.
 Nec te, quod venias magnam peregrinus in Urbem,
 Ignotum populo posse venire puta.
 Ut titulo careas, ipso noscere colore;
 Dissimulare velis te licet esse meum.
 Clam tamen intrato; ne te mea carmina lædant.
 Non sunt, ut quondam plena favoris erant.
 Si quis erit, qui te, quia sis meus, esse legendum
 Non putet, & gremio rejiciatque suo;
 Inspecte, dic, titulum. non sum præceptor Amoris.
 Quas meruit, pœnas jam dedit illud opus.
 Forsitam expectes, an in alta Palatia in sum,
 Scandere te jubeam, Cæsareamque domum.
 Ignoscant angusta mihi loca, Dique locorum.
 Venit in hoc illa fulmen ab aëce caput.
 Esse quidem memini missi na sedibus illis
 Numina: sed timeo, qui nocuere, & os.
 Terre ut minimo pennæ stridore columba,
 Unguibus, accipiter, saucia facta tuis.
 Nec procul à stabulis audet secedere, si qua
 Ex-

Excussa est avidi dentibus agna lupi.
 Vitaret calum Phaethon, si viveret; & quos
 Optarat stulte, tangere nollet equos.
 Me quoque, quæ sensi, fateor Jovis armatimere:
 Me reor infesto, cum tonat, igne peti.
 Quicunque Argolica de classe Capharea fugit;
 Semper ab Euboicis vela retorquet aquis.
 Et mea cymba, semel vasta percussa procella,
 Illum, quo læsa est, horret adire locum.
 Ergo, care Liber, timida circumspice mente;
 Et satis à media sit tibi plebe legi.
 Dum petit infirmis nimium sublimia pennis
 Icarus, Icariis nomina fecit aquis.
 Difficile est tamen, hic remis utaris an aura,
 Dicere. consilium resque locusque dabunt.
 Si poteris vacuo tradi; si cuncta videbis
 Mitia; si vires fregerit ira suas;
 Si quis erit, qui te dubitantem & adire timentem
 Tradat, & ante tamen pauca loquatur; adi.
 Luce bona, dominoque tuo felicior ipse
 Pervenias illuc; & mala nostra leves.
 Namque ea vel nemo, vel qui mihi vulnera fecit,
 Solus Achilleo tollere more potest.
 Tantum ne noceas, dum vis prodesse, videto.
 Nam spes est animi nostra timore minor.
 Quæque quiescebat, ne mota reszviat ira,
 Et poenæ tu sis altera causa, cave.
 Cum tamen in nostrum fueris penetrare receptus,
 Contigerisque tuam scrinia curva domum;
 Adspicies illic positos ex ordine fratres,
 Quos studium cunctos evigilavit idem.
 Cætera turba palam titulos ostendet apertos;
 Et sua detecta nomina fronte geret.
 Tres procul obscura latitantes parte videbis.
 Hi quoque, quod nemo nescit, amare docent.
 Hos tu vel fugias, vel, si satis oris habebis,
 Oedipodas facito Telegonosque voces.
 Deque tribus, moneo, si quæ tibi cura parentis,
 Ne quemquam, quamvis ipse docebit, ames.
 Sunt quoque mutatz ter quinque volumina formæ,
 Nuper ab exequiis carmina rapta meis:
 His mando dicas, inter mutata referri
 Fortunæ vultum corpora posse mez.

Nam-

Namque ea dissimilis subito est effecta priori:
 Flendaque nunc, aliquo tempore læta fuit.
Plura quidem mandare tibi, si quæris, habebam;
 Sed vereor tatdæ causa fuisse moræ.
Quod si, quæ subeunt, tecum, Liber, omnia ferres;
 Sarcina laturo magna futurus eras.
Longa via est: propera. nobis habitabitur orbis
 Ultimus; à terra terra remota mea.

E L E G I A II.

DI maris & cæli, (quid enim nisi vota supersunt?)
 Solvere quassatæ parcite membra ratis:
 Neve, precor, magni subscribe Cæsaris iræ;
 Sæpè premente Deo fert Deus alter opem.
Mulciber in Trojam, pro Troja stabat Apollo:
 Æqua Venus Teucris, Pallas iniqua fuit.
Oderat Ænean propior Saturnia Turno.
 Ille tamen Veneris numine tutus erat.
Sæpe ferox cautum petiit Neptunus Ulyssæm:
 Eripuit patruo sæpe Minerva suo.
Et nobis aliquod, quamvis distamus ab illis,
 Quid vetat irato numen adesse Deo?
Verba miser frustra non proficientia perdo:
 Ipsa graves spargunt ora loquentis aquæ.
Terribilisque Notus jactat mea dicta; precesque,
 Ad quos mittuntur, non sinit ire Deos.
Ergo idem venti, ne causa lædar in una,
 Velaque nescio quo, votaue nostra ferunt?
Me miserum, quanti montes volvuntur aquarum?
 Jam jam tacturos sidera summa putes.
Quantæ diducto subsidunt æquore valles!
 Jam jam tacturas Tartara nigra putes.
Quocunque adspicias, nihil est nisi pontus & aer;
 Fluctibus hic tumidis, nubibus ille minax.
Inter utrumque fremunt immani turbine venti.
 Nescit, cui domino pareat, unda maris.
Nam modo purpureo vires capit Eurus ab ortu:
 Nunc Zephyrus sero vespere missus adest:
 Nunc gelidus sicca Boreas bacchatur ab Arcto:
 Nunc Notus adversa prælia fronte gerit.
Rector in incerto est: nec quid fugiatve petatve,
 Invenit. ambiguis ars stupet ipsa malis.
Scilicet occidimus, nec spes nisi vana salutis:
 F Dum

Dumque loquor, vultus obruit unda meos.
 Opprimet hanc animam fluctus: frustra precanti
 Ore necaturas accipiemus aquas.
 At pia nil aliud quam me dolet exsule conjux:
 Hoc unum nostri scitque gemitque mali,
 Nescit in immenso jactari corpora ponto:
 Nescit agi ventis: nescit adesse necem.
 Di bene, quod non sum mecum conscendere passus:
 Ne mihi mors misero bis patienda foret?
 At nunc, ut peream, quoniam caret illa periclo,
 Dimidia certè parte superstes ero.
 Hei mihi, quam celeri micuerunt nubila flamma!
 Quantus ab ætherio personat axe fragor!
 Nec levius laterum tabulæ feriuntur ab undis,
 Quam grave balistæ mœnia pulsat onus.
 Qui venit hic fluctus, fluctus supereminet omnes;
 Posterior nono est, undecimoque prior.
 Nec letum timeo; genus est miserabile leti.
 Demite naufragium; mors mihi munus erit,
 Est aliquid, fatove suo, ferrove cadentem
 In solita moriens ponere corpus humo;
 Est mandata suis aliquid sperare sepulcra,
 Et non æquoreis piscibus esse cibum.
 Fingite me dignum tali nece; non ego solus
 Hic vehor, immeritos cur mea pœna trahit?
 Proh Superi, viridesque Dei, quibus æquora curæ!
 Utraque jam vestras sistite turba minas.
 Quamque dedit vitam mitissima Cæsaris ira,
 Hanc sinite infelix in loca iussa feram.
 Si quam commerui pœnam me pendere vultis;
 Culpa mea est ipso iudice morte minor.
 Mittere me Stygias si jam voluisset ad undas
 Cæsar; in hoc vestra non eguisset ope,
 Est illi nostri non invidiosa cruoris
 Copia: quodque dedit, cum volet, ipse feret.
 Vos modo, quos certe nullo puto crimine læsos,
 Contenti nostris, Di, precor, este malis.
 Nec tamen, ut cuncti miserum servare velitis,
 Quod periit, salvum jam caput esse potest.
 Ut mare confidat, ventisque ferentibus utar;
 Ut mihi parcatis; num minus exsul ero?
 Non ego divitias avidus sine fine parandi
 Latum mutandis mercibus æquor aro;

Nec

Nec peto, quas quondam petii studiosus, Athenas;
 Oppida non Afiz, non loca visa prius.
 Non ut, Alexandri claram delatus in urbem,
 Delicias videam, Nile jocose, tuas.
 Quod faciles opto ventos, (quis credere possit?)
 Sarmatis est tellus, quam mea vota petunt.
 Obligor, ut tangam Izvi fera litora Ponti;
 Quodque sit à patria tam fuga tarda, queror.
 Nescio quo videam positos ut in orbe Tomitas,
 Exilem facio per mea vota viam.
 Seu me diligitis, tantos compescite fluctus;
 Pronaque sint nostræ numina vestra rati;
 Seu magis odistis, iussæ me advertite terræ.
 Supplicii pars est in regione mei.
 Ferte [quid hic facio?] rapidi mea carbasa venti.
 Ausonios fines cur mea vela vident?
 Noluit hoc Cæsar: quid, quem fugat ille, tenetis?
 Aspiciat vultus Pontica terra meos.
 Et jubet, & merui. nec, quæ damnaverit ille,
 Crimina defendi fasve piumve puto.
 Si tamen acta Deos nunquam mortalia fallunt;
 A culpa facinus scitis abesse mea.
 Immò ita; vos scitis. si me meus abstulit error,
 Stultaque mens nobis, non scelerata fuit:
 Quamlibet è minimis, domui si favimus illi;
 Si satis Augusti publica iussa mihi;
 Hoc Duce si dixi felicia secula; proque
 Cæsare thura pius Cæsaribusque dedi;
 Si fuit hic animus nobis; ita parcite, Divi.
 Sin minus; alta cadens obruat unda caput.
 Fallor? an incipiunt gravidæ vanescere nubes,
 Victaque mutati frangitur ira maris?
 Non casus, sed vos sub conditione vocati,
 Fallere quos non est, hanc mihi fertis opem.

E L E G I A III.

CUM subit illius tristissima noctis imago,
 Quæ mihi supremum tempus in Urbe fuit;
 Cum repeto noctem, qua tot mihi cara reliqui;
 Labitur ex oculis nunc quoque gutta meis.
 Jam prope lux aderat, qua me discedere Cæsar
 Finibus extremæ jusserat Ausoniz.
 Nec mens, nec spatium fuerant satis apta parantis

Torpuerant longa pectora nostra mora.
Non mihi servorum, comitis non cura legendi ;
Non aptæ profugo vestis opifve fuit .
Non aliter stupui, quam qui Jovis ignibus ictus
Vivit ; & est vitæ nescius ipse suus.
Ut tamen hanc animo nubem dolor ipse removit,
Et tandem sensus convalere mei ;
Alloquor extremum mæstos abiturus amicos ,
Qui modo de multis unus & alter erant.
Uxor amans flentem flens acrius ipsa tenebat ;
Imbre per indignas usque cadente genas.
Nata procul Libycis aberat diversa sub oris :
Nec poterat fati certior esse mei,
Quocunque adspiceres, luctus gemitusq; sonabant
Formaque non taciti funeris intus erat.
Femina, virque, meo pueri quoque funere mærent :
Inque domo lacrymas angulus omnis habet.
Si licet exemplis in parvo grandibus uti ;
Hæc facies Trojæ, cum caperetur, erat.
Jamque quiescebant voces hominumque canumque ;
Lunaque nocturnos alta regebat equos.
Hanc ego suspiciens, & ab hac Capitolia æcernens,
Quæ nostro frustra juncta fuere Lari ;
Numina vicinis habitantia sedibus, inquam ,
Jamque oculis nunquam templa videnda meis,
Dique relinquendi, quos Urbs habet alta Quirini ;
Este salutati tempus in omne mihi.
Et quamquam sero clypeum post vulnera sumo ;
Attamen hanc odiis exonerate fugam ;
Cælestique viro, quis me deceperit error ,
Dicite ; pro culpa ne scelus esse putet.
Ut, quod vos scitis, pœnæ quoque sentiat auctor.
Placato possum non miser esse Deo.
Hac prece adoravi Superos ego: pluribus uxor ;
Singultu medios præpediente sonos.
Illa etiam ante Lares passis prostrata capillis
Contigit extinctos ore tremante focos:
Multaque in aversos effudit verba Penates,
Pro deplorato non valitura viro .
Jamque moræ spatium nox præcipitata negabat
Versaque ab axe suo Parrhasis Arctos erat .
Quid facerem? blando patriæ retinebar amore ;
Ultima sed jussæ nox erat illa fugæ.

Ah quoties aliquo dixi properante, Quid urges?
Vel quo festines ire, vel unde, vide.
Ah quoties certam me sum mentitus habere
Horam, propositę quę foret apta vię.
Ter limen tetigi; ter sum revocatus: & ipse
Indulgens animo pes mihi tardus erat.
Sępe, Vale dicto, rursus sum multa locutus;
Et quasi discedens oscula summa dedi.
Sępe eadem mandata dedi: meque ipse fefelli,
Respiciens oculis pignora cara meis.
Denique, Quid propero? Scythia est, quo mittimur,
inquam:
Roma relinquenda est. utraque justa mora est.
Uxor in æternum vivo mihi viva negatur:
Et domus, & fidę dulcia membra domus.
Quosque ego fraterno dilexi more sodales.
O mihi Thesęa pectora juncta fide!
Dum licet, amplectar: nunquam fortasse licebit
Amplius. in lucro, quę datur hora, mihi est.
Nec mora; sermonis verba imperfecta relinquo,
Complectens animo proxima quęque meo.
Dum loquor, & flemus; cęlo nitidissimus alto
Stella gravis nobis Lucifer ortus erat.
Dividor haud aliter, quam si mea membra relinquā:
Et pars abrumpi corpore visa suo est.
[Sic Priamus doluit, tunc cum in contraria versus
Ultiores habuit proditiōis equus.]
Tum vero exoritur clamor gemitusque meorum;
Et feriunt mœstę pectora nuda manus.
Tum vero conjux humeris abeuntis inhærens
Miscuit hęc lachrymis tristitia dicta suis.
Non potes avelli. simul ah, simul ibimus, inquit!
Te sequar; & conjux exsulis exsul ero.
Et mihi facta via est: & me capit ultima tellus.
Accedam profugę sarcina parva rati.
Te juber è patria discedere Cęsaris ira;
Me pietas. pietas hęc mihi Cęsar erit.
Talia tentabat: sic & tentaverat ante:
Vixque dedit victas utilitate manus.
Egredior sive illud erat sine funere ferri]
Squallidus immissis hirta per ora comis.
Illa dolore mei tenebris narratur obortis
Semianimis media procubuisse domo.

Utque resurrexit, scedatis pulvere turpi
 Crinibus, & gelida membra levavit humo;
 Se modo, desertos modo complorasse Penates;
 Nomen & erepti sæpe vocasse viri:
 Nec gemuisse minus, quam si natæve, meumve
 Vidisset structos corpus habere rogos:
 Et voluisse mori; moriendo ponere sensus:
 Respectuque tamen non posuisse mei.
 Vivat; & absentem, quoniam sic fata tulerunt,
 Vivat, & auxilio sublevet usque suo.
 Tingitur Oceano custos Erymanthidos Urse,
 Æquoreasque suo fidere turbas aquas:
 Nos tamen Ionium non nostra findimus æquor
 Sponte: sed audaces cogimur esse metu.
 Me miserum, quantis increſcunt æquora ventis;
 Erutaque ex imis fervet arena vadis!
 Monte nec inferior proræ puppique recurvæ
 Insilit, & pictos verberat unda Deos.
 Pineæ texta sonant; pulsi stridere rudentes:
 Aggemit & nostris ipsa carina malis.
 Navita confessus gelido pallore timorem
 Jam sequitur victam, non regit arte, ratem.
 Utque parum validus non proficientia vector
 Cervicis rigidæ fræna remittit equo:
 Sic non quo voluit, sed quo rapit impetus undæ,
 Aurigam video vela dedisse rati.
 Quod nisi mutatas emiserit Æolus auras;
 In loca jam nobis non adeunda ferar.
 Nam procul, Illyricis læva de parte relictis,
 Interdicta mihi cernitur Italia.
 Desinat in veritas quæso contendere terras,
 Et mecum magno pareat aura Deo.
 Dum loquor, & cupio pariter timeoque revelli,
 Increpuit quantis viribus unda latus!
 Parcite, cærulei vos parcite numina ponti;
 Infestumque mihi sit satis esse Jovem.
 Vos animam sævæ festam subducite morti.
 Si modo, qui perit, non perisse potest.

E L E G I A IV.

O Mihi post ullos nunquam memorande sodales,
 O cui præcipue fors mea visa sua est;
 Attonitum qui me (memini) carissime, primos

Au-

Aufus es alloquio sustinuisse tuo;
Qui mihi consilium vivendi mite dedisti,
Cum foret in misero pectore mortis amor;
Scis bene, cui dicam, positus pro nomine signis;
Officium nec te fallit, amice, tuum.
Hæc mihi semper erunt imis infixæ medullis;
Perpetuusque animæ debitor hujus ero.
Spiritus & vacuas prius hic tenuandus in auras
Ibit, & in tepido deferet ossa rogo;
Quam subeant animo meritorum oblivia no stro;
Et longa pietas excidat ista die.
Di tibi sint faciles: & opis nullius egentem
Fortunam præstent, dissimilemque mez.
Si tamen hæc navis vento ferretur amico;
Ignoraretur forsitan ista fides.
Thæsea Pirithous non tam sensisset amicum,
Si non infernas vivus adisset aquas.
Ut foret exemplum veri Phocæus amoris,
Fecerunt Furæ, tristis Orestæ, tuz.
Si non Euryalus Rutulos cecidisset in hostes;
Hyrtacidæ Niso gloria nulla foret.
Scilicet ut fulvum spectatur in ignibus aurum,
Tempore sic duro est inspicienda fides.
Dum juvat, & vultu ridet Fortuna sereno;
Indelubatas cunctæ sequuntur opes.
At simul intonuit; fugiunt: nec noscitur ulli,
Agminibus comitum qui modo cinctus erat.
Atque hæc exemplis quondam collecta priorum,
Nunc mihi sunt propriis cognita veri malis.
Vix duo tresve mihi de tot superestis amici.
Cæteri Fortunæ, non mea, turba fuit.
Quo magis, ô pauci, rebus succurrite lapsis,
Et date naufragio litora tuta meo:
Neve metu falso nimium trepidate timentes,
Hæc offendatur ne pietate Deus.
Sæpe fidem adversis etiam laudavit in armis;
Inque suis amat hanc Cæsar, in hoste probat.
Causa mea est melior, qui non contraria fovi
Arma; sed hanc merui simplicitate fugam.
Invigiles igitur nostris pro casibus oro;
Diminui si qua numinis ira potest.
Scire meos si quis casus desideret omnes;
Plus, quam quod fieri res finit, ille petat.

Tot mala sum passus, quot in æthere sidera lucent:
 Parvaque quot siccus corpora pulvis habet.
 Multaque credibili tulimus majora: ratamque,
 Quamvis acciderint, non habitura fidem.
 Pars etiam mecum quædam moriatur oportet:
 Meque velim possit dissimulante tegi.
 Si vox in fragili mihi pectore firmior ære,
 Pluraque cum linguis pluribus ora forent;
 Non tamen idcirco complecterer omnia verbis.
 Materia vires exsuperante meas.
 Pro duce Neritio docti mala nostra Poetæ
 Scribite: Neritio nam mala plura tuli.
 Ille brevi spatio multis exavit in annis
 Inter Dulichias Iliacasque domos.
 Nos freta sideribus notis distantia mensos.
 Sors tulit in Geticos Sarmaticosque sinus.
 Ille habuit fidamque manum, sociosque fideles
 Me profugum comites deseruere mei.
 Ille suam lætus patriam victorque petebat.
 A patria fugio victus & exsul ego,
 Nec mihi Dulichium domus est, Ithaceve, Sameus
 Pæna quibus non est grandis abesse locis.
 Sed quæ de septem totum circumspicit orbem
 Montibus, imperii Roma Deumque locus.
 Illi corpus erat durum patiensque laborum;
 Invalidæ vires ingenuæque mihi.
 Ille erat assidue sævis agitatus in armis:
 Assuetus studiis mollibus ipse sui.
 Me Deus oppressit, nullo mala nostra levante:
 Bellatrix illi Diva ferebat opem.
 Cumque minor Jove sit tumidis qui regnat in undis;
 Illum Neptuni, me Jovis ira premit.
 Adde, quod illius pars maxima flecta laborum est;
 Ponitur in nostris fabula nulla malis.
 Denique quæsitos tetigit tamen ille Penates;
 Quæque diu petiit, contigit arva tamen.
 At mihi perpetuo patria tellure carendum est,
 Ni fuerit læsi mollior ira Dei.

E L E G I A V.

Nec tantum Clario Lyde dilecta poetæ,
 Nec tantum Coe Battis amata suo est:
 Pectoribus quantum tu nostris, Uxor, inhæres;
 Digna

Digna minus misero, non meliore viro.
Te mea supposita veluti trabe fulta ruina est:
 Si quid adhuc ego sum, muneris omne tui est.
 Tu facis, ut spolium ne sim, neu nuder ab illis,
 Naufragii tabulas qui petiere mei.
 Utque rapax, stimulante fame, cupidusque cruoris
 Incustoditum captat ovile lupus:
 Aut ut edax vultur corpus circumspicit, ecquod
 Sub nulla positum, cernere possit humo:
 Sic mea nescio quis, rebus malè fidus acerbis,
 In bona venturus, si paterere, fuit.
 Hunc tua per fortes virtus submovit amicos,
 Nulla quibus reddi gratia digna potest.
 Ergo quàm misero, tam vèro, teste probaris:
 Hic aliquod pondus si modò testis habet.
 Nec probitate tua prior est aut Hectoris uxor,
 Aut comes extincto Laodamia viro.
 Tu si Mæonium vatem sortita fuisses;
 Penelopes esset fama secunda tuæ.
 Sive tibi hoc debes, nulla pia facta magistra:
 Cumquæ nova mores sunt tibi luce dati:
 Femina seu princeps omnes tibi culta per annos
 Te docet exemplum conjugis esse bonæ:
 Assimilemque sui longa assuetudine fecit:
 Grandia si parvis assimilare licet.
 Hei mihi, non magno quòd habent mea carmina
 vires
 Nostrique sunt meritis ora minora tuis!
 Si quid & in nobis vivi fuit ante vigoris,
 Extinctum longis occidit omne malis:
 Prima locum sanctas Heroidas inter haberes:
 Prima bonis animi conspicerere tui.
 Quantumcunque tamen præconia nostra valebunt;
 Carminibus vives tempus in omne meis.

E L E G I A. VI.

SI quis habes nostris similes in imagine vultus;
 Deme meis hederas, Bacchica fersa, comis.
 Ita decent lætos felicia signa poetæ:
 Temporibus non est apta corona meis.
 Hæc tibi dissimulas, sentis tamen, optime, diol,
 In digito qui me fersque refersque tuo.
 Effigiemque meam fulvo complexus in auro

Cara relegati, qua potes, ora vides.
 Quæ quoties spectas, subeat tibi dicere forsam.
 Quam procul à nobis, Naso, sodalis, abest!
 Grata tua est pietas: sed carmina major imago.
 Sunt mea; quæ mando, qualiacunque legas.
 Carmina mutatas hominum dicentia formas:
 Infelix domini, quod fuga rupit opus.
 Hæc ego discedens, sicut bene multa, meorum,
 Ipse mea, posui, mœstus in igne, manu.
 Utque cremasse suum fertur sub stipite natum;
 Thestias, & melior matre, fuisse, soror;
 Sic ego, non meritos, mecum, peritura, libellos;
 Imposui, rapidis viscera nostra, rogis.
 Vel quod eram, Musas, ut crimina nostra, perosus:
 Vel quod adhuc crescens, & rude, carmen erat.
 Quæ quoniam non sunt penitus sublata, sed, exstant,
 Pluribus exemplis, scripta fuisse reor.
 Nunc precor ut vivant, & non ignava legentem;
 Otia, delectent, admoneantque mei.
 Nec tamen illa legi poterunt patienter ab ullo:
 Nesciat, his, summam si, quis abesse manum.
 Ablatum, mediis opus est, in cindibus illud.
 Defuit, & scriptis, ultima lima, meis.
 Et veniam pro laude peto: laudatus, abunde,
 Non fastiditus, si, tibi, Lector, ero.
 Nos quoque, sex versus, in primi fronte, libelli;
 Si præponendos esse, putabis, habe.
 Orba parente, suo, quicunque, volumina tangis;
 His, saltem, vestra detur, in, Urbe, locus.
 Quoque magis faveas, non sunt hæc edita ab ipso,
 Sed quasi, de domini, funere, rapta sui.
 Quicquid in his, igitur, vitii, rude, carmen, habebit,
 Emendaturus, si, licuisset, eram.

E L E G I A VII.

IN caput, alta, suum, labentur ab æquore, retro,
 Flumina: conversis, Solque, recurret, equis.
 Terra, feret, stellas: cælum, findetur, aratro:
 Unda, dabit, flammæ: & dabit, ignis, aquas.
 Omnia, naturæ, præpostera, legibus, ibunt:
 Parsque, suum, mundi, nulla, tenebit, iter.
 Omnia jam, fient, fieri, quæ, posse, negabam:
 Et nihil, est, de quo, non, sis, habenda, fides.

Hæc

Hæc ego vaticinor; quia sum deceptus ab illo,
Laturum misero quem mihi rebar opem.
Tantane te, fallax, cepere oblivia nostri?
Afflictumne fuit tantus adire timor?
Ut neque respiceres, nec solarere jacentem;
Dure? nec exsequias prosequerere meas?
Illud amicitiae sanctum ac venerabile nomen:
Re tibi pro vili sub pedibusque jacet?
Quid fuit, ingenti prostratum mole sodalem
Visere, & alloqui patte levare tui?
Inque meos si non lacrymam dimittere casus,
Pauca tamen ficto verba dolore queri?
Idque, quod ignoti faciunt, valedicere saltem;
Et vocem populi publicaque ora sequi?
Denique lugubres vultus, numquamque videndos:
Cernere supremo, dum licuitque, die?
Dicendumque semel toto non amplius ævo
Accipere, & pariter reddere voce, Vale?
At fecere alii nulli mihi fœdere juncti;
Et lacrymas animi signa dedere sui.
Quid nisi convicti causis que valentibus essem,
Temporis & longi victus amore tibi?
Quid, nisi tot lusus & tot mea seria nosses,
Tot nossem lusus seriaeque ipse tua?
Quid, si duntaxat Romæ mihi cognitus esses,
Adscitus toties in genus omne loci?
Cunctane in æquoreos abierunt irrita ventos?
Cunctane Lethæis mersa feruntur aquis?
Non ego te placida genitum reor urbe Quirini;
Urbe, meo quæ jam non adeunda pede est.
Sed scopulis, Ponti quos hæc habet ora sinistri:
Inque feris Scythiæ Sarmaticisque jugis.
Et tua sunt silicis circum præcordia venæ;
Et rigidum ferri semina pectus habent.
Quæque tibi quondam tenero ducenda palato
Plena dedit nutrix ubera, tigris erat.
Aut mala nostra minus, quam nunc, aliena putasset;
Duritiæque mihi non agerere reus.
Sed quoniam accedit fatalibus hoc quoque damnis,
Ut careant numeris tempora prima suis;
Effice, peccati ne sim memor hujus; & illo
Officium laudem, quo queror, ore tuum.

ELEGIA VIII.

Detur inoffensæ metam tibi tangere vitæ,
 Qui legis hoc nobis non inimicus opus.
 Atque utinam pro te possint mea vota valere,
 Quæ pro me duros non tetigere Deos?
 Donec eris felix, multos numerabis amicos.
 Tempora si fuerint nubila, solus eris.
 Aspicias ut veniant ad candida testæ columbæ.
 Accipiat nullas sordida turris aves.
 Horrea formicæ tendunt ad inania nunquam.
 Nullus ad amissas ibit amicus opes.
 Utque comes radios per Solis euntibus umbra,
 Cum latet hic pressus nubibus, illa fugit;
 Mobile sic sequitur Fortunæ lamina vulgus:
 Quæ simul inducta nube teguntur, abit.
 Hæc, præcor, ut semper possint tibi falsa videri:
 Sunt tamen eventu vera fatenda meo.
 Dum stetimus, turbæ quantum satis esset, habebat
 Nota quidem, sed non ambigua, domus.
 At simul impulsæ est, omnes timuere ruinam,
 Cautaque communi terga dedere fugæ.
 Sæva nec admiror metuunt si fulmina, quorum
 Ignibus afflari proxima quæque solent.
 Sed tamen in duris remanentem rebus amicum
 Quamlibet invisæ Cæsar in hoste probat.
 Nec solet irasci (neque enim moderatior alter)
 Cum quis in adversis, si quid amavit, amat.
 De comite Argolici postquam cognovit Orestæ,
 Narratur Pyladen ipse probasse Thoas.
 Quæ fuit Astoridæ cum magno semper Achille,
 Laudari solita est Hectoris ore fides.
 Quod pius ad manes Theseus comes isset amico,
 Tartareum dicunt indoluisse Deum.
 Euryali, Nisique fide tibi, Turne, relata,
 Credibile est lacrymis immauisse genas.
 Est etiam miseris pietas, & in hoste probatur.
 Hei mihi, quæm paucos hæc mea dicta movent?
 Hic status, hæc rerum nunc est fortuna mearum,
 Debeat ut lacrymis nullus adesse modus.
 At mea sunt proprio quamvis mœstissima casu,
 Pectora, pro sensu facta serena tuo.
 Hoc eventurum jam tum, carissime, vidi,
 For-

Ferret adhuc istam cum minor aura ratem.
 Sive aliquod morum, seu vitæ labe carentis
 Est precium; nemo pluris habendus erit.
 Sive per ingenuas aliquis caput extulit artes,
 Quælibet eloquio fit bona causa tuo.
 His ego commotus, dixi tibi procius ipsi;
 Scena manet dotes grandis, amice, tuas.
 Hæc mihi non ovium fibræ tonitrusve sinistra,
 Linguae servatæ pennæ dixit avis.
 Augurium ratio est, & conjectura futuri:
 Hac divinavi, notitiæque tuli.
 Quæ quoniam rata sunt; tota mihi mente, tibi que
 Gratulor, ingenium non latuisse tuum.
 At nostrum tenebris utinam latuisset in imis!
 Expediit studio lumen abesse meo.
 Utque tibi præsunt artes, facunde, severæ,
 Dissimiles illis sic nocuere mihi.
 Vita tamen tibi nota mea est: scis artibus illis
 Auctoris mores abstinuisse sui.
 Scis vetus hoc juveni insum mihi carmen: & istos,
 Ut non laudandos, sic tamen esse jocos.
 Ergo ut defendi nullo mea posse colore,
 Sic excusari crimina posse puto.
 Quæ potes, excusa: nec amici deferere causam.
 Quo bene cœpisti, sic pede semper eas.

E L E G I A IX.

E St mihi, sitque, precor flavæ tutela Minervæ
 Navis; & à picta casside nomen habet.
 Sive opus est velis; minimam bene currit ad auram:
 Sive opus est remo; remige carpit iter.
 Nec comites volucris contenta est vincere cursu:
 Occupat egressas quamlibet ante rates.
 Et patitur fluctus, fertque assilientia longè
 Æquora, nec sævis ista fatiscit aquis.
 Illa Corinthiacis primum mihi cognita Cenchris,
 Fida manet trepidæ duxque comesque fugæ.
 Perque tot eventus, & iniquis concita ventis
 Æquora, Palladio numine tuta fugit.
 Nunc quoque tuta precor vasti secet ostia Pontis.
 Quasque petit, Getici littoris intret aquas.
 Quæ simul Æoliz mare me deduxit in Melles,
 Et longum tenui limite fecit iter;

Ela.

Eleximus in lævum cursus: & ab Hectoris urbe:
 Venimus ad portus, Æmbria terra, tuos.
 Inde levi vento Zerynthia litora nactis.
 Threiciam tetigit fessa carina Samon.
 Saltus ab hac terra brevis est Tempyra petenti.
 Hac dominum tenus est illa secuta suum.
 Nam mihi Bistonios placuit pede carpere campos:
 Helleponticas illa reliquit aquas.
 Dardaniamque petit auctoris nomen habentem.
 Et te ruricola Lampſace tuta Deo.
 Quaque per angustas vestræ male virginis undas:
 Seston Abydena separat urbe fretum.
 Hincque Propontiæ hærentem Cyzicon oris,
 Cyzicon: Hæmonis nobile gentis opus:
 Quaque tenent Ponti Byzantia litora fauces.
 Hic locus est gemini janua vastæ maris.
 Hæc precor evincat, propulsaque stantibus Austris:
 Transeat instabiles strenua Cyaneas:
 Thyniacosque sinus, & ab his per Apollinis urbem
 Alta sub Anchiali mœnia tendat iter.
 Inde Mesembriacos portus, & Odeson, & arcæ:
 Prætereat dictas nomine, Bacche, tuos.
 Et quos Alcathoi memorant à mœnibus ortos:
 Sedibus his profugum constituisse Larem.
 A quibus adveniat Miletida sospes ad urbem,
 Offensi quo me compulit ira Dei.
 Hanc si contigerit, meritæ cadet agna Minervæ.
 Non facit ad nostras hostia major opes.
 Vos quoque Tyndaridæ, quos hæc colit insula, fratres,
 Mite precor duplici numen adesse viæ.
 Altera namque parat Symplegadas ire per arcas,
 Scindere Bistonias altera puppis aquas.
 Vos facite, ut ventos, loca cum diversa petamus,
 Illa suos habeat, nec minus ista suos.

E L E G I A X.

Littera quæcunque est toto tibi lecta libello,
 Est mihi sollicitæ tempore facta viæ.
 Aut hanc me, gelidi tremorem cum mense Decæbris,
 Scribentem mediis Hadria vidit aquis:
 Aut, postquam himarem cursu superavimus Isthmon:
 Alteraque est nostræ summa carina fugæ.
 Quod facerem versus inter fera murmura ponti;
 Gy-

Cycladas Ægeas obstupuisse puto.

Ipse ego nunc miror, tantis animique marisque
Fluctibus ingenium non cecidisse meum.

Seu stupor huic studio, sive huic infania nomen;

Omnis ab hac cura mens relevata mea est.

Sæpe ego nimboris dubius jactabar ab Hædis:

Sæpe minax Steropes sidere pontus erat.

Fuscabatque diem custos Erymanthidos Urz;

Aut Hyadas sævis auxerat Auster aquis:

Sæpe maris pars intus erat; tamen ipse trementi

Carmina ducebam qualiacunque manu.

Nunc quoque contenti stridunt Aquilone rudentes;

Inque modum tumuli concava surgit aqua.

Ipse gubernator tollens ad sidera palmas:

Exposit votis immemor artis opem.

Quocunque adspicio, nihil est, nisi mortis imago:

Quam dubia timeo mente, timensque precor.

Attigero portum, portu terrebor ab ipso.

Plus habet infecta terra timoris aqua.

Nam simul insidiis hominum pelagique laboro:

Et faciunt geminos ensis & unda metus.

Ile meo venor ne speret sanguine prædam:

Hæc titulum nostræ mortis habere velit.

Barbara pars læva est, avidæ substrata rapinz;

Quam cruor & cædes bellaque semper habent.

Cumque sit hibernis agitarum fluctibus æquor;

Restra sunt ipso turbidiora maria.

Quo magis his debes ignoscere, candide lector,

Si spe sunt, ut sunt, inferiora tua.

Non hæc in nostris, ut quondam, scribimus hortis:

Nec consuevit meum lectule corpus habes.

Jactor in indomito brumali luce profundo:

Ipsaque cæruleis charta, feritur aquis.

Improba pugnat hyems, indignaturque, quod ausim

Scribere, se rigidas incutiente minas.

Vincat hyems hominem, sed eodem tempore quæso,

Ipse modum statuam carminis; illa sui.

T R I S T I U M

L I B E R II.

Quid mihi vobiscum est, infelix cura, libellus
 Ingenio perii qui miser ipse meo?
 Cur modo damnatas repeto mea crimina
 Musas?

An semel est poenam commeruisse parum?
 Carmina fecerunt, ut me cognoscere vellent
 Omine non fausto femina, virque mea.
 Carmina fecerunt, ut me moresque notaret
 Jam demum visa Cæsar ab Arte meos:
 Deme mihi studium, vitæ quoque crimina demes.
 Acceptum refero versibus esse nocens.
 Hoc precium curæ vigilatorumque laborum
 Cepimus. ingenio poenæ reperta meo.
 Si saperem, doctas odissem jure sorores,
 Numina cultori pernicioſa suo.
 At nunc [tanta meo comes est insania morbo)
 Saxa malum refero rursus ad ista pedem.
 Scilicet & victus repetit gladiator arenam;
 Et redit in tumidas naufraga puppis aquas.
 Forsitan, ut quondam Teuthrantia regna tenenti,
 Sic mihi res eadem vulnus opemque feret.
 Musaque, quam movit, motam quoque leniet iram:
 Exorant magnos carmina sæpe Deos.
 Ipse quoque Ausonias Cæsar matresque nurusque
 Carmina turrigeræ dicere jussit Opi.
 Jusserat & Phœbo dici: quo tempore ludos
 Fecit, quos ætas aspicit una senel.
 His precor exemplis tua nunc, mitissime Cæsar,
 Fiat ab ingenio mollior ira meo.
 Illa quidem justa est, nec me meruisse negabo.
 Non adeo nostro fugit ab ore pudor.
 Sed, nisi peccassem, quid tu concedere posses?
 Materiam veniæ fors tibi nostra dedit.
 Si, quoties homines peccant, sua fulmina mittat
 Juppiter; exiguo tempore inermis erit.
 Hic ubi detonuit, strepituque exterruit orbem,
 Purum discussis aera reddit aquis.
 Jure igitur genitorque Deum restorque vocatur:
 Jure

Jure capax mundus. nil Jove majus habet.

Tu quoque, cum patrię rector dicare paterque ;

Uttere more Dei nomen habentis idem.

Idque facis : nec te quisquam moderatius unquam

Imperii potuit fręna tenere sui.

Tu veniam parti superatę sepe dedisti ,

Non concessurus quam tibi victor erat.

Divitiis etiam multos & honoribus auctos

Vidi, qui tulerant in caput arma tuum.

Quęque dies bellum , belli tibi sustulit iram ;

Parsque simul templis utraque dona tulit.

Utque tuus gaudet miles, quod vicerit hostem ;

Sic , victum cur se gaudeat , hostis habet.

Causa mea est melior : qui nec contraria dicor

Arma , nec hostiles esse secutus opes.

Per mare , per terras , per tertia numina juro ,

Per te pręsentem conspicuumque Deum ;

Hunc animum favisse tibi , Vir maxime : meque ,

Qua sola potui , mente fuisse tuum.

Optavi peteres cęlestia sidera tarde ;

Parsque fui turbę parva precantis idem.

Et pia thura dedi pro te : cumque omnibus unus

Ipse quoque adjuvi publica vota meis.

Quid referam libros , illos quoque crimina nostra ,

Mille locis plenos nominis esse tui ;

Inspice majus opus , quod adhuc sine fine reliqui ,

In non credendos corpora versa modos ;

Invenies vestri pręconia nominis illic :

Invenies animi pignora multa mei.

Non tua carminibus major sit gloria , nec quo ,

Ut major fiat , crescere possit , habet.

Fama Jovis superest. tamen hunc sua facta referri ,

Et se materiam carminis esse , juvat :

Cumque Gigantei memorantur pręlia belli ;

Credibile est lætum laudibus esse suis.

Te celebrant alii quanto decet ore : tuasque

Ingenio laudes uberiore canunt.

Sed tamen , ut fuso taurorum sanguine centum ,

Sic capitur minima thuris honore Deus.

Ah ferus , & nobis nimium crudeliter hostis ,

Delicias legit qui tibi cunque meas !

(Carmina ne nostris sic te venerantia libris

Judicio possint candidiore legi .)

Utque tui faciunt sidus juvenile nepotes ,
Per tua perque sui facta parentis eant .
Sic assueta tuis semper Victoria castris
Nunc quoque se præstet , notaque signa petat :
Aufoniumque Ducem solitis circumvolet alis :
Ponat & in nitida laurea ferta coma .
Per quem bella geris , cujus nunc corpore pugnas ;
Auspicium cui das grande , Deosque tuos .
Dimidioque tui præsens es , & aspicias Urbem :
Dimidio procul es , sævæque bella geris .
Hic tibi sic redeat superato victor ab hoste ;
Inque coronatis fulgeat altus equis ;
Parce , precor : fulmenque tuum fera tela reconde ,
Heu nimium misero cognita tela mihi !
Parce Pater Patriæ : nec nominis immemor hujus
Olim placandi spem mihi tolle tui .
Nec precor , ut redeam : quamvis majora petitis
Credibile est magnos sæpe dedisse Deos .
Mitius exilium si das , propiusque roganti ;
Pars erit è pœna magna levata me .
Ultima perpetior , medios projectus in hostes
Nec quisquam patria longius exsul abest .
Solutus ad egressus missus septemplex Istri ,
Parrhasiæ gelido virginis axe premor .
Jazyges , & Colchi , Metereaue turba , Getæque ,
Danubii mediis vix prohibentur aquis .
Cumque alii causa tibi sint graviore fugati ,
Ulterior nulli , quam mihi , terra data est .
Longius hac nihilest , nisi tantum frigus & hostis ;
Et maris adstricto quæ coit unda gelu .
Hactenus Euxini pars est Romana sinistri :
Proxima Basternæ , Sauromatzque tenent .
Hæc est Aufonio sub jure novissima , vixque
Hæret in imperii margine terra tui .
Unde precor supplex ut nos in tuta releges :
Ne sit cum patria pax quoque adempta mihi .
Ne timeam gentes , quas non bene submovet , Ister :
Neve , tuus possim civis ab hoste capi .
Fas prohibet Latio quenquam de sanguine natum
Cæsaribus salvis barbara vincla pati .
Perdiderint cum me duo crimina , carmen & error ,
Alterius facti culpa silenda mihi .
Nam non sum tanti , ut renovem tua vulnera , Cæsary
Quem

Quem nimio plus est indoluisse semel.

Altera pars superest: quæ turpi crimine tactus
Arguor obſcœni doct̃or adulterii.

Vas ergo eſt aliqua cœleſtia pectora falli;

Et ſunt notitia multa minora tua?

Utque Deos, cœlumque ſimul ſublime tuenti

Non vacat exiguis rebus aſſeſſe Jovi;

A te pendentem ſic dum circumſpicias orbem,

Effugiunt curas inferiora tuas.

Scilicet imperii, Princeps, ſtatione relictâ

Imparibus legeres carmina facta modis?

Non ea te moles Romani nominis urget,

Inque tuis humeris tam leve fertur onus;

Lulibus ut poſſis advertere numen ineptis;

Excutiasque oculis otia noſtra tuis.

Nunc tibi Pannonia eſt, nunc Illyris ora domanda:

Rhætica nunc præbent Thraciæque arma metum.

Nunc petit Armenius pacem: nunc porrigit arcus

Parthuseques, timida captaque ſigna manu.

Nunc te prole tua juvenem Germania ſentit;

Bellæque pro magno Cæſare Cæſar obit.

Denique, ut in tanto, quantum non exſtitit unquam,

Corpore, pars nulla eſt quæ labet imperii;

Urbs quoque te, & legum laſſat tutela tuarum,

Et morum, ſimiles quos cupis eſſe tuis.

Nec tibi contingunt, quæ gentibus otia præſtas;

Bellæque cum multis irrequieta geris.

Mirer in hoc igitur tantarum pondere rerum

Nunquam te noſtros evoluiſſe jocos?

At ſi (quod malle) vacuus fortæſſe fuiſſes,

Nullum legiſſes crimen in Arte mea.

Illâ quidem fateor frontis non eſſe ſeveræ

Scripta, nec à tanto Principe digna legi:

Non tamen idcirco legum contraria juiſſis

Sunt ea; Romanas erudiuntque nurus.

Neve quibus ſcribam poſſis dubitare; libellus

Quatuor hos verſus & tribus unus habet:

Este procul, vittæ tenues, inſigne pudoris;

Quæque tegis medios inſtita longa pedes:

Nil, niſi legitimum, conceſſaque furta, canemus;

Inque meo nullum carmine crimen erit.

Ecquid ab hac omnes rigide ſubmovimus Arte,

Quas ſtola contingi vittæque ſumta vetat?

At

At matrōna potest alienis artibus uti ;
 Quodque trahat , quamvis non doceatur , habet.
 Nil igitur matrōna legat : quia carmine ab omni
 Ad delinquendum doctior esse potest.
 Quodcunque attigerit , si qua est studiosa sinistri ,
 Ad vitium mores instruet unde suos.
 Sumserit Annales ; (nihil est hirsutius illis)
 Facta sit unde parens illa nempe leget.
 Sumserit , Æneadum genitrix ubi prima , requireret ,
 Æneadum genitrix unde sit alma Venus.
 Persequar inferius , modo si licet ordine ferri)
 Posse nocere animis carminis omne genus .
 (Non tamen idcirco crimen liber omnis habebit .
 Nil prodest , quod non lædere possit idem .)
 Igne quid utilius ? si quis tamen urere recta
 Comparat . audaces instruit igne manus .
 Iripit interdum , modo dat medicina salutem :
 Quæque juvans monstrat , quæque sit herba nocens .
 Et latro , & cautus præcingitur ense viator :
 Ille sed insidias , hic sibi portat opem .
 Discitur innocuas ut agat facundia causas :
 Protegit hæc fontes immeritosque premit .
 Sic igitur carmen , recta si mente legatur ,
 Constabit nulli posse nocere meum .
 At quiddam vitii quicumque hinc concipit , errat :
 Et nimium scriptis abrogat ille meis .
 Ut tamen hoc fatear : Ludi quoque semina præbent
 Nequiriz . tolli tota theatra iube :
 Peccandi causam quæ multis sæpe dederunt ,
 Martia cum durum sternit arena solum .
 Tollatur Circus ; non tuta licentia Circi :
 Hic sedet ignoto iuncta puella viro .
 Cum quædam spatientur in hac , ut amator eadem
 Conveniat , quare porticus ulla patet ?
 Quis locus est templis augustior ? hæc quoque vitet ,
 In culpam si qua est ingeniosa suam .
 Cum steterit Jovis æde ; Jovis succurrat in æde ,
 Quam multas matres fecerit ille Deus .
 Proxima adoranti Junonia templa subibit ,
 Pellicibus multis hanc doluisse Deam .
 Pallade conspecta , natum de crimine virgo
 Sustulerit quare quæret Erichthonium .
 Venerit in magni templum tua munera Martis ;
 Stat

Stat Venus Ultori juncta viro ante fores.
 Isidis zde sedens cur hanc Saturnia quæret
 Egerit Ionio Bosphorioque mari.
 In Venere Anchises, in Luna Latmius heros,
 In Cerere Jason, qui referatur, erit.
 Omnia perversas possunt corrumpere mentes.
 Stant tamen illa suis omnia tuta locis.
 At procul ab scripta solis meretricibus Arte
 Submovet ingenuas pagina prima nurus.
 Quæcunque irrumpit, quo non sinit ire sacerdos;
 Protinus hoc vetiti criminis acta rea est.
 Nec tamen est facinus molles evolvere versus:
 Multa licet castæ non facienda legant.
 Sæpe supercilii nudas matrona severi
 Et Veneris stantes ad genus omne videt.
 Corpora Vestales oculi meretricia cernunt:
 Nec domino pœnæ res ea caussa fuit.
 At cur in nostra nimia est lascivia Musa?
 Curve meus cuiquam suadet amare liber?
 Nil nisi peccatum manifesta que culpa fatendum est;
 Pœnitet ingenii judicii que mei.
 Cur non Argolicis potius quæ concidit armis
 Vexata est iterum carmine Troja meo?
 Curtacui Thebas, & mutua vulnera fratrum?
 Et septem portas sub duce quamque suo?
 Nec mihi materiam bellatrix Roma negabat:
 Et pius est patriæ facta referre labor.
 Denique, cum meritis impleveris omnia, Cæsar,
 Pars mihi de multis una canenda fuit.
 Utque trahunt oculos radiantia lumina Solis;
 Traxissent animum sic tua facta meum.
 Arguor immerito. tenuis mihi campus aratur:
 Illud erat magnæ fertilitatis opus.
 Non ideo debet pelago se credere, si qua
 Audet in exiguo ludere cymba lacu.
 Forsitan & dubitem, numeris levioribus aptus
 Sim satis; in parvos sufficiamque modos.
 At si me jubeas domitos Jovis igne Gigantas
 Dicere; conantem debuitabit onus.
 Divitis ingenii est immania Cæsaris acta
 Condere; materia ne superetur opus.
 Et tamen ausus etiam: sed detrectare videbar,
 Quodque nefas, damno viribus esse tuis.

Ad

Ad leve rursus opus juvenilia carmina veni;
 Et falso movi pectus amore meum.
 Non equidem vellem: sed me mea fata trahebant:
 Inque meas pœnas ingeniosus eram.
 Hei mihi, quod didici! quod me docuere parentes,
 Litteraque est oculos ulla morata meos?
 Hæc tibi me invisum lascivia fecit, ob Artes,
 Quas ratus es vetitos sollicitasse toros.
 Sed neque me nuptæ didicerunt furta magistro:
 Quodque parum novit, nemo docere potest.
 Sic ego delicias, & mollia carmina feci,
 Strinxerit ut nomen fabula nulla meum.
 Nec quisquam est adeo media de plebe maritus,
 Ut dubius vitio sit pater ille meo.
 Crede mihi; mores distant à carmine nostro.
 Vita verecunda est, Musa jocosa mihi.
 Magnaque pars operum mendax, & ficta meorum
 Plus sibi permisit compositore suo.
 Nec liber indicium est animi, sed honesta voluptas,
 Plurima mulcendis auribus apta ferens.
 Accius esset atrox; conviva Terentius esset;
 Essent pugnaces, qui fera bella canunt.
 Denique composui teneros non solus amores:
 Composito pœnas solus amore dedi.
 Quid nisi cum multo Venerem confundere vino
 Præcepit Lyrici Teia Musa senis?
 Lesbia quid docuit Sappho, nisi amare puellas?
 Tuta tamen Sappho, tutus & ille fuit.
 Nec tibi, Battiade, nocuit, quod sæpe legenti
 Delicias versu fassus es ipse tuas.
 Fabula jucundi nulla est sine amore Menandri:
 Et solet hic pueris virginibusque legi.
 Ilias ipsa quid est, nisi turpis adultera, de qua
 Inter amatorem pugna virumque fuit?
 Quid prius est illi flamma Chryseidos? utque
 Fecerit iratos rapta puella duces?
 Aut quid Odyssæa est, nisi fœmina, propter amorem,
 Dum vir abest, multis una petita procis?
 Quid nisi Mæonides Venerem Martemque ligatos
 Narrat in obsceno corpora pressa toro?
 Unde nisi indicio magni sciremus Homeri,
 Hospitis igne duas incaluisse Deas?
 Omne genus scripti gravitate Tragœdia vincit:
 Hæc

Hæc quoque materiam semper amoris habet.
Nam quid in Hippolyto, nisi cecē flamma novercæ?
Nobilis est Canace fratris amore sui.
Quid, non Tantalides agitante Cupidine currus
Pisquam Phrygiis vexit eburnus equis?
Tingeret ut ferrum natorum sanguine mater,
Concitus à læso fecit amore dolor.
Fecit amor subitas volucres cum pellice regem,
Quæque suum luget nunc quoque mater Ityn.
Si non Ærophen frater sceleratus amasset;
Aversos Solis non legeremus equos.
Impia nec tragicos tetigisset Scylla cothurnos,
Ni patrum crinem defecisset amor.
Qui legis Electran, & egentem mentis Oresten,
Ægypti crimen Tyndaridosque legis.
Nam quid de tetrico referam domitore Chimææ,
Quem leto fallax hospita præne dedit?
Quid loquar Hermionem? quid te, Schœneia virgo;
Teque, Mycæno Phœbas amata duci?
Quid Danaen, Danaesque nurum, matremque Lyxi?
Hæmonaque, & noctes quæ coiere duas?
Quid generum Pelix? quid Thesea? quidve Pelasgum,
Iliacam tetigit qui rate primus humum?
Huc Iole, Pyrrhique patens; huc Herculis uxor,
Huc accedat Hylas, Iliadesque puer.
Tempore deficiat, tragicos si persequar ignes,
Vixque meus capiat nomina nuda liber.
Est & in obscænos deflexa Tragedia risus,
Multaque præteriti verba pudoris habet.
Nec nocet auctori, mollem qui fecit Achillem,
Infregisse suis fortia facta modis.
Junxit Aristides Milesia crimina secum:
Pulsus Aristides nec tamen urbe sua.
Nec qui descripsit corrumpi semina matrum,
Eubius impuræ conditor historiarum.
Nec qui composuit nuper Sybaritida, fugit:
Nec quæ concubitus non tacuere suos.
Suntque et doctorum monumentis mista virorum,
Muneribusque Ducum publica facta patent.
Neve peregrinis tantum defendat ab armis;
Et Romanus habet multa jocosa liber.
Utque suo Martem cecinit gravis Ennius ore;
Ennius ingenio maximus, arte rudis:

Explicat ut causas rapidi Lucretius ignis ,
 Casurumque triplex vaticinatur opus ;
 Sic sua lascivo cantata est sæpe Catullo
 Fœmina , cui falsum Lesbia nomen erat.
 Nec contentus ea , multos vulgavit amores ,
 In quibus ipse suum fassus adulterium est .
 Par fuit exigui similisque licentia Calvi ,
 Detexit variis qui sua furtis modis . [quos
 Quid referam Tucidæ , quid Memmi carmen , apud
 Rebus abest omnis nominibusque pudor ?
 Cinna quoq; his comes est , Cinnaq; procacior Anser :
 Et leve Cornifici , parque Catonis opus .
 Et quorum libris modo dissimulata Perillæ
 Nomine , nunc legitur dicta , Metelle , tuo .
 Is quoque , Phasiacas Argo qui duxit in undas ,
 Non potuit Veneris furtis tacere suæ .
 Nec minus Hortensii , nec sunt minus improba Servi
 Carmina . quis dubitet nomina tanta sequi ?
 Vertit Aristiden Sisenia : nec obfuit illi
 Historiæ turpes inseruisse jocos .
 Nec fuit opprobrio celebrasse Lycorida Gallo ,
 Sed linguam nimio non tenuisse mero .
 Credere juranti durum putat esse Tibullus ;
 Sic etiam de se quod neget illa viro .
 Fallere custodem demum docuisse fatetur ;
 Seque sua miserum nunc ait arte premi .
 Sæpe velut gemmam domini signumve probaret ;
 Per causam meminit se tetigisse manum .
 Utque refert , digitis sæpe est nutuque locutus ,
 Et tacitam mensæ duxit in orbe notam .
 Et quibus è succis abeat de corpore livor ,
 Impresso fieri qui solet ore , docet .
 Denique ab incauto nimium petit ille marito ,
 Se quoque uti servet ; peccet ut illa minus .
 Scit cui lætetur , cum solus obambulat ipse ;
 Cur toties clausas excreat ante fores .
 Multaque dat talis furti præcepta , docetque
 Qua nup̃æ possint fallere ab arte viros .
 Nec fuit hoc illi fraudi : legiturque Tibullus ,
 Et placet , & jam te Principe notus erat .
 Invenies eadem blandi præcepta Properti :
 Districtus minima nec tamen ille nota est .
 His ego successi , quoniam præstantia candor

Nomina vivorum dissimulare jubet.
Non timui, fateor, ne, qua tot iere carinz,
Naufraga servatis omnibus una foret.
Sunt aliis scriptæ, quibus alea luditur, artes
Hæc est ad nostros non leve crimen avos.
Quid valeant tali; quo possis plurima jactu
Fingere; damnosos effugiasve canes.
Tessera quot numeros habeat: distante vocato
Mittere quo deceat, quo dare missa modo.
Discolor ut recto grassetur limite miles,
Cum medius gemino calculus hoste perit.
Ut mage velle sequi sciat, & revocare priorem;
Ne tuto fugiens incommittatus eat.
Parva sed & ternis instructa tabella lapillis;
In qua vicisse est, continuasse suos.
Quique alii lusus (neque enim nunc persequar omnes)
Perdere rem caram tempora nostra solent.
Ecce canit formas alius jactusque pilarum.
Hic artem nandi præcipit, ille trochi.
Composita est aliis fucandi cura coloris:
Hic epulis leges hospitioque dedit.
Alter humum, de qua singantur pocula, monstrat:
Quæque docet liquido testa sit apta mero.
Talia fumosi luduntur mense Decembris;
Quæ damno nulli composuisse fuit.
His ego deceptus non tristia carmina feci;
Sed tristis nostros poena secuta jocos.
Denique nec video de tot scribentibus unum,
Quem sua perdiderit Musa: repertus ego.
Quid si scripsissem mimos obscena jocantes,
Qui semper vetiti crimem amoris habent?
In quibus assidue cultus procedit adulter;
Verbaque dat stulto callida nupta viro.
Nobilis hos virgo, matronaque, virque, puerque
Spectat: & è magna parte Senatus adest.
Nec satis incestis temerari vocibus aures:
Assuescunt oculi multa pudenda pati.
Cumque fefellit amans aliqua novitate maritum,
Plauditur; & magno palma favore datur.
Quoque minus prodest, poena est lucrosa poetæ:
Tantaque non parvo crimina Prætor emit.
Inspice ludorum summas, Auguste, tuorum:
Emta tibi magno talia multa leges.

Hæc tu spectasti, spectandaque sæpe dedisti.

Majestas adeo comis ubique tua est.

Luminibusque tuis, totus quibus utimur orbis,

Scenica vidisti lentus adulteria.

Scribere si fas est imitantes turpia mimos;

Materiz minor est debita pœna mez.

An genus hoc scripti faciunt sua palpita tutum;

Quodque libet, mimis scena licere dedit?

Et mea sunt populo saltata poemata sæpe:

Sæpe oculos etiam detinuere tuos.

Scilicet in domibus vestris ut prisca virorum

Artifici fulgent corpora picta manu;

Sic quæ concubitus varios Venerisque figuras

Exprimat, est aliquo parva tabella loco.

Utque sedet vultu fassus Telamonius iram,

Inque oculis facinus barbara mater habet:

Sic madidos siccant digitis Venus uda capillos:

Et modo maternis testæ videtur aquis.

Bella sonant alii telis instructa cruentis:

Parsque tui generis, pars tua facta canunt.

Invida me spatio Natura coercuit arcto,

Ingenio vires exiguasque dedit.

Et tamen ille tuz felix Æneidos auctor,

Contulit in Tyrios Arma virumque toros:

Nec legitur pars ulla magis de corpore toto,

Quam non legitimo fœdere junctus amor.

Phyllidis hic idem tenerosque Amaryllidis ignes

Bucolicis juvenis luserat ante modis.

Nos quoque jam pridem scripto peccavimus uno.

Supplicium patitur non nova culpa novum.

Carminaque edideram, cum te delicta notantem

Præterii toties jure quietus eques.

Ergo, quæ juveni mihi non nocitura putavi

• Scripta parum prudens, nunc nocuere seni?

Sera redundavit veteris vindicta libelli;

Distat & à meriti tempore pœna fui.

Ne tamen omne meum credas opus esse remissum;

Sæpe dedi nostræ grandia vela rati.

Sex ego Fastorum scripsi totidemque libellos;

Cumque suo finem mense volumen habet.

Idque tuo nuper scriptum sub nomine, Cæsar,

Et tibi sacratum fors mea rupit opus.

At dedimus tragicis scriptum regale cothurnis:

Quæ-

Quæque gravis debet verba cothurnus habet.
 Dictaque sunt nobis, quamvis manus ultima cæpto
 Defuit, in facies corpora versa novas.
 Atque utinam revoces animum paulisper ab ira,
 Et vacuo jubeas hinc tibi pauca legi?
 Pauca, quibus prima surgens ab origine mundi,
 In tua deduxi tempora, Cæsar, opus.
 Aspiceres, quantum dederis mihi pectoris ipse;
 Quoque favore animi teque tuosque canam.
 Non ego mordaci destrinxi carmine quemquam;
 Nec meus ullius crimina versus habet.
 Candidus à salibus suffusus felle refugi:
 Nulla venenato litera mista joco est.
 Inter tot populi, tot scripti millia nostri,
 Quem mea Calliope læserit, unus ego.
 Non igitur nostris ullum gaudere Quiritem
 Anguro, at multos indoluisse, malis.
 Nec mihi ereditibile est quenquam insultasse jacenti;
 Gratia candori si qua relata meo est.
 His precor, atque aliis possint tua numina flecti,
 O Pater, ò Patriæ cura salusque tuæ.
 Non ut in Ausoniam redeam, nisi forsitan olim,
 Cum longo pœnæ tempore victus eris.
 Tatius exsiliū pauloque quietius oro:
 Ut par delicto sit mea pœna suo.

T R I S T I U M

L I B E R III.

E L E G I A I.

Missus in hanc venio timidi liber exulis urbem
 Da placidam fesso, lector amice, manum;
 Neve reformida, ne sis tibi forte pudori.
 Nullus in hac charta versus amare docet.
 Nec domini fortuna mei est, ut debeat illam
 Infelix ullis dissimulare jocos.
 Id quoque, quod viridi quondam male lussit in ævo,
 Heu nimium sero damnat & odit opus.
 Inspice quid portem: nihil hic nisi triste videbis;
 Carmine temporibus conveniente suis.
 Claudæ quod alterno subsidunt carmina versu,

Vel pedis hoc ratio, vel via longa facit.
 Quod neque sum cedro flavus, nec pumice laevis;
 Erubui domino cultior esse meo.
 Litera suffusas quod habet maculosa litaras;
 Læsit opus lacrymis ipse poeta suum.
 Si qua videbuntur casu non dicta Latine;
 In qua scribebat, barbara terra fuit.
 Dicite, lectores, si non grave qua sit eundem;
 Quasque petam sedes hospes in Urbe liber.
 Hæc ubi sum lingua furtim titubante locutus;
 Qui mihi monstraret vix fuit unus iter.
 Di tibi dent, nostro quod non tribuere parenti,
 Molliter in patria vivere posse tua.
 Duc age; namque sequor, quamvis terraque magisque
 Longinquo referam lassus ab orbe pedem.
 Paruit; & ducens, Hæc sunt Fora Caesaris, inquit:
 Hæc est à Sacris quæ via nomen habet.
 Hic locus est Vestæ; qui Pallada servat & ignem:
 Hic fuit antiqui regia parva Numæ.
 Inde petens dextram, Porta est, ait, ista Palati:
 Hic Stator: hoc primum condita Roma loco est.
 Singula dum miror, video fulgentibus armis
 Conspicuos postes, testaque digna Deo.
 Et, Jovis hæc, dixi domus est. quod ut esse putarem,
 Augurium menti quærna corona dabat.
 Cujus ut accepi dominum, Non fallimur, inquam;
 Et magni verum est hanc Jovis esse domum.
 Cur tamen apposita velatur janua lauro;
 Cingit & angustas arbor opaca fores?
 Num quia perpetuos meruit domus ista triumphos?
 An quia Leucadio semper amata Deo?
 Ipsane quod festa est, an quod facit omnia festa?
 Quam tribuit terris, Pacis an ista nota est?
 Utque vires semper laurus, nec fronde caduca.
 Carpitur; æternum sic habet illa decus?
 Causa superpositæ scripto testata coronæ
 Servatos cives indicat hujus ope.
 Adjice servatis unum, Pater optime, civem;
 Qui pæcul extremo pulsus in orbe jacet.
 In quo pœnarum, quas se meruisse fatetur,
 Non facinus causam, sed suus error habet.
 Memiserum, vereorque locum, venerorque potentem,
 Et quatitur trepido. litera nostra metu.

Aspicias exsanguis chartam pallere colore?

Aspicias alternos intremuisse pedes?

Quandocunque, precor, nostro placata parenti

Iisdem sub dominis aspiciare domus.

Inde tenore pari gradibus sublimia celsis

Ducor ad intonsi candida templa Dei.

Signa peregrinis ubi sunt alterna columnis

Helides, & stricto barbarus ense pater:

Quæque viri docto veteres cepere novique

Pectore, lecturis inspicienda patent.

Quærebam fratres, exceptis scilicet illis,

Quos suus optaret non genuisse parens.

Quærentem frustra custos me sedibus illis

Præpositus sancto iussit abire loco.

Altera templa peto vicino iuncta theatro:

Hæc quoque erant pedibus non adeunda meis.

Nec me, quæ doctis patuerunt prima libellis,

Atria Libertas tangere passa sua est.

In genus auctoris miseri fortuna redundat;

Et patimur nati, quam tulit ipse, fugam.

Forſitan & nobis olim minus asper, & illi

Evictus longo tempore Cæsar erit. (ganda est.)

Di, precor, atque adeo, [neque enim mihi turba ro-

Cæsar, ades voto, maxime Dive, meo.

Interea, statio quoniam mihi publica clausa est;

Privato liceat delituisse loco.

Vos quoque, si fas est, confusa pudore repulsæ

Sumite plebejæ carmina nostra manus.

E L E G I A II.

Ergo erat in fatis Scythiam quoque visere nostris,

Quæque Lycaonio terra sub axe jacet?

Nec vos, Pierides, nec stirps Latoia, vestro

Docta sacerdoti turba tulistis opem?

Nec mihi, quod lusi vero sine crimine, prodest;

Quodque magis vita Musa iocosa mea est?

Plurima sed pelago terraque pericula passum.

Ustus ab assiduo frigore Pontus habet.

Quique fugax rerum, securaque in otia natus,

Mollis & impatiens ante laboris eram;

Ultima nunc patior. nec me mare portubus orbem

Perdere, diversæ nec potuere viæ.

Suffecitque malis animus. nam corpus ab illo

Accepit vires ; vixque ferenda tulit.
 Dum tamen & terris dubius iactabar , & undis ;
 Fallebat curas ægræque corda labor.
 Ut via finita est , & opus requievit eundi ;
 Et pœne tellus est mihi tacta meæ ;
 Nil nisi flere libet. nec nostro parciore imber
 Lumine , de verna quam nive manat aqua.
 Roma domusque subit , desideriumque locorum ,
 Quidquid & amissa restat in Urbe mei.
 Hei mihi , quod nostri toties pulsata sepulcri
 Janua , sed nullo tempore aperta fuit !
 Cur ego tot gladios fugi , totiesque minata
 Obruit infelix nulla procella caput ?
 Di , quos experior nimium constanter iniquos ,
 Participes iræ quos Deus unus habet ;
 Estimulate , precor , cessantia fata ; meique
 Interitus clausas esse vetate fores.

E L E G I A III.

HÆc mea , si casu miraris , epistola quare
 Alterius digitis scripta sit : æger eram.
 Æger in extremis ignoti partibus orbis ;
 (Incertusque meæ pœne salutis eram.)
 Quid mihi nunc animi dira regione jacentæ
 Inter Sauromatas esse Getasque putes ?
 Nec cælum patior , nec aquis assuevimus istis :
 Terraque nescio quo non placet ipsa modo.
 Non domus apta satis : non hic cibus utilis ægro
 Nullus , Apollinea qui levet arte malum.
 Non qui soletur , non qui labentia tarde
 Tempora narrando fallat , amicus adest.
 Lassus in extremis jaceo populisque locisque :
 Et subit affecto nunc mihi , quicquid abest.
 Omnia cum subeant ; vincis tamen omnia , conjux ;
 Et plus in nostro pectore parte tenes.
 Te loquor absentem : te vox mea nominat unam ;
 Nulla venit sine te nox mihi , nulla dies.
 Quin etiam sic me dicunt aliena locutum ,
 Ut foret amenti nomen in ore tuum.
 Si jam deficiat suppresso lingua palato ,
 Vix instillato restituenda mero ;
 Nunciet huc aliquis dominam venisse ; resurgam ;
 Spesque tui nobis causa vigoris erit.

Ergo.

Ergo ego sum vitæ dubius : tu forsitan illic
Jucundum nostri nescia tempus agis ?
Non agis, adfirmo: liquet, ò carissima, nobis,
Tempus agi sine me non nisi triste tibi.
Si tamen implevit mea fors, quos debuit, annos;
Et mihi vivendi tam cito finis adest;
Quantum erat, ò magni, perituro parcere, Divi;
Ut saltem patria contumularer humos!
Vel pœna in mortis tempus dilata fuisset,
Vel præcepisset mors properata fugam.
Integer hanc potui nuper bene reddere lucem:
Exsul ut occiderem, nunc mihi vita data est.
Tam procul ignotis igitur moriemur in oris;
Et fient ipsò tristitia fata loco?
Nec mea consuetudo languescent corpora lecto?
Depositum nec me qui fleat, ullus erit?
Nec dominæ lacrymis in nostra cadentibus ora
Accedent animæ tempora parva meæ?
Nec mandata dabo? nec cum clamore supremo
Labentes oculos condet amica manus?
Sed sine funeribus caput hoc, sine honore sepulchri.
Indeploratum barbara terra teget?
Ecquid, ut audieris, tota turbabere mente;
Et feries pavida pectora fida manu?
Ecquid, in has frustra tendens tua brachia partes,
Clamabis miseri nomen inane viri?
Parce tamen lacerare genas; nec scinde capillos.
Non tibi nunc primum, lux mea, raptus ero.
Cum patriam amisi, tum me periisse putato:
Et prior & gravior mors fuit illa mihi.
Nunc, si forte potes, sed non potes, optima conjux,
Finitis gaude tot mihi morte malis.
Quam potes, extenua forti mala corde ferendo;
Ad quæ jampridem non rude pectus habes.
Atque utinam pereant animæ cum corpore nostræ,
Effugiatque avidos pars mihi nulla rogos!
Nam si morte carens vacuam volat altus in auram
Spiritus, & Samii sunt rata dicta senis;
Inter Sarmaticas Romana vagabitur umbras;
Perque feros manes hospita semper erit.
Ossa tamen facito parva referantur in urna.
Sic ego non etiam mortuus exsul ero. (tum
Nec vetat hoc quisquam, fratrem Thebana perem-

Supposuit tumulo Rege vetante soror.
 Atque ea cum foliis, & amomi pulvere misce:
 Inque suburbano condita pone solo.
 Quosque legat versus oculo properante viator,
 Grandibus in tumuli marmore cæde notis.
 Hic ego qui jaceo tenerorum lusor amorum,
 Ingenio perii Naso poeta meo.
 At tibi qui transis, ne sit grave, quisquis amasti,
 Dicere, Nasonis molliter ossa cubent.
 Hoc satis in titulo est. etenim majora libelli,
 Et diuturna magis sunt monumenta mei.
 Quos ego confido, quamvis nocuere, datures
 Nomen, & auctori tempora longa suo.
 Tu tamen extincto feralia munera ferto;
 Deque tuis lacrymis humida festa dato.
 Quamvis in cinerem corpus mutaverit ignis;
 Sentiet officium mœsta favilla pium.
 Scribere plura libet: sed vox mihi fessa loquendo
 Dictandi vires siccaque lingua negat.
 Accipe supremo dictum mihi forsitan ore.
 Quod, tibi qui mittit, non habet ipse, Vale.

E L E G I A IV.

O Mihi care quidem semper, sed tempore duro
 Cognite, res postquam procubueret meæ;
 Usibus edocto si quidquam credis amico;
 Vive tibi, & longe nomina magna fuge.
 Vive tibi, quantumque potes prælustria vita.
 Sævum prælustri fulmen ab arce venit.
 [Nam quamquam soli possunt prodesse potentes;
 Non profit potius si quis obesse potest.]
 Effugit hibernas demissa antenna procellas,
 Lataque plus parvis vela timoris habent.
 Aspicias, ut summa cortex levis innatet unda,
 Cum grave nexa simul retia mergat onus.
 Hæc ego si monitor monitus prius ipse fuisset,
 In qua debueram forsitan Urbe forem.
 Dum tecum vixi, dum me levis aura ferebat,
 Hæc mea per placidas cymba cucurrit aquas.
 Qui cadit in plano (vix hoc tamen evenit ipsum)
 Sic cadit, ut tacta surgere possit humo:
 At miser Elpenor recto delapsus ab alto
 Occurrit Regi debilis umbra suo.

Quid

Quid fuit, ut tutas agitare Dædalus alas;
Icarus immensas nomine signet aquas?
Nempe quod hic alte, demissus ille volabat.
Nam pennas ambo nonne habuere suas?
Crede mihi; bene qui latuit, bene vixit: & infra
Fortunam debet quisque manere suam.
Non foret Eumedes orbis, si filius ejus
Stultus Achilleos non adamasset equos.
Nec natum in flamma vidisset, in arbore natus,
Cepisset genitor si Phaethonta Merops.
Tu quoque formida nimium sublimia semper;
Propositive memor contrahe vela tui.
Nam pede inoffenso spatium decurrere vitæ
Dignus es, & fato candidiore frui.
Quæ pro te ut voveam miti pietate mereris;
Hæc furaque mihi tempus in omne fide.
Vidi ego te tali vultu mea fata gementem,
Qualem credibile est ore fuisse meo.
Nostra tuas vidi lacrymas super ora cadentes;
Tempore quas uno, fidaque verba, bibi.
Nunc quoque submotum studio defendis amicum;
Et mala vix ulla parte levanda levas.
Vive sine invidia; mollesque inglorius annos
Exige: amicitias & tibi junge pares
Nasonisque tui, quod adhuc non exulat unum,
Nomen ama. Scythicus cætera Pontus habet.
Proxima sideribus tellus Erymanthidos Urzæ
Me tenet; adstricto terra perusta gelu.
Bosporos & Tanais superant, Scythicæque paludes;
Vixque satis noti nomina pauca loci
Ulterius nihil est, nisi non habitabile frigus.
Heu quam vicina est ultima terra mihi!
At longe patria est, longe carissima conjux:
Quidquid & hæc nobis post duo dulce fuit.
Sic tamen hæc absunt; ut quæ contingere non est
Corpore, sint animo cuncta videnda meo.
Ante oculos Urbisque domus, & forma locorum est;
Succeduntque suis singula facta locis.
Conjugis ante oculos, sicut præsentis, imago est.
Illa meos casus ingravat, illa levat.
Ingravit hoc, quod adest, levat hoc, quod præstat
amorem:
Impositumque sibi firma tuetur onus.

Vos quoque pectoribus nostris hæretis, amici;
 Dicere quos cupio nomine quemque suo.
 Sed timor officium cautus compescit; & ipsos
 In nostro poni carmine nolle puto.
 Ante volebatis; gratique erat instar honoris,
 Versibus in nostris nomina vestra legi.
 Quod quoniam est anceps, intra mea pectora quem-

que
 Alioquar: & nulli causa timoris ero.
 Nec meus indicio latitantes versus amicos
 Protrahet. occulte, si quis amavit, amet.
 (Scite tamen, quamvis longa regione remotus:
 Absim, vos animo semper adesse meo.)
 Et, quam quisque potest, aliqua mala nostra levate:
 Fidam projecto neve negate manum.
 Prospera sic vobis maneat Fortuna: nec unquam
 Contacti simili sorte rogetis opem.

E L E G I A V.

U^Sus amicitiz tecum mihi parvus, ut illam:
 Non zg̃re posses dissimulare, fuit:
 Ni me complexus vinclis propioribus esses;
 Nave mea vento forsan eunte suo.
 Ut cecidi, cunctique metu fugere ruinæ,
 Versaque amicitiz terga dedere mex;
 Ausus es igne Jovis percussam tangere corpus;
 Et deploratz limen adire domus.
 Idque recens præstas, nec longo cognitus usu,
 Quod veterum misero vix duo tresve mihi.
 Vidi ego confusos vultus, visusque notavi;
 Osque madens fletu, pallidiusque meo:
 Et lacrymas cernens in singula verba cadentes,
 Ore meo lacrymas, auribus illa bibi:
 Brachiaque accepi mœsto pendentia collo,
 Et singultatis oscula mista sonis.
 Sum quoque, Care, tuis defensus viribus absens;
 Scis Carum veri nominis esse loco.
 Multaque præterea manifesti signa favoris
 Pectoribus teneo non abitura meis.
 Di tibi posse tuos tribuant defendere semper,
 Quos in materia prosperiore juves.
 Si tamen interea, quid in his ego perditus oris,
 (Quod te credibile est querere) quæris,agam &
 Spe

Spectator exigua (quam tu mihi demere noli).
 Tristitia leniri numina posse Dei.
 Seu temere exspecto, sive id contingere fas est;
 Tu mihi, quod cupio, fas [precor] esse proba.
 Quæque tibi linguæ est facundia, confer in illud,
 Ut doceas votum posse valere meum.
 Quo quis enim major, magis est placabilis iræ;
 Et faciles motus mens generosa capit.
 Corpora magnanimo fatis est prostrasse leoni;
 Pugna suum finem, cum jacet hostis, habet.
 At lupus, & turpes instant morientibus ursi;
 Et quæcunque minor nobilitate fera est.
 Majus apud Trojam forti quid habemus Achille;
 Dardanii lacrymas non tulit ille senis.
 Quæ ducis Emathii fuerit clementia, Poros
 Præclarique docent funeris exsequiæ.
 Neve hominum referam flexas ad mitius iras;
 Junonis gener est, qui prius hostis erat.
 Denique non possum nullam sperare salutem,
 Cum pœnæ non sit causa eruenta meæ.
 Non mihi quærenti pessundare cuncta, petitem.
 Cæsareum caput est, quod caput orbis erat.
 Non aliquid dixi, violentæque lingua locuta est;
 Lapsæque sunt nimio verba profana mero.
 Inscia quod crimen viderunt lumina, plector;
 Peccatumque oculos est habuisse meum.
 Non equidem totam possim defendere culpam:
 Sed partem nostri criminis error habet.
 Spes igitur superest, facturum ut molliat ipse,
 Mutati pœnam conditione loci.
 Hunc utinam nitidi Solis prænuncius ortum
 Afferat admissæ Lucifer albus equæ.

R E G I A VI.

Fœdus amicitiae nec vis, carissime, nostræ;
 Nec, si forte velis, dissimulare potes.
 Donec enim licuit, nec te mihi carior alter,
 Nec tibi me tota junctior Urbe fuit.
 Isque erat usque adeo populo testatus, ut esset
 Præne magis quam tu, quamque ego, notus amora.
 Quique erat in caris animi tibi candor amicis,
 Cognitus est illi, quem colis ipse, viro.
 Nil ita celabas, ut non ego conscius essem.

Pectus

TRISTIUM

Pectoribusque dabas multa tegenda meis.
 Cuique ego narrabam secreti quidquid habebam;
 Excepto quod me perdidit, unus éras.
 Id quoque si scisses, salvo fruerere sodali;
 Consilioque forem sospes, amice, tuo.
 (Sed mea me in pœnam nimirum fata trahebant:
 Omne bonæ claudunt utilitatis iter.)
 Sive malum potui tamen hoc vitare cavendo;
 Seu ratio fatum vincere nulla valet;
 Tu tamen, o nobis usu junctissime longo,
 Pars desiderii maxima pœne mei,
 Sis memor: & si quas fecit tibi gratia vires,
 Illas pro nobis experiare, rogo.
 Numinis ut læsi fiat mansuetior ira:
 Mutatoque minor sit mea pœna loco.
 Idque ita, si nullum scelus est in pectore nostro;
 Principiumque mei criminis error habet.
 Nec leve, nec tutum est, quo sint mea, dicere, casu
 Lumina funesti conscia facta mali.
 Mensque reformidat, veluti sua vulnera, tempus
 Illud: & admonitu sit novus ipse dolor.
 [Et quæcunque adeo possint asferre pudorem,
 Illa tegi cæca condita nocte decet.]
 Nil igitur referam, nisi me peccasse; sed illæ
 Præmia peccato nulla petita mihi:
 Stultitiamque meum crimen debere vocari,
 Nomina si facto reddere vera velis.
 Quæ si non ita sunt; alium, quo longius absum,
 Quære, suburbana hic sit mihi terra, locum.

ELEGIA VII.

V Ade salutatum subito perarata Perillam
 Littera. sermonis fida ministra mei.
 Aut illam invenies dulci cum matre sedentem,
 Aut inter libros Pieridasque suas.
 Quicquid aget, cum te scierit venisse, relinquet:
 Nec mora, quid venias, quidve, requirer, agam.
 Vivere me dices; sed sic, ut vivere nolim:
 Nec mala tam longa nostra levata mora.
 Et tamen ad Musas, quamvis nocuere, reverti;
 Aptaque in alternos cogere verba pedes.
 Tu quoque dic, studiis communibus ecquid inhæres,
 Doctæque non patrio carmina more canis?

Nam

Nam tibi cum fatis mores Natura pudicos,
Et raras dotes ingeniumque dedit.
Hoc ego Pegasidas deduxi primus ad undas,
Ne male fecundæ vena periret aquæ.
Primus id aspexi teneris in virginis annis:
Utque patet, venæ duxque comesque fui.
Ergo, si remanent ignes tibi pectoris idem,
Sola tuum vates Lesbia vincet opus.
Sed vereor, ne te mea nunc Fortuna retardet;
Postque meos casus sit tibi pectus iners.
Dum licuit, tua sæpe mihi, tibi nostra legebam:
Sæpe tui iudex; sæpe magister eram.
Aut ego præbebam factis modo versibus aures,
Aut ubi cessaras, causa ruboris eram.
Forſitan exemplo, quia me læsere libelli,
Tu quoque sis pœnæ fata secuta meæ.
Pone, Perilla, metum. tantummodo femina non sit
Devia, nec scriptis discat amare tuis.
Ergo desidæ remove, doctissima, causas:
Inque bonas artes & tua sacra redi.
Ista decens facies longis vitiabitur annis:
Rugæque in antiqua fronte senilis erit.
Injicietque manum formæ damnosa senectus.
Quæ strepitum passu non faciente venit.
Cumque aliquis dicet, Fuit hæc formosa; dolebis.
Et speculum mendax esse querere tuum.
Sunt tibi opes modicæ, cum sis dignissima magnis.
Finge sed immensis censibus esse pares.
Nempe dat id cuicumque libet Fortuna, rapitque:
Irus & est subito, qui modo Cræsus erat.
Singula quid referam? nil non mortale tenemus,
Pectoris exceptis ingenique bonis.
En ego, cum patria caream; vobisque, domoque;
Raptaque sint, adimi quæ potuere, mihi;
Ingénio tamen ipse meo comitorque fruorque:
Cæsar in hoc potuit juris habere nihil.
Quilibet hanc sævo vitam mihi finiat ense;
Me tamen extincto fama superstitis erit.
Dumque suis victrix omnem de montibus orbem
Prospiciet domitum Martia Roma, legar.
Tu quoque, quam studii maneat felicior usus,
Effuge venturos, quæ potes, usque rogos.

Nunc ego Triptolemi cuperem conscendere
currus ,

Misit in ignotam qui rude semen humum :
Nunc ego Medæ vellem frænare dracones ,
Quos habuit fugiens arce , Corinthe , tua :
Nunc ego iactandas optarem sumere pennas ,
Sive tuas , Perseu ; Dædale , sive tuas :
Ut tenera nostris cedente volatibus aura
Aspicerem patriæ dulce repente solum :
Desertæque domus vultum , memoresque fœdales ,
Caraque præcipue conjugis ora mihi .
Stulte , quid ò frustra votis puerilibus optas ,
Quæ non ulla tulit , fertque , feretque , dies ?
Si semel optandum est ; Augustum numen adora :
Et , quem læssisti , rite precare , Deum .
Ille tibi pennasque potest currusque volucres
Tradere . det redditum ; protinus ales eris .
Si precer hæc (neque enim possum majora precari) ,
Ne mea sint timeo vota modesta parum .
Forſitan hoc olim , cum se satiaverit ira ,
Tum quoque sollicita mente rogandus erit .
Quod minus interea est , instar mihi muneris ampli ,
Ex his me jubeat quolibet ire locis .
Nec cœlum , nec aquæ faciunt , nec terra , nec auræ ;
Et mihi perpetuus corpora languor habet .
Seu vitiant artus ægræ contagia mentis ;
Sive mei causa est in regione mali :
Ut tetigi Pontum , vexant infomnia ; vixque
Ossa tegit macies ; nec juvat ora cibum .
Quique per autumnum percussis frigore primo
Est color in foliis , quæ nova læsit hyems :
Is mea membra tenet . nec viribus allevor ullis ;
Et nunquam queruli causa doloris adest .
Nec melius valeo , quàm corpore , mente ; sed ægra est
Utraque pars æquè , binaque damna fero .
Hæret & ante oculos veluti spectabile corpus
Adstat Fortunæ forma . legenda meæ . numque ,
Cumque locum , moresque hominum , cultusque , so-
Cernimus ; & quid sim , quid fuerimque subit ;
Tantus amor necis est , querar ut de Cæsaris ira ,
Quod non offensas vindicet ense suas .

L I B E R III.

107

At quoniam semel est odio civiliter usus,
Mutato levior sit fuga nostra loco.

E L E G I A IX.

Hic quoque sunt igitur Grajæ (quis crederet ?)
urbes ,

Inter inhumanæ nomina barbariæ.

Huc quoque Mileto missi venere coloni ,

Inque Getis Grajas constituere domos.

Sed vetus huic nomerr, positaque antiquius urbe ,

Constat ab Absyrti cæde fuisse , loco.

Nam rate , quæ cura pugnacis facta Minervæ ,

Per non tentatas prima cucurrit aquas ;

Impia desertum fugiens Medea parentem ,

Dicitur his remos applicuisse vadis.

Quem procul ut vidit tumulto speculator ab alto ,

Hospes , ait , nescio Colehide vela , venit.

Dum trepidant Minyæ , dum solvitur aggere funis ,

Dum sequitur celeres anchora tracta manus ;

Conscia percussit meritorum pectora Colchis ,

Ausa atque ausura multa nefanda manu.

Et , quanquam superest ingens audacia menti ,

Pallor in attonito virginis ore sedet.

Ergo ubi prospexit venientia vela ; Tenemur ,

Et pater est aliqua fraude morandus , ait.

Dum quid agat quærit , dū versat in omnia vultus ;

Ad fratrem casu lumina flexa tulit.

Cujus ut oblata est præsentia ; Vincimus , inquit.

Hic mihi morte sua causa salutis erit.

Protinus ignari nec quidquam tale timentis

Innocuum rigido perforat ense latus.

Atque ita divellit , divulsaque membra per agros

Dissepit in multis invenienda locis .

Neu pater ignoret , scopulo proponit in alto

Pallentesque manus , sanguineumque caput.

Ut genitor luctuque novo tardetur , & artus

Dum legit extinctos , triste moretur iter.

Inde Tomis dictus locus hic , quia fertur in illo

Membra soror fratris consecuisse sui.

E L E G I A X.

Si quis adhuc istic meminit Nasonis adempti ,
Et superest sine me nomen in Urbe meum ;

Sup.

Suppositum stellis nunquam tangentibus æquor
 Me sciat in media vivere barbarie.
 Sauromatæ cingunt fera gessis, Bessique, Getæque:
 Quam non ingenio nomina digna meo?
 Dum tamen aura tepet; medio defendimur Isthro.
 Ille suis liquidus bella repellit aquis.
 At cum tristis hyems squalentia protulit ora,
 Terraque marmoreo candida facta gelu est:
 (Dum patet & Boreas & nix injecta sub Arcto;
 Tum liquet has gentes axe tremente premi.)
 Nix jacet: & jactam nec Sol pluvixve resolvunt:
 Indurat Boreas, perpetuamque facit.
 Ergo, ubi delicuit nondum prior, altera venit:
 Et solet in multis bima manere locis.
 Tantaque commoti vis est Aquilonis; ut altas
 Æquet humo turres, testaque rapta ferat.
 Pellibus, & sutis arcent male frigora braccis;
 Oraque de toto corpore sola patent.
 Sæpe sonant moti glacie pendente capilli,
 Et nitet inducto candida barba gelu:
 Undaque consistunt formam servantia testæ,
 Vina: nec hausta meri, sed data frustra bibunt.
 Quid loquar, ut vincti concrecant frigore rivi;
 Deque lacu fragiles effodiantur aquæ?
 Ipse, papyrifero qui non angustior amne
 Misceatur vasto multa per ora freto,
 Czruleos ventis latices durantibus Ister
 Congelat, & testis in mare serpit aquis.
 Quaque rates ierant, pedibus nunc itur; & undas
 Frigore concretas ungula pulsat equi.
 Perque novos pontes subter labentibus undis
 Ducunt Sarmatici barbara plaustra boves.
 Vix equidem credar: sed cum sint præmia falsi,
 Nulla, ratam testis debet habere fidem.
 Vidimus ingentem glacie consistere pontum,
 Lubricaque immotas testa premebat aquas.
 Nec vidisse sat est. durum calcavimus æquor:
 Undaque non udo sub pede summa fuit.
 Si tibi tale fretum quondam, Leandre, fuisset?
 Non foret angustæ mors tua crimen aquæ.
 Tum neque se pandi possunt delphines in auras
 Tollere: conantes dura coerces hyems.
 Et quamvis Boreas jactatis insonet alis,

Fluctus in obfesso gurgite nullus erit.
 Includique gelu stabunt, ut marmore, puppes:
 Nec poterit rigidas findere remus aquas.
 Vidimus in glacie pisces hædere ligatos:
 Et pars ex illis tunc quoque viva fuit.
 Sive igitur nimii Boreæ vis sæva marinas,
 Sive redundatas flumine cogit aquas;
 Protinus, æquato siccis Aquilonibus-Istro,
 Invehitur celeri barbarus hostis equo:
 Hostis equo pollens longeque volante sagitta.
 Vicinam late depopulatur humum.
 Diffugiunt alii; nullisque tuentibus agros
 Incustoditæ diripiuntur opes.
 Ruris opes parvæ pecus, & stridentia plaustra:
 Et quas divitias incola pauper habet.
 Pars agitur vinctis post tergum capta læcertis,
 Respiciens frustra rura Laremque suum.
 Pars cadit hamatis miserè confixa sagittis:
 Nam volucris ferro tinctile virus inest.
 Quæ nequeunt secum ferre aut abducere, perdunt:
 Et cremat insontes hostica flamma casas.
 Tum quoque, cum pax est, trepidant formidine bellæ.
 Nec quisquam presso vomere sulcat humum.
 Aut videt, aut metuit locus hic, quem non videt,
 hostem.

Cessat iners rigido terra relicta situ.
 Non hic pampinea dulcis latet uva sub umbra:
 Nec cumulant altos fervida musta lacus.
 Poma negat regio: nec haberet Acontius, in quo
 Scriberet hic dominæ verba legenda suæ.
 Aspicere est nudos sine fronde sine arbore campos.
 Heu loca felici non adeunda viro!
 Ergo, tam late pateat cum maximus orbis,
 Hæc est in pœnam terra reperta meam?

E L E G I A XI.

SI quis es, insultes qui casibus, improbe, nostris,
 Meque reum dempto sine cruentus agas;
 Natus es è scopulis, nutritus lacte ferino;
 Et dicam siles pectus habere tuum.
 Quis gradus ulterior, quo se tua porrigat ira,
 Restat? quidve meis cernis abesse malis?
 Barbarâ me tellus, & inhospita littora Ponti,

Cum

Cumque suo Borea Mænalis urſa videt.
 Nulla mihi cum gente fera commercia linguæ;
 Omnia ſolliciti ſunt loca plena metus.
 Utque fugax avidis cervus deprenſus ab urſis,
 Cinctave montanis ut pavet agna lupis;
 Sic ego belligeris à gentibus undique ſeptus
 Terreor, hoſte meum pæne premente latus.
 Utque ſit exiguum pœnæ, quod conjuge cara,
 Quod patria careo, pignoribusque meis;
 Ut mala nulla feram, niſi nudam Cæſaris iram;
 Nuda parum nobis Cæſaris ira mali eſt?
 Et tamen eſt aliquis, qui vulnera cruda retractet;
 Solvat & in mores ora diſerta meos.
 In cauſſa facili cuiſvis licet eſſe diſerto:
 Et minimæ vires frangere quaſſa valent.
 Subruere eſt arces & ſtantia mœnia virtus:
 Quamlibet ignavi præcipitata premunt. (bram)
 Non ſum ego quod fueram. quid inanè proteris um-
 Quid cinerem ſaxis buſtaque noſtra petis?
 Hæctor erat tunc cum bello certabat; at idem
 Vincſus ad Hæmonios non erat Hæctore quos.
 Me quoque, quem noras olim, non eſſe memento.
 Ex illo ſuperant hæc ſimulacra viro.
 Quid ſimulacra, ferox, diſtis inceſſis amaris?
 Parce, precor, manes ſollicitare meos.
 Omnia verà puta mea crimina. niſi ſit in illis,
 Quod magis errorem, quam ſcelus, eſſe putes.
 Pendimus en profugi (ſaria tua pectora) pœnas,
 Exſilioque graves, exſiliiſque loco.
 Carnifici Fortuna poteſt mea ſtenda videri:
 Te tamen eſt uno iudice mœſta parum.
 Sævior eſ triſti Buſiride: ſævior illo,
 Qui falſum lento torruit igne bovem.
 Quique bovem Siculo fertur donaviſſe tyranno,
 Et diſtis artes conciliaſſe ſuas.
 Munere in hoc, Rex, eſt uſus, ſed imagine majora
 Nec ſola eſt operis forma probanda mei.
 Aſpicias à dextra latus hoc adaperſtile tauri?
 Huc tibi, quem perdes, conjiciendus erit.
 Protinus incluſum lentis carbonibus ure.
 Mugiet, & veri vox erit illa bovis.
 Pro quibus inventis, ut munus munere penſes,
 Da, precor, ingenio præmia digna meo.
 Dixit.

Dixerat. at Phalaris, Pœnz mirande repertor,
 Ipse tuum præfens imbue, dixit, opus.
 Nec mora; monstratis crudeliter ignibus ustus
 Exhibuit querulos ore tremente sonos.
 Quid mihi cum Siculis, inter Scythiamq; Getaſque?
 Ad te, quisquis is es, noſtra querela redit.
 Utque ſitim noſtro poſſis explere cruore;
 Quantaque vis, avido gaudia corde feras;
 Tot mala ſum fugiens tellure, tot æquore paſſus,
 Te quoque ut auditis poſſe dolere putem.
 Crede mihi, ſi ſit nobis collatus Ulyſſes,
 Neptuni minor eſt, quàm Jovis ira fuit.
 Ergo quicunque es, reſcindere vulnera noli;
 Deque gravi duras ulcere tolle manus:
 Utque mez famam tenuent oblivia culpa,
 Fata cicatricem ducere noſtra ſine.
 Humanæque memor ſortis, quæ tollit eoſdem,
 Et premit; incertas ipſe verere vices.
 Et quoniam, fieri quod nunquam poſſe putavi,
 Eſt tibi de rebus maxima cura meis;
 Non eſt quod timeas. Fortuna miſerrima noſtra eſt.
 Omne trahit ſecum Cæſaris ira malum.
 Quod magis ut liqueat, neve hoc tibi fingere credar;
 Ipſe velim pœnas experiare meas.

E L E G I A XII.

FRigora jam Zephyri minuunt: annoque peracto
 (Longior antiquis viſa Mæotis hyems
 Impoſitamque ſibi qui non bene pertulit Hellen,
 Tempora nocturnis æqua diurna facit.
 Jam violam puerique legunt hilareſque puellæ;
 Ruſtica quam nullo terra ſerente gerit.
 Prataque pubeſcunt variorum flore colorum,
 Indocilique loquax gutture vernat avis.
 Utque malæ crimen matris deponat hirundo,
 Sub trahibus cunas parvaque teſta facit.
 Herbaque, quæ latuit Cerealibus obruta ſulcis,
 Exſerit è tepida molle cacumen humo.
 Quoque loco eſt vitis, de palmite gemma movetur:
 Nam procul à Getico littore vitis abeſt.
 Quoque loco eſt arbor, turgeſcit in arbore ramus:
 Nam procul à Geticis ſinibus arbor abeſt.
 Otia nunc iſtic; junctiſque ex ordine ludis

Cedunt verbosi garrula bella fori :
 Usus equi nunc est, levibus nunc luditur armis :
 Nunc pila, nunc celeri volvitur orbe trochus.
 Nunc, ubi perfusa est oleo labente juvenus,
 Defessos artus Virgine tingit aqua.
 Scena viget, studiisque favor distantibus ardet :
 Proque tribus resonant terne Theatra Foris.
 O quater, & quoties non est numerare, beatum,
 Non interdicta cui licet Urbe frui!
 At mihi sentitur nix verno sole soluta,
 Quæque lacu duro vix fodiantur aquæ.
 Nec mare concrescit glaci: nec, ut ante, per Istrum
 Stridula Sauromates plaustra bibulcus agit.
 Incipient aliquæ tamen huc adnare carinæ,
 Hospitaque in Ponti litorè puppis erit;
 Sedulus occurram nautæ; distaque salute;
 Quid veniat, quæram, quisve, quibusve locis.
 Ille quidem mirum, ni de regione propinqua
 Non nisi vicinas cautus ararit aquas.
 Rarus ab Italia tantum mare navita transit:
 Littora rarus in hæc portubus orba venit.
 Sive tamen Graja scierit, sive ille Latina
 Voce loqui; certè gravior hujuserit.
 Fas quoq; ab ore freti longæque Propontidos undis
 Huc aliquem certo vela dedisse Noto.
 Quisquis is est, memori rumorem voce referre
 Et fieri famæ parsque gradusque potest.
 Is precor auditos possit narrare triumphos
 Cæsaris, & Latio reddita vota Jovi:
 Teque rebellatrix tandem Germania magni
 Triste caput pedibus supposuisse Ducis.
 Hæc mihi qui referet, quæ non vidisse dolebo,
 Ille meæ domui protinus hospes erit.
 Hei mihi! jamne domus Scythico Nasonis in orbe?
 Jamque suum mihi dat pro Lare pœna locum?
 Di faciant, Cæsar non hic penetrare domumque,
 Hospitium pœnæ sed velit esse meæ.

E L E G I A XIII.

ECce supervacuus (quid enim fuit utile gini?)
 Ad sua natalis tempora noster adest.
 Dure, quid ad miseros veniebas exulis annos?
 Debueras illis imposuisse modum.

Si tibi cura mei, vel si pudor ullus inesset :
 Non ultra patriam me sequerere meani.
 Quoq; loco primum tibi sum male cognitus infans,
 Illo tentasses ultimus esse mihi.
 Jamque relinquenda [quod idem fecere sodales]
 Tu quoque dixisses tristis in Urbe, Vale.
 Quid tibi cum Ponto? num te quoque Cæsaris ira
 Extremam gelidi misit in orbis humum?
 Scilicet exspectas soliti tibi moris honorem,
 Pendeat ex humeris vestis ut alba meis?
 Fumida cingatur florentibus ara coronis?
 Micaque sollemni thuris in igne sonet?
 Libaque dem pro me genitale notantia tempus?
 Concipiamque bonas ore favente preces?
 (Non ita sum positus: nec sunt ea tempora nobis,)
 Adventu possim lætus ut esse tuo.
 Funeris ara mihi ferali cincta cupresso
 Convenit, & structis flamma parata rogis.
 Nec dare thura libet nihil exorantia Divos:
 In tantis subeunt nec bona verba malis.
 Si tamen est aliquid nobis hac luce petendum:
 In loca ne redeas amplius ista, precor:
 Dum me terrarum pars pæne novissima Pontus,
 Euxini falso nomine dictus, habet.

E L E G I A XIV.

Cultor & antistes doctorum sancte virorum,
 Qui facis ingenio semper amice meo;
 Ecquid, ut incolumem quondam celebrare solebas,
 Nunc quoque, ne videar totus abesse, caves?
 Colligis exceptis ecquid mea carmina solis
 Artibus, artifici quæ nocuere suo?
 Immo ita fac, vatum, quæso, studiose novorum:
 Quaque potes, retine corpus in Urbe meum.
 Est fuga dicta mihi, non est fuga dicta libellis,
 Qui domini pœnam non meruere sui.
 Sæpe per extremas profugus pater exulat oras;
 Urbe tamen natis exulis esse licet.
 Palladis exemplo, de me sine matre creata
 Carmina sunt, stirps hæc progeniesque mea est.
 Hanc tibi commendo: quæ quo magis orba parente,
 Hoc tibi tutori sarcina major erit.
 Tres mihi sunt nati contagia nostra secuti:

Cætera fac curæ sit tibi turba palam.

Sunt quoque mutatz ter quinq; volumina formæ ,

Carmina de domini funere raptæ sui.

Illud opus potuit , si non prius ipse perissem ,

Certius a summa nomen habere manu.

Nunc incorrectum populi pervenit in ora :

In populi quicquam si tamen ore meum est.

Hoc quoque nescio quid nostris appone libellis,

Diverso missum quod tibi ab orbe venit.

Quod quicumque leget (si quis leget) , æstimet ante

Compositum quo sit tempore , quoque loco.

Æquus erit scriptis ; quorum cognoverit esse

Exsilium tempus , barbariemque locum.

Inque tot adversis carmen mirabitur ullum

Ducere me tristi sustinuisse manu.

Ingenium fregere meum mala : cujus & ante

Fons infœcundus parvaque vena fuit.

Sed quæcunque fuit , nullo exercente refugit ,

Et longo periit arida facta situ .

Non hic librorum , per quos inviter alarque ,

Copia. pro libris arcus & arma sonant.

Nullus in hac terra , recitem si carmina , cujus

Intellecturis auribus utar , adest .

Nec quo secedam locus est. custodia muri

Submovet infestos clausaque porta Getas.

[Sæpe aliquod verbum quæro , nomenque , locum-
que :

Nec quisquam est , à quo certior esse queam.]

Dicere sæpe aliquid conanti (turpe fateri)

Verba mihi defunt ; dedidicique loqui .

Threicio Scythicoque ferè circumsonor ore ;

Et videor Geticis scribere posse modis .

Crede mihi ; timeo ne sint immista Latinis ,

Inque meis scriptis Pontica verba legas .

Qualecunque igitur venia dignare libellum :

Sortis & excusa conditione mez .

T R I S T I U M

L I B E R IV.

E L E G I A I.

162

SI qua meis fuerint, ut erunt, vitiosa libellis;
Excusata suo tempore, lector, habe.
Exfuleram; requiesque mihi, non fama petita est:

Mens intenta suis ne foret usque malis.
Hoc est cur cantet vinctus quoque compede fossor,
Indocili numero cum grave mollit opus.
Cantet & innitens limosæ pronus arenæ
Adverso tardam qui trahit amne ratem.
Quique refert pariter lentos ad pectora remos,
In numerum pulsa brachia versat aqua.

Fessus ut incubuit baculo, saxove resedit.
Pastor; arundineo carmine mulcet oves.
Cantantis pariter, pariter data pensa trahentis
Fallitur ancillæ decipiturque labor.

Fertur & abducta Lyrnesside trîstis Achilles
Hæmonia curas attenuasse lyra.

Cum traheret sylvas Orpheus, & dura canendo
Saxa; his amissa conjuge mœstus erat.

Me quoque Musa levat Ponti loca jussa petentem.
Sola comes nostræ perstitit illa fugæ.

Sola nec insidias, Threci nec militis ensem,
Nec mare, nec ventos, barbariemque timet.

Scit quoque, cum perii, quis me deceperit error:
Et culpam in facto, non scelus, esse meo.

Scilicet hoc ipso nunc æqua, quod obfuit ante,
Cum mecum juncti criminis acta rea est.

Non equidem vellem, quoniam nocitura fuerunt,
Pieridum sacris imposuisse manum.

Sed nunc quid faciam? vis me tenet ipsa sororum:
Et carmen demens carmine læsus amo.

Sic nova Dulichio lotos gustata palato,
Illo, quo nocuit, grata sapore fuit.

Sentit amans sua damna fere; tamen hæret in illis:
Materiam culpæ persequiturque suæ.

Nos quoque delectant, quamvis nocuere, libelli:
Quodque mihi telum vulnera fecit, amo.

Forſitan hoc studium possit furor esse videri:

H

Sed

Sed quiddam furor hic utilitatis habet.
Semper in obtutu mentem vetat esse malorum ;
Præsentis casus immemoremque facit.
Utque suum Bacchis non sentit faucia vulnus ,
Dum stupet Edonis exululata jugis ;
Sic, ubi mota calent viridi mea pectora thyrso ,
Altior humano spiritus ille malo est.
(Ille nec exilium , Scythici nec littora ponti ,
Ille nec iratos sentit habere Deos.)
Utque soporiferæ biberem si pocula Lethes.
Temporis adversi sic mihi sensus hebet.
Jure Deas igitur veneror mala nostra levantes ;
Sollicitæ comites ex Helicone fugæ :
Et partim pelago , partim vestigia terra ,
Vel rate dignatas , vel pede nostra sequi.
Sint precor hæc saltem faciles mihi : Namq; Deorum
Cætera cum magno Cæsare turba facit.
Neque tot adversis cumulant , quot littus arenas ,
Quotque fretum pisces , ovaque piscis habet.
Vere prius flores , æstu numerabis aristas ,
Poma per autumnum , frigoribusque nives ;
Quam mala , quæ toto patior jactatus in orbe ,
Dum, miser Euxini littora læva peto.
Nec tamen , ut veni , levior fortuna malorum est ;
Huc quoque sunt nostras fata secuta vias.
Nec quoque cognosco natalis stamina nostri ;
Stamina de nigro vellere facta mihi.
Utque nec insidias , capitisque pericula narrem ,
Vera quidem , vera sed graviora fide ;
Vivere quam miserum est inter Bessosque Getasque
Illi , qui populi semper in ore fuit :
Quàm miserum , porta vitam muroque tueri ,
Vixque sui tutum viribus esse loci !
Aspera militis juvenis certamina fugi ,
Nec nisi lusura movimus arma manu.
Nunc senior gladioque latus scutoque sinistram ,
Canitiem galeæ subiicioque meam.
Nam dedit è specula custos ubi signa tumultus ;
Induimur trepida protinus arma manu.
Hostis , habens arcus imbutaque tela veneno ,
Sævus anhelanti mœnia lustrat equo.
Utque rapax pecudem , quæ se non texit ovili ,
Per fata , per sylvas , fertque trahitque lupus ,
Sic ,

Sic, & quem nondum portarum sepe receptum
 Barbarus in campis repperit hostis, agit.
 Aut sequitur captus, coniectaque vincula collo
 Accipit; aut telo virus habente cadit.
 Hic ego sollicitæ jaceo novus incola sedis.
 Heu nimium fati tempora longa mei!
 Et tamen ad numeros antiquaque sacra reverti
 Sustinet in tantis hospita Musa malis. (quî
 Sed neq; cui recitem quisquâ est, mea carmina; nec
 Auribus accipiat verba Latina suis.
 Ipse mihi [quid enim faciam?] scriboque, legoque:
 Tutaque judicio littera nostra suo est.
 Sæpe tamen dixi, Cui nunc hæc cura laborat?
 An mea Sauromatæ scripta Getæque legent?
 Sæpe etiam lacrymæ me sunt scribente profusæ,
 Humidaque est fletu littera facta meo.
 Corque vetusta meum tanquâ nova vulnera sentit;
 Inque sinum mœstæ labitur imber aquæ.
 Cum vice mutata quid sîm fuerimque recordor,
 Et tulerit quo me casus, & unde, subit;
 Sæpe manus demens studiis irata malignis
 Misit in arsfuros carmina nostra focos.
 Atque ita de multis, quoniam non multa supersunt,
 Cum venia facito, quisquis es, ista legas.
 Tu quoque non melius, quam sunt mea tempora,
 carmen

Interdicta mihi consule Roma boni.

ELEGIA II.

JAm fera Cæsaribus Germania, totus ut orbis,
 Victa potes flexo succubuisse genu:
 Altaque velentur fortasse Palatia fertis;
 Thuraque in igne sonent, inficiantque diem;
 Candidaque adducta collum percussa securi
 Victima purpureo sanguine tingat humum:
 Donaque amicorum templis promissa Deorum
 Reddere victores Cæsar uterque parent;
 Et qui Cæsareo juvenes sub nomine crescunt,
 Perpetuo terras ut domus ista regat:
 Cumque bonis nuriis pro sospite Livia nato
 Munera det meritis, sæpe data, Deis:
 Et pariter matres, & quæ sine crimine castos
 Perpetua servant virginitate focos.

Plebs pia, cumque pia latentur Plebe Senatus;
 Parvaque cujus eram pars ego nuper, Eques.
 Nos procul expulsos communia gaudia fallunt:
 Famaque tam longe non nisi parva venit.
 Ergo omnis poterit populus spectare triumphos;
 Cumque ducum titulis oppida capta leget:
 Vinculaque captiva Reges cervice gerentes
 Ante coronatos ire videbit equos:
 Et cernet vultus aliis pro tempore versos,
 Terribiles aliis, immemoresque sui.
 Quorum pars causas, & res, & nomina quæret:
 Pars referet, quamvis noverit ipsa parum.
 Is, qui Sidonio fulget sublimis in ostro,
 Dux fuerat belli: proximus ille duci.
 Hic, qui nunc in humo lumen miserabile figit,
 Non isto vultu, cum tulit arma, fuit.
 Ille ferox, oculis & adhuc hostilibus ardens,
 Hortator pugnae consiliumque fuit.
 Perfidus hic nostros inclusit fraude locorum,
 Squallida promissis qui tegit ora comis.
 Illo, qui sequitur, dicunt mastata ministro
 Sæpe recusanti corpora capta Deo.
 Hic lacus, hi montes, hæc tot castella, tot amnes,
 Plena feræ cædis, plena cruoris erant.
 Drusus in his quondam meruit cognomina terris,
 Quæ bona progenies digna parente fuit.
 Cornibus hic fractis viridi male tectus ab ulva,
 Decolor ipse suo sanguine Rhænus erit.
 Crinibus en etiam fertur Germania passis,
 Et Ducis invicti sub pede mæsta sedet.
 Collaque Romanæ præbens animosa securi
 Vincula fert illa, qua tulit arma manu.
 Hos super in curru, Cæsar, victore veheris
 Purpureus populi rite per ora tui.
 Quaque ibis manibus circumplaudere tuorum;
 Undique jactato flore tegente vias.
 Tempora Phœbea lauro cingetur: Joque,
 Miles, io, magna voce, Triumphæ, canet.
 Ipse sono, plausuque simul, fremituque canentum
 Quadrifugos cernes sæpe resistere equos.
 Inde rates arcem & delubra faventia votis.
 Inde ædificat merito laurea vota Jovi.
 Nec tunc, nec votus, qua possum, mente videbo:
 Bre-

Erepti nobis jus habet illa loci.
 Illa per immensas spatiatur libera terras:
 In cœlum celeri pervenit illa via.
 Illa meos oculos mediam deducit in urbem;
 Immunes tanti nec finit esse boni.
 Invenietque viam, qua currus spectet eburnos.
 Sic certè in patria per breve tempus ero.
 Vera tamen populus capiet spectacula felix:
 Lætaque erit præsens cum Duce turba suo.
 At mihi fingenti tantum longeque remoto
 Auribus hic fructus percipiendus erit.
 Aque procul Latio diversum missus in orbem,
 Qui narret cupido, vix erit, ista mihi.
 Is quoq; jam serum referet veteremq; triumphum.
 Quo tamen audiero tempore, lætus ero.
 Illa dies veniet, mea qua lugubria ponam;
 Causaque privata publica major erit.

E L E G I A III.

Magna minorque feræ, quarum regis altera
 Grajas,
 Altera Sidonias, utraque sicca, rates:
 Omnia cum summo positæ videatis in axe,
 Et maris occiduas non subeatis aquas,
 Æthereamque suis cingens amplexibus arcem,
 Vester ab intacta circulus exstet humo;
 Aspicite illa, precor, quæ non bene menia quondam
 Dicitur Iliades transiluisse Remus.
 Inque meam nitidos dominam convertite vultus:
 Sitque memor nostri necne, referte mihi.
 Hei mihi! cur nimium, quæ sunt manifesta, requiro?
 Cur labat ambiguo spes mihi mista metu?
 Crede quod est, quod vis; ac desine tutâ vereri:
 Deque fide certa sit tibi certa fides.
 Quodque polo fixæ nequeunt tibi dicere flammæ,
 Non mentitura tu tibi voce refer:
 Esse tui memorem, de qua tibi maxima cura est;
 Quodque potest, secum nomen habere tuum.
 Vultibus illa tuis tanquam præsentis inhæret,
 Teque remota procul, si modo vivit, amat.
 Ecquid, ut incubuit iusto mens ægra dolori,
 Lenis ab admonito pectore somnus abit?
 Tunc subeunt curæ, dum te lectusque, locusque

Tangit, & oblitam non finit esse mei.
Et veniunt æstus, & nox immensa videtur;
Fessaque jactati corporis ossa dolent.
Non equidem dubito, quin hæc & cætera fiant;
Detque tuus casti signa doloris amor:
Nec cruciere minus, quam cum Thebana cruentum
Hæctora Theſſalico vidit ab axe rapti.
Quid tamen ipse precer dubito; nec dicere possum,
Affectum quem te mentis habere velim.
Tristis es? indignor, quod sum tibi causa doloris:
Non es? ut amisso conjuge digna fores.
Tu vero tua damna dole, mitissima conjux;
Tempus & à nostris exige triste malis:
Fleque meos casus. est quædam flere voluptas.
Expletur lacrymis egeriturque dolor.
Atque utinam lugenda tibi non vita, sed effret
Mors mea: morte fores sola relicta mea!
Spiritus hic per te patrias exisset in auras!
Sparſiſſent lacrymæ pectora nostra piz!
Supremoque die notum spectantia cælum
Texiſſent digiti lumina nostra tui!
Et cinis intumulo positus jacuiſſet avito!
Tactaque nascenti corpus haberet humus!
Denique & ut, vixi, sine crimine mortuus essem!
Nunc mea supplicio vita pudenda suo est.
Me miserum, si tu, cum diceris exfulis uxor,
Avertis vultus, & subit ora rubor?
Me miserum, si turpe putas mihi nupta videri!
Me miserum, si te jam pudet esse meam!
Tempus ubi est illud, quo me jactare solebas
Conjuge? nec nomen dissimulare viri?
Tempus ubi est, quo te (nisi si fugis illa referre)
Et dici memini, juvit & esse meam?
Utque probæ dignum est, omni tibi dote placebam.
Addebat veris multa faventis amor.
Nec quem præferres (ita res tibi magna videbar)
Quemve tuum malles esse, vir alter erat.
Nunc quoq; ne pudeat, quod sis mihi nupta: tuusq;
Non dolor hinc debet, debet abesse pudor.
Cum cecidit Capaneus subito temerarius ictu:
Num legis Evadnen erubuisse viro?
Nec, quia Rex mundi compescuit ignibus ignes,
Ipse tuis, Phaethon, inficiandus eras.

Nec

Nec Semele Cadmo facta est aliena parenti,
 Quod precibus periit ambitiosa suis.
Nec tibi, quod sævis ego sum Jovis ignibus ictus,
 Purpureus molli fiat in ore rubor :
Sed magis in nostri curam consurge tuendi,
 Exemplumque mihi conjugis esto bonæ :
Materiamque tuis tristem virtutibus imple.
 Ardua per præceps gloria vadat iter .
Hectora quis nosset, si felix Troja fuisset ?
 Publica Virtuti per mala facta via est .
Ars tua, Tiphys, vacet, si non sit in æquore fluctus :
 Si valeant homines, ars tua, Phœbe, vacet .
Quæ latet, inque bonis cessat non cognita rebus,
 Apparet virtus arguiturque malis .
Dat tibi nostra locum tituli Fortuna ; caputque
 Conspicuum, pietas qua tua tollat habet .
Utere temporibus, quorum nunc munere freta es .
 En patet in laudes area lata tuas .

E L E G I A I V.

O Qui, nominibus cum sis generosus avitis,
 Exsuperas morum nobilitate genus :
 Cujus inest animo patrii candoris imago,
 Non careat nervis candor ut iste suis :
 Cujus in ingenio patriæ facundia linguæ est,
 Qua prior in Latio non fuit ulla Foro :
 Quod minime volui, positis pro nomine signis,
 Dictus es. ignoscas laudibus ista tuis .
 Nil ego peccavi. tua te bona cognita produnt .
 Si, quod es, appares; culpa soluta mea est .
 Nec tamen officium nostro tibi carmine factum,
 Principe tam justo, posse nocere puta .
 Ipse Pater Patriæ, [quid enim civilius illo ?]
 Sustinet in nostro carmine sæpe legi .
 Nec prohibere potest, quia res est publica, Cæsar;
 Et de communi pars quoque nostra bono est .
 Jupiter ingeniis præbet sua numina vatum ;
 Seque celebrari quolibet ore sinit .
 Causa tua exemplo Superiorum tuta duorum est :
 Quorum hic aspicitur, creditur ille Deus .
 Ut non debuerim, tamen hoc ego crimen amabo :
 Non fuit arbitrii littera nostra tui .
 [Nec nova, quod tecum loquor, est injuria nostra.]

Incolumis cum quo sæpe locutus eram.
Quo vereare minus, ne sis tibi crimen amicus;
Invidiam, si qua est, auctor habere potest.
Nam tuus est primis cultus mihi semper ab annis
(Hoc noli certò dissimulare) pater;
Ingeniumque meum (potes hæc meminisse) probabat:
Plusetiam, quam me iudice dignus eram.
Deque meis illo referebat versibus ore,
In quo pars altæ nobilitatis erat.
Non igitur tibi nunc, quod me domus ista recepit,
Sed prius auctori sunt data verba tuo. (actis
Nec data sunt, mihi crede, tamen: sed in omnibus
Ultima si demas, vita tuenda mea est.
Hanc quoque, quæ perii, culpam, scelus esse negabis,
Si tanti series sit tibi nota mali.
Aut timor, aut error nobis prius, obfuit error:
Ah sine me fati non meminisse mei?
Neve retractando nondum coeuntia rumpam.
Vulnera; vix illis proderit ipsa quies.
Ergo ut jure damus pœnas; sic abfuit omne
Peccato facinus consiliumque meo.
Idque Deus sentit: pro quo nec lumen ademptū est;
Nec mihi detractas possidet alter opes.
Forsthan hanc ipsam [vivat modò] finiet olim,
Tempore cum fuerit lenior ira, fugam.
Nunc precor hinc alio jubeat discedere; si non
Nostra verecundo vota pudore carent.
Mitius exsilium pauloque propinquius opto:
Quique sit a sævo longius hoste, locum.
Quantaque in Augusto clementia; si quis ab illo
Hoc peteret pro me, forsthan ille daret.
Frigida me cohibent Euxini littora Pontis
Dictus ab antiquis Axenus ille fuit.
Nam neque jactantur moderatis æquora ventis:
Nec placidos portus hospita navis adit.
Sunt circa gentes, quæ prædam sanguine quarant:
Nec minus infida terra timetur aqua.
Illi, quos audis hominum gaudere cruore,
Pene sub ejusdem sideris axe jacent.
Nec procul à nobis locus est, ubi Taurica dira
Cæde pharetratæ pascitur ara Deæ.
Hæc prius, ut memorant, non invidiosa nefandis,
Nec cupienda bonis, regna Thoantis erant
Hic,

Hic , pro supposita virgo Pelopeia cerva
 Sacra Deæ coluit qualiacunque suæ .
 Quo postquam , dubium pius an sceleratus , Orestes
 Exactus furiis venerat ipse suis ,
 Et comes exemplum veri Phocæus amoris ;
 Qui duo corporibus , mentibus unus erant ;
 Protinus evincti Triviæ ducuntur ad aram ,
 Quæ stabat geminas ante cruenta fores . (lum :
 Nec tamen hunc sua mors , neq̃ mors sua terruit il-
 Alter ob alterius funera mæstus erat .
 Et jam constiterat stricto mucrone sacerdos ;
 Cinxerat & Grajas barbara vitta comas ;
 Cum vice sermonis fratrem cognovit , & illi
 Pro nece complexus Iphigenia dedit .
 Læta Deæ signum crudelia sacra perosæ
 Transtulit ex illis in meliora locis .
 Hæc igitur regio , magni penetralia mundi ,
 Quam fugere homines Diq̃ , propinqua mihi est .
 Atque meam terram prope sunt funebria sacra ,
 Si modo Nafoni barbara terra sua est .
 Outinam venti , quibus est ablatas Orestes ,
 Placato referant & mea vela Deo !

E L E G I A V.

O Mibi dilectos inter fors prima sodales ,
 Unica fortunis ara reperta meis :
 Cujus ab alloquiis anima hæc moribunda revixit ,
 Ut vigil infusa Pallade flamma solet :
 Qui veritus non es portus aperire fideles ,
 Fulmine percussæ confugiumque rati ;
 Cujuseram censu non me sensurus egentem ,
 Si Cæsar patrias eripuisset opes :
 Temporis oblitum dum me rapit impetus hujus ,
 Excidit heu nomen quam mihi pene tuum ?
 Te tamen agnoscis , tactusque cupidine laudis ,
 Ille ego sum , cuperes dicere posse palam .
 Certè ego si sineres , titulum tibi reddere vellem ,
 Et raram famæ conciliare fidem .
 Ne noceam grato vereor tibi carmine , neve
 Intempestivus nominis obstet honos .
 Quod licet & tutum est , intra tua pectora gaude ,
 Meque tui memorem , teque fuisse mei .
 Utque facis remis ad opem luctare ferendam ,

H ;

Dum

Dum veniat placido mollior ira Deo :
 Et tutare caput nulli servabile ; si non
 Qui merſit Stygia , ſublevet illud , aqua .
 Teque , quod eſt rarum , præſta conſtanter ad omne
 Indeclinatæ munus amicitia .
 Sic tua proceſſus habeat Fortuna perennes :
 Sic ope non egeas ipſe , juveſque tuos .
 Sic æquet tua nupta virum bonitate perenni ;
 Incidat & veſtro rara querela toro :
 Diligat & ſemper ſocius te ſanguinis illo ,
 Quo pius affectu Caſtora frater amat .
 Sic juvenis , ſimiliſque tibi ſit natus , & illum
 Moribus agnoſcat quilibet eſſe tuum .
 Sic ſocerum faciat tæda te nata jugali ;
 Nectardum juveni det tibi nomen avi .

E L E G I A VI.

Tempore ruricolæ patiens ſit taurus aratri ,
 Præbet & incurvo colla premenda jugo :
 Tempore paret equus lentis animoſus habenis ,
 Et placido duros accipit ore lupos .
 Tempore Pœnorum compeſcitur ira leonum :
 Nec feritas animo , quæ fuit ante , manet .
 Quæque ſui monitis obtemperat Inda magiſtri
 Bellæ , ſervitium tempore victa ſubit .
 Tempus , ut extentis tumeat facit uva racemis ,
 Vixque merum capiant grana , quod intus habent .
 Tempus & in canas ſemen producit ariſtas :
 Et ne ſint triſti poma ſapore facit .
 Hoc tenuat dentem terras renovantis aratri ,
 Hoc rigidos ſilices , hoc adamanta terit ,
 Hoc etiam ſævas paulatim mitigat iras :
 Hoc minuit luſtus , mœſtaque corda levat .
 Cuncta poteſt igitur tacito pede lapſa vetuſtas ,
 Præterquam curas attenuare meas .
 Ut patria careo ; bis frugibus area trita eſt :
 Diſſiluit nudo preſſa bis uva pede .
 Nec quæſita tamen ſpatio patientia longo eſt ;
 Menſque mali ſenſum noſtra recentis habet .
 Scilicet & veteres fugiunt jуга curva juvenis .
 Et domitus fræno ſæpe repugnat equus .
 Triſtior eſt etiam præſens ærumna priore :
 Ut ſit enim ſibi par , crevit , & auſta mora eſt .

Nec

Nec tam nota mihi quàm sunt, mala nostra fuerunt:
 Sed magis hoc, quo sunt cognitiora, gravant.
 Est quoque non minimum vires afferre recentes:
 Nec præconsumptum temporis esse malis.
Fortior in fulva novus est luctator arena,
 Quàm cui sunt tarda brachia fessa mora.
Integer est nitidis melior gladiator in armis,
 Quam cui tela suo sanguine tincta rubent.
Fert bene præcipientis navis modo facta procellas:
 Quamlibet exiguo solvitur imbre vetus.
Nos quoque quæ ferimus, tulimus patientius ante;
 Et mala sunt longo multiplicata die.
 [Credite, deficio, nostroque a corpore quantum
 Auguror, accedunt tempora parva malis.]
Nam neque sunt vires, nec qui color esse solebat:
 Vixque habeo tenuem, quæ tegat ossa, cutem.
Corpore sed mens est ægro magis ægra, malique
 In circumspectu stat sine fine sui.
Urbis abest facies, absunt mea cura sodales:
 Et, qua nulla mihi carior, uxor abest.
Vulgas adest Scythicum, braccataq; turba Getarum.
 Sic male, quæ video, non videoque nocent:
 Una tamen spes est, quæ me soletur in istis:
 Hæc fore morte mea non diuturna mala.

E L E G I A VII.

Bis me Sol adiit gelidæ post frigora brumæ,
 Bisque suum tacto Pisce peregit iter,
 Tempore tam longo cur non tua dextera versus
 Quamlibet in paucos officiosa fuit?
 Cur tua cessavit pietas, scribentibus illis,
 Exiguus nobis cum quibus usus erat?
 Cur quoties alicui chartæ sua vincula demsi;
 Illam speravi nomen habere tuum?
 Di faciant, ut sæpe tua sit epistola dextra
 Scripta, sed è multis reddita nulla mihi?
 Quod precor, esse liquet credam prius ora Medusæ
 Gorgonis anguineis cincta fuisse comis:
 Esse canes utero sub virginis: esse Chimæram,
 A truce quæ flammis separet angue leam:
 Quadrupedesq; hominū cum pectore pectora iūctos,
 Tergeminumque virum, tergeminumq; canem:
 Sphingaque, & Harpyias, serpentipedesq; Gigantas:

Centimanumque Gygen, semibovemque virum :
Hæc ego cuncta prius, quàm te, carissime, credam
Mutatum curam deposuisse mei.

Innumeri montes inter me teque, vizque ;
Fluminaque, & campi, nec freta pauca, jacent.
Mille potest causis, à te quæ littera sæpe
Missa sit, in nostras nulla venire manus.
Mille tamen causas scribendo vince frequentet :
Excusem ne te semper, amice, mihi.

E L E G I A VIII.

JAm mea cygneas imitantur tempora plumas,
Inficit & nigras alba senecta comas :
Jam subeunt anni fragiles, & inertior ætas :
Jamque parum firmo me mihi ferre grave est.
Nunc erat, ut posito deberem sine laborum
Vivere, me nullo sollicitante metu :
Quæque meæ semper placuerunt otia menti,
Carpere ; & in studiis molliter esse meis :
Et parvam celebrare domum, veteresque Penates ;
Et quæ nunc domino rura paterna carent :
[Inque sinu dominæ, carisque nepotibus, inque
Securus patria consenuisse mea]
Hæc mea sic quondam peragi speraverat ætas :
Hos ego sic annos ponere dignus eram.
Non ita Dis visum : qui me terraque marique
Actum Sarmaticis exposuere locis.
In cava ducuntur quassæ navalia puppes,
Ne temerè in mediis dissoluantur aquis.
(Ne cadat, & multas palmas inhonestet adeptas,
Languidus in pratis gramina carpit equus.)
Miles, ut emeritis non est satis utilis annis,
Ponit ad antiquos, quæ tulit arma, Lares.
Sic igitur tarda vires minuente senecta,
Me quoque donari jam rude, tempus erat.
Tempus erat. nec me peregrinum ducere cælum,
Nec siccam Getico fonte levare sitim :
Sed modo, quos habui, vacuum secedere in hortos :
Nunc hominum visu rursus, & Urbe frui.
Sic animo quondam non divinante futura
Optabam placidè vivere posse senex.
Fata repugnarunt : quæ, cum mihi tempora prima
Mollia præbuerint, posteriora gravant.

Jam-

Tamque, decem lustris omni sine labe peractis,
 Parte premor vitæ deteriore mez.
Nec procul à metis, quas pæne tenere videbar,
 Curriculo gravis est facta ruina meo.
Ergo illum demens in me sævire coegi,
 Mitius immensus quo nihil orbis habet?
Ipsaque delictis victa est clementia nostris;
 Nec tamen errori vita negata meo?
Vita procul patria peragenda sub axe Boreo,
 Qua mæris Euxini terra sinistra jacet.
Hoc mihi si Delphi, Dodonaque diceret ipsa:
 Esse viderentur vanus uterque locus.
 (Nil adeo validum est, adamas licet alliget illud,
 Ut maneat rapido firmitus igne Jovis.)
Nil ita sublime est, supraque pericula tendit,
 Non sit ut inferius suppositumque Deo.
Nam quamquam vitio pars est contracta malorum,
 Plus tamen exitii numinis ira dedit.
At vos admoniti nostris quoque casibus este,
 Æquantem Superos emeruisse virum.

E L E G I A IX..

Si licet, & pateris, nomen facinusque tacebo,
 Et tua Lethæis acta dabuntur aquis:
Nostraque vincetur lacrymis clementia seris.
 Fac modò te pateat pœnituisse tui.
Fac modò te damnes, cupiasque eradere vitæ
 Tempora, si possis, Tisiphonza tuæ.
Sin minus, & flagrant odio tua pectora nostro;
 Induet infelix arma coacta dolor.
Sim licet extremum, sicut sum, missus in orbem;
 Nostra suas istuc porriget ira manus.
Omnia, si nescis, Cæsar mihi jura reliquit:
 Et sola est patria pœna carere mea.
Et patriam, modò sit sospes, speramus ab illo.
 Sæpe Jovis telo quercus adusta viret.
Denique vindictæ si sit mihi nulla facultas;
 Pierides vires & sua tela dabunt.
Ut Scythicis habitem longe submotus in oris,
 Siccaque sint oculis proxima signa meis:
Nostra per immensas ibunt præconia gentes;
 Quodque querar, notum, qua patet orbis, erit.
Ibit ad occasum, quicquid dicemus, ab ortu:
Testis

Testis & Hesperiaz vocis Eous erit.
 Trans ego tellurem, trans latas audiar undas.
 Et gemitus vox est magna futura mei.
 Nec tua te fontem tantummodo secula norint
 Perpetuæ crimen posteritatis eris.
 Jam feror in pugnas, & nondam cornua sumfi.
 Nec mihi sumendi causa sit ulla, velim.
 Circus adhuc cessat: spargit tamen acer arenam
 Taurus, & infesto jam pede pulsat humum.
 Hoc quoque, quam volui, plus est, cane, Musa, rece-
 dum licet huic nomen dissimulare suum. (ptus;

E L E G I A X.

Ille ego, qui fuerim, tenerorum lusor amorum.
 Quem legis, ut noris, accipe, posteritas.
 Sulmo mihi patria est gelidis uberrimus undis,
 Millia qui novies distat ab urbe decem.
 Editus hic ego sum: nec non, ut tempora noris,
 Cum cecidit fato Consul uterque pari.
 Si quid & à proavis usque est vetus ordinis hæres.
 Non modo Fortunæ munere factus eques.
 Nec stirps prima fui; genito jam fratre creatus;
 Qui tribus ante quater mensibus ortus erat.
 Lucifer amborum natalibus adfuit idem:
 Una celebrata est per duo liba dies.
 Hæc est armiferæ festis de quinque Minervæ,
 Quæ fieri pugna prima cruenta solet.
 Protinus excolimur teneri, curaque parentis
 Imus ad insignes Urbis ab arte viros.
 Frater ad eloquium viridi tendebat ab ævo,
 Fortia verbosi natus ad arma Fori.
 At mihi jam puero cælestia sacra placebant;
 Inque suum furtim Musæ trahebat opus.
 Sæpe pater dixit, Studium quid inutile tentas?
 Mæonides nullas ipse reliquit opes.
 Motus eram dictis: totoque Helicone relicto,
 Scribere conabar verba soluta modis.
 Sponte sua carmen numeros veniebat ad aptos:
 Et, quod tentaham dicere, versus erat.
 Interea, tacito passu labentibus annis,
 Liberior fratri sumta, mihiq; toga est:
 Induiturque humeris cum lato purpura clavo:
 Et studium nobis, quod fuit ante, manet.
 Jam.

Jamque decem vitæ frater geminaverat annos,
 Cum perit; & cœpi parte carere mei.
 Cœpimus & teneræ primos ætatis honores;
 Equæ viris quondam pars tribus una fuit.
 Curia restabat: clavi mensura coacta est.
 Majus erat nostris viribus illud onus.
 Nec patiens corpus, nec mens fuit apta labori,
 Sollicitæque fugax ambitionis eram:
 Et petere Aoniæ suadebant tuta sorores.
 Otia judicio semper amata meo.
 Temporis illius colui fovique poetas;
 Quotque aderant vates, rebar adesse Deos.
 Sæpe suas volucres legit mihi grandior ævo,
 Quæque necet serpens, quæ juvet herba, Macer.
 Sæpe suos solitus recitare Propertius ignes;
 Jure sodalitii qui mihi junctus erat.
 Ponticus Heroo, Bassus quoque clarus Jambæ
 Dulcia convictus membra fuere mei.
 Et tenuit nostras, numerosus Horatius aures;
 Dum ferit Ausonia carmina culta lyra.
 Virgilium vidi tantum: nec avara Tibullo
 Tempus amicitiae fata dedere meæ.
 Successor fuit hic tibi, Galle; Propertius illi.
 Quartus ab his serie temporis ipse fui.
 Utque ego majores, sic me coluere minores:
 Notaque non tarde facta Thalia mea est.
 Carmina cum primum populo juvenilia legi;
 Barba resecta mihi bisve semelve fuit.
 Moverat ingenium totam cantata per Urbem.
 Nomine non vero dicta Corinna mihi.
 Multa quidem scripsi: sed quæ vitiosa putavi,
 Emendaturis ignibus ipse dedi. [mavi
 Tum quoque cum fugerem, quædam placitura cre-
 Iratus studio carminibusque meis.
 Molle, Cupidineis nec inexpugnabile telis
 Cor mihi, quodque levis causa moveret, erat.
 Cum tamen hoc essem, minimoque accenderet igni;
 Nomine sub nostro fabula nulla fuit.
 Pæne mihi puero nec digna, nec utilis uxor
 Est data: quæ tempus per breve nupta fuit.
 Illi successit, quamvis sine crimine, coniux;
 Non tamen in nostro firma futura toro.
 Ultima, quæ mecum serps permansit in annos,
 Su-

Sustinuit conjux exulis esse viri .
 Filia bis prima mea me secunda juventa ;
 Sed non ex uno conjuge , fecit avum .
 Et jam complerat genitor sua fata ; novemque
 Addiderat lustris altera lustra novem .
 Non aliter flevi , quam me fleturus ademtum
 Ille fuit . matri proxima iusta tuli .
 Felices ambo , tempestiveque sepulti ,
 Ante diem pœnz quod periere meæ !
 Me quoque felicem , quod non viventibus illis
 Sum miser ; & de me quod doluere nihil .
 Sitamen extinctis aliquid , nisi nomina , restat ,
 Et gracilis structos effugit umbra rogos ;
 Fama , parentales , si vos mea contigit , umbræ ;
 Et sunt in Stygio crimina nostra foro ;
 Scite , precor , causam [nec vos mihi fallere fas est]
 Errorem iussæ , non scelus , esse fugæ .
 Manibus id satis est . ad vos studiosa revertor
 Pectora , qui vitæ quæritis acta meæ .
 Jam mihi canities , pulsus melioribus annis ,
 Venerat , antiquas miscueratque comas :
 Postque meos ortos Pisza vinctus oliva
 Abstulerat decies præmia victor eques :
 Cum maris Euxini positos ad læva Tomitas
 Quærere me læsi Principis ira jubet .
 Causa meæ cunctis nimium quoque nota ruinæ ,
 Indicio non est testificanda meo . (centes.
 Quid referam comitumque nefas ? famulosque no-
 Ipsa multa tuli non leviora fuga .
 Indignata malis mens est succumbere ; seque
 Præstitit invictam viribus usa suis ;
 Oblitusque mei , ductæque per otia vitæ ,
 Insolita cepi temporis arma manu .
 Torque tuli terra casus pelagoque , quot inter
 Occultum stellæ conspicuumque polum .
 Tacta mihi tandem longis erroribus acta
 Juncta pharetratis Sarmatis ora Getis .
 Hic ego , finitimis quamvis circumsonor armis ,
 Tristia , quo possum , carmine fata levo .
 Quod , quamvis nemo est , cujus referatur ad aures :
 Sic tamen absumo decipioque diem .
 Ergo , quod vivo , durisque laboribus obsto ,
 Nec me sollicitæ tædia lucis habent .

Gratia, Musa, tibi. nam tu solatia præbes;
 Tu curæ requies, tu medicina mali:
 Tu dux, tu comes es: tu nos abducis ab Istro;
 In medioque mihi das Helicone locum.
 Tu mihi (quod rarum) vivo sublime dedisti
 Nomen; ab exsequiis quod dare Fama solet.
 Nec, qui detractat præsentia, Livor iniquus
 Ullum de nostris dente momordit opus.
 Nam tulerint magnos cum sæcula nostra poetas;
 Non fuit ingenio Fama maligna meo.
 Cumq; ego præponam multos mihi; non minor illis
 Dicor: & in toto plurimus orbe legor.
 Si quid habent igitur vatum præfagia veri:
 Protinus ut moriar, non ero, terra, tuus.
 Sive favore tui, sive hanc ego carmine famam
 Jure; tibi grates, candide lector, ago.

T R I S T I U M

L I B E R V.

E L E G I A I.

Hunc quoque de Getico, nostri studiose,
 libellum
 Littore, præmissis quattuor adde meis.
 Hic quoque talis erit, qualis Fortuna poetæ.
 Invenies toto carmine dulce nihil.
 Flebilis ut noster status est, ita flebile carmen;
 Materiarum scripto conveniente suarum.
 Integer & lætus læta & juvenilia lusi:
 Illa tamen nunc me composuisse piget.
 Ut cecidi, subiti perago præconia casus;
 Sumque argumenti conditor ipse mei.
 Utque jacens ripa deslere Caystrius ales
 Dicitur ore suam deficiente necem:
 Sic ego Sarmaticas longe projectus in oras
 Efficio tacitum ne mihi funus eat.
 Delicias si quis lascivaque carmina querit;
 [Præmoneo nunquam scripta quod ista legat.]
 Aptior huic Gallus, blandique Propertius oris,
 Aptior ingenium come Tibullus erit.
 Atque utinam numero ne nos essemus in isto?
 Hei

Hei mihi? cur unquam Musa jocata mea est?
 Sed dedimus pœnas: Scythique in finibus Istri
 Ille pharetrati lufor Amoris abest.
 Quod superest, animos ad publica carmina flexi;
 Et memores jussi nominis esse fui.
 Si tamen è vobis aliquis tam multa requirer,
 Unde dolenda canam: multa dolenda tuli.
 Non hæc ingenio, non hæc componimus arte.
 Materia est propriis ingeniosa malis.
 Et quota Fortunæ pars est in carmine nostræ?
 Felix, qui patitur, quæ numerare valet!
 Quot frutices silvæ, quot flavas Tybris arenas,
 Mollia quot Martis gramina campus habet;
 Tot mala pertulimus: quorum medicina, quiesque
 Nulla, nisi in studio, Pieridumque mora est.
 Quis tibi, Naso, modus lacrymosi carminis? inquis.
 Idem, Fortunæ qui modus hujus erit.
 Quod querar, illa mihi pleno de fonte ministrat;
 Nec mea sunt, fati verba sed ista mei.
 At mihi si cara patriam cum conjuge reddas;
 Sint vultus hilares, simque quod ante fui.
 Lenior invicti si sit mihi Cæsaris ira;
 Carmina lætitiæ jam tibi plena dabo.
 Nec tamen ut lufit, rursus mea littera ludet:
 Sit semel illa joco luxuriata suo.
 Quod probet ipse, canam: pœnæ modò parte levata
 Barbariem, rigidos effugiamque Getas.
 Interea nostri quid agant, nisi triste, libelli?
 Tibi funeribus convenit ista meis.
 At poteras, inquis, melius mala ferre silendo;
 Et tacitus casus dissimulare tuos.
 Exigis, ut nulli gemitus tormenta sequantur;
 Acceptoque gravi vulnere flere vetas.
 Ipse Perilleo Phalaris permittit in ære
 Edere mugitus, & bovis ore queri.
 Cum Priami lacrymis offensus non sit Achilles;
 Tu fletus inhibes, durior hoste, meos.
 Cum faceret Nioben orham Latonia proles,
 Non tamen & siccas jussit habere genas.
 Est aliquid, fatale malum per verba levare:
 Hoc querulam Progen Halcyonemque facit.
 Hoc erat, in gelido quare Pzantius antro
 Voce fatigaret Lemnia saxa sua.

Stran-

Strangulat inclusus dolor, atque exæstuat intus,
 Cogitur & vires multiplicare suas.
 Da veniam potius; vel totos tolle libellos:
 Si mihi quod prodest, hoc tibi, lector, obest.
 Sed neque obesse potest ulli: nec scripta fuerunt
 Nostra, nisi auctori pernicioſa ſuo.
 At mala ſunt fateor. quis te mala ſumere cogit?
 Aut quis deceptum ponere ſumta vetat?
 Ipſe nec emendo: ſed ut hic deducta legantur.
 Non ſunt illa ſuo barbariora loco.
 Nec me Roma ſuis debet conferre poetis.
 Inter Sauromatas ingenioſus ero.
 Denique nulla mihi captatur gloria, quæque
 Ingenio ſtimulos ſubdere Fama ſolet.
 Nolumus aſſiduis animum tabeſcere curis:
 Quæ tamen irrumpunt, quoque vetantur, eunt.
 Cur ſcribam, docui: cur mittam, quæritis iſtos?
 Vobiſcum cupio quolibet eſſe modo.

ELEGIA II.

Equid, ut è Ponto nova venit Epiſtola, palles?
 Et tibi ſollicita ſolvitur illa manu?
 Pone metum; valeo. corpusque, quod ante laborum
 Impatiens nobis invalidumque fuit,
 Sufficit; atque ipſo vexatum induruit uſu.
 An magis infirmo non vacat eſſe mihi?
 Mens tamen ægra jacet, nec tempore robora ſumſit:
 Affectusque animi, qui fuit ante, manet.
 Quæque mora ſpatioque ſuo coitura putavi
 Vulnera: non aliter, quam modo facta dolent.
 Scilicet exiguis prodeſt annosa vetuſtas,
 Grandibus accedunt tempore damna malis.
 Pæne decem totis aluit Præantius annis
 Peſtiferum tumido vulnus ab angue datum.
 Telephus æterna conſumtus tæbe periſſet,
 Si non, quæ nocuit, dextra tuliſſet opem.
 Et mea, ſi facinus nullum commiſimus, opto
 Vulnera qui fecit, facta levare velit.
 Contentusque mei jam tandem parte laboris,
 Exiguum pleno de mare demat aquæ.
 Detrahat ut multum, multum reſtabit acerbi:
 Paſque mez pœnæ totius inſtar erit.
 Littora quot conchas, quot amœna roſaria flores,
 Quot-

Quotve soporiferum grana papaver habet;
 Silva feras quot alit, quot piscibus unda natatur;
 Quot tenerum pennis aera pulsat avis:
 Tot premor adversis. quæ si comprehendere coner,
 Icariz numerum dicere coner aquæ.
 Utque viæ casus, ut amara pericula ponti,
 Ut taceam strictas in mea fata manus;
 Barbara me tellus, orbisque novissima magni
 Sustinet, & sævo cinctus ab hoste locus.
 Hinc ego traicerer (neq; enim mea culpa cruenta est)
 Effet, quæ debet, si tibi cura mei.
 Ille Deus, bene quo Romana potentia nixa est,
 Sæpe suo victor lenis in hoste fuit.
 Quid dubitas? quid tuta times? accede, rogaque.
 Cæsare nil ingens mitius orbis habet. (quoniam
 Me miserum! quid agam, si proxima quæque relin-
 Subtrahis effracto tu quoque colla iugo?
 Quo ferar; unde petam lapsis solatia rebus?
 Anchora jam nostram non tenet ulla ratem.
 Viderit: ipse sacram quamvis invisus ad aram
 Confugiam: nullas submovet ara manus.
 Alloquor en absens præsentia numina supplex:
 Si fas est homini cum Jove posse loqui.
 Arbiter imperii, quo certum est sospite cunctos
 Ausoniz curam gentis habere Deos:
 O decus, ò patriæ per te florentis imago;
 O vir non ipso, quem regis, orbe minor;
 Sic habites terras, & te desideret æther!
 Sic ad pacta tibi sidera tardus eas!
 Parce, præcor: minimamque tuo de fulmine partem
 Deme. satis pœnæ, quod superabit, erit.
 Ira quidem moderata tua est; ultamque dedisti:
 Nec mihi jus civis, nec mihi nomen abest.
 Nec mea concessa est aliis Fortuna: nec exsul
 Ediçti verbis nominor ipse tui.
 Omniaque hæc timui, quia me meruisse videbam:
 Sed tua peccato lenior ira meo est.
 Arva relegatum jussisti visere Ponti,
 Et Scythicum profuga findere puppe fretum.
 Jussus ad Euxini deformia littora veni
 Æquoris. hæc gelido terra sub axe jacet.
 Nec me tam cruciat nunquam sine frigore cælum
 Glebaque canenti semper obusta gelu;

Ne-

Nesciaque est vocis quod barbara lingua Latinæ :
 Graiaque quod Getico victa loquela sono :
 Quam quod finitimo cinctus premor undiq; Marte;
 Vixque brevis tutum murus ab hoste facit.
 Pax tamen interdum, Pacis fiducia nunquam est.
 Sic hic nunc patitur, nunc timet arma, locus.
 Hinc ego dum muter, vel me Zancleæ Charybdis
 Devoret, atque suis ad Styga mittat aquis :
 Vel rapidæ flammis urar patienter in Ætnæ :
 Vel freta Leucadii mittar in alta Dei. (cuso;
 Quod petitur, poena est: neque enim miser esse re-
 Sed precor, ut possim tutius esse miser.

E L E G I A III.

Illa dies hæc est, qua te celebrare poetæ,
 (Si modò non fallunt tempora) Bacche, solent;
 Festaque odoratis innectunt tempora fertis,
 Et dicunt laudes ad tua vina tuas.
 Inter quos memini, dum me mea fata sinebant,
 Non invisa tibi pars ego sæpe fui:
 Quem nunc suppositum stellis Cynosuridos Uræ
 Juncta tenet crudis Sarmatis ora Getis.
 Quique prius mollem vacuumque laboribus egi
 In studiis vitam, Pieridumque choro;
 Nunc procul à patria Geticis circumsonor armis,
 Multa prius pelago, multaque passus humo.
 Sive mihi casus, sive hoc dedit ira Deorum;
 Nubila nascenti seu mihi Parca fuit:
 Tu tamen è sacris hederæ cultoribus unum
 Numine debueras sustinuisse tuo.
 An dominæ fati quidquid cecinere sorores,
 Omne sub arbitrio desinit esse Deum?
 Ipse quoque æthereas meritis investus es arces;
 Qua non exiguo facta labore vta est.
 Nec patria est habitata tibi: sed ad usque nivosum
 Strymona venisti, Marticolamque Geten:
 Perfidaque, & lato spatiantem flumine Gangem,
 Et quascunque bibit discolor Indus aquas.
 Scilicet hanc legem nentes fatalia Parcæ
 Stamina bis genito bis cecinere tibi.
 Me quoque, si fas est exemplis ire Deorum,
 Ferrea fors vitæ difficilisque premit.
 Illo nec levius cecidi; quem magna locutum

Reppulit à Thebis Juppiter igne suo.
 Ut tamen audisti percussum fulmine vatem,
 Admonitu matris condoluisse potes.
 Et potes, aspiciens circum tua sacra poetas,
 Nescio quis nostri, dicere, cultor abest.
 Fer, bone Liber, opem: sic altam degravet ulmus
 Vitis, & incluso plena sit uva mero.
 Sic tibi cum Bacchis Satyrorum gnava juvenus
 Adsit, & attonito non taceare sono.
 Ossa bipenniferi sic sint male pressa Lycurgi:
 Impia nec poena Pentheos umbra vacet.
 Sic micet æternum, vicinaque sidera vincat
 Conjugis in czelo Cressa Corona tuæ.
 Hucades, & casus relevés, pulcherrime, nostros;
 Unum de numero me memor esse tuo.
 Sunt Dis inter se commercia. flectere tenta
 Czfareum numen Æumine, Bacche, tuo.
 Vos quoque, consortes studii pia turba poetar,
 Hęc eadem sumto quisque rogare mero.
 Atque aliquis vestrum, Nasonis nomine dicto,
 Deponat lacrymis pocula mista suis:
 Admonitusque mei, cum circumspexerit omnes,
 Dicat, ubi est nostri pars modo Naso chori?
 Idque ita; si vestrum merui candore favorem:
 Nullaque judicio littera læsa meo est.
 Si, veterum dignè veneror cum scripta virorum,
 Proxima non illis esse minora reor.
 Sic igitur dextro faciatis Apolline carmen:
 Quod licet, inter vos nomen habete meum.

E L E G I A. IV.

Littore ab Euxino Nasonis epistola veni,
 Lassaque facta mari, lassaque facta via.
 Qui mihi flens dixit, Tu, cui licet, aspice Romam:
 Heu quanto melior sors tua sorte mea!
 Flens quoque me scripsit: nec qua signabar, ad os est
 Ante, sed ad madidas gemma relata genas.
 Tristitiz causam si quis cognoscere quærit;
 Ostendi solem postulat ille sibi.
 Nec frondem in sylvis, nec aperto mollia prato
 Gramina, nec pleno flumine cernit aquas.
 Quid Priamus doleat, mirabitur Hectore raptō;
 Quidve Philoctetes ictus ab angue gemat.

VDi facerent utinam, talis status esset in illo,
 Ut non tristitiæ causa dolenda foret.)
**F
 More nec indomiti fræna recusat equi.
Nec fore perpetuam sperat sibi numinis iram,
 Conscius in culpa non scelus esse sua.
**S
 Se quoque in exemplis annumerare solet.
Nam quod opes teneat patrias, quod nomina civis;
 Denique quod vivat, munus habere Dei.
Te tamen, ò, si quid credis mihi carior, ille,
 Omnibus, in toto pectore semper habet.
Teque Mæcetiaden, te qui comitavit Oresten,
 Te vocat Ægiden, Eurialumque suum.
Nec patriam magis ille suam desiderat, & quæ
 Plurima cum patria sentit abesse sua;
Quam vultus, oculosque tuos, ò dulcior illo
 Melle, quod in ceris Attica ponit apis!
**S
 Quod non præventum morte fuisse dolet.
Cumque alii fugerent subitæ contagia cladis,
 Nec vellent istæ limen adire domus;
Te sibi cum paucis meminit mansisse fidelem:
 Si paucos aliquis tresve, duosve vocat.
Quamvis attonitus, sensit tamen omnia: nec te
 Se minus adversis indoluisse suis.
Verba solet, vultumque tuum, gemitusque referre;
 Et te flente suos emaduisse sinus.
Quam sibi præstiteris, qua consolatus amicum
 Sis ope; solandus cum simul ipse fores.
Pro quibus affirmat fore se memoremque, piumque;
 Sive diem videat, sive rogatur humo.
Per caput ipse suum solitus jurare tuumque,
 Quod scio non illi vilius esse suo,
Plena tot ac tantis referetur gratia factis;
 Nec sinet ille tuos littus arare boves.
Facmodò constanter profugum tueare, quod ille,
 Qui bene te novit, non rogat; ipsa rogo.******

E L E G I A V.

Annuus affuetum Dominæ natalis honorem
 Exigit. ite manus ad pia sacra meæ.
 Sic quondam festum Lærtius egerit heros

For.

Forſan in extremo conjugis orbe diem.
 Lingua favens adſit longorum oblita malorum :
 Quæ (puto) dedit jam bona verba loqui.
 Quæque ſemel toto veſtis mihi ſumitur anno ,
 Sumatur fati diſcolor alba meis.
 Araque gramineo viridis de cespite fiat ;
 Et velet tepidos nexa corona focos.
 Da mihi thura , puer , pingues facientia flammæ ,
 Quodque pio fuſum ſtridat in igne merum.
 Optime natalis , quamvis procul abſumus, opto
 Candidus huc venias , diſſimiliſque meo.
 Sique quod inſtabat dominz miſerabile vulnus ;
 Sit perfuncta meis tempus in omne malis.
 Quæq; gravi nuper plus quàm quaſſata procella eſt,
 Quod ſuper eſt , tutum per mare navis eat.
 Illa domo , nataque ſua , patriaque fruſtur :
 Erepta hæc uni ſit fati eſſe mihi.
 Quatenus & non eſt in caro conjuge felix ,
 Pars vitæ trifti cetera nube vacet.
 Vivat, ametque virum, quoniam ſic cogitur, abſens :
 Conſumatque annos , ſed diuturna , ſuos.
 Adjicerem & noſtros : ſed ne contagia ſari
 Corrumpant timeo , quos agit ipſa , mei.
 Nil homini certum eſt. fieri quis poſſe putaret ,
 Ut facerem in mediis hæc ego ſacra Getis ?
 Aſpice ut aura tamen fumos è thure coortos
 In partes Italas & loca dextra ferat.
 Sensus ineſt igitur nebulis , quas exigit ignis ;
 Conſilium fugiunt cætera pæne meum.
 Conſilio , commune ſacrum cum fiat in ææ
 Fratribus , alterna qui periere manu ,
 Ipſa ſibi diſcors , tanquam mandetur ab illis ,
 Scinditur in partes atra favilla duas.
 Hoc (memini) quondam fieri non poſſe loquebar :
 Et me Battiades judice falſus erat.
 Omnia nunc credo: cum tu conſultus ab Arſto.
 Terga vapor dederis , Auſoniamque petas.
 Hæc igitur lux eſt : quæ ſi non orta fuiſſet ,
 Nulla fuit miſero feſta videnda mihi.
 Edidit hæc mores illis heroïſin æquos ,
 Queis erat Eetion Icariuſque pater.
 Nata pudicitia eſt, mores, probitasque, fideſque:
 At non ſunt iſta gaudia nata die,

Sed labor, & curæ, fortunaque moribus impar :
 Justæque de viduo pæne querela toro.
 Scilicet adversis probitas exercita rebus
 Tristi materiam tempore laudis habet.
 Si nihil infesti durus vidisset Ulysses ;
 Penelope felix, sed sine laude, foret.
 Victor Echionias si vir penetrasset in arces,
 Forsitan Evadnen vix sua nosset humus.
 Cum Pelia tot sint genitæ ; cur nobilis una est ?
 Nupta fuit misero nempe quod una viro.
 Effice, ut Iliacas tangat prior alter arenas ;
 Laodamia nihil cur referatur erit.
 Et tua, quod mallet, pietas ignota maneret,
 Implessent venti si mea vela sui.
 Di tamen, & Cæsar Dis accessure, sed olim,
 Æquarint Pylios cum tua fata dies ;
 Non mihi, qui pœnam fateor meruisse, sed illi
 Parcite, quæ nullo digna dolore dolet.

E L E G I A VI.

TU quoque nostrarum quondam fiducia rerum,
 Qui mihi confugium, qui mihi portus eras ;
 Tu quoque suscepti curam dimittis amici,
 Officii que pium tam cito ponis onus ?
 Sarcina sum, fateor ; quam si tu tempore duro
 Depositorus eras, non subeunda fuit.
 Fluctibus in mediis navem, Palinure, relinquis ?
 Ne fuge ; neve tua sit minor arte fides.
 Nunquid Achilleos inter fera prælia fidi
 Deseruit levitas Automédontis equos ?
 Quem semel excepit, nunquid Podalirius ægro
 Promissam medicæ non tulit artis opem ?
 Turpius ejicitur, quam non admittitur, hospes.
 Quæ patuit, dextræ firma sit ara meæ.
 Nil, nisi me solum, primò tutatus es : at nunc
 Me pariter serva, judiciumque tuum.
 Si modo non aliqua est in me nova culpa ; tuamque
 Mutarunt subito crimina nostra fidem.
 Spiritus hic, Scythica quem non bene ducimus aura,
 Quod cupio, membris exeat ante meis ;
 Quam tua delicto stringantur pectora nostro,
 Et videar meritò vilior esse tibi.
 Non adeo toti fatiis urgemur iniquis,

Ut mea sit longis mens quoque mota malis.
 Finge tamen motam, quoties Agamemnone naturam
 Dixisse in Pyladen verba proterva putas ?
 Nec procul à vero est, quòd vel pulsarit amicum.
 Mansit in officiis non minus ille suis.
 (Hoc est cum miseris solum commune beatis,
 Ambobus tribui quod solet obsequium.)
 Ceditur & cæcis, & quos prætexta verendos
 Virgaque cum verbis imperiosa facit.
 Si mihi non parcis, fortunæ parcere debes.
 Non habet in nobis ullius ira locum.
 Elige nostrorum minimum de parte laborum:
 Isto, quo quereris, grandius illud erit.
 Quam multa madidæ celebrantur arundine fossæ,
 Florida quàm multas Hybla tuetur apes;
 Quam multæ gracili terrena sub horrea ferre
 Limite formicæ grana reperta solent;
 Tam me circumstant denforum turba malorum:
 Crede mihi; vero est nostra querela minor.
 His qui contentus non est; in littus arenas,
 In segetem spicas, in mare fundat aquas.
 Intempestivos igitur compesce timores;
 Vela nec in medio deferere nostra mari.

E L E G I A VII.

QUam legis, ex illa tibi venit epistola terra,
 Latus ubi æquoreis additur Ister aquis:
 Si tibi contingit cum dulci vita salute;
 Candida fortunæ pars manet una mez.
 Scilicet, ut semper, quid agam, carissime, queris:
 Quamvis hoc vel me scire tacente potes.
 Sum miser. hæc brevis est nostrorum summa malorum:
 (Quisquis & offenso Cæsare vivet, erit.)
 Turba Tomitanæ quæ sit regionis, & inter
 Quos habitem mores; discere cura tibi est?
 Mistra sit hæc quamvis inter Grajosque, Getasque;
 A male pacatis plùstrahit ora Getis.
 Sarmaticæ major Gericæque frequentia gentis
 Per medias in equis itque reditque vias.
 In quibus est nemo, qui non coryton, & arcum,
 Telaque vipereo lurida felle gerat.
 Vox fera, trux vultus, verissima Martis imago:
 Non

Non coma, non ulla barba resecta manu.
 Dexterâ non segnis fixo dare vulnera cultro,
 Quem vinctum lateri barbarus omnis habet.
 Vivit in his eheu tenerorum oblitus amorum;
 Hos videt, hos vates audit, amice, tuus!
 Atque utinam vivas, & non moriaris in illis!
 Absit ab invisus & tamen umbra locis!
 Carmina quod pleno saltari nostra Theatro,
 Versibus & plaudi scribis, amice, meis,
 Nil equidem feci (tu scis hoc ipse) theatri:
 Musa nec in plausus ambitiosa mea est.
 Nec tamen ingratum est quodcunque oblivia nostri
 Impedit, & profugi nomen in ora refert.
 Quamvis interdum, quæ me læsisse recordor,
 Carmina devoveo, Pieridasque meas:
 Cum bene devovi; nequeo tamen esse sine illis:
 Vulneribusque meis tela truenta sequor.
 Quæque modo Euboicis lacerata est fluctibus; audet
 Graja Caphaream currere puppis aquam.
 Nec tamen ut lauder vigilo, curamque futuri
 Nominis, utilius quod latuisset, ago.
 Detineo studiis animum, falloque dolores:
 Experior curis & dare verba meis.
 Quid potius faciam desertis solus in oris,
 Quamve malis aliam querere coner opem?
 Sive locum specto; locus est inamabilis; & quod
 Esse nihil toto tristius orbe potest.
 Sive homines; vix sunt homines hoc nomine digni:
 Quamque lupi, sævæ plus feritatis habent.
 Non metuunt leges, sed cedit viribus æquum;
 Victæque pugnaci jura sub ense jacent.
 Pellibus & laxis arcent mala frigora braccis:
 Oraque sunt longis horrida testa comis.
 In paucis remanent Grajæ vestigia linguæ:
 Hæc quoque jam Gætico barbara facta sono.
 Ullus in hoc vix est populo, qui fortè Latine
 Quolibet è medio reddere verba queat.
 Ille ego Romanus vates, (ignoscite Musæ,)
 Sarmaticò cogor plurima more loqui.
 En pudet, & fateor: jam desuetudine longa
 Vix subeunt ipsi verba Latina mihi.
 Nec dubito, quin sint & in hoc non pauca libello
 Barbara: non hominis culpa, sed ista loci.

Ne tamen Aufoniæ perdam commercia linguæ ,
 Et fiat patrio vox mea muta sono :
 Ipse loquor mecum , desuetaque verba retracto ;
 Et studii repeto signa sinistra mei .
 Sic animum , tempusque traho , meque ipse reduco ,
 A contemplatu submoveoque mali .
 Carminibus quæro miserarum obliviam rerum :
 Præmia si studio consequor ista , fate est .

E L E G I A VIII.

NON adeo cecidi , quamvis abjectus , ut infra
 Te quoque sim , inferius quo nihil esse potest .
 Quæ tibi res animos in me facit , improbe ? curve
 Casibus insultas , quos potes ipse pati ?
 Nec mala te reddunt mitem , placidumque jacenti
 Nostra , quibus possint illacrymare feræ ?
 Nec metuis dubio Fortunæ stantis in orbe
 Numen , & exosæ verba superba Deæ ?
 Exiget at dignas ultrix Rhamnusia pœnas ,
 Imposito calcas quid mea fata pede ?
 Vidi ego navis fragum qui riserat , æquore mergi :
 Et , nunquam , dixi , iustior unda fuit .
 Vilia qui quondam miseris alimenta negarat ,
 Nunc mendicato pascitur ipse cibo .
 Passibus ambiguis Fortuna volubilis errat ,
 Et manet in nullo certa , tenaxque loco :
 Sed modo læta manet , vultus modo sumit acerbos ,
 Et tantum constans in levitate sua est .
 Nos quoque floruimus ; sed flos erat ille caducus :
 Flammaque de stipula nostra , brevisque fuit .
 Neve tamen tota capias fera gaudia mente ,
 Non est placandi spes mihi nulla Dei .
 Vel quia peccavi citra scelus , utque pudore
 Non caret , invidia sic mea culpa caret :
 Vel quia nil ingens , ad finem Solis ab ortu ,
 Illo , cui paret , mitius orbis habet .
 Scilicet ut non est per vim superabilis ulli ,
 Molle cor ad timidas sic habet ille preces .
 Exemploque Deum , quibus accessurus & ipse est ,
 (Cum pœnæ venia plura roganda petam .)
 Si numeres anno Soles , & nubila toto ,
 Invenies nitidum sæpius isse diem .
 Ergo ne nostra nimium lætere ruina ,

Re-

Restitui quondam me quoque posse puta.
 Posse puta fieri, lento Principe, vultus
 Ut videas media tristis in Urbe meos:
 Utque ego te videam causa graviore fugatum.
 Hæc sunt à primis proxima vota mihi.

E L E G I A IX.

O Tua si sineres in nostris nomina poni
 Carminibus; positus, quam mihi sæpe foret/
 Te solum meriti canerem memor; inque libellis
 Crevisset sine te pagina nulla meis.
 Quid tibi deberem, tota sciretur in Urbe:
 Exsul in amissa si tamen Urbe legor.
 Te præsens mitem, te nosset serior ætas:
 Scripta vetustatem si modo nostra ferent.
 Nectibi cessaret doctus bene dicere lector,
 Hic tibi servato vate maneret honor.
 Cæsaris est primum munus, quod ducimus auras:
 Gratia post magnos est tibi habenda Deos.
 Ille dedit vitam; tu, quam dedit ille, tueris,
 Et facis accepto munere posse frui.
 Cumque perhorruerit casus pars maxima nostros,
 Pars etiam credi pertimuisse velit,
 Naufragiumque meum tumulo spectarit ab alto,
 Nec dederit nanti per freta sæva manum;
 Seminecem Stygia revocasti solus ab unda.
 Hoc quoq; quod memores possumus esse, tuū est.
 Di tibi se tribuant cum Cæsare semper amicos,
 Non potuit votum plenius esse meum.
 Hæc meus argutis, si tu paterere, libellis
 Poneret in multa luce videnda labor.
 Se, quoq; nunc, quamvis est iussa quiescere, quin te
 Nominet invitum, vix mea Musa tenet.
 Utque eanem pavidæ nactum vestigia cervæ
 Luctantem frustra copula dura tenet.
 Utque fores nondum reſerati carceris acer.
 Nunc pede, nunc ipsa fronte laceſſit equus;
 Sic mea lege data vincta atque inclusa Thalia
 Per titulum vetiti nominis ire cupit.
 Ne tamen officio memoris lædaris amici,
 Parebo jussis (parce timere) tuis.
 At non parerem, nisi si meminisse putares.
 Hoc quod non prohibet vox tua; gratus ero.

Dumque (quod ò breve sit!) lumen solare videbo;
Serviet officio spiritus iste tuo.

E L E G I A X.

UT sumus in Ponto, ter frigore constitit Ister,
Facta est Euxini dura ter unda maris.
At mihi jam videor patria procul esset tot annis,
Dardana quot Grajo Troja sub hoste fuit.
Stare putes; adeo procedunt tempora tarde:
Et peragit lentis passibus annus iter.
Nec mihi solstitium quidquam de noctibus aufert;
Efficit angustos nec mihi bruma dies.
Scilicet in nobis rerum natura novata est,
Cumque meis curis omnia longa facit.
Num peragunt solitos communia tempora motus,
Suntque magis vitæ tempora dura meæ?
Quem tenet Euxini mendax cognomine littus,
Et Scythici verè terra sinistra freti.
Innumeræ circa gentes fera bella minantur;
Quæ sibi non rapto vivere turpe putant.
Nil extra tutum est; tumulus defenditur ægrè
Mœnibus exiguis, ingenioque loci.
Cum minimè credas, ut aves, densissimus hostis
Advolat, & prædam vix bene visus agit.
Sæpe intra muros clausis venientia portis.
Per medias legimus noxia tela vias.
Est igitur rarus qui rus colere audeat: isque
Hac arat infelix, hac tenet arma manu.
Sub galea pastor junctis pice cantat avenis;
Proque lupo pavidæ bella verentur oves.
Vix ope castelli defendimur: & tamen intus
Mista facit Grajis barbara turba metum.
Quippe simul nobis habitat discrimine nullo
Barbarus, & tecti plus quoque parte tenet.
Quos, ut non timeas, possis odisse, videndo.
Pellibus, & longa tempora testa coma.
Hos quoque, qui geniti Graja creduntur ab urbe,
Pro patrio cultu Persica bracca tegit.
Exercent illi socix commercia linguae.
Per gestum res est significanda mihi.
Barbarus hic ego sum; quia non intelligor ulli:
Et rident stolidi verba Latina Getæ.
Meque palam de me tutò male sæpe loquuntur:

Forſitan obſciant exiliumque mihi.

(Utque ſit, in me aliquid, ſi quid dicentibus illis
Abnuerim quoties, annuerimque, putant.)

Adde, quòd inuſtum rigido juſ dicitur enſe :

Dantur & in medio vulnera ſæpe foro.

O duram Lacheſin, quæ tam grave ſidus habenti

Fila dedit vitæ non breviora meæ !

(Quòd patris vultu, veſtroque caremus amici ;

Quòdque hic in Scythiis ſinibus eſſe quæror :]

Utraque pœna gravis : merui tamen urbe carere ;

Non merui tali forſitan eſſe loco.

Quid loquor ah demens ? ipſam quoque perdere vitæ

Cæſaris offenſo numine, dignuſ eram.

E L E G I A XI.

Q Uod te, neſcio quis, per jurgia dixerit eſſe
Exulis uxorem, liſtera queſta tua eſt.

Indolui : non tam mea quod fortuna malè audit,

Qui jam conſuevi fortiter eſſe miſer :

Quam quia, cui minimè vellem, ſim cauſa pudoris ;

Teque reor noſtris erubuiſſe malis.

Perfer, & obdura, multò graviora tuliſti,

Cum me ſurripuit Principis ira tibi.

Fallitur iſte tamen, quo judice nominor exul :

Mollior eſt culpam pœna ſecuta meam.

Maxima pœna mihi eſt ipſum offendiſſe : priuſque

Veniſſet mallem funeris hora mihi.

Quæſſa tamen noſtra eſt, non fracta, nec obruta
puppis :

Utque caret portu, ſic tamen exſtat aquis.

Nec vitam, nec opes, nec juſ mihi civis ademit ;

Qui merui vitio perdere cuncta meo.

Sed quia peccato facinus non adfuit illi,

Nil niſi me patriis juſſit abeſſe focis.

Utq; aliis, numerum quorum comprehendere non eſt,

Cæſareum numen, ſic mihi, mite fuit.

Ipſe relegati, non exulis utitur in me

Nomine : tuta ſuo judice cauſa mea eſt.

Jure igitur laudes, Cæſar, pro parte virili

Carmina noſtra tuas qualiacunque canunt.

Jure Deos, ut adhuc cœli tibi limina claudant,

Teque velint ſine ſe comprecor, eſſe Deum.

Optat idem populus, ſed, ut in mare flumina vaſtum,

Sic solet exiguz currere rivus aquæ.
 At tu fortunam, cujus vocor exul ab ore,
 Nomine mendaci parce gravare meam.

B L E G I A XII.

Scribis, ut oblectem studio lacrymabile tempus
 Ne pereant turpi pectora nostra situ.
 Difficile est, quod amice, mones: quia carmina lætæ
 Sunt opus, & pacem mentis habere volunt.
 Nostra per adversas agitur fortuna procellas:
 Sorte nec ulla mea tristior esse potest.
 Exigis, ut Priamus natorum funere plaudat,
 Et Niobe festos ducat ut orba choros.
 Luctibus, an studio videor debere teneri,
 Solus in extremos jussus abire Getas;
 Des licet hic valido pectus mihi robore fultum,
 Fama refert Anyti quale fuisse reo;
 Fracta cadet tantæ sapientia mole ruinæ;
 (Plus valet humanis viribus ira Dei.)
 Ille senex dictus sapiens ab Apolline, nullum
 Scribere in hoc casu sustinuisset opus.
 [Ut patriz veniant, veniant oblivia nostri;
 Omnis ut admissi sensus abesse queat;)
 At timor officio fungi vetat ipse quieto,
 Cinctus ab innumero me tenet hoste locus.
 Adde, quod ingenium longa rubigine læsum
 Torpet, & est multò, quam fuit ante, minus.
 Fertilis, assiduo si non renovetur aratro,
 Nil, nisi cum spinis gramen, habebit ager.
 Tempore qui longo steterit, malè curret, & inter
 Carceribus missos, ultimus ibit equos.
 Vertitur in teneram cariem, rimisque dehiscit,
 Si qua diu solitis cymba vacavit aquis.
 Me quoque despero, fuerim cum parvus & ante,
 IHi, qui fueram, posse redire parom.
 Contudit ingenium patientia longa laborum:
 Et pars antiqui magna vigoris abest.
 Sæpe tamen nobis, ut nunc quoq; sumpta tabella est;
 Inque suos volui cogere verba pedes:
 Carmina scripta mihi sunt nulla, aut qualia cernis;
 Digna sui domini tempore, digna loco.
 Denique non parvas animo dat gloria vires;
 Et fecunda facit pectora laudis amor.

No.

Nominis & famæ quondam fulgore trahebar ,
 Dum tulit antennis aura secunda meas.
 Non adeo est bene nunc , ut sit mihi gloria curæ :
 Si liceat , nulli cognitus esse velim.
 An , quia cesserunt primò bene carmina , suades.
 Scribere , successus ut sequar ipse meos ?
 Pace novem vestra liceat dixisse sorores ;
 Vos estis nostræ maxima causa fugæ .
 Utque dedit justas tauri fabricator aheni ,
 Sic ego do pœnas artibus ipse meis.
 Nil mihi debuerat cum versibus amplius esse ;
 Sed fugerem meritò naufragus omne fretum .
 At puto , si demens studium fatale retentem ,
 Hic mihi præbebit carminis arma locus .
 Non liber hic ullus ; non , qui mihi commodet aurem ,
 Verbaque significant quid mea , norit , adest .
 [Omnia barbariz loca sunt , vocisque ferinæ ,
 Omnia sunt Getici plena timore soni .)
 Ipse mihi videor jam dedidicisse Latine :
 Jam didici Geticè , Sarmaticèque loqui.
 Nec tamen , ut verum fatear tibi , nostra tenari
 A componendo carmine Musa potest .
 Scribimus , & scriptos absumimus igne libellos .
 Exitus est studii parva favilla mei .
 [Nec possum , & cupio non ullos ducere versus :
 Ponitur idcirco noster in igne labor .)
 Nec , nisi pars casu flammis erepta , dolove ,
 Ad vos ingenii pervenit ulla mei .
 Sicutinam , quæ nil metuentem tale magistrum
 Perdidit , in cineres Ars mea versa foret .

B L E G I A X L I I .

H Anctus è Getico mittit tibi Naso salutem .
 Mittere rem si quis , qua caret ipse , potest .
 Æger enim traxi contagia corpore mentis ,
 Libera tormento pars mihi nequa vacet .
 Perque dies multos lateris cruciatibus uror ,
 Sed quod non modico frigore læsit hyems .
 Si tamen ipse vales , aliqua nos parte valemus :
 Quippe mea est humeris fulta ruina tuis .
 Qui mihi cum dederis ingentia pignora , cumque
 Per numeros omnes hoc tueare caput :
 Quòd tua me tardè solatur epistola , peccas :

Ramque piam præstas, ni mihi verba neges.
 Hoc, precor, emenda: quod si correxeris unum,
 Nullus in egregio corpore nævus erit.
 Pluribus accusem: fieri nisi possit, ut ad me
 Littera non veniat, missa sit illa tamen.
 Di faciant, ut sit temeraria nostra querela,
 Teque putem falso non meminisse mei.
 Quod precor, esse liquet, neq; enim mutabile robur.
 Credere me fas est pectoris esse tui.
 Cæna prius gelido desint absinthia Ponto,
 Et careat dulci Trinacris Hybla thymo:
 Immemorem quàm te quisquam convincat amici.
 Non ita sunt fati stammina nigra mei.
 Tu tamen, ut falsæ possis quoque pellere culpæ:
 Crimina: quod non es, ne videre, cave:
 Utque solebamus consumere longa loquendo,
 Tempora, sermonem deficiente diu:
 Sic ferat, ac referat tacitas nunc littera voces:
 Et pergant linguæ charta, manusque vices.
 Quod fore, ne nimium videar diffidere, sitque
 Versibus hic paucis admonuisse satis.
 Accipe, quo semper finitur epistola verbo,
 Aquæ meis distent, ut tua fata, Vale.

E L E G I A XIV.

Quanta tibi dederint nostri monumenta libelli,
 O mihi me conjux carior, ipsa vides.
 Detrahat auctori multum Fortuna licebit;
 Tū tamen ingenio clara ferere meo.
 Dumque legar, mecum pariter tua fama legetur:
 Nec potes in mœstos omnis abire rogos.
 Cumque viri casu possis miseranda videri,
 Invenies aliquas, quæ quod es, esse velint:
 Quæ te, nostrorum cum sis in parte malorum,
 Felicem dicant; invidiantque tibi.
 (Non ego divitias dando tibi plura dedissem:
 Nil feret ad manes divitis umbra suos.)
 Perpetui fructum donavi nominis; istque
 Quo dare nil potui munere majus, habes.
 Adde, quodd, ut rerum sola es tutela mearum,
 Ad te non parvi venit honoris onus:
 Quod nunquam, vox est de te mea muta, tuique
 Judiciis debes esse superba viri.

Quæ.

Quæ ne quis possit temeraria dicere, perita :

Et pariter serva meque, piamque fidem.

Nam tua, dum stetimus, turpi sine crimine mansit,

Et famæ probitas irreprehensa fuit.

Par eadem nostra nunc est sibi facta ruina :

Conspicuum virtus hic tua ponat opus.

Esse bonâ facile est, ubi, quod vetat esse, remotum est ;

Et nihil officio nupta, quod obftet, habet.

Cum Deus intonuit, non se subducere nimbo,

Id demum pietas, id socialis amor.

Rara quidē virtus, quam non Fortuna gubernet :

Quæ maneat stabili, cum fugit illa, pede.

Si qua tamen precii sibi merces ipsa petiti,

Inque parum lætis ardua rebus adest.

[Ut tempus numeres, per secula nulla tacetur,

Et loca mirantur, qua patet orbis iter.]

Aspicias, ut longo maneat laudabilis ævo.

Nomen inextinctum Penelopæa fides ?

Cernis, ut Admeti cantetur, ut Hectoris uxor,

Ausque in accensos Iphias ire rogos ?

Ut vivat fama conjux Phylaceja, cujus

Iliacam celeri vir pede pressit humum ?

Nil opus est letho pro me, sed amore, fideque :

Non ex difficili fama petenda tibi est.

Nec te credideris, quia non facis, ista moneri :

Vela damus, quamvis remige puppis eat.

Qui monet, ut facias, quod jam facis ; ille monendo

Laudat, & horratu comprobat acta sua.

D E P O N T O .

L I B E R I .

E P I S T . I . *Bruta.*

Naso Tomitanæ jam non novus incola
 terræ,
 Hoc tibi de Getico littoſe mittit opus .
 Si vacat, hoſpitiſ peregrinos, Brute, li-
 bellos .

Excipe, dumq; aliquo, quolibet abde loco,
 Publica non audent inter monumenta venire,
 Ne ſuus hoc illis clauſerit auctor iter .

Ah quoties dixi, Certè nil turpe docetis !

Ite: patet caſtis verſibus ille locus .

Non tamen accedunt: ſed, ut aſpicias ipſe, latere.
 Sub Lare privato tutius eſſe putant .

Quæris, ubi hos poſſis nullo componere læſo ?

Qua ſteterant Artes, pars vacat: illa tibi .

Quid veniant, novitate røges fortasſe ſub ipſa,
 Accipe, quòdcunque eſt, dummodo non ſit amor .

Invenies, quamvis non eſt miſerabilis index,

Non minùs hoc illo triſte, quod ante dedi .

Rebus idem, titulo differt; & epiſtola, cui ſit
 Non occultato nomine miſſa docet .

Nec vos hoc vultis, ſed nec prohibere poteſtis:
 Muſaque ad invitos officioſa venit .

Quicquid id eſt, adiunge meis: nihil impedit ortos.
 Exule, ſervatis legibus, urbe frui .

Quod metuas non eſt: Antoni ſcripta leguntur ;
 Doctus & in promptu ſcrinia Brutus habet .

Nec me nominibus furioſus conſero tantis:

Sæva Deos contra non tamen arma tuli .

Denique Cæſareo, quod non deſiderat ipſe,
 Non caret è noſtris ullus honorè liber .

Si dubitas de me; laudes admitte Deorum ;

Et carmen dempto nomine ſume meum .

Adiuvat in bello pacatæ ramus olivæ ;

Proderit auctorem pacis habere nihil ?

Cum foret Æneæ cervix ſubjecta parenti,
 Dicitur ipſa viro flamma dediſſe viam .

Fert

Fert liber Æneaden, & non iter omne patebit?

At patriæ pater hic, ipſius ille fuit.

Æquis ita eſt audax, ut limine cogat abire.

Jaſtantem Pharia tinnula ſiſtra manu?

Ante Deum matrem cornu tibicen adunco

Cum canit, exigua quis ſtipis æra neget?

Scimus ab imperio fieri nil tale Dianæ:

Unde tamen vivat, vaticinator habet.

Ipfæ movent animos Superorum numina noſtros;

Turpe nec eſt tali credulitate capi.

En ego pro ſiſtro, Phrygiique ſoramine buxi,

Gentis Juleæ nomina ſancta fero.

Vaticinor, moneoque; locum date ſacra ferenti:

Non mihi, ſed magno poſcitur ille Deo.

Nec, quia vel merui, vel ſenſi Principis iram,

A nobis ipſum nolle putate coli.

Vidi ego linigeræ numen violaffe fatentem

Iſidis, Iſiacos ante ſedere focos.

Alter, ob huic ſimilem privatus lumine culpam,

Clamabat media ſe meruiſſe via.

Talia cœleſtes fieri præconia gaudent;

Ut ſua quid valeant numina, teſte probent.

Sæpe levant pœnas, ereptaque lumina reddunt;

Cum bene peccati pœnituiſſe vident.

Penitet ò, (ſi quid miſerorum creditur ulli,)

Pœnitet, & factò torqueor ipſe meo!

Cumque ſit exilium, magis eſt mihi culpa dolori:

Eſtque pati pœnas, quàm meruiſſe minus.

Ut mihi Di faveant, quibus eſt maniſeſtior ipſe;

Pœna poteſt demi, culpa perennis erit.

Mors faciet certè, ne ſim, cum venerit, exul:

(Ne non peccarim mors quoque non faciet.)

Nil igitur mirum, ſi mens mihi tabida facta

De nive manantis more liqueſcit aquæ.

Eſtur ut occulta vitiata teredine navis:

Æquorei ſcopulos ut cavat unda ſalis:

Roditur ut ſcabra poſitum rubigine ferrum,

Conditus ut tinea carpitur ore liber:

Sic mea perpetuos curarum pectora morſus,

Fine quibus nullo conſtiantur, habent.

Nec priuſ hi mentem ſtimuli, quàm vita relinquent:

Quique dolet citiùs, quàm dolor ipſe, cadet.

Hoc mihi ſi Superi, quorum ſumus omnia, credent,

Eox

Forſitan exigua dignus habebor ope :
 Inque locum Scythico vacuum mutabor ab arcu :
 Plus iſto, durî, ſi precer, oris ero.

EPISTOLA II. *Maximo.*

Maxime, qui tantam meſuram nominis impleſ,
 Et geminas animi nobilitate genus;
 Qui naſci ut poſſes, quamvis cecidere trecenti,
 Non omnes Fabios abſtulit una dies.
 Forſitan hæc à quo mittatur epiſtola quæras;
 Quique loquar tecum, certior eſſe velis.
 Hei mihi! quid faciam? vereor, ne nomine lecto
 Durus, & averſa cætera mente legas.
 Viderit hæc ſi quis; tibi me ſcripſiſſe fateri.
 Audebo, & propriis ingemuiſſe malis.
 Viderit: audebo tibi me ſcripſiſſe fateri
 [Atque modum culpæ notificare meæ.]
 Qui, cum me pœna dignum graviore fuiſſe
 Conſitear; poſſum vix graviora pati.
 Hoſtibus in mediis, interque pericula verſor:
 Tanquam cum patria pax ſit adempta mihi.
 Qui, mortis ſævo gement ut vulnere cauſas,
 Omnia vipereo ſpicula felle linunt.
 His eques inſtructus perterrita mœnia laſtrat,
 More lupi clauſas circumeuntis oves.
 At ſemel intentus nervo levis arcus equino,
 Viacula ſemper habens irrefoluta manet.
 Teſta rigent fixis veluti vallata ſagittis,
 Porta que vix firma ſummovet arma ſera.
 Adde loci faciem, nec fronde, nec arbore teſti;
 Et quod iners hyemi continuatur hyems.
 Hic me pugnanti cum frigore cumque ſagittis,
 Cumque meo fato, quarta fatigat hyems.
 Fine carent lachrymæ, niſi cum ſtupor obſtitit illis:
 Et ſimilis morti pectora torpor habet.
 Felicem Nioben, quamvis tot funera vidit,
 Quæ poſuit ſenſum faxea facta mali!
 Vos quoque felices, quarum clamantia fratrem
 Cortice velavit populus ora novo.
 Ille ego ſum, lignum qui non admittar in ullum:
 Ille ego ſum, fruſtra qui lapide eſſe velim.
 Ipſa Meduſa oculis veniat licet obvia noſtris.
 Amittat vires ipſa Meduſa ſuas.

Vixit.

Vivimus, ut sensu nunquam careamus amaro :
Et gravior longa sit mea pœna mora .
Sic inconsumptum Tityi semperque renascens,
Non perit, ut possit sæpe perire, jecur .
At puto cum requies, medicinaq; publica curæ
Somnus adest, solitis nox venit orba malis .
Somnia me terrent veros imitantia casus ;
Et vigilant sensus in mea damna mei .
Aut ego Sarmaticas videor vitare sagittas :
Aut dare captivas ad fera vincla manus .
Aut, ubi decipior melioris imagine somni ,
Aspicio patriæ testa relicta meæ .
Et modò vobiscum, quos sum veneratus, amici ,
Et modò cum chara conjuge multa loquor .
Sic, ubi percepta est brevis, & non vera voluptas ,
Pejor ab admonitu fit status iste boni .
Sive dies igitur caput hoc miserabile cernit ,
Sive pruinosi Noctis aguntur equi :
Sic mea perpetuis liquefiunt pectora curis ,
Ignibus admotis ut nova cera solet .
Sæpe precor mortem, mortem quoq; deprecor idem ;
Ne mea Sarmaticum contegat ossa solum .
Cum subit, Augusti quæ sit clementia; credo,
Mollia naufragiis littora posse dari .
Cum video quàm sint mea fata tenacia, frangor ;
Spesque levis magno victa timore cadit .
Nec tamen ulterius quidquam sperove, precorve ,
Quàm malè mutato posse carere loco .
Aut hoc, aut nihil est, pro me tentare modestè .
Gratia quod salvo vestra pudore queat .
Suscipe, Romanæ facundia Maxime linguæ ,
Difficilis causæ mite patrocinium .
Est mala ; confiteor : sed te bona, fiet agente :
Lenia pro misera fac modò verba fuga .
Nescit enim Cæsar, quamvis Deus omnia norit ,
Ultimus hic qua sit conditione locus .
Magna tenent illud rerum molimina numen :
Hæc est cœlesti pectore cura minor .
Nec vacat, in qua sint positi regione Tomitæ ,
Querere, finitimo vix loca nota Getæ .
Aut quid Sauromatæ faciant, quid Iaziges acres ,
Cultaque Orestæ Faurica terra Dez .
Quæque aliz gentes, ubi frigore constitit Ister ,

Dura meant celeri terga per, amnis equo.
 Maxima pars hominum, nec te pulcherrima curant
 Roma, nec Aufonii militis arma timent.
 Dant animos arcus illis plenæque pharetræ;
 Quamque libet longis cursibus aptus equus:
 Quodque sitim didicere diu tolerare, famemque,
 Quodque sequens nullas hostis habebit aquas.
 Ira Dei mitis non me misisset in istam,
 Si satis hæc illi nota fuisset, humum.
 Nec me, nec quenquam Romanum gaudet ab hoste,
 Meque minus, vitam cui dedit ipse, premi.
 Noluit ut poterat, minimo me perdere nutu,
 Nil opus est ullis in mea fata Getis.
 Sed neque, cur morerer, quidquam mihi comperit
 actum:
 Nec minùs infestus, quàm fuit esse potest.
 Tunc quoque nil fecit, nisi quod facere ipse coegi,
 Penè etiam merito parcior ira meo.
 Dii faciant igitur, quorum mitissimus ipse est,
 Alma nihil majus Cæsare terra ferat.
 Utque diu sub eo sit publica sarcina rerum;
 Perque manus hujus tradita gentis eat.
 At tu tam placido, quàm nos quoque sensimus illum,
 Judice, pro lacrymis ora resolve meis.
 Non petito ut bene sit, sed uti malè tutius, utque
 Exilium sævo distet ab hoste meum.
 Quamque dedere mihi præsentia numina vitam,
 Non adimat stricto squallidus ense Getes.
 Denique, si moriar, subeant pacatius arvum,
 Ossa nec à Scythica nostra premantur humo.
 Nec malè compositos (ut scilicet exule dignum)
 Bistonii cineres ungula pulset equi.
 Et ne, si superest aliquid post funera sensus,
 Terreat hic manes Sarmatis umbra meos.
 Cæsaris hæc animum poterant audita movere,
 Maxime, movissent si tamen ante tuum.
 Vox precor Augustas pro me tua molliat aures,
 Auxilio trepidis quæ solet esse reis:
 Assuetaque tibi doctæ dulcedine linguæ,
 Equandi Superis pectora flecte viri.
 Non tibi Theromedon, crudusve rogabitur Atreus;
 Quique suis homines pabula fecit equis:
 Sed piger ad poenas Princeps, ad præmia, velox,
 Qui-

Quisque dolet, quoties cogitur esse ferox.
 Qui vicit semper, victis ut parcere posset;
 Clausit & æterna civica bella sera.
 Multa metu pœnæ, pœna qui pauca coercet;
 Et jacit invita fulmina rara manu.
 Ergo tam placidas orator missus ad aures,
 Ut propior patriæ sit fuga nostra, roga.
 Ille ego sum, qui te colui, quem festa solebat
 Inter convivas mensa videre tuos.
 Ille ego, qui duxi vestros Hymenæon ad ignes;
 Et cecini fausto carmina digna thoro.
 Cujus te solitum memini laudare libellos,
 Exceptis domino qui nocuere suo.
 Cui tua nonnunquam miranti scripta legebas,
 Ille ego, de vestra cui data nupta domo.
 Hanc probat, & primo dilectam semper ab ævo,
 Est inter comites Marcia censa suas.
 Inque suis habuit matertera Cæsaris ante:
 Quarum judicio si quæ probata, proba est.
 Ipsa sua melior fama, laudantibus istis,
 Claudia divina non eguisset ope.
 Nos quoque præteritos sine labe peregrinus annos,
 Proxima pars vitæ transilienda mea.
 Sed de me ut sileam, conjux mea sarcina vestra est,
 Non potes hanc salva dissimulare fide.
 Confugit hæc ad vos, vestras amplectitur aras:
 (Juxta venit cultos ad sibi quisque Deos.)
 Flensque rogat, precibus lenito Cæsare vestris,
 Busta sui fiant ut propiora viri.

EPISTOLA III. *Ruffino.*

Hanc tibi Naso tuus mittit, Rufine, salutem;
 Qui miser est, ulli si suus esse potest.
 Reddita confusæ nuper solatia menti,
 Auxilium nostris spemque tulere malis.
 Utque Machaoniis præstantius artibus heros
 Lenito medicam vulnere sensit opem:
 Sic ego mente jacens & acerbo faucibus ictu,
 Admonitu corpi fortior esse tuo.
 Et jam deficiens sic ad tua verba revixi,
 Ut solet infuso vena redire mero.
 Non tamen exhibuit tantas facundia vires,
 Ut mea sint dictis pectora sana tuis.

Ut

Ut multum nostrę demasde gurgite curę ,
 Non minus exhausta , quod superabit , erit.
 Tempore ducetur longo fortasse cicatrix :
 Horrent admotas vulnera cruda manus .
 Non est in medico semper relevetur ut æger .
 Interdum docta plus valet arte malum .
 Cernis , ut è molli sanguis pulmone remissus
 Ad Stygias certo limite ducat aquas ?
 Afferat ipse licet sacras Epidaurius herbas ,
 Sanabit nulla vulnera cordis ope .
 Tollere podosam nescit medicina podagram ,
 Nec formidatis auxiliatur aquis .
 Cura quoque interdum nulla medicabilis arte ;
 Aut , ut sit , longa est extenuanda mora .
 Cum bene firmarunt animum præcepta jacentem ,
 Sumptaque sunt nobis pectoris arma tui :
 Rursus amor patrię ratione valentior omni ,
 Quod tua texuerunt scripta , retexit opus .
 Sive pium vis hoc , sive hoc muliebri vocari ,
 Confiteor misero molle cor esse mihi .
 Non dubia est Ithaci prudentia ; sed tamen optat
 Fumum de patriis posse videre focis .
 Nescio quā natale solum dulcedine captos
 Ducit , & immemores non sinit esse sui .
 Quid melius Roma ? Scythico quid littore pejus ?
 Huc tamen ex illa barbarus urbe fugit .
 Cum bene sit clausę cavea Pandione natę ;
 Nititur in sylvas illa redire suas .
 Assuetos tauri saltus , assueta leones
 [Nec feritas illos impedit] antra petunt .
 Tu tamen exilii morsus è pectore nostrę
 Fomentis speras cedere posse tuis .
 Effice , vos ipsi ne tam mihi sitis amandi ,
 Talibus ut levius sit caruisse malum .
 At puto , qua fueram genitus , tellure carenti ,
 In tamen humano contigit esse loco .
 Orbis in extremi jaceo desertus arenis :
 Fert ubi perpetuas obruta terra nives .
 Non ager hic pomum , non dulces educat uvas :
 Non salices ripa , robora monte virent ,
 Neve fretum terra laudes magis ; æquora semper
 Ventorum rabie , solibus orba , tument .
 Quocunque aspicias , campi cultore carentes ,
 Vasta-

Vastaque, quæ nemo vindicet, arva jacent.
 Hostis adest dextra, lævaque à parte timendus;
 Vicinoque metu terret utrumque litus.
 Altera Bistonias pars est sensura sarissas,
 Altera Sarmatica spicula missa manu.
 I nunc & veterum nobis exempla virorum,
 Qui forti casum mente tulere, refer.
 Et grave magnanimi robur mirare Rutili,
 Non usi redivit conditione dati.
 Smyrna virum tenuit, non Pontus & hostica tellus,
 Pæne minus nullo Smyrna petenda loco.
 Non doluit patria Cynicus procul esse Sinopeus:
 Legit enim sedes, Attica terra, tuas.
 Arma Neoclides qui Persica contudit armis,
 Argolica primam sensit in urbe fugam.
 Pulsus Aristides patria, Lacedæmona fugit:
 Inter quas dubium, quæ prior esset, erat.
 Cæde puer facta Patroclus Opuntia reliquit,
 Thessalicamque adiit hospes Achillis humum.
 Exul ab Hæmonia Pirenida cessit ad undam,
 Quo duce trabs Colchas sacra cucurrit aquas.
 Liquit Agenorides Sidonia mœnia Cadmus,
 Poneret ut muros in meliore loco.
 Venit ad Adrastum Tydeus, Calydone fugatus,
 Et Teucrum Veneri grata recepit humus.
 Quid referam veteres Romanæ gentis, apud quos
 Exulibus tellus ultima Tybur erat?
 Persequar ut cunctos; nulli datus omnibus ævis
 Tam procul à patria est horridiorve locus.
 Quo magis ignoscat sapientia vestra dolenti,
 Qui facit ex dictis non ita multa tuis.
 Nec tamen inficior, si possint nostra coire
 Vulnera, præceptis posse coire tuis.
 Sed vereor, ne me frustra servare labores;
 Neu juver admota perditus æger ope.
 Nec loquor hæc, quia sit major prudentia nobis,
 Sed sum quàm medico notior ipse mihi.
 Ut tamen hoc ita sit, munus tua grande voluntas
 Ad me pervenit, consuliturque boni.

E P I S T O L A IV. Uxori.

J Am mihi deterior canis aspergitur ætas,
 Jamque meos vultus ruga senilis arat.

Jam

Jam vigor , & quasso languent in corpore vires ;
 Nec , juveni lusus qui placere , placent.
 Nec si me subito videas , agnoscere possis :
 Ætatis facta est tanta ruina meæ .
 Confiteor facere hæc annos : sed & altera causa est ,
 Anxietas animi , continuusque labor .
 Nam mea per longos si quis mala digerat annos ,
 (Crede mihi) Pylio Nestore major ero .
 Oernis ut in duris (& quid bove firmitus ?) arvis
 Fortia taurorum corpora frangat opus .
 Quæ nunquam vacuo solita est cessare novali ,
 Fructibus assiduis lassæ senescit humus .
 Occidet , ad Circi si quis certamina semper ,
 Non intermissis cursibus ibit , equus .
 Firma sit illa licet , solvetur in æquore navis ,
 Quæ nunquam liquidis sicca carebit aquis .
 Me quoque debilitat series immensa malorum ,
 Ante meum tempus cogit & esse senem .
 Otia corpus alunt ; animus quoque pascitur illis .
 Immodicus contra carpit utrumque labor .
 Aspice , in has partes quod venerit Æsone natus ,
 Quam laudem à sera posteritate ferat .
 At labor illius nostro leviorque minorque :
 Si modo non verum nomina magna premunt .
 Ille est in Pontum Pelia mittente profectus ,
 Qui vix Thessaliæ sine timendus erat .
 Cæsaris ira mihi nocuit ; quem Solis ab ortu
 Solis ad occasus utraque terra tremit .
 [Junctior Hæmonia est Ponto , quam Roma sit Istro
 Et brevius quàm nos ille peregit iter .)
 Ille habuit comites primos telluris Achivæ :
 At nostram cuncti destituere fugam .
 Nos fragili vastum ligno sulcavimus æquor :
 Quæ tulit Æsoniden firma carina fuit .
 Nec Typhis mihi rector erat : nec Agenore natus
 Quas sequeretur docuit , quas fingeremque vias .
 Illum tutata est cum Palladè regia Juno :
 Defendere meum numina nulla caput .
 Illum furtivæ juvere Cupidinis artes ,
 Quas à me vellem non didicisset Amor .
 Ille domum rediit : nos his moriemur in arvis ,
 Perstiterit læsi si gravis ira Dei .
 Durius est igitur nostrum , fidissima conjux ,

Illo, quod subiit Æsone natus, onus.
 Te quoque, quam juvenem discedens Urbe reliqui,
 Credibile est nostris insenuisse malis.
 O ego, Dii faciant, talem te cernere possim,
 Charaque mutatis oscula ferre genis;
 Amplectique meis corpus non pingue lacertis,
 Et Gracile hoc fecit, dicere, cura mei:
 Et narrare meos flenti flens ipse labores;
 Sperato nunquam colloquioque frui:
 Thuraque Cæsaribus cum conjuge Cæsare digna,
 Dis veris, memori debita ferre manu!
 Memnonis hanc utinam lenito Principe mater
 Quàm primùm roseo provocet ore diem!

E P I S T O L A V. *Maximo.*

Ille tuos quondam non ultimus inter amicos,
 Ut sua verba legas Maxime, Naso rogat.
 In quibus ingenium desiste requirere nostrum,
 Nescius exilii ne videre mei.
 Cernis, ut ignavum corrumpant otia corpus:
 Ut capiant vitium, ni moveantur, aquæ?
 Et mihi si quis erat ducendi carminis usus,
 Deficit, estque minor factus inerte situ.
 Hæc quoque, quæ legitis [si quid mihi Maxime credis]
 Scribimus invita vixque coacta manu.
 Non libet in tales animum contendere curas,
 Nec venit ad duos Musa vocata Getas.
 Ut tamen ipse vides, luctor deducere versum,
 Sed non sit fato mollior ille meo.
 Cum relego, scripsisse pudet, quia plurima cerno,
 Me quoque qui feci, iudice, digna lini.
 Nec tamen emendo: labor hic quàm scribere, major.
 Mensque pati durum sustinet ægra nihil.
 Scilicet incipiam lima mordaciùs uti,
 Et sub iudicium singula verba vocem?
 Torquet enim Fortuna parum nisi Nilus in Hebrum
 Confluat? & frondes Alpibus addat Athos?
 Parcendum est animo miserabile vulnus habenti:
 Subducant oneri colla perusta boves.
 At, puto fructus adest iustissima causa laborum,
 Et fata cum multo fœnore reddit ager.
 Tempus ad hoc nobis (repetas licet omnia) nullum
 Profuit (atque utinam non nocuisset!) opus.
 Cur

Cur igitur scribam miraris? miror & ipse,
 Et mecum quæro sæpe, quid inde feram.
 An populus verè sanos negat esse poetas?
 Sumque fides hujus maxima vocis ego?
 Qui sterili toties cum sim deceptus ab arvo,
 Damnoſa perſto condere ſemen humo.
 Scilicet eſt cupidus ſtudio, cui quisque ſuorum
 Tempus & aſſueta ponere in arte iuvat.
 Saucius ejurat pugnam gladiator, & idem
 Immemor antiqui vulneris, arma capit.
 Nil ſibi cum pelagi dicit fore naufragus undis,
 Et ducit remos, qua modò navit aqua.
 Sic ego conſtanter ſtudio non utile carpo;
 Et repeto, nollem quas coluiſſe, Deas.
 Quid potiùs faciam? non ſum qui ſegniam ducam
 Otia: mors nobis tempus habetur iners.
 Nec iuvat in lucem nimio marceſcere vino:
 Nec tenet incertaſ alea blanda manus.
 Cum dedimus ſomno, quas corpus poſtulat, horas,
 Quo ponam vigilans tempora longa modo?
 Moris an oblitus patrii contendere diſcam
 Sarmaticos arcus, & trahar arte loci?
 Hoc quoque me ſtudio prohibent aſſumere vires:
 Menſque magis gracili corpore noſtra valet.
 Cum benè quæſieris, quid agam: magis utile nil eſt
 Artibus his, quæ nil utilitatis habent.
 Conſequor ex illis caſus obliviam noſtri.
 Hanc ſatis eſt meſſem ſi mea reddit hilmus.
 Gloria vos acuat: vos ut recitata probentur
 Carmina, Pieriis invigilate choris.
 Quod venit ex facili, ſatis eſt componere nobis,
 Et nimis intenti cauſa laboris abeſt.
 Curegò ſollicita poliam mea carmina cura?
 An verear, ne non approbet illa Getes?
 Forſitan audacter faciam, ſed gloriſ Iſtrum
 Ingenio nullum majus habere meo.
 Hoc, ubi vivendum, ſatis eſt ſi conſequor, arvo,
 Inter inhumanos eſſe poeta Getas.
 Quo mihi diverſum fama contendere in orbem?
 Quem fortuna dedit, Roma ſit ille locus.
 Hoc mea contenta eſt infelix Muſa theatro,
 Sic merui; magni ſic voluere Dei.
 Nec reor hinc iſtuc noſtris iter eſſe libellis,
 Quo

Quo Boreas penna deficiente venit.
 Dividimur cœlo: quæque est procul urbe Quirinî,
 Aspicit hirsutos cominus Urfa Getas.
 Per tantum terræ, tot aquas, vix credere possim
 Indicium studii transiluisse mei.
 Finge legi, quodque est mirabile, finge placere:
 Auctorem certè res juvèt ista nihil.
 Quo tibi, si calida positus laudare Syene;
 Aut ubi Taprobanem Indica cingit aqua?
 Altiùs ire libet, si te distantia longè
 Plejadum laudent signa, quid inde feras?
 Sed neque pervenio scriptis mediocribus istuc,
 Famaque cum domino fugit ab Urbe suo.
 Vosque quibus perii, tunc cum mea fama sepulta est,
 Nunc quoque de nostra morte tacere reor.

E P I S T O L A VI. *Gracino.*

ECquid ut audisti (nam te diversa tenebat
 Terra) meos casus, cor tibi triste fuit?
 Dissimules, metuasque licet, Gracine, fateri.
 Si bene te novi, triste fuisse liquet.
 Non cadit in mores feritas inamabilis istos:
 Nec minùs à studiis dissidet illa tuis.
 Artibus ingenuis, quarum tibi maxima cura est,
 Pectora mollescent, asperitasque figit.
 Nec quisquam meliore fide complectitur illas,
 Qua sinit officium, militizque labor.
 Certe ego, cum primum potui sentire quid essem,
 (Nam fuit attonito mens mihi nulla diu.)
 Hoc quoque Fortunæ sensi, quod amicus abesses;
 Qui mihi præsidium grande futurus eras.
 Tecum tunc aberant ægræ solatia mentis,
 Magnaque pars animæ, consilii que mei.
 At nunc, quod superest, fer opem, precor, emi-
 nus unam:
 Alloquioque juva pectora nostra tuo.
 Quæ (non mendaci si quidquam credis amico)
 Stulta magis dici, quàm scelerata, decet.
 Nec leve, nec tutum, peccati quæ sit origo,
 Scribere, tractari vulnera nostra timent.
 Qualicunque modò mihi sint ea facta, rogare
 Desine non agites, si qua coire velis.
 Quicquid id est, ut non facinus; sic culpa vocandum,
 Omnis

Omnis an in magnos culpa Deos, scelus est?
 Spes igitur menti pœnz, Græcine, levandæ
 Non est ex toto nulla relicta mez.
 Hæc Dea, cum fugerent sceleratas numina terras,
 In Diis invisa sola remansit humo.
 Hæc facit, ut vivat victus quoque compede fossor
 Liberaque à ferro crura futura putet.
 Hæc facit, ut, videat cum terras undique nullas,
 Naufragus in mediis brachia jactet aquis.
 Sæpe aliquem solers medicorum cura reliquit;
 Nec spes huic vena deficiente cadit.
 Carcere dicuntur clausi sperare salutem;
 Atque aliquis pendens in cruce vota facit.
 Hæc Dea quàm multos laqueo sua colla ligantes
 Non est proposita passa perire nece!
 Me quoque conantem gladio finire dolorem
 Arcuit, injecta continuitque manu.
 Quidque facis? lacrymis opus est, non sanguine, dixit
 Sæpe per has flecti Principis ira solet.
 Quamvis est igitur meritis indebita nostris,
 Magna tamen spes est in bonitate Dei.
 Quine difficilis mihi sit, Græcine, precare;
 Confer & in votum tu quoque verba meum.
 Inque Tomitana jaceam tumultus arena,
 Si te non nobis ista vovere liquet.
 Nam prius incipiant turres vitare columbæ,
 Antra feræ, pecudes gramina, mergus aquas:
 Quàm malè se prester veteri Græcinus amico:
 Non ita sunt fatis omnia versa meis.

EPISTOLA VII. *Messalino.*

Littera pro verbis tibi, Messalline, salutem,
 Quam legis, à sœvis attulit usque Getis.
 Indicat auctorem locus? an nisi nomine lecto,
 Hæc me Nasonem scribere verba latet?
 Ecquis in extremo positus jacet orbe tuorum,
 Me tamen excepto, qui precor esse tuus?
 Dii procul à cunctis qui te venerantur, amantque
 Hujus notitiam ge-tis abesse velint.
 Non satis est inter glaciem, Scythicasque sagittas
 Vivere: si vita est mortis habenda genus.
 Nos premat aut bello tellus, aut frigore cœlum,
 Truxque Getes armis, grandine pulset hyems:
 Nos

Nos habeat regio, nec pomis facta, nec uvis,
Et cujus nullum cesset ab hoste latus:

Cætera sit sospes cultorum turba tuorum;
In quibus ut populo, pars ego parva fui.

Me miserum, si tu verbis offenderis istis:

Nosque negas ulla parte fuisse tuos?

Idque sit ut verum, mentito ignoscere debes.

Nil demit laudi gloria nostra tuæ.

[Quis se Cæsaribus notus non fingit amicum?

Da veniam fasso; tu mihi Cæsar eris.)

Nec tamen irrumpo, quo non licet ire: satisque est,

Atria si nobis non patuisse negas.

Utque tibi fuerit mecum nihil amplius; uno

Nempe salutaris, quàm prius, ore minùs.

Nec tunc est genitor nos inficiatus amicos,

Hortator studii, causaque, faxque mei.

Cui nos & lacrymas, supremum infundere munus,

Et dedimus medio scripta canenda foro.

Adde, quòd est frater tanto mihi junctus amore,

Quantus in Attridis, Tyndaridisque fuit.

Is me nec comitem, nec dedignatus amicum est:

Si tamen hæc illi non nocitura putas.

Si minùs, hæc quoque me mendacem parte fatebor,

Clausula mihi potius tota sit ista domus.

Sed neque claudenda est, & nulla potentia vires

Præstandi, ne quid peccet amicus, habet.

Et tamen ut cuperem culpam quoque posse negari;

Sic facinus nemo nescit abesse mihi.

Quòd nisi delicti pars excusabilis esset;

Parva relegati pœna futura fuit.

Ipse sed hoc vidit, qui pervidet omnia; Cæsar,

Stultitiam dici crimina posse mea.

Quaque ego permisi, quaque est res passa, pepercit;

Ufus & est modicè fulminis igne sui.

Nec vitam, nec opes, nec adempt posse reverti:

Si sua per vestras victa sit ira preces.

At graviter cecidi: quid enim mirabile, si quis

A Jove percussus non leve vulnus habet?

Ipse suas quamvis vires inhiheret Achilles,

Missi graves ictus Pelias hasta dabat.

Judicium nobis igitur cùm vindicis adsit,

Non est cur tua me janua nosse neget.

Culta quidem [fateor] citra, quàm debuit, illa est:

Sed fuit in fatis hoc quoque , credo , meis.
 Nec tamen officium sensit magis altera nostrum.
 Hic illic vestro sub Lare semper eram.
 Quæque tua est pietas ut te non excolat ipsum,
 Jus aliquod tecum fratris amicus habet.
 Quid quod , ut emeritis referenda est gratia semper,
 Sic est fortunæ promeruisse tux ?
 Quod si permittis nobis suadere , quid optes :
 Ut des , quàm reddas , plura , precare Deos.
 Idque facis , quantumque licet meminisse , solebas
 [Officii causam pluribus esse dati.]
 Quolibet in numero me , Messalline , repone ,
 Sim modò pars vestræ non aliena domus.
 Et mala Nasonem , quoniam meruisse videtur ,
 Si non ferre doles , at meruisse dole.

E P I S T O L A VIII. *Severo.*

A Tibi dilecto missam Nasone salutem ,
 Accipe pars animæ magna , Severe , mea.
 Neve roga quid agam , si persequar omnia , flebis ;
 Summa satis nostri sit tibi nota mali.
 Vivimus assiduæ expertes pacis in armis ,
 Disa pharetrato bella movente Geta.
 Deque tot expulsis sum miles in exule solus :
 Tuta (nec invideo) cætera turba jacet.
 Quoque magis nostros venia dignere libellos,
 Hæc in procinctu carmina facta leges.
 Stat vetus urbs , ripæ vicina binominis Istri ,
 Mœnibus & positu vix adeunda loci.
 Caspius Ægyptus [de se si credimus ipsis]
 Condidit , & proprio nomine dixit opus.
 Hanc ferus Odrysiis inopino Marte peremptis
 Cepit , & in regem sustulit arma Getes.
 Ille memox magni generis , virtute quod augeat ,
 Protinus innumero milite cinctus adest.
 Nec prius abscessit , merita quàm cæde nocentum
 Se nimis ulciscens , extitit ipse nocens .
 At tibi , Rex , ævo detur , fortissime nostro ,
 Semper honorata sceptrâ tenere manu.
 Teque , quod & præstat (quidenim tibi plenius
 optem ?)
 Martia cum Magno Cæsare Roma probet.
 Sed memox unde abii , queror , ò jucunde sodalis,
 Acc-

Accedant nostris sæva quod arma malis.
Ut careo vobis Stygias detrusus in oras,
Quatuor autumnos Pleias orta facit.
Nec tu credideris nrbanæ commoda vitæ
Quærere Nasonem; quærit & illa tamen.
Nam modò vos animo dulces reminiscor amici,
Nunc mihi cum chara conjuge nata subit:
Eque domo rursus, pulchræ loca vertor ad Urbis,
Cunctaque mens oculis pervidet illa suis.
Nunc fora, nunc ædes, nunc marmore testæ theatra,
Nunc subit æquata porticus omnis humo.
Gramina nunc Campi pulchros spectantis in hortos,
Stagna que & Euripi Virgineusque liquor.
At, puto, sic Urbis misero est erepta voluptas
Quolibet ut saltem rure frui liceat.
Non meus amissos animus desiderat agros,
Ruraque Peligno conspicienda solo.
Nec quos piniferis positos in collibus hortor
Spectat Flaminiz Clodia juncta viz.
Quos ego nescio cui colui, quibus ipse solebam
Ad sata fontanas [nec pudet] addere aquas.
Sunt ibi, si vivunt, nostra quoque consita quædam
Sed non & nostra poma legenda manu.
Pro quibus amissis utinam contingere posset
Hic saltem profugo gleba colenda mihi!
Ipse ego pendentes (liceat modo) rupe capellas,
Ipse velim baculo pascere nixus oves.
Ipse ego, ne solitis insistant pectora curis,
Ducam ruricolæ sub juga panda boves.
Et discam Getici quæ norunt verba juvenci,
Assuetas illis addiciamque minas.
Ipse manu capulum pressi moderatus aratri,
Experiar mota spargere semen humo.
Nec dubitem longis purgare ligonibus arva:
Et dare, jam sitiens quas bibat hortus, aquas.
Unde sed hoc nobis, minimum quos inter & hostem,
Discrimen murus, clausaque porta facit?
At tibi nascenti (quod toto pectore lætor)
Nerunt fatales fortia fila Dez.
Te modo Campus habet, densa modo porticus ūbra:
Nunc, in quo ponis tempora rara, forum.
Umbria nunc vocat, nec non Albana petentem
Appia ferventi ducit in arva rota.

Forſitan hic optes, ut juſtam ſupprimat iram
 Cæſar, & hoſpitiū ſit tua villa meum.
 Ah nimium eſt, quod, amice, petis! moderatiſ opta:
 Et voti, quæſo, contrahere vela tui.
 Terræ velim propior, nullique obnoxia bello
 Detur: erit noſtris pars bona dempta malis.

EPISTOLA IX. *Maximo.*

Quæ mihi de raptō tua venit epiſtola Celſe,
 Protinus eſt lacrymis humida facta meis.
 Quodque nefas dictū, fieri nec poſſe putavi,
 Invitis oculis littera lecta tua eſt.
 Nec quidquam ad noſtras pervenit acerbius aures,
 Ut ſumus in Ponto, perveniatque precor.
 Ante meos oculos tanquā præſentis imago.
 Hæret; & extinctum vivere ſingit amor.
 Sæpe refert animus luſus gravitate carentes:
 Seria cum liquida sæpe peracta fide.
 Nulla tamen ſubeunt mihi tempora denſius illis,
 Quæ vellem vitæ ſumma fuiſſe meæ.
 Cum domus ingenti ſubito mea lapſa ruina
 Concidit, in domini procubuitque caput.
 Adfuit ille mihi, cū pars me magna reliquit,
 Maxime; Fortunæ nec fuit ipſe comes.
 Illum ego non aliter ſilentem mea funera vidi,
 Ponendus quam ſi frater in igne foret.
 Hæſit in amplexu, conſolatusque jacentem eſt,
 Cumque meis lacrymis miſcuit uſque ſuas.
 O quoties vitæ cuſtos inviſus amaræ,
 Continuit promptas in mea fata manus.
 O quoties dixit, Placabilis ira Deorum eſt.
 Vive, nec ignoſci tu tibi poſſe nega.
 Vox tamen illa fuit celeberrima. Reſpice quantum
 Debeat auxilii Maximus eſſe tibi.
 Maximus incumbet, quaque eſt pietate, rogabit,
 Ne ſit ad extremum Cæſaris ira tenax.
 Cumque ſuis fratris vires adhibebit, & omnem
 Quò leviùs doleas, experietur opem.
 Hæc mihi verba malæ minuerunt tædia vitæ,
 Quæ tu, ne fuerint, Maxime, vana, cave.
 Huc quoque venturum mihi ſe jurare ſolebat;
 Non niſi te longæ juſ ſibi dante viz.
 Nam tua non alio coluit penetralia ritu,
 Ter-

Terrarum dominos quàm colis ipse Deos.
 Crede mihi: multos habeas cùm dignus amicos,
 Non fuit è multis quolibet ille minor.
 Si modò nec census, nec clarum nomen avorum,
 Sed probitas magnos, ingeniumque facit.
 Jure igitur lacrymas Celso libamus adempto,
 Cùm fugerem vivo quas dedit ille mihi.
 Carmina jure damus raros testantia mores,
 Ut tua venturi nomina, Celse, legant.
 Hoc est, quod possum Geticis tibi mittere ab arvis:
 Hoc solum est istic, quod licet esse meum.
 Funera nec potui comitare, nec ungere corpus,
 Atque tuis toto dividor orbe rogis.
 Qui potuit, quem tu pro numine vivus habebas,
 Præstitit officium Maximus omne tibi.
 Ille tibi exsequias, & magni funus honoris
 Fecit, & in gelidos fudit amoma sinus.
 Diluit & lacrymis mærens unguenta profusis;
 Ossaque vicina condita texit humo.
 Qui quoniam extinctis, quæ debet, præstat amicis,
 Et nos extinctis annumerare potest.

EPISTOLA X. Flacco.

Naso suo profugus mittit tibi, Flacce, salutem.
 Mittere rem si quis, qua caret ipse, potest.
 Longus enim curis vitiatum corpus amaris
 Non patitur vires languor habere suas.
 Nec dolor ullus adest, nec febribus uror anhelis,
 Et peragit soliti vena tenoris iter.
 Os hebes est, positæque movent fastidia mensæ,
 Et queror, invisi cum venit hora dibi.
 Quod mare, quod tellus, appone, quod educat aer,
 Nil ibi, quod nobis esuriatur, erit.
 Nectar & ambrosiam, latices epulasque Deorum
 Det mihi formosa nava Juventa manu:
 Non tamen exacuet torpens sapor ille palatum:
 Stabit & in stomacho pondus inerte diu.
 Hæc ego non ausim, cùm sint verissima, cuivis
 Scribere; delicias ne mala nostra vocent.
 Scilicet is status est, ea rerum forma mearum,
 Deliciis etiam possit ut esse locus.
 Delicias illi precor has contingere, si quis,
 Ne mihi sit levior Cæsaris ira, timeat.

Is quoque qui gracili cibus est in corpore, somnus,
 Non alit officio corpus inane suo.
 Sed vigilo, vigilantque mei sine fine dolores;
 Quorum materiam dat locus ipse mihi.
 Vix igitur possis visos agnoscere vultus:
 Quoque jerit, quæras, qui fuit antè, color.
 Parvus in exiles succus mihi pervenit artus:
 Membraque sunt cera pallidiora nova.
 Non hæc immodico contraxi damna Lyxo;
 Scis, mihi quàm solæ pene bibantur aquæ.
 Non epulis oneror: quarum si tangar amore,
 Est tamen in Geticis copia nulla locis.
 Nec vires adimit Veneris damnosa voluptas:
 Non solet in mæstos illa venire toros.
 Unda, locusque nocent: & causa valentior istis,
 Anxietas animi, quæ mihi semper adest.
 Hanc nisi tu pariter simili cum fratre levares,
 Vix mens tristitiæ mæsta tulisset onus.
 Vos estis fragili tellus non dura phaselo:
 Quamque negant multi, vos mihi fertis opem.
 Ferte, precor, semper, quia semper egebimus illa,
 Cæsaris offensum dum mihi nomen erit.
 Qui meritam nobis minuat, non finiat iram,
 Suppliciter vestros quisque rogate Deos.

P. OVIDII NASONIS

D E P O N T O.

L I B E R II.

E P I S T. I. *Germanico Cæsari.*

HUc quoq; Cæsarei pervenit fama triumphi,
 Languida quò fessi vix venit aura Noti.
 Nil fore dulce mihi Scythica regione pu-
 tavi.

Jam minùs hic odio est, quàm fuit ante, locus,
 Tandem aliquid pulsa curarum nube serenum

Vidi, Fortunæ verba dedique mez.

Nolit ut ulla mihi contingere gaudia Cæsar,

Velle potest cuivis hæc tamen una dari.

Dii quoque, ut à cunctis hilari pietate colantur;
 Tri-

Tristitiam poni per sua festa jubent.
Denique quod certus furor est audere fateri,
Hac ego lætitia, si vetat ipse, fruor.
Juppiter utilibus quoties juvat imbribus agros,
Mixta tenax segeti crescere lappa solet.
Nos quoque frugiferum sentimus inutilis herba
Numen, & invita sæpe juvamus ope.
Gaudia Cæsareæ mentis pro parte virili
Sunt mea: privati nil habet illa domus.
Gratia, Fama, tibi: per quam spectata triumphi
Incluso mediis est mihi pompa Getis.
Indice te didici, nuper visenda coisse
Innumeras gentes ad Ducis ora sui.
Quæque capit vastis immensum mœnibus orbem,
Hospitiis Romam vix habuisse locum.
Tu mihi narrasti, cum multis lucibus ante
Fuderit assiduas nubilus Auster aquas;
Numine cœlesti Solem fulsisse serenum,
Cum populi vultu conveniente die.
Atque ita victorem, cum magnæ vocis honore,
Bellica laudatis dona dedisse viris:
Claraque sumpturum pictas insignia vestes,
Thura prius sanctis imposuisse focis:
Justitiamque sui castè placasse Parentis;
Illo quæ templum pectore semper habet.
Quaque ierit, felix adjectum plausibus omen;
Saxaque roratis erubuisse rosis.
Protinus argento veros imitantia muros,
Barbara cum victis oppida lata viris.
Fluminaque, & montes, & in altas pasqua sylvis,
Armaque cum telis instrue mista suis.
Deque triumphato, quod Sol incenderit, auro
Aurea Romani tecta fuisse fori.
Totque tulisse duces captivis addita collis
Vincula, pæne hostes quot satis esse fuit.
Maxima pars horum vitam veniamque tulerunt:
In quibus & bella summa caputque Bato.
Cur ego posse negem minui mihi Numinis iram,
Cum videam mites hostibus esse Deos?
Pertulit huc idem nobis, Germanice, rumor,
Oppida sub titulo nominis iste tui.
Atque ea te contra, nec muri mole, nec armis,
Nec satis ingenio tuta fuisse loci.

Dii tibi dent annos ! à te nam cætera fumes,
 Sint modò virtuti tempora longa tuz.
 Quod precor, eveniet, sunt quiddam oracula vatum.
 Nam Deus optanti prospera signa dedit.
 Te quoque victorem Tarpejas scandere in arces,
 Læta coronatis Roma videbit equis.
 Maturosque Pater nati spectabit honores,
 Gaudia percipiens, quæ dedit ante suis.
 Jam nunc hæc à me juvenum belloque togaque
 Maxime, dicta tibi vaticinante nota.
 Hunc quoque carminibus referam fortasse trium-
 phum :
 Sufficiat nostris si modò vita malis.
 Imbuero Scythicas si non prius ipse sagittas :
 Abstuleritque ferox hoc caput ense Getes.
 Quòd si, me salvo, dabitur tua laurea templis,
 Ominia bis dices vera fuisse mea.

E P I S T O L A II. *Messallino.*

Ille domus vestræ primis venerator ab annis
 Pulsus ad Euxini Naso sinistra freti :
 Mittit ab indomitis hanc, Messalline, salutem,
 Quam solitus præsens est tibi ferre, Getis.
 Hei mihi, si lecto vultus tibi nomine non est,
 Qui fuit, & dubitas cætera perlegere ?
 Perlege nec mecum pariter mea verba relega :
 Urbe licet vestra versibus esse meis.
 Non ego concepi, si Pelion Ossa tulisset,
 Clara mea tangi sydera posse manu.
 Nec nos Enceladi dementia castra secuti,
 In rerum dominos movimus arma Deos.
 Nec, quod Tydidæ temeraria dextera fecit,
 Numina sunt telis ulla petita meis.
 Est mea culpa gravis, sed quæ me perdere solum.
 Ausa sit, & nullum majus adorta nefas.
 Nil nisi non sapiens possum, timidusque vocari.
 Hæc duo sunt animi nomina vera mei.
 Esse quidem fateor, meritam post Cæsaris iram,
 Difficilem precibus te quoque jure meis.
 Quæque tua est pietas in totum nomen Juli,
 Te lædi, cum quis læditur inde, putas.
 Sed licet arma seras, & vulnera sæva mineris ;
 Non tamen efficies, ut timeare mihi.

Pup.

Puppis Achæmenidem Grajum Trojana recepit:
 Profu't, & Myso Pellas hasta duci.
 Confugit interdum templi violator ad aram,
 Nec petere offensi numinis horret opem.
 Dixerithoc aliquis tutum non esse; fatemur.
 Sed non per placidas it mea puppis aquas.
 Tuta petant alii: fortuna miserrima tuta est:
 Nam timor eventus deterioris abest.
 [Qui rapitur fatis, quid præter fata requirit?
 Sæpe creat molles aspera spina rosas.
 Qui rapitur spumante salo, sua brachia cautis.
 Porrigit ad spinas, duraque saxa manus
 Accipit rem metuens pennis trepidantibus ales.
 Audet ad humanos fessæ venire sinus.
 Nec se vicino dubitat committere testæ;
 Quæ fugit infestos territa cerva canes.
 Da, precor, accessum lacrymis, mitissime, nostris;
 Nec rigidam timidis vocibus obde forem.
 Verbaq; nostra favens Romana ad Numina perfer,
 Non tibi Tarpejo culta Tonante minus.
 Mandatique mei legatus suscipe causam:
 Nulla meo quamvis nomine causa bona est.
 Jam prope depositus, certè jam frigidus æger,
 Servatus per te, si modò server, ero.
 Nunc tua pro lapsis nitatur gratia rebus;
 Principis æterni quam tibi præstat amor.
 Nunc tibi & eloquii nitor ille domesticus adsit,
 Quo poteras trepidis utilis esse reis.
 Vivit enim in vobis sacundi lingua parentis;
 Et res hæredem reperit illa suum.
 Hanc ego non, ut me defendere tentet, adoro.
 Non est confessi causa tuenda rei.
 Num tamen excuses erroris imagine factum,
 An nihil expediat tale movere, vide.
 Vulneris id genus est, quod cùm sanabile non sit,
 Non contrectari tutius esse putem.
 Lingua sile: non est ultra narrabile quidquam.
 Possè velim cineres obruere ipse meos.
 Sic igitur, quasi me nullus deceperit error,
 Verba face, ut vita, quam dedit ipse, fruatur.
 Cùmque serenus erit, vultusque remiserit illos,
 Qui secum terras imperiumque movent:
 Exiguam ne me predam sinat esse Getarum,

Deque solum miserz mite , precare fugat.
Tempus adest aptum prœcibus: valet ipse, videtq:
Quas fecit vires , Roma , valere tuas.
Incolumis conjux sua pulvinaria servat :
Promovet Ausonium filius imperium.
Præterit ipse suos animo Germanicus annos ,
Nec vigor est Drusi nobilitate minor.
Adde nurus , neptesque pias , natosque nepotum ,
Cæteraque Augustæ membra valere domus ,
Adde triumphatos modò Pœonas , adde quieti
Subdita montanz brachia Dalmatiæ.
Nec dedignata est abjectis Illyris armis
Cæsareum famulo vertice ferre pedem.
Ipse super currum placido spectabilis ore ,
Tempora Phœbea virgine nexa tulit.
Quem pia vobiscum proles comitavit euntem ,
Digna parente suo nominibusque datis.
Fratribus assimilis, quos proxima templa tenentes
Divus ab excelsa Julius æde videt.
His Messallinus , quibus omnia cedere debent ,
Primum lætitiæ non negat esse locum.
Quicquid ab his superest, venit in certamen amoris :
Hac hominum nulli parte secundus eris.
Hunc colis , ante diem per quam decreta morenti
Venit honoratis laurea digna comis.
Felices , quibus hos licuit spectare triumphos ,
Et ducis ore Deos æquiparante frui.
At mihi Sauromatz pro Cæsaris ore videndi ,
Terraque pacis inops, undaque vincta gelu.
Si tamen hæc audis , & vox mea pervenit istuc ;
Sit tua mutando gratia blanda loco.
Hoc pater ille tuus , primo mihi cultus ab ævo ,
Si quid habet sensus umbra diserta, petit.
Hoc petit & frater : quamvis fortasse veretur ,
Servandi noceat ne tibi cura mei.
Tota domus petit hoc: nec tu potes ipse negare ,
Et nos in turbę parte fuisse tuz.
Ingenii certè , quo nos malè sensimus usos ,
Artibus exceptis , sæpe probator eras.
Nec mea , si tantum peccata novissima demas ,
Esse potest domui vita pudenda tuz.
Sicigitur vestrz vigeant penetralia gentis ;
Curaque sit Superis , Cæsaribusque tui.

Mitte

Mite, sed iratum meritò mihi, Numen adora,
 Eximat ut Scythici me feritate loci.
 Difficile est, fateor, sed tendit in ardua virtus:
 Et talis meriti gratia major erit.
 Nec tamen Ætnæus vasto Polyphemus in antro
 Accipiet voces Antiphatesve tuas.
 Sed placidus, facilisque parens, veniæque paratus;
 Et qui fulmineo sæpe sine igne tonat.
 Qui cum triste aliquid statuit, sit tristis & ipse:
 Cuique ferè pœnam sumere, pœna sua est.
 Victa tamen vitio est hujus clementia nostro:
 Venit & ad vires ira coacta suas.
 Qui quoniam patria toto sumus orbe remoti;
 Nec licet ante ipsos procubuisse Deos;
 Quos colis, ad Superos perfer mandata sacerdos.
 Adde, sed & proprias ad mea verba preces.
 Sic tamen hæc tenta, si non nocitura putabis:
 Ignoscas: timeo naufragus omne fretum.

EPISTOLA III. *Maximo.*

MAxime, qui claris nomen virtutibus æquas,
 Nec sinis ingenium nobilitate premi.
 Culte mihi (quid enim status hic à funere differt?)
 Supremum vitæ tempus adusque mez.
 Rem facis, afflictum non averſatus amicum,
 Quam non est ævo rarior ulla tuo.
 Turpe quidem dictu, sed [si modo vera fatemur]
 Vulgus amicitias utilitate probat.
 Cura quid expediat prior est, quam quid sit honestu;
 Et cum Fortuna statque, caditque fides.
 Nec facile invenias multis in millibus unum,
 Virtutem pretium qui putet esse sui.
 Ipse decor recti, facti si præmia desint,
 Non movet, & gratis pœnitet esse probum.
 Nil, nisi quod prodest, carum est: i, detrahe menti
 Spem fructus avidæ, nemo petendus erit.
 At reditus jam quisque suos amat, & sibi quid sit
 Utile, sollicitis computat articulis.
 Illud amicitiz quondam venerabile nomen
 Prostat, & in quæstu pro meretrice sedet.
 Quo magis admirror, non ut torrentibus undis,
 Communis vitii te quoque labe trahi.
 Diligitur nemo, nisi cui Fortuna secunda est.

Quæ simul intonuit, proximæ quæque fegat,
En ego, non paucis quondam munitus amicis,
Dum flavit velis aura secunda meis;
Ut fera nimbofo tumuerunt æquora vento,
In mediis lacera puppe relinquer aquis.
Cumque alii nolint etiam me nosse videri,
Vix duo projecto tresve tulistis opem.
Quorum tu princeps nec enim comes esse, sed auctor,
Nec petere exemplum, sed dare dignus eras.
Te, nihil exacto, nisi nos peccasse fatentem
Sponte sua probitas officiumque juvant.
Iudice te mercede caret, persequere petenda est:
Externis virtus incommutata bonis.
Turpe putas abigi, quia sit miserandus, amicum;
Quodque sit infelix, desinere esse tuum.
Mitius est lasso digitum supponere mento;
Mergere quam liquidis ora natantis aquis.
Cerne, quid Æacides post mortem præstet amico:
Instar & hanc vitam mortis habere puta.
Pirithoum Theseus Stygias comitavit ad undas:
A Stygiis quantum fors mea distat aquis!
Adfuit infano juvenis Phocæus Orestæ:
Et mea non minimum culpa furoris habet.
Tu quoque magnorum laudes admitte virorum,
Utque facis, lapsa, quam potes, affer opem.
Si bene te novi; si qui prius esse solebas,
Nunc quoque es, atque animi non cecidere tui,
Quo Fortuna magis sævit, magis ipse resistis:
Utque decet, ne te vicerit illa, caves.
Et bene uti pugnes, bene pugnans efficit hostis.
Sic eadem prædest causa, nocetque mihi.
Scilicet indignum, juvenis clarissime, ducis.
Te fieri comitem stantis in orbe Deæ.
Firmus es, & quoniam non sunt ea qualia velles,
Vela regis quassæ qualiacunque ratis.
Quæque ita concussa est, ut jam casura putetur,
Restat adhuc humeris fulta ruina tuis.
Ira quidem primò fuerat tua iusta, nec ipso
Lenior, offensus qui mihi iure fuit.
Quique dolor pectus tetigisset Cæsaris alti,
Illum jurabas protinus esse tuum.
Ut tamen audita est nostræ tibi cladis origo;
Diceris erratis ingemuisse meis.

Tam tua me primum solari littera cœpit,
 Et læsum flecti spem dare posse Deum.
 Movit amicitia: tum te constantia longæ:
 Ante tuos ortus quæ mihi cœpta fuit.
 Et quod eras aliis factus, mihi natus amicus:
 Quodque tibi in cunis oscula prima dedi.
 Quod cum vestra domus teneris mihi sæper ab annis
 Culta sit, esse vetus nunc tibi cogor onus.
 Me tuus ille pater Latia facundia linguæ,
 Quæ non inferior nobilitate fuit,
 Primus ut audere in committere carmina famæ
 Impulit: ingenii dux fuit ille mei.
 Nec, quo sit primum nobis à tempore cultus,
 Contendo fratrem posse referre tuum.
 Te tamen ante omnes ita sum complexus, ut unus:
 Quolibet in casu gratia nostra fores.
 Ultima me tecum vidit, mœstisque cadentes
 Excepit lacrymas Æthæis Ilva genis.
 Cum tibi quærenti, num verus nuncius esset,
 Attulerat culpæ quem mala fama meæ.
 Inter confessum dubie, dubieque negantem
 Hærebam, pavidas dante timore notas:
 Exemploque nivis, quam solvit aquaticus Ausser,
 Gutta per attonitas ibat oborta genas.
 Hæc igitur referens, & quod mea crimina primi
 Erroris venia posse latere vides;
 Respicias antiquum lapsis in rebus amicum,
 Fomentisque juvas vulnera nostra tuis.
 Pro quibus optandi si nobis copia fiat,
 Tam bene pro merito commoda mille precor.
 Sed si sola mihi dentur tua vota; precabor,
 Ut tibi sis salvo Cæsare salva parens.
 Hæc ego, cum faceres altaria pinguis thure,
 Te solitum memini prima rogare Deos.

E P I S T O L A IV. *Attico.*

Acci-pe colloquium gelido Næsonis ab Isthro,
 Attice iudicio non dubitante meo.
 Ecquid adhuc remanes memor infelicis amici?
 Deserit an partes languida cura suas?
 Non ita Di tristes mihi sunt, ut credere possim,
 Fasque putem jam te non meminisse mei.
 Ante meos oculos tua stat, tua semper imago est:

Et videor vultus mente videre tuos.
 Seria multa mihi tecum collata recordor :
 Nec data jucundis tempora pauca jocis.
 Sæpe citæ longis visæ sermonibus horæ ,
 Sæpe fuit brevior , quàm mea verba , dies.
 Sæpe tuas factum venit modò carmen ad aures ;
 Et nova judicio subdita Musa tuo est.
 Quod tu laudaras , populo placuisse putabam :
 Hoc pretium curæ dulce recentis erat.
 Utque meus lima rarus liber esset amici ,
 Non semel admonitu facta litura tuo est.
 Nos fora viderunt pariter , nos porticus omnis ,
 Nos via , nos cunctis curva theatra locis.
 Denique tantus amor nobis , carissime , semper ,
 Quantus in Æaciden , Nestoridenque fuit.
 Non ego , si biberes securæ pocula Lethes ,
 Excidere hæc credam pectore posse tuo.
 Longa dies citior brumali fidere , noxque
 Tardior hyberna solstitialis erit :
 Nec Babylon æstus , nec frigora Pontus habebit ,
 Calthaque Præstans vincet odore rosas :
 Quam tibi nostrarum veniant oblivia rerum ,
 Non ita pars fati candida nulla mei.
 Ne tamen hæc dici possit fiducia mendax ,
 Stultaque credulitas nostra fuisse , cave.
 Constantique fide veterem tutare sodalem ,
 Qua licet , & quantum non onerosus ero.

E P I S T O L A V. *Salano .*

C^Ondita disparibus numeris ego Naso Salano
 Proposita misi verba salute meo .
 Quæ rata sit cupio , rebusque ut pomprobet omen ,
 Te precor à salvo possit , amique , legi.
 Candor in hoc ævo res intermortua pene ,
 Exigit , ut faciam talia vota , tuus.
 Nam fuerim quamvis modico tibi cognitus usu ,
 Diceris exiliis ingemuisse meis.
 Missaque ab extremo legeres cum carmina Ponto ,
 Illa tuus juvat quæliacunque favor.
 Optastique brevem salvi mihi Cæsaris iram ,
 Quod tamen optari , nisi sciat , ipse sinat .
 Moribus ista tuis , tam mitia vota dedisti :
 Nec minus idcirco sunt ea grata mihi .

Quo-

Quoque magis moveare malis, mitissime, nostris,
 Credibile est fieri conditione loci.
 Vix hac invenias, totum (mihi crede) per orbem,
 Quæ minus Augusta pace fruatur, humum.
 Tu tamen hic structos inter fera prælia versus
 Et legis, lectos ore favente probas.
 Ingenioque meo, vena quod paupere manat,
 Plaudis, & è rivo flumina magna facis.
 Grata quidem sunt hæc animo suffragia nostro;
 Vix sibi cum miseros posse placere putes.
 Dum tamen in rebus tentamus carmina parvis,
 Materiz gracili sufficit ingenium.
 Nuper, ut huc magni pervenit fama triumphi,
 Ausus sum tantæ sumere molis onus.
 ruit audentem rerum gravitasque, nitorque,
 Nec potui cœpti pondera ferre mei.
 Illic, quam laudes, erit officiosa voluntas,
 Cætera materia debilitata jacent.
 Qui si fortè liber vestras pervenit ad aures,
 Tutelam mando sentiat ille tuam.
 Hæc tibi facturo, vel si non ipse rogarem,
 Accedat cumulus gratia nostra levis.
 Non ego laudandus, sed sunt tua pectora lacte
 Et non calcata candidiora nive.
 Mirarisque alios, cum sis mirabilis ipse;
 Nec lateant artes, eloquiumque tuum.
 Te juvenum princeps, cui dat Germania nomen,
 Participem studii Cæsar habere solet.
 Tu comes antiquus, tu primis junctus ab annis,
 Ingenio mores æquiparante, places.
 Te dicente prius, sit protinus impetus illi:
 Teque habet, elicias qui sua verba tuis.
 Cum tu dedisti, mortaliaque ora quierunt,
 Clausaque non longa conticuere mora:
 Surgit Juleo juvenis cognomine dignus,
 Qualis ab Eois Lucifer ortus aquis.
 Dumque silens astat, status est vultusque disertus,
 Spemque decens doctæ vocis amictus habet.
 Mox, ubi pulsa mora est, atque os cæleste solutum;
 Hoc superos jures more solere loqui.
 Atque, Hæc est, dicas, facundia Principe digna,
 Eloquio tantum nobilitatis inest.
 Huic tu cum placeas, & vertice sidera tangas,
 Scri-

Scripta tamen profugi vatis habenda putas.
 Scilicet ingeniis aliqua est concordia junctis,
 Et servat studii fœdera quisque sui.
 Rusticus agricolam, miles fera bella gerentem.
 Rectorem dubiæ navita puppis amat.
 Tu quoque Pieridum studio, studiose, teneris;
 Ingenioque faves, ingeniose, meo.
 Distat opus nostrum; sed fontibus exit ab iisdem:
 Artis & ingenuz cultor uterque sumus.
 (Thyrsus enim vobis, gestata est laurea nobis,
 Sed tamen ambobus debet inesse calor.)
 Utque meis numeris tu dat facundia nervos;
 Sic venit à nobis in tua verba nitor.
 Jure igitur studio confinia carmina vestro,
 Et commilitii sacra tuenda putas.
 Pro quibus ut maneat, de quo censeris, amicus.
 Comprecor ad vitæ tempora summa tuæ:
 Succedatque tuis, orbis moderator, habenis,
 Quod mecum populi vota precantur idem.

E P I S T O L A VI. *Gracino.*

CArmine Græcinum, qui præsens voce solebat;
 Tristis ab Euxinis Naso salutatur aquis,
 Exsulis hæc vox est: præbet mihi littera linguam.
 Et, si non liceat scribere, mutus ero.
 Corripis, ut debes, stulti peccata sodalis:
 Et mala me meritis ferre minora doces.
 Vera facis, sed fera meæ convicia culpæ,
 Aspera confesso verba remitte reo.
 Cum poteram recto transire Ceraunia velò,
 Ut fera vitarem saxa, monendus eram.
 Nunc mihi naufragio quid prodest dicere factò,
 Quam mea debuerit currere cymba viam?
 Brachia da lassò potiùs prendenda natantì:
 Nec pigeat mento supposuisse manum.
 Idque facis, faciasq; precor: sic mater & uxor,
 Sic tibi sint fratres, totaque salva domus.
 Quodque soles animo, quod semper voce precari,
 Omnia Cæsaribus sic tua facta probes.
 Turpe erit in miseris veteri tibi rebus amico
 Auxilium nulla parte tulisse tuum.
 Turpe referre pedem, nec passu stare tenaci:
 Turpe laborantem deseruisse ratem.

Tur-

(Turpe sequi casum, & fortunæ cedere amicum,
 Et, nisi sit felix, esse negare suum.)
 Non ita vixerunt Strophio atq; Agamemnone nati:
 Non hæc Ægidæ, Pirithoiq; fides.
 Quos prior est mirata, sequens mirabitur ætas,
 In quorum plausus tota theatra sonant.
 Tu quoque per durum servato tempus amico,
 Dignus es in tantis nomen habere viris.
 Dignus es: & quoniam laudem pietate mereris,
 Non erit officii gratia surda tui.
 Crede mihi, (nostrum si non mortale futurum
 Carmen, In ore frequens posteritatis eris.
 Hac modò perman eas lapso, Græcine, fidelis,
 Duret & in longas impetus iste moras.
 Quæ tu cùm præstes, remo tamen utor in aura,
 Nil nocet admissio subdere calcar equo.

EPISTOLA VII. *Attico.*

ESe salutatam vult te mea littera primùm,
 A malè pacatis, Attice, missa Getis.
 Proxima subsequitur, quid agas audire, voluptas:
 Et si, quicquid agas, sit tibi cura mei.
 Nec dubito quin sit; sed me timor ipse malorum.
 Sæpe supervacuos cogit habere metus.
 Da veniam, quæso, nimioque ignosce timori,
 Tranquillas etiam naufragus horret aquas.
 Qui semel est læsus fallaci piscis ab hamo,
 Omnibus unca cibis æra subesse putat.
 Sæpe canem longè visum fugit agna, lupumque
 Credit, & ipsa suam nescia vitat opem.
 Membra reformidant mollem quoq; saucia tactum:
 Vanaque sollicitis incutit umbra metum.
 Sic ego Fortunæ telis confixus iniquis,
 Pectore concipio nil nisi triste meo.
 Jam mihi fata liquet cœptos servantia cursus
 Per sibi consuetas semper itura vias.
 Observare Deos, ne quid mihi cedat amicè,
 Verbaque Fortunæ vix puto posse dari.
 Est illi curæ me perdere, quæque solebat
 Esse levis, constans & benè certa nocet.
 Crede mihi, si sum veri tibi cognitus oris,
 Nec fraus in nostris casibus esse potest.
 Cinyphiz segetis citius numerabis aristas,

Altae.

Altaquequàm multis floreat Hybla thymis :
 Et quot aves motis nitantur in aera pennis ;
 Quotque natent pisces æquore , certuseris :
 Quam tibi nostrorum statuatur summa laborum ,
 Quos ego sum terra , quos ego passus aqua.
 Nulla Getistoto gens est truculentior orbe :
 Sed tamen hi nostris ingemuere malis.
 Quæ tibi si memori coner perscribere versu ,
 Illas est fatis longa futura meis.
 Non igitur vereor quod te reat esse verendum ,
 Cujus amor nobis pignora mille dedit :
 Sed quia res timida est omnis miser ; & quia longo
 Tempore lætitiæ janua clausa meæ est.
 Jam dolor in morem venit meus , utque caducis
 Percussu crebro saxa cavantur aquis ;
 Sic ego continuo Fortunæ vulneror ictu :
 Vixque habet in nobis jam nova plaga locustæ
 Nec magis assiduo vomer tenuatur ab usu ,
 Nec magis est curvis Appia trita rotis ;
 Pectora quàm mea sunt serie cæcata laborum :
 Et nihil inveni , quod mihi ferret opem.
 Artibus ingenuis quæ sita est gloria multis :
 Infelix perii dotibus ipse meis.
 Vita prior vitio caret , & sine labe peracta :
 Auxilii misero nil tulit illa mihi.
 Culpa gravis precibus donatur sæpe suorum :
 Omnis pro nobis gratia muta fuit.
 Adjuvat in duris alios præsentia rebus :
 Obruit hoc absens vasta procella caput.
 Quæ non horruerint tacitam quoque Cæsaris iræ ?
 Addita sunt poenis aspera verba meis.
 Fit fuga temporibus levior : projectus in æquos
 Arcturum subii Pleiadumque minas.
 Sæpe solent hyemem placidam sentire carinæ :
 Non Ithacæ puppi sævior unda fuit.
 Recta fides comitum poterat mala nostra levare :
 Ditata est spoliis perfida turba meis.
 Mitius exsilium faciunt loca : tristior ista
 Terra sub ambobus non jacet ulla polis.
 Est aliquid patriis vicinum finibus esse :
 Ultima me tellus , ultimus orbis habet.
 Præstat & exsulibus pacem tua laurea , Cæsar ,
 Pontica finitimo terra sub hoste jacet.

Tempus in agrorum cultu consumere dulce est,
 Non patitur verti barbarus hostis humum.
 Temperie cœli corpusque animusque juvantur,
 Frigore perpetuo Sarmatis ora riget.
 Est in aqua dulci non invidiosa voluptas,
 Æquoreo bibitur cum sale mista palus.
 Omnia deficiunt: animus tamen omnia vincit.
 Ille etiam vires corpus habere facit.
 Sustineas ut onus, nitendum vertice recto est,
 At flecti nervos si patiare, cadet.
 Spes quoque posse mora mitescere Principis iram,
 Vivere ne nolim deficiamque, facit.
 Nec vos parva datis pauci solatia nobis.
 Quorum spectata est per mala nostra fides.
 Cœpta tene, quæso; nec in æquore desere navem,
 Meque simul serva, iudiciumque tuum.

E P I S T O L A VIII. *Maximo Cotta.*

R Edditus est nobis Cæsar cum Cæsare nuper,
 Quos mihi misisti, Maxime Cotta Deos,
 Utque tuum munus numerum, quem debet, haberet.
 Est tibi Cæsaribus Livia iuncta suis.
 Argentum felix, omnique beatius auro,
 Quod, fuerit precium cum rude, numen habet.
 Non mihi divitias dando majora dedisses,
 Cœlitibus missis nostra sub ora tribus.
 Est aliquid spectare Deos, & adesse putare,
 Et quasi cum vero numine posse loqui.
 Quantum ad me, redii, nec me tenet ultima tellus,
 Utque prius media sospes in urbe moror.
 Cæsareos video vultus, velut ante videbam,
 Vix hujus voti spes fuit ulla mihi.
 Utque salutabam, numen cœleste saluto,
 Quod reduci tribuas, nil (puto) majus habes.
 Quid nostris oculis nisi sola Palatia desunt?
 Qui locus, ablato Cæsare, vilis erit.
 Hunc ego cum spectem, videor mihi cernere Romam,
 Nam patrię faciem sustinet ille suę.
 Fallor? an irati mihi sunt in imagine vultus,
 Torvaque nescio quid forma minantis habet?
 Parce, vir immenso major virtutibus orbe,
 Justaque vindictę suppressive lora tuę.

Parce, precor, secli decus indelebile nostri,
Terrarum dominum quem sua cura facit.
Per patrię nomen, quod te tibi carius ipso est,
Per numquam surdos in tua vota Deos;
Perque tori sociam, quę par tibi sola reperta est,
Et cui majestas non onerosa tua est;
Perque tibi similem virtutis imagine natum,
Moribus agnoscı, qui tuus esse, potest;
Perque tuos, vel avo dignos vel patre nepotes,
Qui veniunt magno per tua vota gradu;
Parte leva minima, nostras, & contrahe pœnas.
Hæque, procul Scythico qui sit ab hoste, locum.
Et tua (si fas est) à Cæsare proxime Cæsar
Numina sint precibus non inimica meis.
Sic fera quam primum pavido Germania vultu,
Ante triumphantes serva feratur equos.
Sic pater in Pylios, Cumęos mater in annos
Vivant, & possis filius esse diu.
Tu quoque, conveniens ingenti nupta marito,
Accipe non dura supplicis aure precos.
Sic tibi vir sospes, sic sint cum prole nepotes,
Cumque bonis nuribus quas peperere nurus.
Sic, quem dira tibi rapuit Germania, Drusus.
Pars fuerit partus sola caduca tui.
Sic tibi maturę fraterni funeris ultor,
Purpureus nivels filius instet equis.
Annuite ò timidis mitissima numina votis,
Præsentes aliquid prosit habere Deos.
Cæsaris adventu tutus gladiator arena
Exit, & auxilium non leve vultus habet.
Nos quoq; vestra juvet, quod, qua licet, ora videmus
Intrata est Superis quoddam una tribus.
Ælices illi, qui non simulacra, sed ipsos,
Quique Deum coram corpora vera vident.
Quod quoniam nobis invidit inutile fatum,
Quos dedit ars vultus, effigiemque colo.
Sic homines novere Deos, quos arduus æther
Occulit, & colitur pro Jove forma Jovis.
Denique quę mecum est, & erit sine fine, cavete,
Ne sit in invisio vestra figura loco.
Nam caput è nostra citius cervice recedet,
Et patiar fossis lumen abire genis:
Quam caream vobis, ò publica numina, raptis,
Vos.

Vos eritis nostræ portus & aura fugæ.
 Vos ego complectar, Geticis si cingar ab armis,
 Vosque meas Aquilas, vos mea signa sequar.
 Aut ego me fallo, nimiaque cupidine ludor:
 Aut spes exili commodioris adest.
 Nam minùs & minùs est facies in imagine tristic,
 Visaque sunt dictis annuere ora meis.
 Vera precor fiant timidæ præfagia mentis,
 Iustaque quamvis est, sit minor ira Dei.

E P I S T O L A IX. *Cotyæ.*

Regia progenies, cui nobilitatis origo
 Nomen in Eumolpi pervenit usque, Coty.
 Fama loquax vestras si jam pervenit ad aures,
 Metibi finitimi parte jacere soli;
 Supplicis exaudi, juvenum mitissime, vocem,
 Quamquæpotes profugo [nam potes] offer opem.
 Me Fortuna tibi [de qua ne conquerar, hoc est]
 Tradidit; hoc uno non inimica mihi.
 Excipe naufragium non duro littore nostrum,
 Ne fueris terra tutior unda tua.
 Regia [crede mihi] res est, succurrere lapsis:
 Convenit & tanto, quantus es ipse, viro.
 Fortunam decet hoc istam: quæ maxima cum sit,
 Esse potest animo vix tamen æqua tuo.
 Conspicitur nunquam meliore potentia causa,
 Quàm quoties vanas non finit esse preces.
 Hoc nitor iste tui generis desiderat, hoc est
 A Superis ortæ nobilitatis opus.
 Hoc tibi & Eumolpus generis clarissimus auctor,
 Et prior Eumolpo suadet Erichthonius.
 Hoc tecum commune Deis, quod utrique rogati
 Supplicibus vestris ferre soletis opem.
 Nam quiderit, quare solito dignemur honore
 Numina, si demas velle juvare Deos?
 Juppiter oranti surdas si præbeat aures,
 Victima pro templo cur cadat ista Jovis?
 Si pacem nullam pontus mihi præstet eunti,
 Irrita Neptuno cur ego dona feram?
 Vana laborantis si fallat vota coloni,
 Accipiet gravidæ cur suis exta Ceres?
 Nec dabit intonso jugulum caper hostia Baccho &
 Mu-

Multa sub inducto si pede nulla fluant.
Cæsar ut imperii moderetur fræna, precamur,
Tam bene quo patriz consulit ipse suæ.
Utilitas igitur magnos hominesque Deosque
Efficit, auxiliis quoque favente suis.
Tu quoque fac pro sis intra tua castra jacenti,
O Coty, progenies digna parente tuo.
Conveniens homini est, hominem servare, voluptas,
Et melius nulla queritur arte favor.
Quis non Antiphaten Læstrygona devovet? aut quis
Munifici mores improbat Alcino?
Non tibi Cassandreus pater est, gentisque Phereæ
Quive repertorem torruit arte sua.
Sed quam Marte ferox, & vinci nescius armis,
Tam nunquam facta pace, cruoris amans.
Adde, quod ingenuas didicisse fideliter artes
Emollit mores, nec finit esse feros.
Nec regum quisquam magis est instructus ab illis,
Mitibus aut studiis tempora plura dedit.
Carmina testantur, quæ, si tua nomina demas,
Threicium juvenem composuisse negem.
Neve sub hoc tractu vates foret unicus Orpheus,
Bistonis ingenio terra superba tuo est.
Utque tibi est animus, cum res ita postulat, armum
Sumere, & hostili tingere cæde manum:
Atque ut es excusso jaculum torquere lacerto,
Collaque velocis flectere doctus equi:
Tempora sic studiis data sunt ubi iusta paternis,
Atque suis numeris forte quievit opus:
Ne tua marcescant per inertes otia somnos,
Lucida Pieria tendis in astra via.
Hæc quoque res aliquid tecum mihi fœderis affert,
Ejusdem sacri cultor uterque sumus.
Ad vatem vates orantia brachia tendo,
Terra sit exiliis ut tua fida meis.
Non ego cæde nocens in Pontica littora veni,
Mistæve sunt nostra dira venena manu.
Nec mea subjecta convicta est gemma tabella,
Mendacem linis imposuisse notam.
Nec quicquam, quod lege veter committere, feci.
Est tamen his gravior noxa fatenda mihi.
Neve roges quæ sit, istam conscripsimus Artem,
Innocuas nobis hæc vetat esse manus.

Et quid præterea peccarim, quærere noli,
Ut lateat sola culpa sub Arte mea.
Quicquid id est, habui moderatam vindicis iram,
Qui nisi natalem nil mihi dempsit humum.
Hæc quoniam careo; tua nunc vicinia præstet,
Inviso possim tutus ut esse loco.

E P I S T O L A X. *Macro.*

ECquid ab impressæ cognoscis imagine ceræ,
Hæc tibi Nasonem scribere verba, Macer?
Auctorisque sui si non est annulus index,
Cognitane est nostra littera facta manu?
An tibi notitiam mora temporis eripit horum?
Nec repetunt oculi signa vetusta tui?
Sis licet oblitus pariter gemmæque manusque,
Exciderit tantum ne tibi cura mei.
Quam tu vel longi debes convictibus ævi,
Vel mea quod conjux non aliena tibi est.
Vel studiis, quibuses, quam nos, sapientius usus,
Utque decet, nulla factuses Arte nocens.
Tu canis æterno quidquid restabat Homero,
Ne careant summa Troica bella manu.
Naso parum prudens, Artem dum tradit amandi,
Doctrinæ pretium triste magister habet.
Sunt tamen inter se communia sacra poetis,
Diversum quamvis quisque sequamur iter.
Quorū te memorem (quamquā procul absumus) esse
Suspisor, & casus velle levare meos.
Te duce magnificas Asiæ perspeximus urbes,
Trinacris est oculis te duce visa meis.
Vidimus Ætneæ cælum splendescere flamma,
Suppositus monti quam vomit ore gigas:
Rivosque lacus, & olentia stagna Palici,
Quaque suis Cyanen miscet Anapus aquis.
Nec procul hinc, Nymphæ, quæ dū fugit Ælidis amnæ
Tecta sub æquorea nunc quoque currit aqua.
Hic mihi labentis pars anni magna peracta est,
Hei mihi, quā dispar est locus ille Getis!
Et quota pars hæc sunt rerum, quas vidimus ambo,
Te mihi jucundas efficiente vias?
Sæpe rate cæruleas picta sulcavimus undas,
Effeda nos agili sive tulere rota.
Sæpe brevis nobis vicibus via visa loquendi est,
Plu-

Pluraque, si numeres, verba fuere gradu.
 Sepe dies sermone minor fuit; inque loquendo
 Tarda per æstivos defuit hora dies.
 Est aliquid casus pariter timuisse marinos,
 Junctaque ad equoreos vota tulisse Deos:
 Et modò res egisse simul; modò rursus ab illis,
 Quorum non pudeat, posse referre jocos.
 Hæc tibi si subeant [absimilicet] omnibus horis
 Ante tuos oculos, ut modò visus, ero.
 Ipse quidem certè cum sim sub cardine mundi,
 Qui semper liquidis altior extat aquis;
 Te tamen intueor, quo solo pectore possum,
 Et tecum gelido sæpe sub axe loquor.
 Hices, & ignoras, & ades celeberrimus absens:
 Inque Getas media visus ab Urbe venis.
 Redde vicem: quoniam regio felicior ista est,
 Ilic me memori pectore semper habe.

E P I S T O L A XI. *Ruso.*

HOc tibi, Ruse, brevi properatum tempore mittit
 Naso parum faustæ conditor Artis opus.
 Ut, quamquam longè toto sumus orbe remoti,
 Scire tamen possis nos meminisse tui.
 Nominis ante mei venient oblivia nobis,
 Pectore quam pietas sit tua pulsa meo.
 Et prius hanc animam vacuas reddemus in auras,
 Quam meriti fiat gratia vana tui:
 Grande voco meritum lacrymas, quibus ora rigabas,
 Cùm mea concreto sicca dolore forent.
 Grande voco meritum, mœstæ solatia mentis,
 Cum pariter nobis illa tibi que dares.
 Sponte quidem, persequere mea est laudabilis uxor,
 Admonitu melior sit tamen illa tuo.
 Namque quod Hermiones Castor fuit, Hector Juli,
 Hoc ego te lætor, conjugis esse meæ.
 Quæ, ne dissimilis tibi sit probitate, laborat,
 Seque tui vita sanguinis esse probat.
 Ergo quod fuerat stimulis factura sine ulla,
 Pleniùs auctorem te quoque nacta facit.
 Acer & ad palmæ per se cursurus honores,
 Si tamen horteris, fortitùs ibit equus.
 Adde, quòd absentis cura mandata fideli
 Perfacis, & nullum ferre gravaris onus.

O referant grates, quoniam non possumus ipsi,
Di tibi: qui referent, si pia facta vident.
Sufficiatque diu corpus quoque moribus istis,
Maxima Fundani gloria, Rufe, soli.

P. OVIDII NASONIS
D E P O N T O,

L I B E R I I I.

E P I S T O L A I. *Uxori.*

Æ Quor Jafonio pulsatum remige primùm,
Quæque nec hoste fero, nec nive terra
cares:

Ecquod erit tempus quo vos ego Na-
so relinquam;

In minus hostilem jussus abire locum?

An mihi Barbaria vivendum semper in ista;

Inque Tomitana condar oportet humo?

Pace tua, si pax ulla est tibi, Pontica tellus,

Finitimus rapido quam terit hostis equo;

Pace tua dixisse velim; tu pessima duro

Parses in exilio, tu mala nostra gravas.

Tu neque ver sentis cinctum florente corona,

Tu neque messorum corpora nuda vides.

Nec tibi pampineas autumnus porrigit uvas;

Cuncta sed immodicum tempora frigus habent.

Tu glacie freta vincta tenes, & in æquore piscis

Inclusus testa sæpe natavit aqua.

Nec tibi sunt fontes; laticis nisi penè marini;

Qui potus dubium sistat alatne sitim.

Rara, neque hæc felix, in apertis eminet arvis

Arbor, & in terra est altera forma maris.

Non avis obloquitur: sylvis nisi si qua remotis

Æquoreas rauco gutture potat aquas.

Tristia per vacuos horrent absinthia campos;

Conveniensque suo messis amara loco.

Adde metus, & quod murus pulsatur ab hoste,

Tinctaque mortifera tabe sagitta madet.

Quod procul hæc regio est, & ab omni devia cursu,

L

Nec

Nec pede quò quisquam, nec rate, tutus eat.
 Non igitur mirum sinem querentibus horum,
 Altera si nobis usque rogatur humus.
 Temagis est mirum non hoc evincere conjux,
 Inque meis lacrymas posse tenere malis.
 Quid facias, quæris? quæras hoc scilicet ipsum,
 Invenies, verè si reperire voles.
 Velle parum est: cupias, ut re potiaris, oportet;
 Et faciat somnos hæc tibi cura breves.
 Velle reor multos, quis enim mihi tam sit iniquus,
 Optet ut exilium pace carere meum?
 Pectore te toto, cunctisque incumbere nervis,
 Et niti pro me nocte dieque decet.
 Utque juvent alii, tu debes vincere amicos
 Uxor, & ad partes prima venire tuas.
 Magna tibi imposita est nostris persona libellis,
 Conjugis exemplum diceris esse bonæ.
 Hanc cave degeheres; ut sint præconia nostra
 Vera vide, famæ quò tuearis opus.
 Ut nihil ipse querar; tacito me fama queretur,
 Quæ debet, fuerit ni tibi cura mei.
 Exposuit mea me populo Fortuna videndum,
 Et plus notitiæ, quàm fuit ante, dedit.
 Notiore est factus Capaneus de fulminis ictu,
 Notus humo meritis Amphiaræus equis.
 Si minus errasset, notus minus esset Ulysses,
 Magna Philoctetæ vulnere fama suo est.
 Si locus est aliquis tanta inter nomina parvis,
 Nos quoque conspicuos nostra ruina facit.
 Necte nesciri patitur mea pagina; qua non
 Inferius Coa Battide nomen habes.
 Quicquid ages igitur, scena spectabere magna,
 Et pia non parvis testibus uxor eris.
 Crede mihi, quoties laudaris carmine nostro,
 Qui legit has laudes, an mereare rogat.
 Utque favere reor plures virtutibus istis,
 Sic tuæ non paucæ carpere facta volent.
 Quare tu præsta, ne livor dicere possit;
 Hæc est pro miseri lenta salute viri.
 Cumque ego deficiam, nec possim ducere currum,
 Ecce tu sustineas debile sola iugum.
 Ad medicum specto venis fugientibus æger:
 Ultima pars animæ dum mihi restat, ades.
 Quod-

Quodque ego pręstarem, si te magis ipse valerem,
Id mihi, cum valeas fortius, ipsa refer.
Exigit hoc socialis amor, fœdusque maritum;
Moribus hoc, conjux, exigis ipsa tuis.
Hoc domui debes, de qua censeris, ut illam
Non magis officiis, quam probitate colas.
Cuncta licet facias, nisi sis laudabilis uxor,
Non poterit credi Marcia culta tibi.
Nec sumis indigni; nec (si vis vera fateri)
Debetur meritis gratia nulla meis.
Redditur illa quidem grandi, cum fœnore nobis;
Nec te, si cupiat lædere, livor habet.
Sed tamen hoc factis adjuuge prioribus unum,
Pro nostris ut sis ambitiosa malis.
Ut minus infesta jaceam regione, labora;
Clanda nec officii pars erit ulla tui.
Magna peto, sed non tamen invidiosa roganti,
Utque ea non teneas, tuta repulsa tua est.
Nec mihi succense, toties si carmine nostro,
Quod facis, ut facias, teque imitere, rogo.
Fortibus assuevit tubicen prædesse, suoque
Dux bene pugnantes incitat ore viros.
Nota tua est probitas, testataque tempus in omni,
(Sit virtus etiam non probitate minor.)
Non tibi Amazonia est pro me sumenda securis,
Aut excisa levi pelta gerenda manu.
Numen adorandum est, non ut mihi fiat amicum,
Sed sit ut iratum, quàm fuit ante, minus.
Gratia si nulla est, lacrymę tibi gratia fient,
Hæc potes, aut nulla, parte movere Deos.
Quę tibi ne desint, benè per mala nostra cavetur
Meque viro flendi copia dives adest.
Utque meę res sunt, omni [puto] tempore flebis:
Has Fortuna tibi nostra ministrat opes.
Si mea mors redimenda tua, (quod abominor) esset,
Admeti conjux, quam sequereris, erat.
Æmula Penelopes fieres, si fraude pudica
Instantes velles fallere nupta præcos:
Si comes extincti manes sequerere mariti,
Effet dux facti Laodamia tui.
Iphias ante oculos tibi erat ponenda, volenti
Corpus in accensos mittere forte rogos.
Nil opus est letho, nil Icarotide tela.

Cæsaris at conjux ore precanda tuo.
Quæ præstat virtute sua, ne prisca vetustas
Laude pudicitæ secula nostra premat.
Quæ Veneris formam mores Junonis habendo
Sola est cœlesti digna reperta toro.
Quid trepidas? & adire times? non impia Progne,
Filiave Ætæ voce movenda tua est:
Nec nurus Ægypti, nec sœva Agamemnonis uxor;
Scyllaque, quæ Siculas inguine terret aquas
Telegonive parens vertendis nata figuris;
Nexaque nodosas angue Medusa comas.
Fœmina sed Princeps; in qua Fortuna videre
Se probat, & cæcæ crimina falsa tulit.
Qua nihil in terris ad finem Solis ab ortu
Clarius, excepto Cæsare, mundus habet.
Eligito tempus captatum sæpe rogandi,
Hæreat adversa ne tua navis aqua.
(Non semper sacras reddunt oracula sortes,
Ipsaque non omni tempore fana patent.)
Cum status urbis erit, qualem nunc auguror esse,
Et nullus populi contrahet ora dolor:
Cum domus Augusti, Capitoli more colenda,
Læta, quod est, & sit, plenaque pacis erit:
[Tum tibi, Dii faciant, adeundi copia fiat,
Profectura aliquid tum tua verba puta.]
Si quid aget majus, differ tua cœpta, caveque
Spem festinando præcipitare meam.
[Nec rursus jubeo, dum sit vacuissima quæras,]
Corporis ad curam vix vacat illa sui.
(Curia cum patribus fuerit stipata verendis,
Per rerum turbam tu quoque oportet eas.)
Cum tibi contigerit vultum Junonis adire,
Fac sis personæ, quam tueare, memor.
Nec factum defende meum: mala causa silenda est,
Nil nisi sollicitæ sint tua verba preces.
Tum lacrymis demenda mora est: submissaq; terræ
Ad non mortales brachia tende pedes.
Tu pete nil aliud, sœvo nisi ab hoste recedam,
Hostem Fortunam sit satis esse mihi.
Plura quidem subeunt: sed jam turbata timore
Hæc quoque vix poteris ore tremante loqui.
Suspitor hoc damno tibi non fore: sentiat illa
Te majestatem pertimuisse suam.

[Nec

Nec tua si fletu scindentur verba, nocebit.
 Interdum lacrymæ pondera vocis habent.]
 Lux etiam cœptis facito bona talibus adsit,
 Horaque conveniens, auspiciumque favens.
 Sed prius imposito sanctis altaribus igni
 Thura fer ad magnos, vinaque pura Deos.
 Equibus ante omnes Augustum numen adora:
 Progeniemque piam, participemque tori.
 Sint utinam mites solito tibi more, tuasque
 Non duris lachrymas vultibus aspiciant.

EPISTOLA II. *Cotta.*

QUam legis à nobis missam tibi, Cotta, salutem,
 Missa sit ut verè, perveniatque, precor.
 Namque meis sospes multum cruciatibus aufers,
 Utque, sit è nobis pars bona salva, facis.
 Cumque labent alii, jactataque vela relinquunt,
 Tu laceræ remanes anchora sola rati.
 Grata tua est igitur pietas: ignoscimus illis,
 Qui cum fortuna terga dedere fugè.
 Cum seriant unum, non unum fulmina terrent:
 Junctaque percusso turba pavere solet.
 Cumque dedit paries venturæ signa ruinæ,
 Sollicito vātus sit locus ille metu.
 Quis non è timidis ægri contagia vitat?
 Vicinum metuens ne trahat inde malum?
 Me quoque amicorum nimio terrore metuque,
 Non odio quidam destituere mei.
 Non illis pietas, non officiosa voluntas
 Defuit: adversos extimuerunt Deos.
 Utque magis cauti possunt, timidique videri,
 Sic appellari non meruere mali.
 At meus excusat carosita candor amicos;
 Utque habeant de me crimina nulla, favet.
 Sint hac contenti venia, signentque licebit,
 Purgari factum me quoque teste suum.
 Parsestis pauci potior, qui rebus in arctis
 Ferre mihi nullam turpe putastis opem.
 Tunc igitur meriti morietur gratia vestri,
 Cum cinis absumto corpore factus ero.
 Fallar, & illa me superabit tempora vitæ,
 Si tamen à memori posteritate legar.
 Corpora debentur mœstis exsanguia bustis,

Mense fere medio quanta nitere solet.
Publica me requies curarum somnus habebat,
Fusaque erant toto languida membra toro.
Cum subito pennis agitatus inhorruit aer,
Et gemit parvo mota fenestra sono.
Territus in cubitum relevo mea membra sinistram,
Pulsus & è trepido pectore somnus abit.
Stabat Amor vultu, non quo prius esse solebat,
Fulcra tenens læva tristis acerna manu.
Nec torquem collo, nec habens crinale capillis,
Nec bene dispositas comptus, ut ante, comas
Horrida pendebant molles super ora capilli,
Et visa est oculis humida penna meis.
Qualis in aeris tergo solet esse columbae,
Tractantum multae quam tetigere manus.
Hunc, simul agnovi, (neque enim mihi notior alter)
Talibus affata est libera lingua sonis:
O puer, exilii decepto causa magistro,
Quem fuit utilius non docuisse mihi:
Huc quoque venisti, pax est ubi tempore nullo,
Et coit adstrictis barbarus isther aquis?
Quae tibi causa viae? nisi uti mala nostra videres?
Quae sunt si nescis, invidiosa tibi.
Tu mihi dictasti juvenilia carmina primus:
Apposui senis te duce quinque pedes.
Nec me Mæonio consurgere carmine, nec me
Dicere magnorum passus es acta ducum.
Forsthan exiguas, aliquas tamen, arcus & ignis
Ingenii vires comminuere mei.
Namque ego, dum canto tua regna, tuæque parentis,
In nullum mea mens grande vacavit opus.
Nec satis id fuerat: stultus quoque carmina feci,
Artibus, ut posses non rudis esse meis.
Pro quibus exilium misero mihi reddita merces:
Id quoque in extremis, & sine pace, locis.
At non Chionides Eumolpus in Orphea talis,
In Phryga nec Satyrum talis Olympus erat.
Præmia nec Chiron ab Achilli talia cepit,
Pythagoræque ferunt non nocuisse Numam.
Nomina neu referam longum collecta per ævum,
Discipulo perii solus ab ipse meo.
Dum damus arma tibi, dum te, lascive, docemus,
Hæc te discipulo dona magister habet.

Seis

Scis tamen, ut liquidò juratus dicere possis,
Non me legitimos sollicitasse toros:
Scripsimus hæc istis, quarum nec vitta pudicos
Contingit crines, nec stola longa pedes.
Dic, precor, ecquando didicisti fallere nuptas;
Et facere incertum per mea iussa genus?
An sit ab his omnis rigidè submota libellis,
Quam lex furtivos arcet habere viros?
Quid tamen hoc prodest, vetiti si lege severa
Credor adulterii composuisse notas?
At tu sic habeas ferientes cuncta sagittas,
Sic nunquam rapido lampades igne vacent:
Sic regat imperium, terrasque coerceat omnes
Cæsar, ab Ænea qui tibi fratre nepos.
Effice sit nobis non implacabilis ira,
Meque loco plecti commodiore velit.
Hæc ego visus eram puero dixisse volucris,
Hos visus nobis ille dedisse sonos.
Per mea tela faces, & per mea tela sagittas,
Per matrem juro, Cæsareumque caput.
Nil, nisi concessum, nos te didicisse magistro,
Artibus & nullum crimen inesse tuis.
Utque hoc, sic utinam defendere cætera posses?
Scis aliud, quod te læserit, esse magis.
Quicquid id est (neque enim debet dolor ille referri)
Non potes à culpa dicere abesse tua.
Tu licet terroris sub imagine crimen obumbres,
Non graviormerito vindicis ira fuit.
Ut tamen aspicerem, consolaberque jacentem
Lapsa per immensas est mihi penna vias.
Hæc loca tum primùm vidi, cum matre rogante
Phasias est telis fixa puella meis.
Quæ nunc cur iterum post secula longa revisam,
Tu facis, ò castris miles amice meis.
Pone metus igitur, mitescet Cæsaris ira;
Et veniet votis mollior hora tuis.
Neve moram timeas, tempus, quod quærimus, instat
Cunctaque lætitiæ plena triumphus habet.
Dum domus, & nati, dum mater Livia gaudet,
Dum gaudes Patriæ magne, Ducisque Pater:
Dum tibi gratatur populus, totamque per urbem
Omnis odoratis ignibus ara calet:
Dum faciles aditus præbet venerabile templum,

Sperandum nostras posse valere preces .
 Dixit : & aut ille est tenues dilapsus in auras ,
 Cœperunt sensus aut vigilare mei .
 Si dubitem , quin his faveas , ô Maxime , dictis ,
 Memnonio cygnos esse colore putem .
 Sed neque mutatur nigra pice lacteus humor ,
 Nec , quod erat candens , fit terebinthus , ebur .
 Conveniens animo genus est tibi : nobile namque ,
 Pectus & Herculeæ simplicitatis habes .
 Livor iners vitium mores non exit in istos ;
 Utque latens imâ vipera serpit humo .
 Mens tua sublimis supra genus eminet ipsum :
 Grandius ingenio nec tibi nomen inest .
 Irgo alii noceant miseris , optentque timeri ,
 Tinctaque mordaci spicula felle gerant :
 At tua supplicibus domus est assueta juvandis ,
 In quorum numero me precor esse velis .

E P I S T O L A IV. *Rufino* .

Hæc tibi non vanam portantia verba salutem ,
 Naso Tomitana mittit ab urbe tuas .
 Utque suo faveas mandat , Rufine , Triumpho ;
 In vestras venit si tamen ille manus .
 Est opus exiguum , vastisque paratibus impar :
 Quale tamen cumque est , ut tueare rogo .
 Firma valent per se , nullumque Machaona quærun ;
 Ad medicam dubius confugit æger opem .
 Non opus est magnis placido lectore poetis :
 Quamlibet invitum difficilemque tenent .
 Nos , quibus ingenium longi minuere labores ,
 Aut etiam nullam forsitan ante fuit :
 Viribus infirmi , vestro candore valemus :
 Quem mihi si demas , omnia rapta putem .
 Cunctaque cum mea sint propenso nixa favore ,
 Præcipuum veniæ jussu habet ille liber .
 Spectatum vates alii scripsere triumphum ,
 Est aliquid memori visa notare manu .
 Nos ea vix avidam vulgo captata per aurem .
 Scripsimus ; atque oculi fama fuere mei .
 Scilicet affectus similes , aut impetus idem ,
 Rebus ab auditis , conspicuisque venit .
 Nec nitor argenti , quem vos vidistis , & auri
 Quod mihi defuerit , purpuraque illa , queror :
 Sed

Sed loca, sed gentes formatæ mille figuris,
 Nutrissent carmen, præliaque ipsa, meum.
 Et Regum vultus certissima pignora mentis,
 Juvisent aliqua forsitan illud opus.
 Plausibus ex ipsis populi, lætoque favore
 Ingenium quodvis incaluisse potest.
 Tamque ego sumpsissem tali clangore vigorem,
 Quam rudis audita miles ad arma tuba.
 Pectora sint nobis nivibus glacieque licebit,
 Atque hoc, quem patior, frigidiora loco:
 Illa ducis facies in curru stantis eburno,
 Excuteret frigus sensibus omne meis.
 His ego defectus, dubiisque auctoribus usus,
 Ad vestri venio jure favoris opem.
 Nec mihi nota ducum, nec sunt mihi nota locorum.
 Nomina: materiam vis habuere manus.
 Pars quota de tantis rebus, quam Fama referte,
 Aut aliquis nobis scribere posset, erat?
 Quo magis, o lector, debes ignoscere, si quid
 Erratum est illic, præteritumve mihi.
 Adde, quod assiduam domini meditata querelam
 Ad lætum carmen vix mea versa lyra est.
 Vix bona post tanto quærenti verba subibant,
 Et gaudere aliquid, res mihi visa nova est.
 Utque reformidant insuetum lumina Solem,
 Sic ad lætitiâ mens mea segnis erat.
 Est quoque cunctarum novitas carissima rerum:
 Gratiaque officio, quod mora tardat, abest.
 Cætera certatim de magno scripta triumpho
 Jam pridem populi suspicor ore legi.
 Illa bibit sitiens lector, mea pocula plenus.
 Illa recens pota est, nostra tepescit aqua.
 Non ego cessavi, nec fecit inertia ferum:
 Ultima me vult sustinet ora freti.
 Dum venit huc rumor, properataque carmina sunt,
 Factaque eunt ad vos, annus abisse potest.
 Nec minimum refert, intacta rosaria primus,
 An sera carpas penè relicta manu.
 Quid mirum, lectis exhausto floribus hortis,
 Si Duce non facta est digna corona suo?
 Deprecor, hæc vatum contra sua carmina nè quis
 Dicta putet: pro se Musa locuta mea est.
 Sunt mihi vobiscum communia sacra, poetæ;

In vestro miseris si licet esse choro.
Magnaue pars animæ mecum vixistis, amici,
Hac ego vos absens nunc quoque parte colo.
Sint igitur vestro mea commendanda favori
Carmina, non possum pro quibus ipse loqui.
Scripta placent à morte ferè; quia lædere vivos
Livor & injusto carpere dente solet.
Si genus est mortis malè vivere; terra moratur:
Et desunt fatis sola sepulchra meis.
Denique opus nostræ culpetur ut undique curæ,
Officium nemo qui reprehendat erit.
Ut desint vires, tamen est laudanda voluntas,
Hac ego contentos auguror esse Deos.
Hæc facit, ut veniat pauper quoque gratus ad aras;
Et placeat cæso non minùs agna bove.
Res quoque tanta fuit, quantæ subsistere summo.
Eneidos vari grande fuisset onus.
Ferre etiam molles elegi tam vasta triumph
Pondera, disparibus non potuere rotis.
Quo pede nunc utar, dubia est sententia nobis.
Alter enim de te, Rhene, triumphus adest.
Irrita verorum non sunt præsagia vatum,
Danda Jovi laurus, dum prior illa viret.
Nec mea verba legis, qui sum submotus ad Istrum,
Non bene pacatis flumina pota Getis:
Ista Dei vox est: Deus est in pectore nostro:
Hæc duce prædico, vaticinorque Deo.
Quid cessas currum pompamque parare triumphis,
Livia jam nullas dant tibi bella moras.
Perfida dampnatas Germania projicit hastas:
Jam pondus dices omen habere meum.
Crede, brevique fides aderit, geminabit honorem.
Filius, & junctis ut prius ibit equis.
Prome, quod injicias humeris victoribus, ostrum,
Ipsa potest solitum nosse coronæ caput.
Scuta, sed & galeæ gemmis radientur & auro,
Stentque super victos trunca tropæa viros.
Oppida turritis cingantur eburnea muris,
Fictaque res vero more putetur agi.
Squallidus immissos fracta sub arundine crines
Rhenus, & infectas sanguine portet aquas.
Barbara jam capti poscunt insignia Reges,
Textaque fortuna divitiora sua.

Et

Et quæ præterea virtus invicta tuorum.

Sæpe parata tibi, sæpe paranda facit.

Dæ quorum monitu sumus eventura locuti,

Verba, precor, celeri nostra probate fide.

EPISTOLA V. *Maximo Cotta.*

Quam legis, unde tibi mittatur epistola quæris?
Hinc, ubi cœruleis jungitur Ister aquis.

Ut regio dicta est, succurrere debet & auctor

Læsus ab ingenio Naso poeta suo.

Qui tibi, quam mallet præsens adferre salutem,

Mittit ab hirsutis, Maxime Cotta, Getis.

Legimus, o juvenis, patrii non degener oris,

Dicta tibi pleno verba diserta foro.

Quæ quanquam lingua mihi sunt properante per
horas

Lectæ satis multas, pauca fuisse queror.

Plura sed hæc feci relegendo sæpe; nec umquam

Non mihi, quam primò grata fuere magis.

Cumque nihil toties lectæ è dulcedine perdant,

Viribus illa tuis, non novitate, placent.

Felices, quibus hæc ipso cognoscere in actu,

Et tam facundo contigit ore frui!

Nam quanquam sapor est allata dulcis in unda,

Gratius ex ipsa fonte bibuntur aquæ.

Et magis adducto pomum decerpere ramo,

Quam de cælata sumere lance juvat.

At nisi peccassem, nisi me mea Musa fugasset,

Quod legi, tua vox exhibuisset opus.

Utque fui solitus, sedissem forsitan unus

De centum iudex in tua verba viris.

Major & impleisset præcordia nostra voluptas,

Cum traherer dictis annueremque tuis.

Quem quoniam fatum, vobis patriaque relictis.

Inter inhumanos maluit esse Getas:

Quod licet, ut videar tecum magis esse, legendo,

Sæpe, precor, studii pignora mitte tui.

Exemploque meo, nisi dedignaris id ipsum,

Utere: quod nobis rectius ipse dares.

Namque ego qui perii jam pridem, Maxime, vobis.

Ingenio nitor non periisse meo.

Redde vicem: nec rara tui monumenta laboris

Accipiant nostræ grata futura manus.

Dic:

Dic tamen , ô juvenis studiorum plene meorum ,
 Ecquid ab his ipsis admonere mei ?
 Ecquibus ut recitas factum modò carmen amicis ?
 Aut ; quod sæpe soles , exigis ut recitent ?
 Interdum queritur tua mens oblita , quid absit ?
 (Nescio quid certè sentit abesse sui)
 Utque loqui de me multum præsentè solebas .
 Nunc quoque Nasonis nomen in ore tuo est :
 Ipse quidem Getico peream violatus ab arcu ,
 (Et sit perjuri quàm propè pœna vides)
 Te nisi momentis video pene omnibus abiens .
 Gratia Diis , menti quolibet ire licet .
 Hac ubi perveni , nulli cernendus , in Urbem ,
 Sæpe loquor tecum , sæpe loquente fruor .
 Tum , mihi difficile est , quam sit bene , dicere , quamq ;
 Candida judiciis illa sit hora meis .
 Tum me , si qua fides , cœlesti sede receptum ,
 Cum fortunatis suspicor esse Deis .
 Rursus ut huc redii , cœlum superosque relinquo ,
 A Styge nec longè Pontica distat humus .
 Unde ego si fato nitor prohibente reverti ,
 Spem sine profectu , Maxime , tolle mihi .

E P I S T O L A VI. *Amicorum cui'dam.*

Naso suo , nomen posuit cui pene , sociali
 Mittit ab Euxinis hoc breve carmen aquis .
 At , si cauta parum scripsisset dextra , quis esses ?
 Forstân officio parta querela foret .
 Cur tamen , hoc aliis tutum credentibus , unus ,
 Appellent ne te carmina nostra , rogas ?
 Quanta sit in media clementia Cæsaris ira ,
 Ex me , si nescis , certior esse potes .
 Huic ego , quam patior , nil possem demere pœnæ ,
 Si Judex meriti cogeret esse mei .
 Non vetat ille sui quenquam meminisse sodalis ,
 Nec prohibet tibi me scribere , teque mihi .
 Nec scelus admittas , si consoleris amicum ,
 Mollibus & verbis aspera fata leves .
 Cur , dum tuta times , facis ut reverentia talis ,
 Fiat in Augustos invidiosa Deos .
 Fulminis afflatos interdum vivere telis .
 Vidimus , & refici non prohibente Jove .
 Nec , quia Neptunus navem lacerarat Ulyssis ,
Leus .

Leucothee nanti ferre negavit opem.
 Crede mihi, miseris cælestia numina parcant,
 Nec semper læsos & sine fine premunt.
 Principe nec nostro Deus est moderatior ullus:
 Iustitia vires temperat ille suas.
 Nuper eam Cæsar factus de marmore templo,
 Jam pridem posuit mentis in æde suæ.
 Juppiter in multos temeraria fulmina torquet,
 Qui pœnam culpa non meruere pari.
 Obruerit sævis cum tot Deus æquoris undis,
 Ex illis mergi pars quota digna fuit?
 Cum pereant acie fortissima quæque, vel ipso
 Judice, delectus Martis iniquus erit.
 At, si fortè velis in nos inquirere, nemo est
 Qui se, quod patitur, commensasse neget.
 Adde, quod extinctos vel aqua, vel Marte, vel igni,
 Nulla potest iterum restituisse dies.
 Restituit multos, aut pœnæ parte levavit
 Cæsar, & in multis me velit esse precor.
 An tu, cum tali populus sub Principe simus,
 Alloquio profugi credis inesse metum?
 Forsitan hæc domino Busiride jure timeres,
 Aut solito clausos urere in ære viros.
 Desine mitem animum vano infamare timore,
 Sæva quid in placidis saxa vereris aquis?
 Ipse ego, quod primo scripsi sine nomine vobis,
 Vix excusari posse mihi videor.
 Sed pavor attonito rationis adem erat usum,
 Cesserat omne novis consiliumque malis.
 Fortunamque meam metuens, non vindicis iram,
 Terrebar titulo nominis ipse mei.
 Hactenus admonitus memori concede poetæ,
 Ponat ut in chartis nomina cara suis.
 Turpe erit ambobus, longo mihi proximus usu.
 Si nulla libri parte legare mei.
 Ne tamen iste metus somnos tibi rumpere possit;
 Non ultra, quàm vis, officiosus ero.
 Teque tegam, qui sis; nisi cum permiseris ipse.
 Cogetur nemo manus habere meum.
 Tu modo quem poteras vel aperte tutus amare,
 Si res est anceps ista, latenter ama.

EPISTOLA VII. *Amicis.*

Verba mihi defunt eadem tam saepe roganti,
 Jamque pudet vanas sine carere preces.
 Tædia consimili fieri de carmine vobis,
 Quidque petam cunctos edidicisse reor.
 Nostraque quid portet jam nostris epistola, quamvis
 Charta sit à vinculis non labefacta suis.
 Ergo mutetur nostri sententia scripti,
 Ne toties contra, quam rapit annis, eam.
 Quòd bene de vobis speravi, ignoscite amici,
 Talia peccandi jam mihi finis erit.
 Ne gravis uxori dicar: quæ scilicet in me
 Quam proba, tam timida est, experiensq; parum.
 Hæc quoque, Naso, feres: etenim pejora tulisti.
 Jam tibi sentiri sarcina nulla potest.
 Ductus ab armento taurus detrectat aratrum;
 Subtrahit & duro colla novella iugo.
 Nos, quibus assuevit fatum crudeliter uti,
 Ad mala jam pridem non sumus ulla rudes,
 Venimus in Geticos fines: moriamur in illis:
 Parcaque ad extremum, qua mea cœpit, eat.
 Spem juvet amplecti, quæ non juvat irrita semper
 Et fieri cupias, si qua futura putes;
 Proximus huic gradus est; bene desperare salutem
 Seque semel vera scire perisse fide.
 Curando fieri quædam majora videmus
 Vulnera, quæ melius non tetigisse fuit.
 Mitius ille perit, subita qui mergitur unda,
 Quam sua, qui tumidis brachia lassat aquis.
 Cur ego concepi Scythicis me posse carere
 Finibus, & terra prosperiore frui?
 Cur aliquid de me speravi lenius unquam?
 An fortuna mihi sic mea nota fuit?
 Torqueor en gravius, repetitaque forma locorum
 Exilium renovat triste, recensque facit.
 Est tamen utilius, studium cessasse meorum,
 Quam, quas admorint, non valuisse preces.
 Magna quidem res est, quam non audetis, amici:
 Sed, si quis peteret, qui dare vellet, erat.
 Dummodo non vobis hoc Cæsaris ira negarit,
 Fortiter Euxinis immoremur aquis.

EPISTOLA VIII. *Maximo.*

QUæ tibi quærebam memorem testantia curam
 Dona Tomitanus mittere posset ager.
 Dignus es argento, fulvo quoque dignior auro:
 Sed te, cum donas, ista juvare solent.
 Nec tamen hæc loca sunt ullo pretiosa metallo.
 Hostis ab agricola vix sinit illa fodi.
 Purpura sæpe tuos fulgens prætexit amictus:
 Sed non Sarmatico tuggitur illa mari.
 Vellera dura ferunt pecudes, & Palladis uti
 Arte Tomitanæ non didicere nurus.
 Fœmina pro lana Cerealia munera frangit;
 Suppositoque gravem vertice portat aquam.
 Non hic pampineis amicitur vitibus ulmus:
 Nulla premunt ramos pondere poma suo.
 Tristia deformes pariunt absinthia campi,
 Terraque de fructu quam sit amara docet.
 Nil igitur tota Ponti regione sinistri,
 Quod mea sedulitas mittere posset, erat.
 Clausa tamen nisi Scythica tibi tela pharetra:
 Hoste precor fiant illa cruenta tuo.
 Hos habet hæc calamos, hos hæc habet ora libellos.
 Hæc viget in nostris, Maxime, Musa locis.
 Quæ quanquam misisse pudet, quia parva videntur;
 Tu tamen hæc, quæso, consule missa boni.

EPISTOLA IX. *Bruto.*

QUOD sit in his eadem sententia, Brute, libellis,
 Carmina nescio quem carpere nostra refers;
 Nil nisi me terra fruar ut propiore, rogare;
 Et, quàm sim denso cinctus ab hoste, queri.
 O quàm de multis vitium reprehenditur unum!
 Hoc peccat solum si mea Musa, bene est.
 Ipse ego librorum video delicta meorum;
 Cum sua plus justo carmina quisque probet.
 Auctor opus laudat. sic forsitan Agrius olim
 Therpsiten facie dixerit esse bona.
 Judicium tamen hic nostrum non decipit error;
 Nec quicquid genui, protinus illud amo.
 Cur igitur, si me, videam delinquere peccem,
 Et patiar scripto crimen inesse, rogas?
 Non eadem ratio est sentire, & demere morbos

Sen-

Sensus inest cunctis; tollitur arte malum.
 Sæpe aliquod cupiens verbum mutare, relinquo;
 Judicium vires destituuntque meum.
 Sæpe piget (quid enim dubitem tibi vera fateri?)
 Corrigere, & longi ferre laboris onus.
 Scribentem iuvat ipse favor, minuitque laborem,
 Cumque suo crescens pectore fervet opus.
 Corrigere at res est tanto magis ardua, quanto
 Magnus Aristarcho major Homerus erat.
 Sic animum lento curarum frigore lædit,
 Ut cupidi cursor frena retentat equi.
 Atque ita Diuites minuunt mihi Cæsaris iram,
 Offaque pacata nostra tegantur humo;
 Ut mihi conanti nonnumquam intendere curas
 Fortunæ species obstat acerba mea.
 Vixque mihi videor, faciam quod carmina, sacque
 Inque feris curem corrigere illa Getis.
 Nil tamen è scriptis magis excusabile nostris,
 Quam sensus cunctis pene quod unus inest.
 Læta fere lætus cecini, cano tristis tristis.
 Conveniens operi tempus utrumque suo est.
 Quid, nisi de vitio scribam regionis amarae?
 Utque solo moriar commodiore precor?
 Cum toties eadem dicam, vix audior ulli.
 Verbaque profecto dissimulata carent.
 Et tamen hæc eadem cum sint, non scribimus iisdem,
 Unaque per plures vox mea tentat opem.
 An, ne bis sensum lector æderet eundem,
 Unus amicorum; Brute, rogandus erat.
 Non fuit hoc tanti; confesso ignoscente docti.
 Vilior est operis fama salute mea.
 Denique materiz, quam quis sibi finxerit ipse,
 Arbitrio variat multa poeta suo.
 Musa mea est index nimium quoque vera malorum,
 Atque incorruptæ pondera testis habet.
 Nec liber ut fieret, sed uti sua cuique daretur
 Littera, propositum curaque nostra fuit.
 Postmodo collectas, utcumque sine ordine, iunctis
 Hoc opus electum ne mihi forte putes.
 Da veniam scriptis, quorum non gloria nobis
 Causa, sed utilitas officiumque, fuit.

D E P O N T O

L I B E R IV.

E P I S T O L A I. *Sexto Pompejo.*

Accipe, Pompei, deductum carmen ab illo,
 Debitor est viræ qui tibi, Sexte, suæ.
 Qui seu non prohibes à me tua nomina
 poni,

Accedet meritis hæc quoque summa tuis.
 Sive trahis vulnus, equidem peccasse fatebor.
 Delicti tamen est causa probanda mei.
 Non potuit mea mens, quin esset grata, teneri.
 Sit precor officio non gravis ira pio.
 O quoties ego sum libris mihi visus in istis
 Impius, in nullo quod legerere loco!
 O quoties, alii vellem cum scribere, nomen
 Rettulit in ceras inscia dextra tuum!
 Ipse mihi placuit mendis in talibus error;
 Et vix invita facta littera manet.
 Viderit ad summum, dixi, licet ipse queratur;
 Ah pudet offensam non meruisse prius!
 Da mihi, si quid ea est, hebetantem pectora Le-
 then;

Oblitus potero non tamen esse tui.
 Idque sinas oro; nec fastidita repellas
 Verba: nec officio crimen inesse putes.
 Et levis hæc meritis referatur gratia tantis.
 Sin minus; invito te quoque gratus ero.
 Nunquam pigra fuit nostris tua gratia rebus:
 Nec mihi munificas arca negavit opes.
 Nunc quoque nil subitis clementia territa fatis.
 Auxilium vitæ fertque feretque mea.
 Unde, roges forsan, fiducia tanta futuri
 Sit mihi, quod fecit quisque tuetur opus..
 Ut Venus artificis labor est & gloria Coi,
 Æquoreo madidas quæ premit imbre comas:
 Arcis ut Aetææ vel eburnæ vel ænea custos,
 Bellica Phidias stat Dea facta manu;
 Vendicat ut Calamis laudem, quos fecit, equorum;
 Ut similis veræ vacca Myronis opus;

Sic,

Sic ego pars rerum non ultima, Sexte, tuarum;
Tutelæque feror munus, opusque tuæ.

E P I S T O L A II. *Severo.*

Quod legis, o Vates magnorum maxime Regum,
Venit ab intonfit usque, Severe, Getis.
Cujus adhuc nomen nostris tacuisse libellos,
Si modo permittis dicere vera, pudet.
Orba tamen numeris cessavit epistola nunquam
Ire per alternas officiosa vices.
Carmina sola tibi, memorem testantia curam
Non data sunt. quid enim, quæ facis ipse, darem?
Quis mel Aristæo, quis Baccho vina Falerno,
Triptolemo fruges, poma det Alcinoos?
Fertile pectus habes, interque Heliconæ colentes
Uberius nulli provenit ista seges.
Mittere carmen ad hunc, frondes erat addere silvis.
Hæc mihi cunctandi causa, Severe, fuit.
Nec tamen ingenium nobis respondet, ut ante:
Sed siccum sterili vomere litus aro.
Scilicet ut limus venas excæcat in undis,
Læsaque suppresso fonte resistit aqua;
Pectora sic mea sunt limo vitiata malorum:
Et carmen vena pauperiore fluit.
Si quis in hac ipsum terra posuisset Homerum;
Esset, crede mihi, factus & ille Getes.
Da veniam fasso; studiis quoque fræna remissi:
Ducitur & digitis littera rara meis.
Impetus ille facer, qui vaturn pectora nutrit,
Qui prius in nobis esse solebat, abest.
Vix venit ad partes, vix sumptæ Musa tabellæ
Imponit pigras pæne coacta manus.
Parvaque, ne dicam scribendi nulla voluptas
Est mihi: nec numerisnectere verba juvat.
Sive quod hinc fructus aded non cepimus ullos,
Principium nostri res sit ut ista mali:
Sive quod in tenebris numerosos ponere gressus,
Quodque legas nulli, scribere carmen, idem est.
Excoitat auditor studium; laudatæque virtus
Crescit; & immensum gloria calcar habet.
Hic mea cui recitem, nisi flavis scripta Corallis,
Quasque alias gentes barbarus Ister habet?
Sed quid solus agam? quæque infelicia perdam
Otia

Otia trahētia, surripiamque diem.
 Nam quia nec vinum, nec merenota alia fallax,
 Per quæ clam tacitum tempus abire solet;
 Nec me, quod cuperem, si perferæ bella liceret,
 Oblectat cultu terræ novata sive
 Quid, nisi Pierides solatia frigida, restat,
 Non bene de nobis quæ marnere, Dext?
 At tu, cui bibitur felicius Aonijs fons,
 Utiliter studium quod tibi cedit, amas.
 Sacraque Musarum meritò coler, quodque legamus,
 Huc a si quod curæ mitte recentis opus.

E P I S T O L A III. *Amico infabili.*

CONQUÉRAR, an taceam? ponam sine nomine cri-
 men?

An notum, qui sis, omnibus esse velim?
 Nomine non utar, ne commendere querela;
 Quæ raturque tibi carmine fama meo.
 Dum mea puppis erat valida fundata carina,
 Qui mecum velles currere, primus eras.
 Nunc quia contraxit vultum Fortuna, necedis;
 Auxilio postquam scis opus esse tuo.
 Dissimulas etiam, nec me vis nosse videri.
 Quique sit, audito nomine, Naso rogas.
 Ille ego sum, quanquam non vis audire, vetusta
 Pæne puer puero junctus amicitia.
 Ille ego, qui primus tua seria nosse solebam,
 Qui tibi jucundis primus adesse jocis.
 Ille ego convivitor, densoque domesticus usu.
 Ille ego iudicis unica Musa tuis.
 Idem ego sum, qui nunc an vivam, perdisce, necis?
 Cura tibi de quo quævere nulla fuit.
 Sive fui notquam carus, simulasse fateris:
 Seu non fingebas, invenire levis.
 Eia ago die aliquam, quæ te mutaverit, iram.
 Nam nisi iusta tua est, iusta querela mea est.
 Quæ te consimilem res nunc verat esse priori.
 An crimen, cepti quod miser esse, votas?
 Si mihi rebus opem nullam fractisque ferebas,
 Venisset verbis charta notata tuis.
 Vix equidem credo, sed & insultare jacenti.
 Te mihi, nec verbis parere, fama refert.
 Quid facis, an demens? cur si Fortuna recedat,
 Nau.

Naufragio lachrymas eripis ipse tuos?
 Hæc Dea non statili quam sit levis orbe fatetur,
 Quem summum dubio sub pede semper habet.
 Quolibet est folio, quavis incertior autæ,
 Par illi levitas, improbe, sola tua est.
 Omnia sunt hominum tenui pendentia filo:
 Et subito casu, quæ valuerè, ruunt.
 Divitis audita est cui non opulentia Cræsi?
 Nempe tamen vitam captus ab hoste tulit.
 Ille Syracusia modo formidatus in urbe,
 Vix humili duram reppulit arte famem.
 Quid fuerat Magno majus? tamen ille rogavit
 Submissa fugiens voce clientis opem.
 (Cuique viro totus terrarum paruit orbis.
 Indigus effectus omnibus ipse magis.
 Ille Jugurthino clausus, Cimbroque triumpho,
 Quo victrix toties Consule Roma fuit;
 In cœno latuit Marius cannaque palustri:
 Pertulit & tanto multa pudenda viro,
 Ludit in humanis divina potentia rebus:
 Et certam præfens vix habet hora sitem.
 Littus ad Euxinum, si quis mihi diceret, ibis,
 Et metues arcu ne feriare Getæ;
 I, hibe, dixissem, purgantes pectora succos;
 Quicquid & in tota nascitur Anticyra.
 Sum tamen hæc passus: nec si mortalia possem,
 Et summi poteram tela cavere Dei.
 Tu quoque fac timeas, & quæ tibi læta videntur
 Dum loqueris, fieri tristitia posse puta.

E P I S T O L A IV. *Sexto Pompejo.*

NULLA dies adeo est australibus humida nimbis,
 Non intermissis ut fluat imber aquis.
 Nec sterilis locus ullus ita est, ut non sit in illo
 Mistæ ferè duris utilis herba rubis.
 Nil adeo Fortuna gravis miserabile fecit,
 Ut minuant nulla gaudia parte malum.
 Ecce domo, patriæque carens, oculisque meorum,
 Naufragus in Getici littoris actus aquas;
 Qua tamen inveni vultum diffundere causâ.
 Possem, Fortunæ nec meminisse meæ.
 Nam mihi cum fulva tristis spaciarer arena,
 Visa est à tergo penna dedisse sonum.

Re-

Respicio: nec corpus erat quod cernere possem:
 Verba tamen sunt hæc aure recepta mea:
 En ego lætarum venio tibi nuncia rerum,
 Fama per immensas aere lapsa vias.
 Consule Pompejo, quo non tibi cærior alter,
 Candidus & felix proximus annus erit.
 Dixit: &, ut læto Pontum rumore replevit,
 Ad gentes alias hinc Dea venit iter.
 At mihi, dilapsis inter nova gaudia curis,
 Excidit asperitas hujus iniqua loci.
 Ergo ubi, Jane biceps, longum reseraveris annum,
 Pulsus & à sacro mense Decemher erit;
 Purpura Pompejum summi velabit honoris:
 Ne titulis quicquam debeat ille suis.
 Cernere jam videor rumpi penetralia turba;
 Et populum lædi deficiente loco.
 Templaque Tarpejæ primum tibi sedis adiri;
 Et fieri faciles in tua vota Deos.
 Colla boves niveos certæ præbere securi,
 Quos aluit campis herba Falisca suis.
 Cumque Deos omnes, tum quos impensius æquos.
 Esse tibi cupias, cum Jove Cæsar erit.
 Curia te excipiet, Patresque è more vocati,
 Intendent aures ad tua verba, suas.
 Hos ubi facundo tua vox hilaraverit ore:
 Utque solet, tulerit prospera verba dies:
 Egeris & meritas, Superis cum Cæsare grates:
 Qui causam, facias cur ita sæpe, dabit:
 Inde domum repetes toto comitante Senatu,
 Officium populi vix capiente domo.
 Me miserum, turba quod non ego cernor in illa:
 Nec poterunt istis lumina nostra frui!
 Quamlibet absentem, qua possum, mente videbo:
 Aspiciet vultus Consulis illa sui.
 Di faciant, aliquo subeat tibi tempore nostrum
 Nomen; & heu, dicas, quid miser ille facit?
 Hæc tua pertulerit si quis mihi verba, fatebor
 Protinus exilium mollius esse meum.

EPISTOLA V. E'dem jam Consuli.

I Te, leves Elegi, doctas ad Consulis aures;
 Verbaque honorato ferte legenda viro.
 Longa via est; nec vos pedibus proceditis æquis:
 To-

Tectaque brumali sub nive terra latet. (mon.
 Cum gelidam Thracen, & opertum nubibus Hæ-
 Et maris Jonii transferitis aquas:
 Luce minus decima dominam venietis in Urbem,
 Ut festinatum non faciatis iter.
 Protinus inde domus vobis Pompeia petatur.
 Non est Augusto junctior ulla Foro.
 Si quis, ut in populo, qui sitis, & unde, requirer:
 Nomina decepta quælibet aure ferat.
 Ut sit enim tutum, sicut reor esse, sateri;
 Verba minus certè ficta timoris habent.
 Copia nec vobis ullo prohibente videndi
 Consulis, ut limen contigeritis, erit.
 Aut reget ille suos dicendo jura Quirites;
 Conspicuum signis cum premet altus ebur:
 Aut, populi reditus positam componet ad hastam,
 Et minui magnæ non sinet Urbis opes.
 Aut, ut erunt Patres in Julia templa vocati,
 De tanto dignis Consule rebusaget.
 Aut feret Augusto solitam, natoque salutem;
 Deque parum noto consulat officio.
 Tempus ab his vacuum Cæsar Germanicus omne
 Auferet. à magnis hunc colit ille Deis.
 Cum tamen à turba rerum requieverit harum;
 Ad vos mansuetas porriget ille manus:
 Quidque parens ego vester agam, fortasse requirer.
 Talia vos illi reddere verba velim.
 Vivit adhuc, vitamque tibi debere fatetur,
 Quam prius à miti Cæsare munus habet.
 Te sibi, cum fugeret, memori solet ore referre,
 Barbariæ tutas exhibuisse vias.
 Sanguine Bistonium quod non tepefecerit ensen,
 Effectum cura pectoris esse tui.
 Addita præterea vitæ quoque multa tuendæ
 Munera, ne proprias attenuaret opes.
 Pro quibus ut meritis referatur gratia, jurat,
 Se fore Mancipii tempus in omne tui.
 Nam prius umbrosa carituros arbore montes,
 Et freta velivolæ non habitura rates,
 Fluminaque in fontes cursu reditura supino;
 Gratia quàm meriti possit abire tui.
 Hæc ubi dixeritis, servet sua dona, rogare.
 Sic fuerit vestræ causa peracta viz.

EPISTOLA VI. *Bruto.*

Quam legis, ex illis tibi venit epistola, Brute,
Nasonem nollas in quibus esse locis.
Sed tu quod nollas, voluit miserabile fatum.
Hei mihi plus illud, quam tua vota, valet !
In Scythia nobis quinquennis Olympias acta est :
Jam tempus lustris transit in alterius.
Perstat enim Fortuna tenax, votisque malignum
Opponit nostris insidiosa pedem.
Certus eras pro me, Fabiæ laus, Maxime, gentis,
Numen ad Augustum supplice voce loqui.
Occidis ante preces; causamq; ego, Maxime, mortis
(Nec fueram tanti) me reor esse tux.
Jam timeo nostram cuiquam mandare salutem :
Ipsam morte tua concidit auxilium.
Cœperat Augustus deceptæ ignoscere culpæ ;
Spem nostram terras deseruitque simul.
Quale tamen potui de cælite, Brute, recenti
Vestra procul positus carmen in ora dedi.
Quæ pro sit pietas utinam mihi ; sitque malorum
Jam modus, & sacræ mitior ira domus !
Te quoque idem ; liquido possum jurare, precari,
O mihi non dubia cognite Brute nota.
Nam cum præstiteris verum mihi semper amorem ;
Hic tamen adverso tempore crevit amor.
Quique tuas pariter lacrymas, nostrasque videret,
Passuros pœnam crederet esse duos.
Lenem te miseris genuit Natura, nec ulli
Mitius ingenium, quam tibi, Brute, dedit.
Ut qui, quid valeas, ignoret, Marte forensi,
Posse tuo peragi vix putet ore reos.
Scilicet ejusdem est, quamvis pugnare videtur,
Supplicibus facilem, fontibus esse trucem.
Cum tibi suscepta est legis vindicta severæ ;
Verba velut tinctum singula virus habent.
Hostibus eveniat, quam sis violentus in armis,
Sentire, & linguæ tela subire tux.
Quæ tibi tam tenui cura limantur, ut omnes
Istius ingenium corporis esse negent.
At si quem lædi Fortuna cernis iniqua,
Mollior est animo scœmina nulla tuo.
Hoc ego præcipue sensi, cum magna meorum

M

No.

Notitiam pars est inficiata mei.
 Immemor illorum, vestri non immemor unquam,
 Qui mala solliciti nostra levatis, ero.
 Et prius [heu nobis nimium conterminus !] Ister
 In caput Euxino de mare vertet iter:
 Utque Thyestes redeant si tempora mensæ,
 Solis ad Eoas currus agetur aquas:
 Quàm quisquam vestrum, qui me doluistis adempto,
 Arguat ingratum non meminisse sui.

E P I S T O L A VII. *Vestali.*

Missus es Euxinas quoniam, Vestalis, ad undas,
 Ut possitis reddas jura sub axe locis;
 Aspicias en, Præses, quali jaceamus in arvo:
 Nec me testis eris falsa solere queri.
 Accedet voci per te non irrita nostræ,
 Alpinis juvenis regibus orte, fides.
 Ipse vides certè glacie concreescere Pontum.
 Ipse vides rigido stantia vina gelu.
 Ipse vides, onerata ferox ut ducat Jazyx.
 Per medias Istrî plaustra bubuleus aquas.
 Aspicias & mitti sub adunco toxica ferro,
 Et telum causas mortis habere duas.
 Atque utinam pars hæc tantum spectata fuisset,
 Non etiam proprio cognita Marte tibi!
 Tenditis ad primum per densa pericula pilum:
 Contigit ex merito qui tibi nuper honos.
 Sit licet hic titulus plenis tibi fructibus ingens,
 Ipsa tamen virtus ordine major erit.
 Non negat hoc Ister: cujus tua dextera quondam
 Puniceam Getico sanguine fecit aquam.
 Non negat Ægyptos, quæ te subeunte recepta
 Sensit in ingenio nil opis esse loci.
 Namdubium, positu melius defensa, manuve,
 Urbs erat in summo nubibus æqua jugo.
 Sithonio Regi ferus interceperat illam
 Hostis, & ereptas victor habebat opes.
 Donec flumineæ devecta Vitellius unda.
 Intulit exposito milite signa Getis.
 At tibi progenies alti fortissima Dauni,
 Venit in adversos impetus ire viros.
 Nec mora; conspicuus longè fulgentibus armis,
 For-

Fortia ne possint facta latere, cæves :
 Ingentique gradu contra ferrumque, locumque,
 Saxaque brumali grandine plura, subis.
 Nec te missa super jaculorum turba moratur,
 Nec quæ vipereo tela cruore madent.
 Spicula cum pictis hærent in casside pennis :
 Parsque fere scuti vulnere nulla vacat.
 Nec corpus cunctos feliciter effugit ictus ;
 Sed minor est acri laudis amore dolor.
 Talis apud Trojam Danaïs pro navibus Ajax
 Dicitur Hectoreas sustinuisse faces.
 Ut propius ventum est, admotaque dextera dextræ,
 Resque fero potuit cominus ense geri :
 Dicere difficile est, quid Mars tuus egerit illic,
 Quotque neci dederis, quosque quibusque modis.
 Ense tuo factos calcabas victor acervos ;
 Impositoque Getes sub pede multus erat.
 Pugnat ad exemplum Primi minor ordine Pili :
 Multaque fert miles vulnera, multa facit.
 Sed tantum virtus alios tua præterit omnes,
 Ante citos quantum Pegasus ibat equos.
 Vincitur Ægyptos : testataque tempus in omne
 Sunt tua, Vestalis, carmine facta meo.

EPISTOLA VIII. *Suillio.*

Littera sera quidem, Audiis exculite Suilli,
 Huc tua pervenit, sed mihi grata tamen.
 Qua, pia si possit, Superos lenire rogando
 Gratia, laturum te mihi dicis opem.
 Ut jam nil præstes, animi sum factus amici
 Debitor ; & meritum, velle juvare, voco.
 Impetus iste tuus longum modo duret in ævum ;
 Neve malis pietas sit tua lassæ meis.
 Jus aliquod faciunt affinia vincula nobis,
 Quæ semper maneant illabefacta precor.
 Nam tibi quæ conjux, eadem mihi filia pæne est :
 Et quæ te generum, me vocat illa virum.
 Hei mihi, si lætis vultum tu versibus istis
 Ducis, & affinem te pudet esse meum !
 At nihil hic dignum poteris reperire pudore,
 Præter Fortunam, quæ mihi cæca fuit.
 Seu genus excutias : Equites, ab origine prima,
 Usque per innumeros inveniémur avos:

Sive velis, qui sint mores inquirere nostros;
 Errorem misero detrahe, labe carent.
 Tu modo, si quid agi sperabis posse precando,
 Quos colis, exora supplice voce Deos.
 Di tibi sunt Cæsar juvenis. tua numina placa.
 Hac certè nulla est notior ara tibi.
 Non finit illa sui vanas antistitis unquam
 Esse preces. nostris hinc pete rebus opem.
 Quamlibet exigua si nos ea juverit aura,
 Obruta de mediis cymba resurget aquis.
 Tunc ego thura feram rapidis solemnia flammis;
 Et, valeant quantum numina, testis ero.
 Nec tibi de Pario statuam, Germanice, templum
 Marmore. carpit opes illa ruina meas.
 Tempia domus vobis faciant urbesque beatæ;
 Naso suis opibus carmine gratus erit.
 Parva quidem fateor pro magnis munera reddi,
 Cum pro concessa verba salute damus. [est;
 Sed qui, quam potuit, dat maxima, gratus abunde
 Et finem pietas contigit illa suum.
 Nec, quæ de parva Dis pauper libat acerra,
 Thura minus, grandi quam data lance, valent,
 Agnaque tam lactens, quam gramine pasta Falisco,
 Victima Tarpejos inficit ista focos.
 Nec tamen officio vatum per carmina facto,
 Principibus res est gratior ulla viris.
 Carmina vestrarum peragunt præconia laudum:
 Neve sit actorum fama caduca cavent.
 Carmine sit vivax virtus; expertisque sepulchri,
 Notitiam seræ posteritatis habet.
 Tabida consumit ferrum, lapidemque vetustas;
 Nullaque res majus tempore robur habet.
 Scripta ferunt annos: scriptis Agamemnona nosti;
 Et quisquis contra, vel simul arma tulit.
 Quis Thebas, septemque duces sine carmine noster?
 Et quicquid post hæc, quicquid & ante fuit?
 Di quoque carminibus (si fas est dicere) fiunt;
 Tantaque majestas ore canentis eget.
 Sic Chaos, ex illa naturæ mole prioris,
 Digestum partes scimus habere suas.
 Sic affectantes cælestia regna Gigantas,
 Ad Styga nimbifero vindicis igne datos.
 Sic victor laudem superatis Liber ab Indis,

Alci-

Aeides capta traxit ab Oechalia.

Et modo, Czſar, Avum, quem virtus addidit aſtris,
Sacrarunt aliqua carmina parte tuum.

Si quid adhuc igitur vivi, Germanice; noſtro
Reſtat in ingenio, ſerviet omne tibi.

Non potes officium vatis contemnere vates:

Judicio pretium res habet iſta tuo,

Quod niſi te nomen tantum ad majora vocaſſet,
Gloria Pieridum ſumma futurus eras.

Sed dare materiam nobis, quam carmina, mavis;
Nec tamen ex toto deſerere illa potes. (ces,

Nam modo bella geris, numeris modo verba coer-
Quodque aliis opus eſt, hoc tibi ludus erit. [eſt

Utq; nec ad citharam, nec ad arcum ſegnīs Apollo
Sed venit ad ſacras nervus uterque manus;

Sic tibi nec docti, nec deſunt principis artes:

Miſta ſed eſt animo cum Jove Muſa tuo.

Quæ quoniam nec nos unda ſubmovit ab illa;

Ungula Gorgonei quam cava fecit equi;

Proſit, opemque ferat communia ſacra tueri:

Atque iſdem ſtudiis impoſuiſſe manum.

Littora pellitis nimium ſubſecta Corallis

Ut tandem ſævos effugiamque Getas,

Claſſaque ſi miſero patria eſt, ut ponar in ullo,

Qui minus Auſonia diſtet ab Urbe, loco.

Unde tuas poſſim laudes celebrare recentes,

Magnaque quàm minima facta referre mora.

Tangat ut hoc votum cæleſtia, care Suilli,

Numina, pro ſocero pæne precare tuo.

EPISTOLA IX. Græcino.

UNde licet, non unde juvat, Græcine, ſalutem
Mittit ab Euxinis hanc tibi Naſo vadis.

Miſſaque, Di faciant, Auroram occurrat ad illam,

Bis ſenos faſces quæ tibi prima dabit.

Ut, quoniam ſine me tanges Capitolia Conſul,

Et ſiam turbæ pars ego nulla tuæ,

In domini ſubeat partes, & præſtet amici

Officium juſſo littera noſtra die.

Atque ego ſi fatis genitus melioribus eſſem,

Et mea ſincero curreret axe rota:

Quo nunc noſtra manus per ſcriptum fungitur, eſſet

Lingua ſalutandæ munere ſinctæ tui.

Gratatusque darem cum dulcibus oscula verbis :
 Nec minus ille meus , quam tuus , esset honora-
 Illa (confiteor) sic essem luce superbus ,
 Ut caperet fastus vix domus ulla meos .
 Dumque latus sancti cingit tibi turba Senatus ,
 Consulis ante pedes ire viderer Eques .
 Et quanquam cuperem semper tibi proximus esse ,
 Gauderem lateri non habuisse locum .
 Nec querulus , turba quamvis eliderer , essem :
 Sed foret à populo tum mihi dulce premi .
 Prospicerem gaudens , quantus foret agminis ordo ,
 Denique quam longum turba teneret iter .
 (Quoque magis noris quam me vulgaria tangant ,
 Spectarem , qualis purpura te tegeret .)
 Signa quoque in sella nossem formata curuli ;
 Et totum Numidæ sculptile dent s opus .
 At cum Tarpejas esses deductus in arces ,
 Dum caderet jussu victima sacra tuo :
 Me quoque secreto grates sibi magnus agentem
 Audisset , media qui sedet æde , Deus .
 Thuraque mente magis , plena quam lance , dedissem .
 Ter-quater , imperii lætus honore tui .
 Hic ego præsentem inter numerarer amicos ;
 Mitia jus Urbis si modo fata darent .
 Quæque mihi sola capitur nunc mente voluptas ,
 Tunc oculis etiam percipienda foret .
 Non ita cælitibus visum est , & forsitan æquis :
 Nam quid me pœnæ causa negata juvet ?
 Mente tamen , quæ sola loco non exulat , utar-
 Prætextam , fasces aspiciamque tuos .
 Hæc modo te populo reddentem jura videbit ;
 Et se secretis finget adesse locis .
 Nunc longi reditus hæc supponere lustrum
 Cernet , & exacta cuncta locare fide .
 Nunc facere in medio facundum verba Senatu ,
 Publica quærentem quid petat utilitas .
 Nunc , pro Cæsaribus , Superis decernere grates ,
 Albæ opimorum colla ferire boum .
 Atque utinam , cum jam fueris potiora precatus ,
 Ut mihi placetur numinis ira roges ?
 Surgat ad hanc vocem plena pius ignis ab ara ;
 Detque bonum voto lucidus omen apex .
 Interea , qua parte licet , ne cuncta queramus ,
 Hic

Hic quoque te festam Consule tempus agam.
Altera lætitiæ, nec cedens causa priori,
Successor tanti frater honoris, erit.
Nam tibi finitum summo, Græcine, Decembri
Imperium, Jani suscipit ille die.
Quæque est in vobis pietas, alterna feretis
Gaudia, tu fratris fascibus, ille tuis.
Sic tu his fueris Consul, bis Consul & ille;
Inque domo bimus conspicietur honor.
Qui quanquam est ingens, & nullum Martia summo
Altius imperium Consule Roma videt;
Multiplicat tamen hunc gravitas auctoris honorem,
Et majestatem res data dantis habet.
Judiciis igitur liceat Flaccoque tibi que
Talibus Augusti tempus in omne frui.
Ut tamen à rerum cura propiore vacabit;
Vota precor votis addite vestra meis.
Et, si quem dabit aura sinum, laxate rudentes;
Exeat è Stygiis ut mea navis aquis.
Præfuit his, Græcine, locis modo Flaccus; & illo
Ripa ferox Istri sub duce tuta fuit.
Hic tenuit Mysas gentes in pace fideli:
Hic arcu fisos terruit ense Getas.
Hic captam Troesmin celeri virtute recepit,
Infecitque fero sanguine Danubium.
Quære loci faciem, Scythicique incommoda cæsi:
Et quàm vicino terrear hoste, roga.
Sintne litæ tenues serpentis felle sagittæ;
Fiat an humanum victima dira caput.
Mentiar, an coeat duratus frigore Pontus;
Et teneat glacies jugera multa freti.
Hæc ubi narrarit, quæ sit mea fama, require;
Quoque modo peragam tempora dura, roga.
Non sumus hic odio, nec scilicet esse meremur:
Nec cum fortuna mens quoque versa mea est.
Illa quies animo, quam tu laudare solebas,
Ille vetus solito perstat in ore pudor.
(Sic ego sum longè, sic hic, ubi barbarus hostis,)
Ut fera plus valeant legibus arma, facit;
Re queat ut nulla tot jam, Græcine, per annos
Fœmina de nobis virve puerve queri.
Hoc facit, ut misero faveant adsintque Tomitæ;
Hæc quoniam tellus testificanda mihi est.

Illi me , quia velle vident , discedere magant :
 Respectu cupiunt hic tamen esse sui.
 Nec mihi credideris : extant decreta, quibus nos
 Laudat , & immunes publica cera facit.
 Conveniens miseris hæc quanquam gloria non est,
 Proxima dant nobis oppida munus idem.
 Nec pietas ignota mea est : videt hospita tellus
 In nostra sacrum Cæsaris esse domo.
 Stant pariter natusque pius , conjuxque sacerdos,
 Numina jam facto non leviora Deo.
 Neude sit parsulla domus : stat uterque nepotum :
 Hic avix lateri proximus , ille patris.
 His ego do toties cum thure precantia verba ,
 Eoo quoties surgit ab orbe dies.
 Tota , licet quæras , hoc me non fingere dicet ,
 Officii testis Pontica terra mei.
 Pontica me tellus, quantis hæc possumus ora,
 Natalem ludis scit celebrare Dei.
 Nec minus hospitibus pietas est cognita talis ,
 Misit in has si quos longa Propontis aquas.
 Is quoque , quo lævus fuerat sub Præside Pontus ,
 Audierit frater forsitan ista tuus.
 Fortuna est impar animo , talique libenter
 Exiguas carpo munere pauper opes.
 Nec vestris damus hæc oculis , præcul Urbe remoti;
 Contenti tacita sed pietate sumus.
 Et tamen hæc tangent aliquando Cæsaris aures.
 Nil illum , toto quod sit in orbe , latet.
 Tu certè scis hoc, Superis adscite , videsque
 Cæsar ; ut est oculis subdita terra tuis.
 Tu nostras audis , inter convexa locatus
 Sidera , sollicito quas damus ore , preces.
 Pervenient istuc & carmina forsitan illa ,
 Quæ de te misi colite facta novo.
 Anguror his igitur flecti tua numina ; nec tu
 Immerito nomen mite Parentis habes.

E P I S T O L A X. *Albinovano.*

Hic mihi Cimmerio bis tertia ducitur æstus
 Littore , pellitos inter agenda Getas.
 Ecquos tu silices , ecquod , carissime , ferrum
 Duritiz confers , Albinovane , meæ ?
 Gutta cavat lapidem ; consumitur annulus usu ;
 Et.

Et teritur pressa vomer aduncus humo.
Tempus edax igitur, præter nos, omnia perdet;
Cessât duritia mors quoque victa mea.
Exemplum est animi nimium patientis Ulysses,
Jactatus dubio per duo lustra mari.
Tempora solliciti sed non tamen omnia fati
Pertulit, & placidæ sæpe fuere moræ.
An grave sex annis pulchram fovisse Calypso,
Æquoreæque fuit concubuisse Dex?
Excipit Hippotades; qui dat promunere ventos,
Curvet ut impulsos utilis aura sinus.
Nec bene cantantes labor est audisse puellas;
Nec degustanti lotos amara fuit.
Hos ego, qui patriæ faciant obliviam, succos
Parte meæ vitæ, si modo dentur, emam.
Nec tu contuleris urbem Læstrygonis unquam
Gentibus, obliqua quas obit Ister aqua.
Nec vincet sævum Cyclops feritate Phycen:
Qui quota terroris pars solet esse mei?
Scylla feris trunco quod latrat ab inguine monstribus;
Heniochæ nautis plus nocuere rates.
Nec potes infestis conferre Charybdin Achæis:
Ter licet epotum ter vomat illa fretum.
Qui quamquam dextra regione licentius errant;
Securum latus hoc non tamen esse sinunt.
Hic agri infrondes, hic spicula tincta venenis:
Hic freta vel pediti pervia reddit hyems.
Ut, qua remus iter pulsus modo fecerat undis,
Siccus contempta nave viator eat.
Qui veniunt istinc, vix vos ea credere dicunt.
Quam miser est, qui fert asperiora fide!
Crede tamen: nec te causas nescire sinemus,
Horrida Sarmaticum cur mare duret hyems.
Proxima sunt nobis plaustris præsentia formam,
Et quæ præcipuum sidera frigus habent.
Hinc oritur Boreas, oræque domesticus huic est;
Et sumit vires à propiore loco.
At Notus, adverso tepidum qui spirat ab axe,
Est procul; & rarus languidiorque venit.
Adde quod hic clauso miscentur flumina Ponto,
Vimque fretum multo perdit ab amne suam.
Huc Lycus, huc Sagæris, Peniusq; Hypanisq; Cratesq;
Influit, & crebro vortice tortus Halys:

Partheniusque rapax, & volvens saxa Cynapes.
 Labitur; & nullo tardior amne Tyras.
 Et tu, femineę Thermodon cognite turme,
 Et quondam Graiis Phasi petite viris.
 Cumque Borysthenio liquidissimus amne Dyraſpes,
 Et tacite peragens Iene Melanthus iter.
 Quique duas terras Afiam, Cadmique sororem.
 Separat, & curſus inter utramque facit.
 Innumerique alii, quos inter maximus omnes
 Cedere Danubius ſe tibi, Nile, negat.
 Copia tot laticum, quas auget, adulterat undas;
 Nec patitur vires æquor habere ſuas.
 Quin etiam ſtagno ſimilis, pigreque paludi.
 Cæruleus vix eſt, diluiturque color.
 Innatat unda freto dulcis, leviorque marina eſt;
 Quæ proprium miſto de ſale pondus habet.
 Si roget hæc aliquis, cur ſint narrata Pedoni,
 Quidve loqui certis iuverit iſta modis;
 Detinui, dicam, tempus, curaque ſefelli.
 Hunc fructum præſens attulit hora mihi.
 Abſuiſmus ſolito, dum ſcribimus iſta, dolori:
 In mediis nec nos ſenſimus eſſe Getis.
 At tu, non dubito, cum carmine Theſea laudes,
 Materię titulos quin tuare tuz;
 Quemque refers, imitare virum, vetat ille proſecto
 Tranquilli comitem temporis eſſe fidem.
 Qui quanquam eſt factis ingens, & conditur à te.
 Vir tanto, quanto debuit, ore cani;
 Eſt tamen ex illo nobis imitabile quiddam,
 Inque fide Theſeus quilibet eſſe poteſt.
 Non tibi ſunt hoſtes ferro clavaque domandi,
 Per quos vix ulli pervius Iſthmos erat:
 Sed præſtandus amor, res non operoſa volenti.
 Quis labor eſt puram non temeraſſe fidem?
 Hæc tibi, qui perſtas indeclinatus amico,
 Non eſt quod lingua dicta querente putes.

EPISTOLA XI. Gallioni.

CALIO, crimen erit vix excuſabile nobis,
 Carmine te nomen non habuiſſe meo.
 Tu quoque enim (memini) cœleſti cuſpide facta.
 Foviſti lacrymis vulnera noſtra tuis.
 Atque utinam, rapti ſactura læſus amici,

Sensisses ultra, quod querere, nihil?
 Non ita Dis placuit, qui te spoliare pudica
 Conjuge crudeles non habuere nefas.
 Nuncia nam luctus mihi nuper epistolâ venit:
 Lestaque cum lacrymis sunt tua damna meis.
 Sed neque prudentem solari stultior ausim,
 Verbaque doctorum nota referre tibi:
 Finitumque tuum, si non ratione, dolorem,
 Ipsa jam pridem suspicor esse mora.
 Dum tua pervenit, dum littera nostra recurrens
 Tot maria ac terras permeat, annus abit.
 Temporis officium solatia dicere certi est:
 Dum dolor in cursu est, dum petit æger opem.
 At cum longa dies sedavit vulnèra mentis;
 Intempestivè qui fovet illa, novat.
 Adde quod[et] utinam verum tibi venerit omen!
 Conjugio felix jam potes esse novo.

E P I S T O L A XII. *Tuticane.*

Quo minus in nostris ponaris, amice, libellis,
 Nominis efficitur conditione tui.
 Aut ego non alium priùs hoc dignarer honore:
 Est aliquis nostrum si modò carmen honos.
 Lex pedis officio naturaque nominis obstant,
 Quaque meos adeas, est via nulla, modos.
 Nam pudet in geminos ita nomen scindere versus,
 Desinat ut prior hoc, incipiatque minor:
 Et pudeat, si te, qua syllaba parte moratur,
 Arctius appellem, Tuticanumque vocem.
 Nec potes in versum Tuticani more venire;
 Fiat ut è longa syllaba prima brevis.
 Aut producatur, quæ nunc correptius exit;
 Et sit porrecta longa secunda mora.
 His ego si vitiis ausim corrumpere nomen,
 Ridear, & merito pectus habere neger.
 Hæc mihi causa fuit dilati muneris hujus,
 Quod meus adjecto scœnore reddet ager.
 Teque canam quacunque nota: tibi carmina mittam;
 Pænè mihi puero cognite pænè puer.
 Perque tot annorum seriem, quot habemus uterque,
 Non mihi, quam fratri frater, amate minus.
 Tu bonus hortator, tu duxque comesque fuisti,
 Cum segerem tenera fœna novella manu.

Sæpe ego correxi sub te censore libellos;
 Sæpe tibi admonitu facta litura meo est.
 Dignam Mzonii Phzacida condere chartis
 Cum te Pierides perdocuere tuæ.
 Hic tenor, hæc viridi concordia cœpta juventa,
 Venit ad albentes illabefacta comas.
 Quæ nisi te moveant, duro tibi pectora ferro
 Esse, vel inducto clausa adamante putem.
 Sed prius huic desint & bellum & frigora terræ,
 Invisus nobis quæ duo Pontus habet;
 Et repidus Boreas, & sit præfrigidus Auster,
 Et possit fatum mollius esse meum;
 Quam tua sint lapso præcordia dura sodali.
 Hic cumulus nostris absit, abestque malis.
 Tu modo per Superos, quorum certissimus ille est,
 Quo tuus assidue Principe crevit honor;
 Effice, constanti profugum pietate tuendo,
 Ne sperata meam deserat aura ratem.
 Quid mandem, quæris? peream, nisi dicere vix est.
 Si modò, qui perijt, ille perire potest.
 Nec quid agam invenio, nec quid nolimve, velimve:
 Nec satis utilitas est mea nota mihi.
 Crede mihi; miseros prudentia prima relinquit.
 Et sensus cum re consiliumque fugit.
 Ipse precor quæras, qua sim tibi parte juvandus;
 Quoquæ viam, facias ad mea vota vado.

E P I S T O L A XIII. *Cara.*

O Mihi non dubios inter memorande sodales,
 Qui, quod es, id verè, Care, vocaris; ave.
 Unde saluteris, color hic tibi protinus index,
 Et structura mei carminis esse potest.
 Non quia mirifica est, sed quod nec publica certè;
 Qualis enim cumque est, non latet esse meam.
 Ipse quoque ut chartæ titulum de fronte revellas,
 Quod sit opus, videor dicere posse, tuum.
 Quamlibet in multis positus noscere libellis;
 Perque observatas inveniere notas.
 Prodent auctorem vires, quas Hercule dignas
 Novimus, atque illi, quem canis, esse pares.
 Et mea Musa potest proprio deprensa colore,
 Insignis vitiis forsitan esse suis.
 Tam mala Therpsiten prohibebat forma latere,
 Quàm

Quàm pulchra Nireus conspiciendus erat.
 Nec te mirari, si sint vitiosa, decebit
 Carmina, quæ faciam pæne poeta Getes.
 Ah pudet! & Getico scripsi sermone libellum:
 Structaque sunt nostris barbara verba modis.
 Et placui (gratare mihi) cœpique poetæ
 Inter inhumanos nomen habere Getas.
 Materiam quæris? laudes de Cæsare dixi.
 Adjuta est novitas numine nostra Dei.
 Nam patris Augusti docui mortale fuisse
 Corpus; in ætherias numen abisse domos:
 Esse parem virtute patri, qui frœna coactus
 Sæpe recusati ceperit imperii.
 Esse pudicarum te Vestam, Livia, matrum,
 Ambiguum nato dignior, anne viro.
 Esse duos juvenes firma adjumenta Parentis,
 Qui dederint animi pignora certa sui.
 Hæc ubi non patria perlegi scripta Camœna,
 Venit & ad digitos ultima charta meos;
 Et caput & plenas omnes movere pharetras,
 Et longum Getico murmur in ore fuit.
 Atque aliquis, Scribas hæc cum de Cæsare, dixit,
 Cæsaris imperio restituendus eras.
 Ille quidem dixit, sed me jam Care, nivali.
 Sexta, relegatum bruma sub axe videt.
 Carmina nil prosunt, nocuerunt carmina quondam:
 Primaque tam miseræ causa fuere fugæ.
 At tu per studii communia fœdera sacri,
 Per non vile tibi nomen amicitie;
 Sic capto Latiis Germanicus hoste catenis,
 Materiam vestris afferat ingeniis;
 Sic valeant pueri, votum commune Deorum;
 Quos laus formandos est tibi magna datos
 Quanta potes præbe nostræ momenta salutis:
 Quæ nisi mutato nulla futura loco est.

EPISTOLA XIV. Tuticano.

Hæc tibi mittuntur, quem sum modo carmine
 questus

Non aptum numeris nomen habere meis.
 In quibus, excepto quod adhuc utcumque valemus,
 Nil, te præterea quod juvet, invenies.
 Ipsa quoque est invisa salus; suntque ultima vota,
 Quæ.

Quolibet ex istis scilicet ire locis.

Nulla mihi cura est terra quam muter ut ista ,

Hac quia , quam video , gratior omnis erit.

In medias Syrtes , mediam mea vela Charybdin

Mittite , præsenti dum careamus humo.

Styx quoq; si quid ea est , benè commutabitur Istro ,

Si quid & inferius , quàm Styga , mundus habet.

Gramina cultus ager , frigus minùs odit hirundo ,

Proxima Marticollis quàm loca Naso Getis.

Talia succensent propter mihi verba Tomitz ,

Iraque carminibus publica mota meis.

Ergo ego cessabo nunquam per carmina lædi ,

Plectar & incauto semper ab ingenio ?

Ergo ego , ne scribam , digitos incidere cunctor ;

Telaque adhuc demens , quæ nocuere , sequor ?

Ad veteres scopulos iterum devertor , & illas ,

In quibus offendit naufraga puppis , aquas.

Sed nihil admisi : nulla est mea culpa , Tomitz ;

Quos ego , cum loca sim vestra perosus , amo.

Quilibet excutiat nostri monumenta laboris ;

Littera de vobis est mea quæstio nihil.

Frigus & incursum omni de parte timendos ,

Et quod pulsetur murus ab hoste , queror.

In loca , non homines , verissima crimina dixi.

Culpatis vestrum vos quoque sæpe solum.

Esset perpetuò sua quam vitabilis Asera ,

Ausa est agricolæ Musa docere senis.

At fuerat terra genitus , qui scripsit , in illa.

Intumuit vati nec tamen Asera suo.

Quis patriam sollerte magis dilexit Ulyssè ?

Hoc tamen asperitas indice nota loci est.

Non loca , sed mores scriptis vexavit amaris.

Scepsius Ausonios , actaque Roma rea est.

Falsa tamen passa est æqua convicia mente ,

Obfuit auctori nec fera lingua suo.

At malus interpretes , populi mihi concitat iram ,

Inque novum crimen carmina nostra vocat.

Tam felix utinam , quam pectore candidus illi !

Exstat adhuc nemo saucius ore meo .

Adde , quòd Illyrica si jam pice nigrior essem ,

Non mordenda mihi turba fidelis erat.

Molliter à vobis mea sors excepta , Tomitz ,

Tam mites Grajos indicat esse viros.

Gens mea Peligni, regioque domestica Sulmo,
 Non potuit nostris lenior esse malis.
 Quem vix incolumi cuiquam, salvoque daretis.,
 Is datus à vobis est mihi nuper honor.
 Solus adhuc ego sum vestris immunis in oris;
 Exceptis, si qui munera legis habent.
 Tempora sacrata mea sunt velata corona,
 Publicus invito quam favor imposuit.
 Quàm grata est igitur Latonæ Delia tellus,
 Erranti tutum quæ dedit una locum,
 Tam mihi cara Tomis: patriâ quæ sede fugatis.
 Tempus ad hoc nobis hospita fida manet.
 Di modo fecissent, placidæ spes posset habere
 Pacis, & à gelido longius axe foret.

E P I S T O L A XV. *Sexto Pompejo.*

SI quis adhuc usquam nostri non immemor extat,
 Quidve relegatus Naso, requirit, agam.,
 Cæsaribus vitam, Sexto debere salutem
 Me sciat. à Superis hic mihi primus erit.
 Tempora nam miseræ complectar ut omnia vitæ,
 A meritis ejus pars mihi nulla vacat.
 Quæ numero tot sunt, quot in horto fertilis arvi.
 Punica sub lento cortice grana rubent.
 Africa quot segetes, quot Tmolia terra racemos,
 Quot Sicyon baccas, quot parit Hybla favos.
 Confiteor. testere licet. signate Quirites.
 Nil opus est legum viribus; ipse loquor.
 Inter opes & me rem parvam pone paternas.
 Pars ego sum census quantulacunque tui.
 Quàm tua Trinacria est, regnataque terra Philippo,
 Quàm domus Augusto continuata Foro;
 Quæque relicta tibi, Sexte, vel empta tenes:
 Tam tuus en ego sum. cujus te munere tristi
 Non potes in Ponto dicere habere nihil.
 Atque utinam possis, & detur amicus arvom;
 Remque tuam ponas in meliore loco!
 Quod quoniam in Dis est, tenta lenire precando.
 Numina, perpetua quæ pietate colis.
 Erroris nam tu, vix est decernere, nostri
 Sis argumentum majus, in auxilium.
 Nec dubitans oro; sed flumine sæpe secundo.

Augetur remis cursus euntis aquæ.
 Et pudet, & metuo, semperque eademque precaris
 Ne subeant animo tædia iusta tuo.
 Verum quid faciam? res immoderata cupido est.
 Da veniam vitio., mitis amice, meo.
 Scribere sæpe aliud cupiens delabor eodem :
 Ipsa locum per se littera nostra rogat.
 Seu tamen effectus habitura est gratia; seu me.
 Dura jubet gelido Parca sub axe mori;
 Semper inoblita repetam tua munera mente :
 Et mea me tellus audiet esse tuum.
 Audiet & cælo posita est quæcunque sub illo.,
 Transiit nostra feros si modo Musa Getas.
 Teque meæ causam, servatoremque salutis :
 Meque tuum libra norit & ære minus.

E P I S T O L A. XVI. *Ad invidum.*

Invide, quid laceras Nasonis carmina rapti?
 Non solet ingeniis summa nocere dies.
 Famaque post cineres major venit; & mihi nomen
 Tunc quoque, cum vivis annumerarer, erat.
 Cum foret & Marsus, magnique Rabirius oris,
 Iliacusque Macer, sidereusque Peto :
 Et, qui Junonem læsisset in Hercule, Carus;
 Junonis si non jam gener ille foret.
 Quique dedit Latio carmen regale Severus;
 Et cum subtili Priscus uterque Numa.
 Quique vel imparibus numeris, Montane, vel æquis.
 Sufficis, & gemino carmine nomen habes.
 Et qui Penelopæ rescribere jussit Ulyssen,
 Errantem sævo per duo lustra mari :
 Quique suam Træzena imperfectumque dierum.
 Deseruit celeri morte Sabinus opus.
 Ingeniique sui dictus cognomine Largus,
 Gallica qui Phrygium duxit in arva senem.
 Quique canit domitam Camerinus ab Hercule
 Trojam;
 Quique sua nomen Phyllide Thuscus habet.
 Velivolique maris vates, cui credere possis
 Carmina cæruleos composuisse Deos.
 Quique acies Libycas, Romanaque prælia dixit,
 Et Marins scripti dexter in omne genus.
 Trinacciusque suæ Perseidos auctor, & auctor
 Tan-

Tantalidæ reducis, Tyndaridosque Lupus.
Et qui Mæoniam Phæacida vertit, & una
Pindaricæ fidicen tu quoque, Rufe, lyrz.
Musaque Turani tragicis innixa cothurnis:
Et tua cum focco Musa, Melisse, levi.
Cum Varus, Gracchusque darent fera dicta tyranni;
Callimachi Proculus molle teneret iter:
(Tityrus antiquas & erat qui pasceret herbas,)
Atque venanti Gratius arma daret.
Naidas à Satyris caneret Fontanus amatas,
Clauderet imparibus verba Capella modis.
Cumque forent alii, quorum mihi cuncta referre
Nomina longa mora est, carmina vulgus habet,
Essent & juvenes, quorum quodd inedita cura est,
Appellandorum nil mihi juris adest.
Te tamen in turba non ausim, Cotta, silere;
Pieridum lumen, præsidiumque fori.
Maternos Cottas cui Messallasque paternos
Maxima nobilitas ingeminata dedit.
Dicere si fas est, claro mea nomine Musa,
Atque inter tantos, quæ legeretur, erat.
Ergo summotum patria proscindere, livor,
Desine, neu cineres sparge, cruenta, meos.
Omnia perdidimus. tantummodo vita relicta est,
Præbeat ut sensum, materiamque malis.
Quid juvat extinctos ferrum dimittere in artus?
Non habet in nobis jam nova plaga locum.



I N I B I N ,

EX EDITIONE

Andrea Maugerii.

TEmpus ad hoc, lustris jam bis mihi quin-
que peractis,
Omne fuit Musæ carmen inerme meæ :
Nullaque, quæ possit, scriptis tot millibus
exstat

Littera Nasonis, sanguinolenta legi.
Nec quemquam nostri, nisi nos, læsere libelli :
Artificis periit cum caput Arte sua.
Unus (& hoc ipsum est injuria magna) perennem
Candoris titulum non sinit esse mei.
Quisquis is est (nam nomen adhuc utcunque tacebo,)
Cogit inassuetas sumere tela manus.
Ille relegatum gelidos Aquilonis ad ortus
Non sinit exilio delituisse suo.
Vulneraque immitis requiem querentia vexat :
Jactat & in toto verba canina foro :
Perpetuoque mihi sociatam fœdere læsti
Non patitur miseri funera flere viri.
Cumq; ego quassa meæ complectar membra carinæ;
Naufragii tabulas pugnat habere mei.
Et qui debuerat subitas extinguere flammæ;
Is prædam medio raptor ab igne tulit.
Nititur ut profugæ desint alimenta senectæ;
Heu quanto nostris dignior ipse malis!
Dimelius! quorum longè mihi maximus ille,
Qui nostras inopes noluit esse vias.
Huic igitur meritas grates, ubicunque licebit,
Pro tam mansueto pectore semper agam.
Audiet hæc Pontus, faciat quoque forsitan idem,
Terra sit ut propior testificanda mihi.
At tibi, calcasti qui me, violente, jacentem,
Quamlibet & misero debitus hostis ero.
Desinet esse prius contrarius ignibus humor.
Junctaque cum Luna lumina Solis erunt :
Earsque eadem cæli Zephyros emittet & Euros :.

Et

Et tepidus gelido flabit ab axe Notus ;
 Et nova fraterno veniet concordia fumo ,
 Quem vetus accensa separat ira pyra ;
 Et Ver Autumno , Brumæ miscbitur Æstas ;
 Atque eadem regio Vesper & Ortus erunt :
 Quam mihi sit tecum positus , quæ summus , armis
 Gratia , commissis , improbe , rupta tuis.
 Pax erit hæc nobis , donec mihi vita manebit ,
 Cum pecore infirmo quæ solet esse lupis.
 Prima quidem cæpto committam prælia versu :
 Non soleant quamvis hoc pede bella geri.
 Utque petit primo plenum flaventis arenæ
 Nondum calfacti velitis hasta solum ;
 Sic ego te ferro nondum jaculabor acuto :
 Protinus invisum nec petet hasta caput.
 Et neque nomen in hoc , nec dicam facta libello :
 Teque brevi , qui sis , dissimulare sinam.
 Postmodo , si perges , in te mihi liber Jambus.
 Tincta Lycambeo sanguine tela dabit.
 Nunc , quo Battiades inimicum devovet Ibin ,
 Hoc ego devoveo teque tuosque modo.
 Utque ille , historiis involvam carmina cecis :
 Non soleam quamvis hoc genus ipse sequi.
 Illius ambages imitatus in Ibide dicar ;
 Oblitus moris iudicii que mei.
 Et quoniam , qui sis , nondum querentibus edo ;
 Ibidis interea tu quoque nomen habe.
 Utque mei versus aliquantum noctis habebunt ;
 Sic vitæ series tota sit atra tuæ.
 Hæc tibi nataxi faxy Janique Kalendis
 Non mentituro quilibet ore legat.
 Di maris & terræ , quique his meliora tenetis.
 Inter diversos cum Jove regna polos ;
 Huc precor , huc vestras omnes advertite mentes ,
 Et finite optatis pondus inesse meis.
 Ipsaque tu Tellus , ipsum cum fluctibus Æquor ,
 Ipse meas Æther accipe summe preces ;
 Sideraque , & radiis circumdata Solis imago ;
 Lunaque , quæ nunquam , quo prius , orbemicas ,
 Noxque tenebrarum specie reverenda tuarum ,
 Quæque ratum triplici pollice netis opus :
 Quique per infernas horrendo murmure valles
 Imperjuratæ laberis amnis aque ;

Quæ

Quasque ferunt torto vittatis angue capillis
Carceris obscuras ante sedere fores ; (resque,
Vos quoque plebs Superum Fauni , Satyrique , La-
Fluminaque , & Nymphæ , Semideumque genus ;
Denique ab antiquo Divi veteresque novique ,
In nostrum cuncti tempus adeste , Chao.
Carmina dum capiti malefido dira canuntur ,
Et peragunt partes ira dolorque suas :
Annuite optatis omnes ex ordine nostris ;
Et pars sit voti nulla caduca mei.
Quæque precor , fiant : ut non mea dicta , sed illa
Paspheæ generi verba fuisse putet.
Quasque ego transiero pœnas , patiatur & istas.
Plenius ingenio sit miser ille meo.
Neve minus valeant fictum execrantia nomen
Vota , minus magnos commoveantve Deos ;
Illum ego devoveo , quem mens intelligit , Ibin ;
Qui se scit factis has meruisse preces.
Nulla mora est in me : peragam rata vota sacerdos.
Quisquis ades sacris , ore favete , meis.
Quisquis ades sacris , lugubria dicite verba ,
Et fletu madidis Ibin adite genis :
Ominibusque malis pedibusque occurrite lavis ;
Et nigræ vestes corpora vestra tegant .
Tu quoque , quid dubitas ferales sumere vittas ?
Jam stat , ut ipse vides , funeris ara tui.
Pompa parata tibi est : votis mora tristibus absit.
Da jugulum cultris , hostia dira , meis.
Terra tibi fruges , amnis tibi denegat undas
Deneget afflatus ventus & aura suos.
Nec tibi Sol clarus , nec sit tibi lucida Phœbe :
Destituant oculos sidera cuncta tuos.
Nec se Vulcanus , nec se tibi præbeat aer :
Nec tibi det tellus , nec tibi pontus iter.
Exul inops erres , alienaque limina lustres :
Exiguumque petas ore tremante cibum.
Nec corpus querulo , nec mens vacet ægra dolore :
Noxque die gravior sit tibi , nocte dies.
Sisque miser semper ; nec sis miserabilis ulli.
Gaudeat adversis scœmina virque tuis.
Accedat lacrymis odium , dignusque putere ,
Qui mala , cum tuleris plurima , plura ferasi-
Sitque , quod est rarum , solito defecta favore.

Ærum-

Ærumnæ facies invidiosa tuæ.

Causaque non desit, desit tibi copia mortis.

Optatam fugiat vita coacta necem.

Luctatusque diu cruciatos spiritus artus

Deserat; & longa torqueat ante mora.

Evenient. dedit ipse mihi modo signa futuri

Phœbus: & a læva mœsta volavit avis.

Certè ego, quæ voveo, Superos motura putabo:

Spequæ tuæ mortis, perfide, semper alar-

(Finiet illa dies, quæ te mihi subtrahet olim:

Finiet illa dies, quæ mihi tarda venit.)

Et prius hanc animam, nimium tibi sæpe petitam,

Auferet illa dies, quæ mihi sera venit;

Quam dolor hic unquam spatio evanescere possit:

Leniat aut odium tempus & hora meum.

Pugnabunt jaculis dum Thraces, Jazyges arcu,

Dum tepidus Ganges, frigidus Ister erit;

Robora dum montes, dum pabula mollia campi,

Dum Tiberis flavas Tuscus habebit aquas;

Bella geram tecum, nec mors mihi finiet iras;

Sæva sed in manes manibus arma dabit.

Tum quoque, cum vacuas fuero dilapsus in auras,

Exanimis mores oderit umbra tuos.

Tum quoque factorum veniam memor umbra tuo-
rum:

Insequar & vultus ossæa larva tuos.

Sive ego, quod nolim, longis consumtus ab annis;

Sive manu facta morte solutus ero:

Sive per immensas jactabor naufragus undas;

Nostraque longinquus viscera piscis edet:

Sive peregrinæ carpent mea membra volucres;

Sive meo tingent sanguine rostra lupi:

Sive aliquis dignatus erit supponere terræ,

Et dare plebeio corpus inane rogo.

Quidquid ero, Stygiis erumpere nitæ ab oris,

Et tendam gelidas ultor in ora manus.

Me vigilans cernes: tacitis ego noctis in umbris

Excitiam somnos, visus adesse, tuos.

Denique quidquid ages, ante os oculosque volabo;

Et querar, & nulla sede quietus eris.

Verbera torta dabunt sonitum; nexæque colubris

Conscia fumabunt semper ad ora faces.

His vivus furiis agitabere: mortuus isdem.

Et

Et brevior pœna vita futura tua est.
 Nec tibi contingent funus lacrymæque tuorum.
 Indeploratum projicere caput.
 Carnificisque manu populo plaudente traheris ;
 Infixusque tuis ossibus uncus erit.
 Ipsæ te fugient , quæ carpunt omnia , flammæ :
 Respuet invisum iusta cadaver humus.
 Unguibus & rostro tardus trahet ilia vultur ;
 Et scindent avidæ perfida corda canes.
 Deque tuo fiet licet hac sis laudè superbus)
 Insatiabilis corpore rixa lupis.
 In loca ab Elysiis diversa fugabere campis ;
 Quasque teret sedes noxia turba , coles.
 Sisyphus est illic saxum volvensque petensque ;
 Quique agitur rapidæ vinctus ab orbe rotæ :
 Quæque gerunt humeris penituras Belides undas ,
 Exfulis Ægypti turba cruenta nurus.
 Poma pater Pelopis præsentia quærit , & idem
 Semper eget , liquidis semper abundat aquis ;
 Jugeribusque novem qui summus distat ab imo ,
 Visceraque affiduz debita præbet avi.
 Hic tibi de Furiis scindet latus una flagello ,
 Ut sceleris numeros confiteare tui :
 Altera Tartareis sectos dabit anguibus artus :
 Tertia fumantes incoquet igne genas.
 Noxia mille modis lacerabitur umbra ; tuasque
 Æacus in pœnas ingeniosus erit.
 In te transcribet veterum tormenta reorum :
 Manibus antiquis caussa quietis eris.
 Sisyphæ , cui tradas revolvibile pondus , habebis :
 Versabunt celeres nunc nova membra rotæ ;
 Hic erit , & ramos frustra qui captet & undas
 Hic inconsumto viscere pascet avem.
 Nec mortis pœnas mors altera finiet hujus :
 Horaque erit tantis ultima nulla malis.
 Inde ego pauca canam ; frondes ut si quis ab Ida,
 Aut summam Libyco de mare carpat aquam.
 Nam neque quot flores Sicula nascantur in Hybla
 Quotve ferat dicam terra Cilissa crocos.
 Nec cum tristis hyems Aquilonis inhorruit alis ,
 Quam multa fiat grandine canus Athos.
 Nec mala voce mea possint tua cuncta referri ;
 Ora licet tribuas multiplicata mihi.

Tot tibi vix misero venient talesque ruinae,
Ut cogi in lacrymas me quoque posse putem.
Illæ me lacrymæ facient sine fine beatum ;
Dulcior hic risu tum mihi fletus erit.
Natus es infelix (ita Di voluere) ; nec ulli
Commoda nascenti stella levissime fuit.
Non Venus affulsit, non illa Jupiter hora :
Lunave non apto solve fuere loco.
Nec satis utiliter positos tibi præbuit ignes ,
Quem peperit magno lucida Maja Jovi.
Te fera, nec quicquam placidum spondentia, Martis
Sidera presserunt , falciferique sepis.
Lux quoque natalis [ne quid , nisi triste , videres]
Turpis & inductis nubibus atra fuit.
Hæc est , in Fastis cui dat gravis Allia nomen ;
Quæque dies Ibin publica damna tulit.
Qui simul impia matris prolapsus ab alvo.
Cinyphiam sædo corpore pressit humum ;
Sedit in adverso nocturnus culmine bubo ,
Funereoque graves edidit ore sonos.
Protinus Eumenides lavere palustribus ulvis ,
Qua cava de Stygiis fluxerat unda vadis ;
Pectoraque unxerunt Erebeæ felle colubræ.
Terque cruentatas increpuere manus :
Gutturaque imbuerunt infantia lacte canino.
Hic primus pueri venit in ora cibus.
Perbibit inde suæ rabiem nutricis alumnus :
Latrat & in toto verba canina foro.
Membraque vinxerunt tinctis ferrugine pannis,
A male deserto quos rapuere rogo.
Et , ne non sultum nuda tellure jaceret ,
Molle super filices imposuere caput.
Jamque recessuræ viridi de stipite factas
Admouunt oculis usque sub ora faces.
Flebat , ut est infans fumis contactus amaris ;
De tribus est cum sic una locuta soror :
Tempus in immensum lacrymastibi vovimus istas,
Quæ semper causa sufficiente cadant.
Dixerat. at Clotho jussit promissa valere :
Nevit & infausa stamina pulla manu.
Et ne longa suæ præfagia diceret horæ ;
Fata canet vates qui tua , dixit , erit.
Ille ego sum vates. ex me tua vulnera disces.
Di

Dī modo dent vires in mea verba suas.
 Carminibusque meis accedant pondera rerum ;
 Quæ rata per luctus experiare tuos.
 Neve sine exempli ævi cruciari prioris ;
 Sint tua Trojanis non leviora malis.
 Quantaque clavigeri præstantius Herculis hæres,
 Tanta venenato vulnera crure geras.
 Nec levius doleas , quam qui bibit ubera cervæ,
 Armatusque tulit vulnus , inermis opem.
 Quique ab equo præceps in Aleia decidit arva ;
 Exitio facies cui sua præne fuit.
 Id, quod Amyntorides, videas ; trepidumque ministro
 Præstentes baculo luminis orbus iter.
 Nec plus aspicias , quam quem sua filia rexit ;
 Expertus scelus est cujus uterque parens.
 Qualis erat , postquam est iudex de lite jocosa
 Sumtus , Apollinea clarus in arte senex.
 Qualis & ille fuit , quo præcipiente columba
 Est data Palladiæ prævia duxque rati.
 Quique oculis caruit, per quos male viderat aurum:
 Inferias nato quos dedit orba parens.
 Pastor ut Ætnæus , cui casus ante futuros
 Telemus Eurymedes vaticinatus erat.
 Ut duo Phinidæ , quibus idem lumen ademit ,
 Qui dedit : ut Thamyræ , Demodoque caput.
 Sic aliquis tua membra secet ; Saturnus ut illas
 Subsecuit partes , unde creatus erat.
 Nec tibi sit melior tumidis Neptunus in undis ,
 Quam cui sunt subitæ frater & uxor aves.
 Sollertique viro , laceræ quem fracta tenentem
 Membra ratis Semeles est miserata soror.
 Vel tua , ne pœnæ genus hoc cognoverit unus,
 Viscera diversis scissa ferantur equis.
 Vel quæ , qui redimi Romano turpe putavit ,
 A duce Puniceo pertulit, ipse feras.
 Nec tibi subsidio sit præsens numen : ut illi ,
 Cui mihi Hercei profuit ara Jovis.
 Utque dedit saltus è summo Thessalus Ossa ;
 Tu quoque saxoso præcipitere iugo .
 Aut velut Euryali , qui sceptrum cepit ab illo,
 Sint artus avidis anguibus esca tui.
 Vel tua maturet , sicut Minoia fata ,
 Per caput infusæ fervidus humor aquæ :
 Ut-

Utque parum miti, sed non impuere, Prometheus,
 Aerias volucres sanguine fixus alas.
 Ac, velut Etracides magno ter ab Hercule quintus,
 Cæsus in immensum projiciare fretum.
 Aut, ut Amyntiaden, turpi dilectus amore
 Oderit, & sævo vulneret ense puer.
 Nec tibi fida magis misceri pocula possint,
 Quam qui cornigero de Jove natus erat.
 More vel intereas capti suspensus Achæi,
 Qui miser aurifera teste pependit aqua.
 Aut ut Achillidæ cognato nomine clarum
 Opprimat hostili regula jacta manu.
 Nec tua, quam Pyrrhi, felicius ossa quiescant;
 Sparsa per Ambracias quæ jacuere vias.
 Nataque ut Æacidæ, jaculis moriariis adaectis:
 Non licet hoc Cereæ dissimulare nefas.
 Utque nepos dicti nostro modo carmine regis
 Cantharidum succos dante parente bibas.
 Aut pia te cæso dicatur adultera: sicut,
 Quæ cecidit Leucon vindice, dicta pia est.
 Inque pyram tecum carissima pignora mittas;
 Quam finem vitæ Sardanapallus habet.
 Utque Jovis Libyci templum violare parantes,
 Acta Noto vultus condut arena tuos.
 Utque necatorum Darei fraude secundi,
 Sic tua subsidens devoret ora cinis.
 Aut, ut olivifera quondam Sicyone fugato,
 Sit frigus mortis causa famisque tuæ.
 Aut, ut Atarnites, insutus pelle juvenci
 Turpiter ad dominum præda ferare tuum.
 Inque tuo thalamo ritu jugulere Pherzi:
 Qui datus est leto conjugis ense suæ.
 Quosque putas fidos, ut Larissæus Alevas,
 Vulnere non fidos experiare tuo.
 Utque Milon, sub quo cruciata est Pisa tyrannus,
 Vivus in occultas præcipiteris aquas.
 Quæque in Adimantum Phliasia regna tenentem
 Ab Jove venerunt, te quoque tela petant.
 Aut ut Amastriacis quondam Lenzus ab oris
 Nudus Achilleæ destituaris humo.
 Utque vel Eurydamas ter circum busta Thrasyll
 Est Larissæis raptus ab hoste rotis.
 Vel qui quæ fuerat tutatus moenia sæpe

Corpore lustravit non diuturna suo :
 Utque novum passa genus Hippomeneide pœnz ,
 Tractus in Aëtea fertur adulter humo ;
 Sic , ubi vita tuos invisa reliquerit artus ,
 Ultiores rapiant turpe cadaver equi .
 Viscera sic aliquis scopulus tua figat ; ut olim
 Fixa sub Euboico Graja fuere sinu .
 Utque ferox periit & fulmine & æquore raptor ;
 Sic te mersuras adjuvet ignis aquas ,
 Mens quoque sic Furiis vecors agitetur , ut illi
 Unum cui toto corpore vulnus erat .
 Utque Dryantidæ Rhodopeja regna tenenti ,
 In gemino dispar cui pede cultus erat .
 Ut fuit Oetzo quondam , generoque draconum ,
 Tisamenique patri , Callirhoesque viro .
 Nec tibi contingat matrona pudicior illa ,
 Qua potuit Tydeus erubuisse nuru .
 Quæque sui Venerem junxit cum fratre mariti ,
 Locris in ancillæ dissimulata necem .
 Di quoque tam faciant possis gaudere fideli
 Coniuge , quam Talai Tyndareique gener .
 Quæque parare suis letum patruelibus ausæ
 Belides assidua colla premuntur aqua .
 Byblidos & Canaces , sicut facit , ardeat igne ,
 Nec , nisi per crimen , sit tibi nota soror .
 Filia si fuerit ; sit quod Pelopea Thyestæ ;
 Myrrha suo patri , Nyctimeneque suo .
 Neu pia , neve magis capiti sit fida paterno ,
 Quam tibi vel , Pterela , vel tibi , Nise , fuit .
 Infamemque locum sceleris quæ nomine fecit ,
 Pressit & indutis membra paterna rotis .
 Ut juvenes pereas , quorum fastigia vultus
 Olim Pisces sustinuerunt foris .
 Ut qui perfusam miserorum sæpe procorum
 Ipse suo melius sanguine tinxit humum .
 Proditor ut sævi periit auriga tyranni ,
 Qui nova Myrtoæ nomina fecit aque .
 Ut qui velocem frustra petiere puellam ;
 Dum capta est pomis tardior illa tribus .
 Ut qui testæ novi formam celantia monstri
 Intrarunt cæcæ non redeunda domus .
 Ut quorum Æacides misit violentus in altæ
 Corpora cum senis altera fœna rogos .

Ut quos, obscuro lufos ambagibus oris ,
Legimus infandæ Sphingæ dediffe neci .
Ut qui Bistoniz templo cecidere Minervæ :
Propter quod facies nunc quoque testis Dææ est .
Ut qui Threicii quondam præsepia regis
Fecerunt dapibus sanguinolenta suis .
Therodamantæos ut qui pavere leones :
Quique Thoontæ Taurica sacra dææ .
Ut quos Scylla vorax , Scyllæque adversa Charyb-
dis ,
Dulichiz pavidos eripuerunt rati :
Ut quos dimisit vastam Polyphemus in alvum ,
Ut Læstrygonias qui subiere domos .
Ut quos dux Pœnus mersit putealibus undis ,
Et jacto canas pulvere fecit aquas .
Sex bis ut Icaridos famulæ periire procique ,
Inque caput domini qui dabat arma procis .
Ut jacet Aonio luctator ab hospite fusus ,
Qui (mirum) victor , cum cecidisset , erat .
Ut quos Antæi fortes pressere lacerti ;
Quosque feræ morti Lemnia turba dedit .
Ut qui post longum sacri monstrator iniqui
Elicuit pluvias victima cæsus aquas .
Frater ut Antæi , quo sanguine debuit , aras
Tinxit ; & exemplis occidit ipse suis .
Ut qui terribiles pro gramen habentibus herbis
Impius humano viscere pavit equos .
Ut duo diversis sub eodem vindice cæsi
Temporibus Nessus , Dexameneque gener .
Ut pronepos, Saturne, tuus, quem reddere vitam
Urbe Coronides vidit ab ipse sua .
Ut Sinis , & Sciron , & cum Polypemone natus ,
Quique homo parte sui , parte juvenis erat .
Quique trabes pressas ab humo mittebat in auras ,
Æquoris aspiciens hujus & hujus aquas .
Quæque Ceres vidit læto pereuntia vultu
Corpora Thesea Cercyonæa manu .
Hæc tibi, quem meritis precibus mea devovet ira ,
Eveniant , aut his non leviora malis .
Qualis Achæmenides Sicula desertus in Æthra ,
Troica cum vidit vela venire , fuit .
Qualis erat nec non fortuna binominis Iri ,
Quique tenent pontem , quæ tibi peior erit .

Filius & Cereris frustra tibi semper amotur ;
Destituatque tuas usque petitus opes .
Utque per alternos unda labente recursus
Subtrahitur presso mollis arena pedi ;
Sic tua nescio quo semper fortuna lique scat :
Lapsaque per medias effluat usque manus .
Utque pater solitz varias mutare figuras
Plenus inextincta deficere fame .
Nec dapis humanz venient fastidia , quaque
Parte potes , Tydeus temporis hujus eris .
Atque aliquid facias , à vespere rursus ad ortus
Cur externati Solis agantur equi .
Fœda Lycaoniz repetes convivia mensz ,
Tentabisque cibi fallere fraude Jovem .
Teque aliquis posito tentet vim numinis opto ,
Tantalides tu , us , Tereidesque puer .
Et tua sive latos spargantur membra per agros ;
Tanquam quz patrias detinuerè vias ,
Ære Perilleo veròs imitere juvenços ,
Ad formam tauri conveniente sono .
Utve ferox Phalaris , lingua prius ense resecta ,
More bovis , Paphio clausus in ære gemas .
Dumque redire voles ævi melioris in annos ,
Ut vetus Admeti decipiare facer .
Atque eques in mediis mergare voragine cœni ,
Dummodo sint fati nomina nulla tui .
Atque utinam pereas , veluti de dentibus orti
Sinodia , jactis Graja per arva manu .
Et quz Penthides fecit , fraterque Medusz ,
Eveniant capiti vota sinistra tuo ,
Et quibus exiguo volucris devota libello est ,
Corpora projecta quz sua purgat aqua .
Vulnera totque feras , quot dicitur ille tulisse ,
Cujus ab inferiis culter abesse solet .
Attonitusque feces , ut quos Cybeleia mater ,
Incitat ad Phrygios vilia membra modos .
Deque viro fias nec scœmina nec vir , ut Attys ;
Et quatiàs molli tympana rauca manu .
Inque pecus subito Magnz versare Parentis ,
Victor ut est celeri victaque versa pede .
Solaque Limone pœnam ne senserit illam ,
Et tua dente fero viscera carpat equus .
Aut , ut Cassandra , domino non mitior illo .

Saucius ingesta contumuleris humo.
 Aut, ut Abantiades, aut ut Cygneius heros,
 Clausus in æquoreas præcipiteris aquas.
 Victima vel Phœbo sacras masteris ad aras,
 Quam tulit à sævo Theudotus hoste necem.
 Aut te devoveat, certis Abdera diebus,
 Saxaque devotum grandine plura petant.
 Aut Jovis infesti telo feriare trifulco:
 Ut satus Hipponoo, Dosithoesque pater.
 Ut soror Autonoes, ut cui matertera Maia est,
 Ut temere optatos qui male rexit equos.
 Ut ferus Æolides, ut sanguine cretus eodem,
 Quo genita est, liquidis quæ caret Arctos aquis.
 Ut Macedo rapidis ista est cum conjuge flammis;
 Sic precor ætherei vindicis igne cadas.
 Prædave sis illis, quibus est Latonia Delos
 Ante diem rapto non adeunda Thraso.
 Quique verecundæ, speculantem labra Dainæ,
 Quique Crotopiaden diripiere Linon.
 Neve venenato levius feriaris ab angue,
 Quam senis Oeagri Calliopeque, nurus;
 Quam puer Hypsipyles; quam qui cava primus acuta,
 Cuspide suspecti robora fixit equi.
 Neve gradus adeas Elpenore cautiùs altos:
 Vimque feras vini, quo tulit ille modo.
 Tamque cadas domitus, quam quisquis ad arma
 vocantem

Juvit inhumanum Thiodamanta Dryops.
 Quam ferus ipse suo periit mactatus in antro.
 Proditus inclusæ Cacus ab ore bovis.
 Quam qui dona tulit Lermæo tincta veneno,
 Euboicasque suo sanguine tinxit aquas.
 Vel de præcipiti venias in Tartara saxo,
 Ut qui Socraticum de nece legit opus.
 Ut qui Theseæ fallacia vela carinæ.
 Vidit: ut Iliacæ missus ab arce puer.
 Ut teneri nutrix, eadem matertera, Bacchi:
 Ut cui causa necis ferra reperta fuit.
 Lydia se scopulis ut virgo misit ab altis,
 Dixerat invito quæ mala verba deo.
 Fœta tibi occurrat patrio popularis in arvo,
 Sitque Paphagæ causa læna necis.
 Quique Lycurgidem letavit & arbore natum,


Idmonaque audacem, te quoque rumpat aper,
 Isque vel ex animis faciat tibi vulnus: ut illi,
 Ora super fixi quem cecidere suis.
 Sive idem simili pinus quem morte peremit:
 Phryx & venator sis Berecynthiades.
 Si tua contigerit Minoas puppis arenas;
 Te Corcyrazum Cressia turba putet.
 Lapsuramque domum subeas; ut sanguis Alevz:
 Stella Leoprepide cum fuit equa viro.
 Utque vel Evenus torrenti flumine merfus
 Nomina des rapide, vel Tyberinus, aque.
 Astacideque modo decisa cadavere trunco,
 Digna feris, homini sit caput esca tuum.
 Quodque ferunt Brotean fecisse cupidine mortis,
 Des tua succensę membra cremanda pyre.
 Inclususque necem cavea patiaris, ut ille
 Non profecturę conditor historię.
 Utque repertori nocuit pugnacis Jambi,
 Sic sit in exitium lingua proterva tuum.
 Utque parum stabili qui carmine læsit Athenas,
 Invisus pereas deficiente cibo.
 Utve lyre vates fertur periisse severę;
 Causa sit exitii dextera læsa tui.
 Utque Agamemnonio vulnus dedit anguis Orestę;
 Tu quoque de morfu virus habente cadas.
 Sit tibi conjugii nox prima novissima vite.
 Eupolis hoc periit & nova nupta modo.
 Utque cothurnatum cecidisse Lycophrona narrant;
 Hæreat in fibris fixa sagitta tuis.
 Aut lacer in silvis manibus spargare tuorum:
 Sparsus ut est Thebis angue creatus avo.
 Perque feros montes tauro rapiente traharis:
 Ut tracta est conjux imperiosa Lyci.
 Quodque suę passa est pellex invita sorori,
 Excidat ante pedes lingua resecta tuos.
 Conditor ut tardę læsus cognomine Myrrhę,
 Orbis in innumeris inveniare locis.
 Inque tuis opifex, vati quod fecit Achęo,
 Noxia luminibus spicula condat apis.
 Fixus & in duris carparis viscera saxi:
 Ut cui Pyrrha sui filia fratris erat.
 Ut puer Harpagides referas exempla Thyestę;
 Inque tui cæsus viscera patris eas.


Trunca gerās saxo mutilatis partibus ense,
Qualia Mimnermi membra fuisse ferunt.
Utve Syracosio præstricta fauce poetæ,
Sic animæ laqueo sit via clausa tuæ.
Nudave derepta pateant tua viscera pelle;
Ut Phrygium cujus nomina flumen habet.
Saxificæ videas infelix ora Medusæ,
Cephenum multos quæ dedit una neci.
Potniadum morsus subeas, ut Glaucus, equarum:
Inque maris salias, Glaucus ut alter, aquas.
Utque duobus idem dictis modo nomen habenti,
Præfocent animæ Gnosia mellaviam.
Sollicitoque bibas, Anyti doctissimus olim
Imperturbato quod bibit ore reus.
Nec tibi, siquid amas, felicius Hæmone cedat;
Utque sua Macareus, sic potiare tua.
Vel videas, quod jam, cum flammæ cuncta tenerent,
Hectoreus patria vidit ab arce puer.
Sanguine probra luas, ut avo genitore creatus;
Per facinus soror est cui sua facta parens.
Ossibus inque tuis teli genus hæreat illud,
Traditur Icarii quo cecidisse gener.
Utque loquax in equo est elisus guttur acerno,
Sic tibi claudatur pollice vocis iter.
Aut ut Anaxarchus pila minuaris in alta,
Jactaque pro solitis frugibus ossa sonent.
Utque patrem Psamathes, condat te Phœbus in ima
Tartaræ; quod natæ fecerat ille suæ.
Inque tuos ea pestis eat, quam dextra Choroebi
Vicit, opem miseris Argolicisque tulit.
Utque nepos Æthræ, Veneris periturus ob iram,
Exsul ab attonitis excutiaris equis.
Propter opes magnas ut perdidit hospes alumnum;
Perdat ob exiguas te tuus hospes opes.
Utve ferunt fratres sex cum Damascithone cæsos;
Intereat tecum sic genus omne tuum.
Addidit ut fidicen miseris sua funera natis;
Sic tibi sint vitæ tædia iusta tuæ.
Utve soror Pelopis, saxo dureris oborto,
Et læsus lingua Battus ab ipse sua.
Aera si misso vacuum jaculabere disco;
Quo puer Oebalides, ictus ab orbe cadas.
Si qua per alternos pulsabitur unda lacertos,
Omnia

Omnis Abydena sit tibi peior aqua.
 Comicus ut mediis periit, dum nabat, in undis;
 Et tua sic Stygius strangulet ora liquor.
 Aut ubi ventosum superaris naufragus æquor,
 Contacta pereas, ut Palinurus, humo,
 Utque cothurnatum vatem tutela Dianæ,
 Dilanient vigilum te quoque turba canum.
 Aut tu Trinacrii salias super ora gigantis,
 Plurima qua flammæ Sicanis Ætna vomit.
 Diripiantque tuos insanis unguibus artus
 Strymonis matres; Orpheos esse ratæ,
 Natus ut Althææ flammis absentibus arsit,
 Sic tuus ardeat stipitis igne rogos.
 Ut nova Phasiaca compressa est nupta corona,
 Utque pater nuptæ, cumque parente domus.
 Ut eror Herculeos abiit diffusus in artus;
 Copora pestiferum sic tua virus edat.
 Qua sua Penthiden proles est ultæ Lycurgum,
 Hæc maneat teli te quoque plaga novi.
 Utque Milon, robur diducere fissile tentes;
 Nec possis captas inde referre manus.
 Muneribusque tuis lædaris, ut Icarus; in quem
 Intulit armatas ebria turba manus.
 Quodque dolore necis patriæ pia filia fecit,
 Vincula per laquei fac tibi guttur eant.
 Costructoque famem patiaris limine testis,
 Ut legem pœnæ cui dedit ipsa parens.
 Illius exemplo vires simulacra Dianæ,
 Aulidis à portu quæ leve vertit iter.
 Naupliæque modo flecto pro crimine pœnas.
 Morte luas; nec te non meruisse juvæt.
 Æthalion vita spoliavit ut Iſidis hospes,
 Quem memor à sacris nunc quoque pellit Iona.
 Utque Melanthea tenebris à cæde latentem
 Prodidit officio luminis orba parens;
 Sic tua conjectis fodiantur pectora telis;
 Sic precor auxiliis impedire tuis.
 Qualis equos pacto, quos fortis agebat Achilles,
 Acta Phrygi timido; nox tibi talis eat.
 Nec tu quam Rhesus somno meliore fruaris;
 Quam comites Rheso tum necis, ante viz:
 Ut quos cum Rutulo morti Rhamneta dederunt.
 Impiger Hyrtacides, Hyrtacidaeque comes.


Clinadæve modo circumdatus ignibus atris
Membra feras Stygiæ semicremata rati.
Utve Remo muros auso transire recentes ,
Noxia sint capiti rustica tela tuo.
Denique , Sarmaticas inter Geticasque sagittas ,
His precor ut vivas & moriære locis.
Hæc tibi tantisper subito sint missa libello ;
Immemores ne nos esse querare tui.
Pauca quidem , fateor ; sed Di dent plura rogatis,
Multiplicentque suo vota favore mea.
Postmodo plura leges ; & nomen habentia verum :
Et pede quo debent acria bella geri .


F I N I S.
















This book should be returned to the Library on or before the last date stamped below.

A fine of five cents a day is incurred by retaining it beyond the specified time.

Please return promptly.

